



Bodleian Libraries

UNIVERSITY OF OXFORD


This book is part of the collection held by the Bodleian Libraries and scanned by Google, Inc. for the Google Books Library Project.

For more information see:

<http://www.bodleian.ox.ac.uk/dbooks>



This work is licensed under a Creative Commons Attribution-NonCommercial-ShareAlike 2.0 UK: England & Wales (CC BY-NC-SA 2.0) licence.



~~K~~

Bull &
Hawashi
1050


h/588

Gough
Adm Oxford
8281 d.

1022







PARECBOLÆ

SIVE

EXCERPTA

E

CORPORE STATUTORUM

UNIVERSITATIS OXONIENSIS.

Handwritten text, possibly bleed-through from the reverse side of the page. The text is extremely faint and illegible.

PARECBOLÆ

SIVE

EXCERPTA

E

CORPORE STATUTORUM UNIVERSITATIS OXONIENSIS.

ACCEDUNT

ARTICULI RELIGIONIS XXXIX

IN ECCLESIA ANGLICANA RECEPTI :

NEC NON

Juramenta Fidelitatis et Suprematus.




IN USUM JUVENTUTIS ACADEMICÆ.

OXONII,

E TYPOGRAPHEO CLARENDONIANO.

MDCCCVIII.

George ...



ELENCHUS
TITULORUM, SECTIONUM, ET
PARAGRAPHORUM,

QUI IN CORPORE STATUTORUM CONTINENTUR.

TITULUS I.

De Terminis et Vacationibus.

- §. 1. De Terminorum numero, initio, et fine. Pag. 1.
2. De Precibus solennibus, ac Concionibus Latinis, initio cujusque Termini habendis. 2.

TITULUS II.

De Matricula Universitatis.

- *§. 1. De Matricula Universitatis custodienda.
*2. Matriculæ distributio in Capita.
3. De Tempore et Conditionibus Matriculationis. 4.
*4. De Officio Bedellorum circa Scholares Matriculandos.
5. De Officio Præfectorum circa Scholares matriculandos. 5.
*6. De Laicis ad Privilegia Universitatis admittendis.
*7. De Studiosorum et Privilegiatorum Servientibus Matriculandis.

ELENCHUS

- *8. De Burgenſibus ad Privilegia Univerſitatis admittendis.
- *9. De Privilegiis Univerſitatis, et Civitatis, ſimul non fruendis.
- *10. De Feudis Matriculandorum.
- *11. De Diſtributione Reditus e Feudis Matriculationis provenientis.

TITULUS III.

De Scholaribus in Collegia et Aulas Compellendis.

- §. 1. De Scholarium admiſſione in Collegia et Aulas. Ne quis in domibus privatis victitet, aut hoſpitetur. 6.
- 2. Quales Tutores Scholaribus præficiendi ſint. 8.
- 3. De non migrando ſine venia ab uno Collegio vel Aula ad aliud. 9.

TITULUS IV.

De Lectoribus Publicis.

SECTIO I.

Statuta Specialia ad Lectores pertinentia.

- §. 1. De Lectoribus ad Lecturas adhuc indotatas deſignandis. 10.
- 2. De Prælectore Grammaticæ. 11.
- 3. De Prælectore Rhetoricæ. 12.
- 4. De Prælectore Dialecticæ. *ibid.*
- 5. De Prælectore Moralis Philoſophiæ. *ibid.*
- 6. De Prælectore Geometriæ. 13.
- 7. De Prælectore Aſtronomiæ. *ibid.*
- 8. De Prælectore Muſicæ, Doctoris Heather. 14.

TITULORUM, &c.

9. De Prælectore Naturalis Philosophiæ instituto per spectabilem virum D. Guil. Sedley. 14.
10. De Prælectore Metaphysicæ. 15.
11. De Prælectore Historices, per celeberrimum virum Guil. Camdenum instituto. *ibid.*
12. De Linguæ Græcæ Professore Regio. *ibid.*
13. De Linguæ Hebraicæ Professore Regio. 16.
14. De Regio Juris Civilis Professore. *ibid.*
15. De Prælectore Anatomices. 17.
16. De Regio Professore Medicinæ. 18.
17. De Prælectore S. Theologiæ, Dominæ Margaretæ Comitissæ Richmondiaë, Matris Regis Henrici Septimi. *ibid.*
18. De Regio S. Theologiæ Professore. *ibid.*
19. De Prælectore Botanices. 19.
20. De Prælectore Linguæ Arabicæ. *ibid.*
21. De Prælectore Poetices. 20.
22. De Prælectore Juris Anglicani, &c. *ibid.*

SECTIO II.

Statuta Lectores in genere spectantia.

- §. 1. Quod Lectores in propriis Personis legant. De substituendis aliis, loco ægro- tantium, aut absentium. De Mulctis. 21.
2. Ne quis Lectorum, quicquam cum fide Catholica, vel bonis moribus pugnans, doceat. 22.
3. De Philosophica Doctrina Veritati Theo- logicæ conformanda et attemperanda. *ibid.*

ELENCHUS

4. Prælectores sermonem inter legendum ne præcipitent : Auditorum dubiis, si qua fuerint, finita lectione satisfaciant. 23.
5. De eligendis publicis Lectoribus. *ibid.*

TITULUS V.

De Lectionum Publicarum Auditoribus.

- §. 1. Quod singuli Scholares peculiaribus Scholis contribuantur. 24.
2. Quod singuli Scholares Lectores suos (si qui fuerint ejusdem Domus) ad Scholas deducant. 24.
3. De modo, quo Auditores in Scholis se gerent, inter audiendum. 25.
4. De Multis Auditorum, a Lecturis publicis absentium. *ibid.*

TITULUS VI.

De Tempore ad Gradus capeffendos requisito, et Exercitiis pro Forma præstandis.

SECTIO I.

De Tempore et Exercitiis requisitis ad Gradum Baccalaurei in Artibus.

- §. 1. Quot anni, in audiendis publicis Lectoribus ponendi, requirantur ad Gradum Baccalaurei in Artibus. 26.
2. De Exercitiis præstandis pro Gradu Baccalaurei in Artibus. 27.
3. De Forma et Modo RESPONSIONUM. 29.
4. De Officio ac Cura Vice-Cancellarii et Procuratorum circa RESPONSIONES in Parvifo. 32.

TITULORUM, &c.

5. De tempore intra quod creandi sunt Sophistæ Generales. Formula creandi Generales. 33.
6. De LECTIIONIBUS Baccalaureorum Determinantium Quadragesimalibus frequentandis. 34.

SECTIO II.

De Tempore et Exercitiis requisitis ad Gradum Magistri in Artibus.

- §. 1. Quot anni, in audiendis publicis Lectori-
bus ponendi, requirantur ad Gradum
Magistri in Artibus. 35.
2. De Determinatione Quadragesimali. 36.
3. De Collectoribus Quadragesimalibus de-
signandis. *ibid.*
4. De Officio Collectorum. 37.
5. De Precibus et Concione Latina in die
Cinerum, sive Carnis-privii, habendis.
Et de Precibus habendis unoquoque
die Saturni, durantibus LECTIIONIBUS
Quadragesimalibus, in Choro Templi B.
Mariæ. Et de Junioris Procuratoris Ora-
tione ad Determinatores habenda. 38.
6. De Classibus Determinantium ordinandis:
et de tempore LECTIIONIBUS Quadra-
gesimalibus præstituto. 39.
7. De forma Determinationis Quadragesi-
malis. 40.

SECTIO III.

*De Tempore et Exercitiis requisitis ad Gradus in
Musica capeffendos.*

- §. 1. Quot anni ponendi sint in studio vel praxi

ELENCHUS

- Mufices, pro Gradu Baccalaureatus in
Mufica. 41.
2. De Exercitiis pro Gradu Baccalaurei in
Mufica præftandis. *ibid.*
3. Quot anni ponendi fint in ftudio vel praxi
Muficæ, pro Gradu Doctõris in Mufica.
42.
4. De Exercitiis per Inceptorem in Mufica
præftandis. *ibid.*

SECTIO IV.

*De Tempore et Exercitiis requisitis ad Gradus in
Jure Civili capeffendos.*

- §. 1. Quot anni, in audiendo Professore publico
Juris Civilis ponendi, requirantur ad
Gradum Baccalaurei in Jure Civili. 43.
2. Exercitia pro Gradu Baccalaureatus in
Jure Civili præftanda. *ibid.*
3. Quot anni, in audiendo publico Professore
Juris Civilis ponendi, requirantur ad
Gradum Doctõris in Jure Civili. 44.
4. Exercitia pro Gradu Doctõris in Jure Ci-
vili præftanda. 45.

SECTIO V.

*De Tempore et Exercitiis requisitis ad Gradus in
Medicina capeffendos.*

- §. 1. Quot anni, in audiendo publico Professore
Medicinæ ponendi, requirantur ad Gra-
dum Baccalaurei in Medicina. 46.
2. Exercitia pro Gradu Baccalaurei in Medi-
cina præftanda. *ibid.*
3. Quot anni, in audiendo publico Medicinæ
Professore ponendi, ad incipiendum in
Medicina requirantur. 47.

TITULORUM, &c.

4. Exercitia pro Gradu Doctoris in Medicina præstanda. 47.

SECTIO VI.

De Tempore et Exercitiis requisitis ad Gradus in Theologia capeffendos.

- §. 1. Quot anni, in audiendo publico Theologiæ Professore ponendi, requirantur ad Gradum Baccalaurei in S. Theologia. 48.
2. Exercitia pro Gradu Baccalaurei in S. Theologia præstanda. *ibid.*
3. Quot anni, in audiendo publico Theologiæ Professore ponendi, requirantur ad incipiendum in S. Theologia. 49.
4. Exercitia pro Gradu Doctoris in S. Theologia præstanda. *ibid.*

SECTIO VII.

Quomodo et unde computandum sit Tempus singulis Gradibus capeffendis præstitutum. 50.

TITULUS VII.

De Generali Inceptione in singulis Facultatibus, sive de Vesperis et Comitiiis.

SECTIO I.

Statuta specialia, ad Vesperias et Comitia pertinentia.

- §. 1. De Tempore Comitiorum. 52.
2. De Prælectionibus in Vesperis; et quod inceptores circumeant singulas Scholas. *ibid.*

ELENCHUS

3. De Disputationibus Vesperialibus. 54.
4. De Disputationibus Vesperialibus in Philosophia. *ibid.*
5. De conclusione Vesperiarum Philosophicarum : et de juramento inceptorum. *ibid.*
6. De Disputationibus Vesperialibus Juristarum. 55.
7. De Disputationibus Vesperialibus Medicorum. 56.
8. De Disputationibus Vesperialibus Theologorum. *ibid.*
9. De cœna Vesperiali. 57.
De ulteriori explicatione Statuti de cœna Vesperiali. 58.
10. De concionibus in die Dominico inter Vesperias et Comitias habendis. *ibid.*
11. De precibus solennibus, et oblationibus, in die Comitiorum. *ibid.*
12. Quem locum in Comitibus singulæ Facultates fortiantur. 59.
13. De Disputationibus Philosophicis in Comitibus. *ibid.*
14. De Actu Musico. 60.
15. De Disputationibus Comitibus in Medicina. *ibid.*
16. De Disputationibus Comitibus in Jurisprudencia. 62.
17. De Disputationibus Comitibus in Theologia. *ibid.*
18. De conclusione Comitiorum. 63.
19. De Congregatione, finitis Comitibus, habenda. *ibid.*
20. De Concione Latina, habenda die proximo post Comitias. *ibid.*

TITULORUM, &c.

SECTIO II.

Statuta Generalia ad Vesperias et Comitiam spectantia.

- §. 1. Designatio Aëtorum in Vesperias et Comitiam penes Procuratores est. 64.
2. Quæstiones in singulis Facultatibus, discutendæ in Vesperias et Comitiam, iudicio Congregationis approbandæ. 65.
3. De compescendis contumeliis in exercitiis Vespertialibus et Comitialibus. 66.
4. Habitus Vespertiales et Comitiales inceptorum in Artibus. *ibid.*
5. Habitus inceptorum in aliis Facultatibus. 67.
6. De Senioritate inceptorum in quaque Facultate. *ibid.*
7. De Sedilibus inceptorum et extraneorum non occupandis. 68.
8. De Vesperias et Comitiam a B. Virginis Mariæ Templo transfereñdis ad Ædificium seu Theatrum publicum, impensis et munificentia Reverendissimi in Christo Patris, Gilberti Archiepiscopi Cantuariensis nuperrime extractum; aliisque capitibus negotium istud concernentibus. 69.

TITULUS VIII.

De Disputationibus Ordinariis.

- §. 1. De Disputationibus ordinariis in S. Theologia. 71.
2. De Disputationibus ordinariis in Medicina. 72.

ELENCHUS

3. De Disputationibus ordinariis in Jurisprudencia. 73.
4. De Disputationibus Quodlibeticis habendis vice ordinariarum, in Artibus. *ibid.*
5. De Disputantibus per Bedellos præmonendis. 74.
6. Disputantium habitus. Præfandi leges. 76.
7. De Officio Vice-Cancellarii et Procuratorum, circa has Disputationes. *ibid.*
8. De mulctandis delinquentibus circa has Disputationes. *ibid.*

TITULUS IX.

De Congregationibus Magistrorum Regentium.

SECTIO I.

De tempore et negotiis Congregationum, et de personis ad eas spectantibus.

- §. 1. De Tempore Congregationum habendarum. 78.
2. De negotiis in Domo Congregationis tractandis. 79.
3. De personis ex quibus constat Congregatio; et penes quos fit potestas negandi quæ proponuntur. *ibid.*
4. De Magistris necessario Regentibus. 80.
5. Formula admittendi Magistros ad regendum. 81.
6. Qui sint Magistri Regentes ad placitum. *ibid.*

TITULORUM, &c.

SECTIO II.

De Examinandis Graduum Candidatis.

- §. 1. De Examinatoribus designandis, et juramento onerandis, per Seniores Procurores. 82.
2. De EXAMINATIONIBUS habendis, et de Candidatorum admiffione. 85.
3. De Forma et Modo Examinationis. 87.
4. De Officio ac Cura Vice-Cancellarii et Procuratorum circa Examinationes; et de Examinatoribus remunerandis. 93.

SECTIO III.

De Gratiis Petendis.

- §. 1. Condiciones præviæ ad petitionem gratiæ ex parte supplicis. 96.
2. Condiciones proponendi gratias. 97.
3. Formula generalis petendi gratias. 99.
4. Formulæ speciæles Gratiarum ad fingulos Gradus pertinentium. 100.
5. De gratiis simpliciter concedendis vel negandis. 105.
6. De suffragiis, in concedendis vel negandis gratiis, non revelandis. *ibid.*
7. De causa gratiæ ter negatæ ostendenda, statim post tertiam Congregationem finitam. 106.
8. Formula pronunciandi gratias concessas. *ibid.*

SECTIO IV.

De Dispensationibus.

- §. 1. De dispensationibus in venerabili Domo

ELENCHUS

- Congregationis proponendis. Formula supplicandi. 107.
2. De Materia Dispensabili, in qua Congregationi dispensare permissum est. 108.

SECTIO V.

De Præsentationibus Graduandorum.

- §. 1. De circuitione a præsentandis obeunda. 110.
2. De solenni processu præsentandorum ad Domum Congregationis. 112.
3. De subscriptione ante præsentationem exigenda 113.
4. Ceremoniæ, five ritus præsentationum. *ibid.*
5. Peculiares Formulæ præsentandi ad singulos Gradus. 114.

SECTIO VI.

De Juramentis Præsentandorum.

- §. 1. Statuta, in quæ singulos Præsentatos Jurejurando adiget Junior Procurator. Et admonitio de habitu Gradui competente. 117.
2. Statuta, in quæ singulos Præsentatos Jurejurando adiget Senior Procurator. 120.
3. Communis Formula singulos Præsentatos Juramento obstringendi. Et de Juramento Primatus Regii, et Fidelitatis, a singulis exigendo. 130.

TITULORUM, &c.

SECTIO VII.

De creatione et licentiatione præsentati per Vice-Cancellarium peragenda. 131.

SECTIO VIII.

De Incorporatione.

- §. 1. De incorporandis studiosis, ab aliis Academiis, huc adventantibus. 134.
2. Conditiones incorporandi alumnos Academiæ Oxoniensis, vel Cantabrigiensis, apud exterarum Academiarum Gradus capessentes. 136.
3. Quo loco et statu incorporati esse debent. *ibid.*

SECTIO IX.

De Licentiis concedendis.

- §. 1. De qualitate eorum, qui ad concionandum per universam Angliam licentiandi sunt. 137.
2. Formula petendi licentiam ad concionandum per universam Angliam. *ibid.*
3. Formula Literarum testimonialium. 138.
4. De qualitate eorum, qui ad praxin in Medicina licentiandi sunt. 139.
5. Formula petendi licentiam ad practicandum in Medicina. 140.
6. Formula Literarum testimonialium. *ibid.*
7. De qualitate et conditione licentiandi ad praxin Chirurgiæ. 141.
8. Formula Literarum testimonialium. 142.

ELENCHUS

TITULUS X.

De Magna Congregatione.

SECTIO I.

- §. 1. De Personis, ex quibus constat Magna Congregatio, sive Convocatio Magistrorum Regentium et non Regentium. 143.
2. De modo ad magnam Convocationem conveniendi. 146.

SECTIO II.

De negotiis in Domo Convocationis tractandis.

- §. 1. Enumeratio negotiorum, quæ ad Domum Convocationis spectant. 147.
2. De Statutis et Decretis in Domo Convocationis condendis et interpretandis. 148.
- *3. De Statutis Universitatis transcribendis et custodiendis.
4. De Materia dispensabili, in qua Convocationi dispensandi potestas permessa est. 149.
5. De Materia indispensabili, in qua Convocationi dispensare non permittitur. 151.
6. De electionibus in Domo Convocationis habendis. 152.
7. De Delegatorum nominatione et munere. 156.
- *De Delegatorum Preli nominatione et munere.
- *De Statis Delegatis pro Academia Privilegiis tuendis et conservandis,

TITULORUM, &c.

*De Statis Delegatis pro curatione et elocatione Terrarum ad Univerſitatem ſpectantium.

8. De Degradatione. 158.

TITULUS XI.

De Congregationibus et Convocationibus Statuta generalia.

- §. 1. Congregationibus alii neceſſario, alii libere interſunt; Convocationibus ſinguli, rite moniti, tenentur per fidem intereſſe. 160.
2. De ordine ſedendi in Convocatione et Congregatione. 161.
3. In Domo Congregationis et Convocationis Latino idiomate utendum. Loquendi modus, et vices ſervandæ. A contumeliis abſtinendum. *ibid.*

TITULUS XII.

*De Affimilationibus Parvis, ſeu Simile-
primo.*

Negotia huic conventui permiſſa, item interdita. 162.

TITULUS XIII.

De Hebdomadali et Ordinario Conventu Præfeſſorum Collegiorum et Aularum.
163.

TITULUS XIV.

De Veſtitu et Habitu Scholaſtico.

- §. 1. De veſtitu Præfeſſorum, Sociorum, et

ELENCHUS

- Scholarium Collegiorum; et de modo
in vestibus fervando a cæteris. 165.
2. De reprimendis et puniendis novos et in-
solitos habitus invehentibus. 166.
3. De habitu Academico singulis Gradibus
et Facultatibus competente. *ibid.*

TITULUS XV.

De Moribus Conformandis.

- §. 1. De reverentia juniorum erga seniores. 170.
2. De coercendis otiosis et male feriatis Scho-
laribus in civitate oberrantibus. 171.
3. Quod Scholares conventibus juridicis, qui
Sessiones et Affisæ vocantur, non inter-
fint. 172.
4. De domibus oppidanorum non frequen-
tandis. *ibid.*
5. De ænopolyis, five tabernis vinariis, po-
pinis, et diverforiis non frequentandis. 173.
6. De vehiculis. 174.
7. De nocturna vagatione reprimenda. 175.
8. De ludis prohibitis. 176.
9. De famosis libellis cohibendis. 178.
10. De contumeliis compescendis. 179.
11. De vi et injuria prohibenda. *ibid.*
12. De armis non gestandis. 181.
13. De conventiculis illicitis reprimendis. *ibid.*
14. De auctoribus et fautoribus diffensionis
puniendis. 182.
15. De oppugnatoribus et violatoribus publicæ
auctoritatis, et manutenentibus coer-
cendis. *ibid.*
16. De reprimendis sumptibus non Academi-
cis. 183.

TITULORUM, &c.

TITULUS XVI.

De Concionibus.

- §. 1. De Concionibus ante meridiem, diebus Dominicis intra Terminum, habendis. 186.
2. De Concionibus habendis ante meridiem diebus Dominicis extra Terminum, necnon Dominicis Quadragesimalibus et diebus Festis ante meridiem, ac Dominicis post meridiem per totum Annum. 187.
3. De Concionibus Quadragesimalibus ad Divi Petri in Oriente. 188.
4. De Concionibus quibusdam extraordinariis ad Ecclesiam B. Mariæ. *ibid.*
5. De Concionibus Anniversariis habendis extra Templum B. Mariæ. 190.
6. De Concionatoribus approbandis. 191.
7. De præmonendis Concionaturis, et pœna eorum qui deficiunt. *ibid.*
8. De selectis quibusdam Concionatoribus designandis. 192.
9. De Concionatoribus remunerandis. 194.
10. De Commemoratione publicorum Universitatis Benefactorum, præ Concionibus solennibus intra Universitatem habendis. 196.
11. De Offensionis et Diffensionis materia in Concionibus evitanda. 197.
12. De Officiis Divinis, seu Precibus solennibus juxta Liturgiam Ecclesiæ Anglicanæ, et Concionibus publicis, frequentandis. 198.

ELENCHUS

TITULUS XVII.

De Officiariis Universitatis.

SECTIO I.

De Cancellario Universitatis.

- *§. 1. De Cancellarii electione et admiffione.
- *2. De officio, auctoritate, et potestate Cancellarii.

SECTIO II.

- **De Senefballo et Sub-Senefballo Universitatis, eorumque electione et officio.*

SECTIO III.

De Vice-Cancellario.

- *§. 1. De Cancellarii Commiffario Generali, feu Vice-Cancellario ejusque nominatione, et admiffione; et de Deputatis ipfius.
- *2. De auctoritate et officio Vice-Cancellarii.
- *3. De Computo Vice-Cancellarii, ejusque Salario.

SECTIO IV.

De Procuratoribus Universitatis.

- *§. 1. De priftina Procuratores eligendi forma abrogata, et nova per Sereniff. REG. CAROLUM invec̄ta.
- *2. De novorum Procuratorum admiffione ad officia fua.
- *3. De officio et auctoritate Procuratorum.
- *4. De Famulis Procuratorum.
- *5. De Computo Procuratorum et Salario.

TITULORUM, &c.

SECTIO V.

- §. 1. De Nominatione et Officio Magistrorum Scholarum. 200.
2. De Magistris Scholarum et Procuratorum Deputatis remunerandis. 201.

SECTIO VI.

De Magistris vicorum designandis, et eorum officio.
203.

SECTIO VII.

**De Publico Oratore Universitatis.*

SECTIO VIII.

**De Clericis Mercatus.*

SECTIO IX.

**De Publico Archivorum Universitatis Custode.*

TITULUS XVIII.

De Ministris et Servientibus Universitatis.

SECTIO I.

**De Registrario Universitatis.*

SECTIO II.

**De Bedellis.*

- *§. 1. De Bedellorum electione.
*2. De Bedellorum officiis.
*3. De Bedellorum Baculis five Columnis quotannis deponendis, feu resignandis.

ELENCHUS

SECTIO III.

**De Stationario seu Virgifero Universitatis.*

SECTIO IV.

**De Clerico Universitatis; et Tintinnabulario ejusdem.*

SECTIO V.

**De Typographis Universitatis.*

SECTIO VI.

**De Ballivo Universitatis.*

TITULUS XIX.

De Feodis ad Universitatem, Officiarios, et servientes pertinentibus. 204.

TITULUS XX.

De Bonis et Locis publicis Universitatis.

- *§. 1. De Communi Ærario, et Bonis Universitatis in tuto custodiendis.*
- *2. De Chartis et Munimentis Universitatis custodiendis.*
- *3. De Sigillis Universitatis.*
- *4. De Scholis Publicis.*
- *5. De Bibliotheca.*
- 6. De platearum regimine.* 205.

TITULUS XXI.

De Judiciis.

§. 1. De jurisdictione Universitatis tuenda. 207.

TITULORUM, &c.

2. De Curia Commissarii five Vice-Cancellarii Universitatis. 208.
3. De Affectore, five Deputato Vice-Cancellarii. 209.
4. De Registrario Curiae Vice-Cancellarii. 210.
5. De Procuratoribus ad lites. 211.
6. De contumacia coercenda. *ibid.*
7. Cum reus comparuerit in Judicio, quid agendum. 212.
8. De modo procedendi in causis levioribus, et in causis quæ pecunia aestimandæ non sunt. 213.
9. De modo procedendi in causis gravioribus. *ibid.*
10. De modo procedendi in causis criminalibus. 214.
11. De incarceratione, custodiæ causa. *ibid.*
12. De iis qui majorum criminum suspitione tenentur. 215.
13. De reis, majorum criminum convictis. 216.
14. De iis qui de se justitiam fieri non permittunt. *ibid.*
15. De iis, qui Universitatis juribus ac privilegiis adversantur, discommunicandis, vel disprivilegiandis. 217.
16. De perturbatoribus pacis, five iis quorum appellationes recipiendæ non sunt. 218.
17. De causis in quibus dubitatur, utrum appellatio admittenda sit, necne. 220.
18. De appellationibus admittendis in causis civilibus perturbationi pacis annexis. 221.
19. Quo ordine appellandum sit. *ibid.*
20. De iudicibus delegatis in causis appellationum. 222.

ELENCHUS

21. De cautionibus ab appellanti-
bus deponendis penes Procuratores Universitatis,
priusquam inhibitionem obtineant. 223.
22. De modo procedendi in causis appella-
tionum. 225.
-


APPENDIX STATUTORUM,

In qua continentur,

- *Ordinatio Margaretæ Comitiss. Richmondiaë,
circa Lectorem in S. Theologia.
Statuta Bibliothecæ Bodleianæ.
§. 6. De modo studendi. Necnon de libris
in quarto et octavo. 227.
§. 12. De iis, quos studendi causa ad Biblio-
thecam admittere licet. 228.
Statutum novum de tempore aperiendi et
claudendi Bibliothecam Bodleianam.
232.
Statutum novum de necessitatibus Biblio-
thecæ Bodleianæ subveniendis. 234.
*Statuta Saviliana, de Professoribus Matheos.
*Dotatio Lecturæ Naturalis Philosophiæ per
D. Guil. Sedley.
*Statuta Doctoris White, de Lectore Moralis
Philosophiæ.
*Statuta Lecturæ Anatomicæ.
*Statuta Doctoris Heather de Praxi Musices
Hebdomadali.
ΕΠΙΝΟΜΙΣ, seu explanatio juramenti, &c.
236.

TITULORUM, &c.

Ordo five Series Electionis Procuratorum, &c.	240.
Statuta CAROLINA de Cyclo Procuratorio.	243.
*Statuta Aularia.	
Articuli Fidei et Religionis.	248.
Three Articles in the 36th Canon.	265.
Oath of Allegiance.	266.
Oath of Supremacy.	<i>ibid.</i>
Oath at the Matriculation of a Scholar.	<i>ibid.</i>
Oath at the Matriculation of a Privileged Person.	<i>ibid.</i>
Quid quisque præsentandus, ante præsentationem, legere teneatur.	268.



PARECBOLÆ

SIVE

EXCERPTA

E

CORPORE STATUTORUM

UNIVERSITATIS OXONIENSIS.



TITULUS I.

De Terminis et Vacationibus.

§. 1. *De Terminorum numero, initio, et fine.*

ORDINATUM est, quod Annus Academicus, prout sequioris Ævi consuetudo obtinuit, quatuor Terminos, in quibus omnes Actus Scholastici exercendi sunt, et totidem Vacationes contineat.

E quibus primus Terminus incipiet in crastino S. Dionysii, scilicet decimo Octobris, (in quo antiquitus Magistri Lectiones suas resumere solebant;) et octavo die ante Natalem Domini, scilicet decimo septimo Decembris, in crastino diei qui O Sapientia dici solet, terminabitur.

B

Secundus autem in crastino S. Hilarii, hoc est, decimo quarto Januarii, inchoabitur; et in Vigilia Dominicæ Palmarum desinet; ita tamen, quod Lectores seu Professores non teneantur legere tempore Quadragesimali.

Tertius autem die Mercurii post Dominicam in Albis, hoc est, decimo die post festum Paschatis, initium sumat; et in die Saturni proxime ante Pentecosten exeat.

Quartus die Mercurii post festum Pentecostes auspicetur; et continuetur ex prorogatione, virtute præsentis Statuti, (absque præjudicio vel incommodo Statutorum vel Consuetudinum alicujus Collegii vel Aulæ,) in diem Sabbati Comitum proxime sequentem; et ulterius, secundum beneplacitum Vice-Cancellarii, Procuratorum, et Magistrorum Regentium.

Quod si forte initium vel finis alicujus Terminum in diem Festum incidit, inchoatio vel terminatio ejusdem in diem immediate sequentem differatur. Proviso semper, quod si finis Terminum tertii in diem Festum incidit, Terminus iste in die antecedenti exeat.

Plenus autem Terminus, quoad exercitia in pleno Terminum per Statuta necessario præstanda, inchoari intelligendus est primo die Hebdomadæ sequentis primam Congregationem; utpote, si prima Congregatio fuerit die Lunæ, Dominica proxime sequens habeatur primus dies in pleno Terminum.

§. 2. *De Precibus solennibus, ac Concionibus Latinis, initio cujusque Terminum habendis.*

QUO auspiciatius simul et solennius Terminus quisque inchoetur, ordinatum est, quod post Preces publice secundum Liturgiam Ec-

clesiæ Anglicanæ in Ecclesia B. Mariæ Virginis celebratas, * Concio Latine ad Clerum habeatur.

Quam concionem S. Theologiæ Professores, et alii in Theologia Graduati Sacris Ordinibus initiati, seriatim obeant; aut alii illorum loco substituti, per Vice-Cancellarium approbandi. Proviso semper, quod nullus ad muneri prædicti functionem obeundam vice alterius quovismodo admittatur, nisi Sacris Ordinibus initiatus, quique in Theologia graduatus fuerit; aut saltem Artium Magister per quatuor annorum spatium a suscepto Magisterii gradu; quique insuper facultati Theologiæ nomen suum dederit.

Preces autem has publicas, tunc, atque etiam quacunque alia occasione habendas, ipse Cancellarius, aut ejus Vice-Cancellarius, sive Deputatus, aut aliquis alius e publicis S. Theologiæ prælectoribus, aut (aliquo ipsorum concionante) quicumque alius S. Theologiæ Doctor, Collegii alicujus aut Aulæ Præfectus, a Cancellario, Vice-Cancellario, aut ejus Deputato, substitutus perlegat, et reliqua ibidem in Officiis Divinis præstanda celebret ac peragat.

Duo autem e Magistris necessario Regentibus aut etiam non Regentibus, qui adfuerint, a Procuratoribus personaliter designati, et per Bedellum requisiti, Litaniam solenniter ac devote cantent; Chorus autem respondeat. Quod si quis requisitus recusaverit, mulctetur quinque solidis in usum Universitatis; et Procuratores e præsentibus alios usque designare teneantur, donec aliqui in se recipiant. Quod si neminem designare voluerint Procuratores, ipsi ad cantandum teneantur.

Demum post peractas Preces, finita etiam concione, ad sacram Synaxin decenter et reverenter celebrandam se accingant. Cui melioris notæ Academicos frequentes adesse, præter conscientiæ dictamen, publici exempli interest; sicut et singulos ceremoniis et Canonibus Ecclesiæ conformes se præstare interest Disciplinæ Ecclesiasticæ, contra quam ne quid peccetur, fedulo curabit Vice-Cancellarius.



TITULUS II.

De Matricula Universitatis.

§. 3. *De Tempore et Conditionibus Matriculationis.*

OMNES et singuli Studentes seu Scholares cujuscunque conditionis, intra quindenam postquam ad Universitatem accesserint, coram Cancellario ejusve Commissario matriculandos se fiant; nec, priusquam in Matriculam Universitatis relati fuerint, ullis Universitatis privilegiis aut beneficiis gaudeant. Quod si a Præfecto Domus suæ, ejusve Deputato legitime moniti, nihilo secius matriculandos sese non fiant, pro qualibet quindena suæ dilationis sex solidis et octo denariis ad usum Universitatis mulctentur.

Quotquot autem in Matriculam Universitatis redigendi accedunt, si decimum sextum suæ ætatis annum attigerint, Articulis fidei et reli-

gionis subscribant ; et de agnoscendo primatu Regiæ Majestatis, nec non de fidelitate Universitati exhibenda, ac Statutis, Privilegiis, et Consuetudinibus ejusdem observandis, juxta formam hæcenus usitatam, corporale juramentum præstent.

Quod si infra decimum sextum et supra duodecimum ætatis annum extiterint, Articulis Fidei et Religionis duntaxat subscribent, et in Matriculam redigentur.

Quod si duodecimum non excefferint, in Matriculam duntaxat referentur ; utrique tamen postmodo, ubi ad maturam ætatem pervenerint, qua cætera requisita præstare possint, tum demum ea præstare teneantur sub pœna non sistentium se matriculandos.

§. 5. *De Officio Præfectorum circa Scholares matriculandos.*

DECRETUM est, quod omnes et singuli Præfecti sive Magistri Collegiorum aut Aularum, (sive quocunque alio titulo ac nomine cognoscantur, aut censeantur) aut, ipsis absentibus, eorum Deputati, teneantur et obligentur, infra quindenam a tempore quo aliquis Scholarium sive Studentium in suum Collegium sive Aulam fuerit admissus, eundem Scholarem sive Studentem coram Cancellario, vel ejus Commissario qui pro tempore fuerit, personaliter sistendum curare, ut in Matriculam Universitatis nomen ejus debite referatur.

Una cum Matriculando accedat ipse Tutor, qui, fide sua data Universitati, conditionem Matriculandi, (utrum sc. Nobilis, Equitis, Doctoris, Armigeri, Generosi, an Plebeii Filius sit,) Vice-Cancellario bona fide prodere tenebitur.

Quod si Tutor recufaverit, Tutoris munere ipsi interdicatur.

Quod si quis Præfectus aut Magister, aut ejus Deputatus (postquam ipsi per Bedellum superiorem sive Theologiæ, sive Juris Civilis, innotuerit, Scholarem, vel Studentem suum infra tempus prædictum in Matriculam Universitatis relatum non esse,) eum ad comparandum, et ad cætera quæ requiruntur præstanda non compellat, (qui, vigore hujus Statuti, compellendi potestatem habeat) pro qualibet quindena suæ dilationis post monitionem sibi per Bedellum factam, tribus solidis et quatuor denariis ad usum Universitatis mulctetur.

TITULUS III.

De Scholaribus in Collegia et Aulas Compellendis.

§. I. *De Scholarium admissione in Collegia et Aulas. Ne quis in domibus privatis victitet, aut hospitetur.*

CUM ad eruditionem et ingenuam Disciplinam promovendam plurimum conducatur, ut Scholares non solum sub publico sed etiam sub privato regimine contineantur; Statutum est quod omnes Scholares cujuscunque conditionis, intra septimanam a primo ipsorum adventu ad Academiam, in aliquod Collegium aut Aulam admittantur; ubi continue victum sumere ac pernoctare teneantur, nec ullo modo ultra tempus prædictum (nisi ex gravi aliqua

et perurgenti" causa per Cancellarium aut ejus Vice-Cancellarium approbata) in domo privata cujusquam (sive Privilegiati, sive non) hospitentur aut victitent : sub pœna quod si quis in hoc deliquerit, pro eo tempore quo sic deliquerit, Universitatis Privilegiis non fruatur, et, crescente contumacia, pro arbitrio Cancellarii aut Vice-Cancellarii incarceretur, aut baniatur." Proviso semper, quod causa allegata, per Præfectum Domus, vel, eo absente, per ejus Deputatum, in Scheda aliqua Chirographo suo munita, Vice-Cancellario significetur. Quod si Vice-Cancellarius causam istam ratam habuerit, licentiam pro certo aliquo tempore, non autem indefinite, concedat; quo etiam in casu hanc licentiam, Chirographo suo munitam, una cum Scheda ad se delata, in Registro aliquo peculiari penes ipsum adservando inferendam curabit; quod Registerum in singulis Congregationibus præsto esse, ac demum, finito anno, ad succedentem Vice-Cancellarium transmitti oportet."

Quicumque vero alius (sive Privilegiatus, sive non) ultra tempus prædictum, Scholarem in domo sua commorari, victitare, vel pernoscitare permiserit (si prius admonitus fuerit) pro qualibet septimana Vice-Cancellario "ad usum Universitatis" decem solidos persolvere teneatur. Quod si quis per tres menses Scholarem in domo sua hospitari aut victum sumere permiserit; si Privilegiatus fuerit, Privilegiis Universitatis privetur: si Oppidanus, commercio cum Privilegiatis ei interdicator.

Proviso tamen, quod liceat Scholaribus in domibus quibusvis et tenementis, Collegiis vel Aulis annexis vel annectendis, in quibus

oppidani familiam non alunt, hospitari : dummodo in annectendis servetur hæc cautio ; ut ita fitæ sint, ut ad eas nullus pateat ingressus, nisi per commune Ostium Collegii, vel Aulæ. Cujus rei arbitrium et cura penes Cancellarium seu Vice-Cancellarium esto.

§. 2. *Quales Tutores Scholaribus præficiendi sint.*

STATUTUM est, quod Scholares in quolibet Collegio vel Aula, statim a primo eorum ad Academiam adventu, singuli suos Tutores habeant, donec ad gradum aliquem promoti fuerint ; vel saltem quatuor annos (ut in Jure Civili studentes) in Academia compleverint.

Et quod nullus pro Tutore se gerat, nisi qui sit in aliqua facultate graduatus, Vir Probitate et Eruditione perspecta, Religione sincerus, judicio Præfecti Collegii sive Aulæ (in qua degit) comprobatus ; vel, si circa hoc controversia oriatur, judicio Vice-Cancellarii approbandus.

Proviso insuper, quod, si per probationes legitimas innotescat Vice-Cancellario, cuiquam minus idoneo Tutoris munus fuisse demandatum, liceat Vice-Cancellario eidem Tutoris officio omnino interdicerere.

Tutor vero Scholares tutelæ et regimini suo commissos probis moribus imbuat, et in probatis authoribus instituat ; et maxime in rudimentis religionis et doctrinæ Articulis in Synodo *Londini* anno 1562. editis : ac pro virili suo disciplinæ in Ecclesia Anglicana publice receptæ eos conformes præstabit. Quod si quis in aliquo prædictorum deliquerit, arbitrio Cancellarii vel Vice-Cancellarii coerceatur.

Tutoris etiam muneri incumbit, quoad ea quæ ipsius oculis quotidie sese ingerere necesse est (qualia sunt Vestes, Ocreæ, Capillitium, &c.) Pupillos suos intra modum a Statutis præscriptum continere; quem si excefferint Pupilli, Tutor pro prima, secunda, et tertia vice qua deliquisse Pupillus deprehensus fuerit, sex solidis et octo denariis mulctabitur: quarta vero vice Tutoris munere ipsi interdicit Vice-Cancellarius.

§. 3. *De non migrando sine venia ab uno Collegio vel Aula ad aliud.*

STATUTUM est, quod non licebit alicui Collegii vel Aulæ Præfecto, quenquam Scholarem sponte sua ab aliquo Collegio vel Aula, sine venia Præfecti ejusdem sub Chirographo obtenta, discedentem, aut alias bona Præfecti cum venia recedentem, nullo tamen sub Chirographo ipsius obtento testimonio de honesta ac laudabili sua conversatione, in Collegium vel Aulam suam admittere, nisi causa recessus et migrationis suæ per Cancellarium Universitatis, qui pro tempore fuerit (vocato et audito Præfecto Domus a qua discedere cupit,) primitus fuerit approbata, sub pœna 40s. pro admissione cujusque Personæ sic admiffæ, a Præfecto Collegii five Aulæ exigendorum.

Quod si quis a Collegio aliquo vel Aula expulsus fuerit, (id quod ante cujusquam admissionem explorare tenentur Præfecti Ædium sub eadem pœna) nemo in Collegium vel Aulam suam eum admittat, donec Cancellarius, (causa expulsionis cognita, et pœna eidem pro arbitrio suo prius irrogata) admittendum censuerit, sub pœna 40 solidorum, pro quolibet Scholari con-

tra intentionem hujus Statuti admisso, Universitati a Præfecto, vel ejus Deputato, qui in hoc casu deliquerit, solvendorum; et sub pœna bannitionis infligenda Scholari, quem Vice-Cancellarius legitime expulsum judicaverit; quive (priusquam pœnam a Cancellario impostam subierit) in aliquod Collegium vel Aulam se admittendum procuraverit.

TITULUS IV.

De Lectoribus Publicis.

SECTIO I.

Statuta Specialia ad Lectores pertinentia.

§. I. *De Lectoribus ad Lecturas adbuc indotatas designandis.*

STATUTUM est, quod Lectores in Grammatica, Rhetorica, Logica, Metaphysica, ex Magistris Regentibus vel non Regentibus de biennio in biennium eligantur.

Visum est, potestatem Lectores istos eligendi esse penes quatuor Collegia, *viz.* duo illa unde præsentis anni Procuratores fuerint, et duo alia unde sequentis anni Procuratores futuri sunt. Ita quod duo illa Collegia unde fuerint præsentis anni Procuratores secundum senioritatem Procuratorum; reliqua duo, secundum ordinem senioritatis, quo ad concionandum citantur, permessa Lecturæ optione, singula unum Lectorem eligant seu designent. Quod si ha-

rum Lectorum quempiam fato fungi, aut Academia excedere, vel alias quoquo modo harum Lecturarum aliquam vacare contigerit, Electio Lecturæ sic vacantis esto penes Principales et Magistros Aulares. In singulis autem Ædibus pro electo habeatur is, in quem consenserint Præfectus, et major pars suffragantium; quos ejusdem conditionis esse oportet, quam Statuta Cycli Procuratorii requirunt. Quod si Præfectus, vel (eo absente, aut sede vacante) ejus vices gerens et major pars omnium suffragantium, intra septimanam Comitiam proxime sequentem in unum aliquem non consenserint, nec eam ob causam Electio absoluta fuerit, et ante horam nonam vespertinam die Saturni proximo post Comitiam Vice-Cancellario renuntiata; Collegium istud jus eligendi Lectorem ista vice amittet, et ad Vice-Cancellarium spectabit nominatio; qui intra triduum aptam et habilem Personam ex Aularum aliqua assumendam in Lectorem cooptabit. Qui sic electi in Scholis eisdem facultatibus et scientiis destinatis, temporibus inferius assignandis, diligenter legere teneantur.

§. 2. *De Prælectore Grammaticæ.*

PRÆLECTOR Grammatices bis in qualibet septimana, viz. die Martis et Veneris, hora octava matutina, publice Grammaticam legat lingua Latina; vel technice, e Prisciano, Lincro, aut alio probato Grammatices Authore; vel critice seu philologice, selectos aliquos Titulos, de antiquitatibus Græcis aut Romanis, explicet.

Hujus Lectionibus interesse et auscultare, omnes Scholares cujuscunque conditionis, per

annum integrum a primo ad Academiam adventu, teneantur.

§. 3. *De Prælectore Rhetoricæ.*

PRÆLECTOR Rhetoricæ item bis in quolibet septimana, viz. diebus Lunæ et Jovis, hora etiam octava matutina, publice exponat Rhetoricam Aristotelis, Ciceronis, Quintilianii, aut Hermogenis; quos inter se sic conferat, ut ex iis Artis præcepta in unum corpus redigat.

Ejus Prælectionibus Scholares itidem cujuscunque conditionis, per annum integrum a primo ad Academiam adventu, auscultare teneantur.

§. 4. *De Prælectore Dialecticæ.*

PRÆLECTOR Dialecticæ, diebus Lunæ et Jovis hora octava matutina, publice exponat aut Porphyrii Isagogen, aut quamcunque Logicæ Aristotelicæ partem; Textum dilucide ac breviter exponendo: nec diu immoretur quæstionibus circa methodum vel analysin Libri seu Textus, sed quæstiones ad materiam libri pertinentes rite eliciat, et succincte ac nervose discutiat.

Hujus Lecturæ Auditores sint singuli Scholares a primo anno completo, quousque ad Gradum Baccalaureatus in Artibus præsententur.

§. 5. *De Prælectore Moralis Philosophiæ.*

PRÆLECTOR Philosophiæ Moralis, diebus Martis et Veneris, hora octava matutina, Aristotelis Ethica ad Nicomachum, Politica, nec non Œconomica publice legat, Textum exponendo, et quæstiones prout e Textu Aristotelis emergunt, succincte discutendo.

Hujusque Lecturæ Auditores funto finguli Scholares a primo anno completo, quoad præsentati fuerint ad Gradum Baccalaureatus in Artibus.

§. 6. *De Prælectore Geometriæ.*

PRÆLECTOR Geometriæ secundum Statuta Saviliana bis in qualibet septimana legat, scilicet diebus Mercurii et Saturni, hora octava matutina, et qui per Statuta illa tenentur, Auditores funto; nempe omnes Scholares, post annum secundum completum ab adventu ad Universitatem, usque ad annum primum Baccalaureatus completum, sub pœna sex denariorum pro qualibet Lectione neglecta.

Et quia fieri potest, ut novi Auditores, indies accedentes, Professore Geometriæ, (interiorem Artis fortem tractantem) assequi nequeant; potestatem damus Professori Geometriæ, pro sua discretione cum novis Auditoribus, ad unum annum et non amplius, (sub Chirographo manu sua signato) pro absentia sua dispensare (nihil omnino a dictis Auditoribus pro dicta dispensatione, sub pœna perjurii exigendo.)

Locum et horam cujusque Lecturæ penes Universitatem esto statuere, et pro arbitrio mutare.

§. 7. *De Prælectore Astronomiæ.*

PRÆLECTOR item Astronomiæ Statuta Saviliana observet. Legat vero diebus Lunæ et Jovis, hora itidem octava matutina. Auditoresque ejusdem sint, qui iisdem Statutis designantur, nempe a primo anno Baccalaureatus completo usque ad plenam inceptionem in Artibus,

sub pœna sex denariorum pro qualibet Lectione neglecta.

§. 8. *De Prælectore Musicæ, Doctoris Heather.*

PRÆLECTOR Musicæ, a Gulielmo Heather Musices Doctore institutus, semel vel sæpius quolibet anni Termino, in Schola Musica, illius Artis Theoriam, inter horas octavam et nonam antemeridianas, legat. In Vesperiiis autem Comitiorum quotannis, inter horas nonam et decimam antemeridianas, (interposita Musicorum instrumentorum modulatione) vernacula lingua solennem etiam ibidem habeat Lectionem.

Hujus Lectoris annua Designatio penes Procuratores, si ante inchoatum Terminum in unum aliquem consenserint, alioqui penes Vice-Cancellarium, esto. Qui ad incrementum annui stipendii (trium sc. librarum) prædicto Lectori per Fundatorem allocati, quadraginta quinque solidos (Lectori Moralis Philosophiæ antehac numeratos) prædictis tribus libris per Procuratores adjiciendos recipiet.

§. 9. *De Prælectore Naturalis Philosophiæ instituto per spectabilem virum D. Guil. Sedley.*

LEGAT Prælector Naturalis Philosophiæ Aristotelis Physica, aut libros de Cælo et Mundo, aut de Meteoris, aut ejusdem Parva Naturalia, aut Libros de Anima, necnon Libros de Generatione et Corruptione, his in qualibet septimana in pleno Termino, diebus scilicet Mercurii et Saturni, hora octava antemeridiana. Auditores sint Artium Baccalaurei, iidem qui et Astronomiæ. Mulcta Prælectoris non le-

gentis esto decem solidi; Auditoris absentis quatuor denarii.

§. 10. *De Prælectore Metaphysicæ.*

PRÆLECTOR Metaphysicæ, bis in septimana, diebus scilicet Martis et Veneris, hora octava antemeridiana, Aristotelis Metaphysica legat; Textum quoad fieri potest dilucide exponendo, et quæstiones Metaphysicas, quæ apud Scriptores antiquos, et modernos agitantur, prout e Textu Aristotelis emergunt, succincte ventilando. Lecturæ suæ Auditores habeat Baccalaureos omnes quousque ad Gradum Magistrorum præsentati seu licentiati fuerint.

§. 11. *De Prælectore Historices, per celeberrimum virum Guil. Camdenum instituto.*

PRÆLECTOR Historices bis in qualibet septimana, diebus scilicet Lunæ et Veneris, inter horas primam et secundam post meridiem in Schola Historicæ designata, Lucium Florum, aut alios quosvis antiquioris et melioris notæ Historicos prælegat. Ejusque Lectiones frequentare teneantur singuli Artium Baccalaurei, post Quadragesimam immediate sequentem primæ Præsentationis suæ diem, donec ad Gradum Magisterii promoveantur: Item Juris Civilis Studiosi, quousque Baccalaurei Juris præsentati fuerint. Electio penes sit Domum Convocationis secundum Stat. Tit. X. Sect. II. §. 6.

§. 12. *De Linguae Græcæ Professore Regio.*

PROFESSOR Regius Linguae Græcæ, bis singulis septimanis, diebus scilicet Mercurii et Saturni, inter horas primam et secundam po-

meridianas, in Schola huic Lecturæ assignata, Homerum, Demosthenem, Isocratem, Euripidem, aut alium quemvis ex antiquioribus, et classicis Authoribus explicabit; quæcunque ad illius Linguae Grammaticen, et Sermonis proprietatem spectant, enarrando. Auditores sunt Scholares omnes post biennium completum ab adventu suo ad Academiam et deinceps Baccalaurei omnes, donec ad Magistralem Gradum proventi sint.

§. 13. *De Linguae Hebraicae Professore Regio.*

PROFESSOR Regius Linguae Hebraicae, bis singulis septimanis, diebus Martis et Jovis, inter horas primam et secundam pomeridianas in Schola huic Lecturæ assignata, e Sacrae Scripturae fontibus, quæcunque ad illius Linguae Grammaticam et Sermonis proprietatem pertinent, explicabit.

Ejus lectionibus intendant singuli Artium Baccalaurei, statim post Quadragesimam immediate sequentem primæ Præsentationis suæ diem, donec annum integrum a suscepto Magisterii Gradu compleverint; nisi quis rite, juxta statuta, inter Auditores Juris aut Medicinæ nomen suum, intra primum annum a suscepto Magisterii Gradu, profiteatur. Et hic annus in audienda lingua Hebraica collocatus, pro uno illorum septem, qui juxta statuta in audiendo S. Theologiæ Professore ponendi sunt, illis reputabitur.

§. 14. *De Regio Juris Civilis Professore.*

PROFESSOR Regius Juris Civilis, bis item in qualibet septimana, diebus scilicet Martis et Jovis, hora decima, in Schola huic Lecturæ af-

signata, quamlibet partem Corporis Juris Civilis exponet; eosque præcipue Titulos, qui ad usum et praxin in hoc Regno conducunt. Auditores habeat omnes, qui per Statuta Collegiorum Juri operam dare requiruntur, aut qui rite Juris studio nomina dederunt; donec ad Gradum Doctoris promoti fuerint, vel tempus in Academia compleverint, quo ad eundem Gradum promoveri possint.

§. 15. *De Prælectore Anatomices.*

PRÆLECTOR Anatomices leget modo et forma secundum ordinationes de eadem Lectura editas, et per Universitatem approbatas, sub pœnis in iisdem ordinationibus expressis, hoc est quolibet vere, publice monstrabit, docebit, tradet, situm, naturam, usum et officium partium corporis: et quovis Termino Academico S. Michaelis (horis consuetis Lecturæ Medicæ destinatis) leget super Sceletis.

Temporibus aliis intra Terminum, poterit Prælector (prout visum fuerit) plenius explicare partem aliquam vel particulam Anatomies, vel Sceleti.

Auditores necessarii dictarum Lecturarum erunt omnes Studiosi Medicinæ, et omnes Chirurghi in Universitate. Et unusquisque Studioforum Medicinæ, (non Licentiatorum ad practicandum in Medicina) et Chirurgorum, pro quavis absentia sua non approbata per Prælectorem, solvet duos solidos.

Unusquisque admittendus per Universitatem ad practicandum in Medicina, vel Chirurgia, priusquam gratiam suam proponat ad dictam licentiam obtinendam, testimonium afferet, vel fidem faciet, quod interfuerit uni saltem inte-

græ Dissectioni Anatomicæ, unigue integræ Lectioni de Sceleto ; nisi secum per Congregationem Regentium dispensetur.

§. 16. *De Regio Professore Medicinæ.*

PROFESSOR Regius Medicinæ, bis in qualibet septimana, viz. diebus Martis et Veneris, hora octava matutina, Hippocratem aut Galenum in Schola huic Lecturæ assignata legat. Ejusque Auditores sunt omnes in Medicina Studiosi et Baccalaurei, donec in eadem Facultate ad Doctoratus Gradum promoti fuerint ; vel tempus in Academia, quo ad Doctoratum promoveri possint, compleverint.

§. 17. *De Prælectore S. Theologiæ, Domine Margaretæ Comitissæ Richmondiæ, Matris Regis Henrici Septimi.*

ORDINATUM est, quod Lector Domine Margaretæ, ad instar aliorum Lectorum, bis in qualibet septimana, diebus scilicet Martis et Jovis, hora nona antemeridiana, in Schola Theologica aliquam Scripturæ partem exponet. Auditores sunt omnes in S. Theologia Baccalaurei, donec tempus compleverint, quo ad Doctoratum in eadem Facultate promoveri possint ; necnon omnes alii Scholares cujuscunque Collegii vel Aulæ, sive Socii sive Capellani, qui Sacros ordines susceperunt, donec præstitutum tempus excefferint.

§. 18. *De Regio S. Theologiæ Professore.*

PROFESSOR Regius S. Theologiæ, bis item in qualibet septimana, diebus scilicet Lunæ et Veneris, hora nona in Schola Theologica exponat aliquam Sacræ Scripturæ partem.

Auditores sunt omnes Magistri in Artibus post annum a tempore Inceptionis (nisi qui studio Juris aut Medicinæ rite et bona fide nomina dederunt) donec ad Gradum Doctoris in eadem Facultate promoti fuerint, vel tempus in Academia compleverint, quo ad Doctoratum promoveri possint.

§. 19. *De Prælectore Botanices.*

PRÆLECTOR Botanices Lectiones suas habeat in Schola Medicinæ, nec non in horto Botanico; et quandoquidem pro anni temperie plantæ temporibus minus stas florent et succrescunt, ad certos dies in iisdem enarrandis non tenetur.

§. 20. *De Prælectore Linguae Arabicæ.*

ARABICÆ Linguae Prælector temporibus vacationum, numerando a primo earum die, legat semel in qualibet septimana die Mercurii hora nona matutina. Item tempore Quadragesimæ legat semel in qualibet septimana, die eodem, hora vero octava matutina: Et si dies Mercurii festus sit, tum die Veneris. Per unius horæ spatium in Schola Lecturæ suæ assignata probati alicujus et antiqui Authoris opus interpretetur, in quo linguae proprietates, et sermonis elegantia elucet. Prælectionibus hisce interesse teneantur omnes Artium Baccalaurei quousque ad Magistralem Gradum promoti steterint in Comitibus. Item omnes Medicinæ Studiosi, donec Baccalaurei in eadem Facultate præsentati fuerint. Sed et aliis quibuscunque eadem audiendi potestas sit.

§. 21. *De Prælectore Poeticæ.*

LEGET Prælector in Schola Naturalis Philosophiæ primo quoque die Martis in pleno Termino, hora duodecima: quod si in diem prædictum Festum aliquod inciderit, leget die Jovis proxime sequenti, hora locoque prædictis.

§. 22. *De Prælectore Juris Anglicani per spectatissimum virum Carolum Viner Armigerum, instituto.*

PRÆLECTOR, in singulis anni Academici Terminis, unam solennem Lecturam de Jure Anglicano, in Schola huic Studio designanda, horâ ante meridiem undecima, per se, vel idoneum Deputatum (per Domum Convocationis antea approbandum) sermone vernaculo diligenter leget. Quæ quidem Lectura primo die Lunæ in quolibet pleno Termino (nisi forsan hunc in diem Festum aliquod inciderit, et in eo casu die Mercurii proxime sequente) legetur; excepto tamen Termino S. S. Trinitatis, in quo propter Termini forensis vicinitatem, secundo die (vel si in eum Festum aliquod inciderit, primo die) Termini Academici dicta Lectura prælegetur. Præter quatuor has solennes Prælectiones, dictus Prælector quotannis (incipiendo a fine Termini S. S. Trinitatis) completam Prælectionum seriem de Jure Anglicano, in Schola huic usui destinanda, (aut in alio quovis loco cum approbatione Domini Vice-Cancellarii) per se, vel idoneum Deputatum, vernaculo sermone diligenter legere tenebitur. Quæ dicta Prælectionum series constabit sexaginta ad minus Prælectionibus, quæ sexaginta discretis diebus tempore Terminorum Academicorum le-

gentur : atque ita commodis intervallis distinguantur, ut non plures quam quatuor Lectiones singulis septimanis habeantur. Præmittatur etiam publica monitio unius ad minimum mensis, antequam dicta Prælectionum series inchoetur. Infuper dictus Prælector Scholares hujusce Foundationis gratis omnino instruet ; sed ab aliis Auditoribus tantum pecuniæ five præmii sibi vendicet, quantum Decreto Convocationis de tempore in tempus statuetur.

SECTIO II.

Statuta Lectores in genere spectantia.

§. 1. *Quod Lectores in propriis Personis legant. De substituendis aliis, loco ægrotantium, aut absentium. De Multis.*

ITEM Statutum est, quod quilibet Prælector seu Professor, in Schola Lecturæ suæ assignata, die et hora præstitutis (nisi in diem Lecturæ suæ destinatum Festum aliquod inciderit) ad tres usque horæ quartas, per se legat, non per alium, nisi ex causa infirmitatis, aut alia causa necessaria, per Cancellarium aut Vice-Cancellarium et Procuratores approbanda; quo in casu substituatur vir idoneus cum eruditione tum gradu, ab iisdem Cancellario vel Vice-Cancellario et Procuratoribus admittendus, et competenti salario, pro labore, eorum arbitrio remunerandus. Et in casu quo aliquis prædictorum Prælectorum aut Professorum secundum formam prædictam in legendo defecerit; pro quolibet vice, si Prælector fuerit, cui stipendium annuatim infra 40*l.* competit, quinque solidis;

cui autem stipendium 40*l.* vel supra, assignatum fuerit, decem solidis, Universitati applicandis, mulctetur: Professor autem Dominæ Margaretae Comitissæ Richmondiæ, sex solidis et octo denariis, Universitati applicandis, mulctetur.

§. 2. *Ne quis Lectorum, quicquam cum fide Catholica, vel bonis moribus pugnans, doceat.*

ITEM Statutum est, quod nullus Professor aut Prælector publicus, quicquam directe vel indirecte doceat vel dogmatice asserat, quod Fidei Catholicæ vel bonis moribus, ulla ex parte adversetur. Sed contra, quilibet eorum, quoties opportuna ei inter legendum offeretur occasio, Auditores suos ad sanam Doctrinam amplectendam et tuendam, atque ad honeste pieque vivendum adhortetur. Et, si quis eorum, Scholares sive Auditores suos aliquid minus sane atque sincere de Fide sentire cognoverit aut suspicetur, eos admoneat, atque ab erroribus ad veritatem revocare studeat. Quod si quis obstinate in aliquo errore perseveraverit, id Vice-Cancellario denunciare teneatur.

§. 3. *De Philosophica Doctrina Veritati Theologicæ conformanda et attemperanda.*

ITEM Statutum est, quod Prælectores Philosophiæ, quoties tractare eis contigerit Quæstiones de Deo, de Mundi Æternitate, de Immortalitate Animæ, et aliis id genus; semper eorum sententiam sequantur, qui de illis rebus minus a veritate Christiana dissentiunt. Quod si Philosophorum opiniones pietati alioquin contrariæ omnino fuerint, diligenter admoneant Scholares sive Auditores suos, de humani sensus imbecillitate ad illas res percipiendas, qua-

rum veritatem ex Divina Revelatione certo cognovimus; studeantque adolescentium animos quam maxime ab omni semper impietate avertere, et vera pietate imbuere.

§. 4. *Prælectores sermonem inter legendum ne præcipitent: Auditorum dubiis, si qua fuerint, finita lectione satisfaciant.*

CUM inanis plerumque et infructuosus esse soleat labor, qui Lecturis audiendis impenditur, nisi in subsidium memoriæ calamus advocetur; Statutum est, quod Lectores inter legendum sermonem minime præcipitabunt; sed ita singula proferent, ut Auditores ea commode scriptis excipere possint. Si secus fecerint, pœna esto pro arbitrio Vice-Cancellarii.

Finitis insuper Lectionibus, Professores aliquantisper in Scholis commorentur; et si aliquis Scholaris aut Auditor voluerit arguere contra ea quæ fuerint ab illis dicta inter legendum, vel alias de aliquo dubitet, illum benigne audiant, difficultatibusque et dubiis sibi motis satisfaciant.

§. 5. *De eligendis publicis Lectoribus.*

STATUTUM est, quod hujusmodi Lectores seu Professores publicos, quos eligendi, penes Domum Convocationis vel Congregationis, aut (ex speciali ordinatione Fundatoris Lecturæ cujusvis) penes alias quascunque Personas intra Universitatem, jus ac potestas fuerit; quod in locum Professoris seu Lectoris cujusvis quomodocunque vacantem, non subrogetur continuo, seu immediate, Successor ex eadem Domo, unde præcedens Lector seu Professor electus fuerat, si alterius cujuscumque, eidem muneri suffecturi,

ex alia Domo substituendi copia detur. Nisi forte per Fundatorem Lecturæ cujuscvis specialiter cautum fuerit, vel alias obtinuerit consuetudo, quod post exactum certum annorum curriculum hujusmodi Lecturæ præstitutum, liceat Electoribus eundem denuo ad eandem Lecturam adsciscere; quo in casu, eundem denuo eligere, non tamen alium quempiam ex eadem Domo subrogare licebit.

TITULUS V.

De Lectionum Publicarum Auditoribus.

§. 1. *Quod singuli Scholares peculiaribus Scholis contribuantur.*

CUM par sit, ut, qui Gradibus Academicis honestari cupiunt, eorum etiam diligentia, in cultu ingenii capeffendo, publice sit perspecta; Statutum est, quod singuli Scholares cujuscunque conditionis, a primo eorum adventu ad Academiam, ad certas aliquas Scholas, pro ratione temporis vel Gradus in Academia assignatas (prout in ordinationibus de Lectoribus publicis statuitur) pertineant. Quas, cum in iis Lectiones habentur, frequentare, et a principio ad finem, sub eadem pœna quæ prorsus absentibus incumbit, eisdem interesse, teneantur.

§. 2. *Quod singuli Scholares Lectores suos (si qui fuerint ejusdem Domus) ad Scholas deducant.*

STATUTUM est, quod quemlibet Prælectorem sive Professore publice prælecturum, Au-

ditores sui omnes, quotquot in eodem cum ipso Collegio vel Aula degunt (prout antiquitus fieri consuevit) ad Scholam suæ Lecturæ destinatam deducant ; et pariter, finita Lectione, ad Collegium vel Aulam suam reducant : qui secus fecerit, duobus denariis, ad usum Universitatis, mulctetur.

§. 3. *De modo, quo Auditores in Scholis se gerent, inter audiendum.*

QUISQUE, quamprimum Scholam suam intraverit, sedem aliquam capeffat, quoadusque sedilia suffecerint ; reliqui vero, quibus non est ubi sedeant, in eo loco, quem primum occupaverint, consistant : nec quisquam sedem aut stationem suam deserat, huc et illuc cursitando, aut obambulando, sed omnes per modestiam et silentium ad auscultandum Lectori, se attente componant ; et quotquot infra Gradum Magistralem sunt, scriptis excipiant ea quæ leguntur.

Insuper, quisque eum Authorem privatim et studiose perlegat, quem in quaque Facultate Professor publicus ad explicandum sumpserit.

Quoscunque in præmissis delinquentes Lector animadverterit, mulctam duorum denariorum, per Bedellum Facultatis, exigendi potestatem habeat.

§. 4. *De Mulctis Auditorum, a Lectionibus publicis absentium.*

ITEM Statutum est, absentes a Lectionibus quas audire tenentur, præterquam ex causa rationabili sub manu Præfecti alicujus Collegii vel Aulæ, sive ejus Deputati, testata, et per Vice-Cancellarium ac alterum Procuratorem approbanda, in hunc modum esse mulctandos.

26 *De Temp. ad Grad. cap. requisito, Tit. VI.*

Auditorum absentium a Lectura Regionum Professorum in Theologia, Medicina, et Jure Civili; necnon a Lectura Dominæ Margaretæ, mulcta esto 6*d.*

Auditorum absentium a Lectura Regionum Professorum Linguae Hebraicæ, vel Græcæ, mulcta esto 4*d.*

Auditorum in Artibus (exceptis Auditoribus Lectionum Savilianarum, qui secundum Statuta Saviliana mulctandi sunt) a Lecturis absentium, mulcta esto, Baccalaurei 4*d.* Scholaris 2*d.*

TITULUS VI.

De Tempore ad Gradus capeffendos requisito, et Exercitiis pro Forma præstandis.

SECTIO I.

De Tempore et Exercitiis requisitis ad Gradum Baccalaurei in Artibus.

§. 1. *Quot anni, in audiendis publicis Lectoribus ponendi, requirantur ad Gradum Baccalaurei in Artibus.*

STATUTUM est, quod Scholares in facultate Artium, antequam Gradum Baccalaureatus suscipiant, quatuor annos integros, five sedecim Terminos, numerandos a die Matriculationis, in Studio Artium, et in publicis Lectoribus, prout Statuta requirunt, diligenter audiendis, in Academia (hoc est, minime in domo privata cujusquam hospitantes seu victitantes, sed in

Tit. VI. et Exercitiis pro Forma præstandis. 27

Collegio vel Aula quapiam absque dolo malo degentes,) ponere teneantur; exceptis Filiis Baronum in superiori Domo Parliamenti suffragii jus habentium, ac Filiis natu maximis Baronetorum, et Equitum Auratorum; necnon Baronum Filiis ex Gente Scotica aut Hibernica; quibus indulget Academia, (modo ne Collegii alicujus Socii, aut Scholares sive Alumni, fuerint, ea etiam conditione, ut sub hujusmodi titulo in Matriculam Universitatis relati fuerint,) post integrum Triennium in Studiis Academicis completum (vel etiam Baronum Filiis, intra brevius temporis curriculum, si Cancellario videbitur) ut, præstitis Exercitiis ad eum Gradum requisitis, Gradum Baccalaurei in Artibus ambire possint.

§. 2. De Exercitiis præstandis pro Gradu Baccalaurei in Artibus.

STATUTUM est, quod priusquam quis ad Gradum Baccalaurei in Artibus admittatur, in Parvise semel Quæstionibus Magistrorum Scholarum respondeat.

RESPONSIONIBUS autem hisce assignentur in Termino Michaelis duæ Septimanæ a die vicesimo sexto mensis Octobris, duæ itidem in Termino Hilarii a die Mercurii Dominicam Septuagesimæ proxime sequenti, duæ insuper a die Lunæ post primam Dominicam in Termino Trinitatis, inclusive numerandæ. Qui autem in quovis trium horum Terminorum responsum sunt, nomina sua, vel per se, vel per Tutores suos, coram Procuratore Juniore profiteantur, in Registro peculiari penes ipsum asservato, et in Terminos hosce rite distributo, inserenda; hac tamen lege, nequis serius quam triduo (ita

ut tres dies integri supersint) ante **RESPONSIONES** inchoandas Procuratorem de hac re adeat.

Proviso semper, quod nemini **RESPONSIO** sua cedat pro forma ante inchoatum a tempore Matriculationis suæ sextum, nec post finitum nonum Terminum; exceptis iis quibus indulget Academia, ut integro triennio in Studiis Academicis completo ad Gradum promoveantur^a. Horum unicuique **RESPONSIO** sua cedat pro forma post inchoatum quartum Terminum, et ante septimum finitum, a tempore Matriculationis suæ computandum.

Si quis autem infirma valetudine aut gravi alia causa impeditus intra Terminos supra præfinitos non responderit, illi tamen licebit, cum consensu Vice-Cancellarii et Procuratorum, sequenti aliquo Termino respondere.

Nemo etiam ad respondendum admittatur, post Terminum Michaelis anno Millesimo Octingentesimo Nono, nisi qui **RESPONSIONIBUS** hinc uno saltem die per integrum tempus interfuerit: et quo unumquemque huic Statuto satisfecisse liquido appareat, dies quo interfuerit notetur, Testimonio ei perhibito ab uno ex Magistris Scholarum sub hac forma:

A. B. RESPONSIONIBUS in Parvise per integrum tempus interfuit, [die mensis et anni]

Ita testor. A. B.

Quod quidem Testimonium unusquisque per se, vel per Tutorem suum, teneatur exhibere, eo ipso tempore quo et nomen suum coram Juniore Procuratore profitetur; neque licebit Pro-

^a Vide Tit. VI. Sect. I. §. 1.

curatori, Testimonio isto non exhibito, aliquem in **RESPONDENTIUM** numerum referre.

Procurator autem Junior, ubi tandem, modo supra præscripto, de iis omnibus, qui in Terminò aliquo respondere velint, certior factus fuerit, tenetur statim nomina eorum in Schedulam referre, ferie Alphabetica; deinde Schedulam istam Chirographo suo munitam, et typis mandatam, sub hoc titulo [*Ordo RESPONDENTIUM Terminò A. D.*] ad Vice-Cancellarium, ad singulos Collegiorum et Aularum Præfectos, ad Procuratorem Seniore, ad singulos Magistros Scholarum, et ad cujuslibet Collegii vel Aulæ Refectorium tam publicum quam privatum Magistrorum deferri, et ostiis etiam Bibliothecæ Bodleianæ, Scholæ Metaphysices, et Apodyterii Venerabilis Domus Convocationis affigi, curabit: quæ omnia ita agenda sunt, ut, si fieri potest, bini dies integri inter Schedulam hanc publici juris factam et **RESPONSIONES** inchoandas interjiciantur.

Et hæc Scheda Procuratoria, modo et forma præscriptis publicata, pro omni qualicumque licentia, monitione, et notificatione, tam ab ipsis Scholarum Magistris, quam a **RESPONDENTIBUS**, habenda et accipienda est.

§. 3. *De Forma et Modo RESPONSIONUM.*

LOCUS hisce **RESPONSIONIBUS** assignetur Schola Metaphysices. In eam igitur Scholam Magistri Scholarum se conferant diebus in Terminis Michaelis, Hilarii, et Trinitatis, supra præscriptis, et hora decima matutina; et deinde continentur **RESPONSIONES** (donec de omnibus **RESPONDENTIBUS** provisum fuerit) a die in diem, nisi ob causam aliquam rationa-

bilem Magistris Scholarum aliter visum fuerit ; quo in casu monentur ut de die quem continuandis **RESPONSIONIBUS** destinaverint Academiam certiore faciant, Schedules monitoria ad Collegiorum et Aularum Præfectos deferenda, ad portam insuper Refectorii vel Promptuarii cujusque Collegii et Aulæ, et ad portam Scholæ Metaphysices, per Ædituum Universitatis ad minimum ante meridiem diei præcedentis affigenda. Formula verò Schedules hæc esto ;

RESPONSIONES *in Parvifo in diem*
prorogantur.

A. B.
C. D.

Hora autem decima matutina in **RESPONSIONIBUS** uniuscujusque diei incipiendis semper fervetur. Excepto quod in die aliquo festo **RESPONSIONES** non incipiantur nisi post concionem publice coram Universitate habitam.

RESPONDENTES vero juxta ordinem Schedules Procuratoriæ a Magistris Scholarum nominatim ad respondendum citentur. Qui citatus non adfuerit, nisi ex causa rationabili per Vice-Cancellarium approbanda, omni loco in **RESPONSIONIBUS** istius Terminii privetur ; neque ad respondendum in alio Terminio admittatur, nisi iterum coram Procuratore Juniore nomen suum professus fuerit ; et citetur proximus, sub eadem lege, et sic deinceps. Quod si Vice-Cancellarius causam aliquam absentiae ratam habuerit, extremus tamen locus in Schedules isti **RESPONDENTI** assignetur. Proviso semper, quod non plures quam Octo eodem die ad respondendum admittentur.

Quæstiones autem in quibus exercendi sunt **RESPONDENTES** ad **LITERAS HUMANIORES**, ad **RUDIMENTA LOGICES**, et **EUCLIDIS ELEMENTA GEOMETRIÆ** spectent. Per **LITERAS** vero **HUMANIORES**, quod ad has **RESPONSIONES** attinet, intelligimus Linguas Græcam et Romanam. Adhibentor igitur semper bini ad minimum Scriptores melioris ævi et notæ, (hoc est, unus ad minimum in utraque lingua,) quorum Interpretatio ad accuratam Grammatices normam exigatur.

Magistris Scholarum insuper explorandum incumbit, qua quisque polleat facultate animi sui fensa lingua Latina explicandi: id quod explorare poterunt, porrecto aliquo libro, lingua vernacula conscripto, e quo **RESPONDENS** oblatum quemcumque locum lingua Latina reddat; aut alio quocumque demum modo, prout ipsis commodius visum fuerit.

Cæterum quod ad **LOGICEN** et **GEOMETRIAM** attinet, Magistris Scholarum liberum esto vel in utraque Scientia, vel in una tantum, Quæstiones suas proponere.

Provisio semper, quod, in omni hoc negotio, licebit aut Latino aut Anglicano idiomate uti, prout Magistris Scholarum magis expedire videbitur.

Unoquoque autem die, ubi visum fuerit Magistris Scholarum nullum alium **RESPONDENTEM** isto die citare, palam declarabit Magister Scholarum Senior diem **RESPONSIONIBUS** continuandis destinatum. Et post finitas **RESPONSIONES** uniuscujusque diei alii omnes Schola excedant præter ipsos Magistros Scholarum, qui de **RESPONDENTIBUS** inter se iudicium ferent, ac quemcumque dignum inve-

32 *De Temp. ad Grad. cap. requisito, Tit. VI.*
nerint ei Testimonium perhibebunt sub his
verbis ;

A. B. [die mensis et anni] Quæstionibus Ma-
gistrorum Scholarum in Parvifo pro forma
respondit.

Ita testamur { *C. D.*
E. F.

Quod si forte contingat aliquem hujusmodi
Testimonio indignum reperiri, licebit tamen illi
in sequenti aliquo Termino, modo intra novem
menses, nomen suum coram Juniore Procura-
tore iterum profiteri, et sic deinceps.

§. 4. *De Officio ac Cura Vice-Cancellarii et*
Procuratorum circa RESPONSIONES in Par-
vifo.

QUO Statutum hoc in futurum sancte et
inviolabiliter observetur, Ordinatum est, quod
in singulis Terminis ad RESPONSIONES in
Parvifo destinatis Vice-Cancellarius saltem se-
mel, Procuratores vero, singuli bis ad minimum,
Exercitiis hisce interfint, exploraturi utrum
omnia rite et secundum Statuta peragantur.

Statutum est etiam, quod Scholaris unusquis-
que, cum inter RESPONDENTES refertur a Pro-
curatore Juniore, persolvat quindecim Solidos;
et quod hæ pecuniæ, finito anno, a Procuratore
ad Vice-Cancellarium deferantur.

Volumus insuper, quod Registrum peculiare
penes Magistros Scholarum in Schola Meta-
physices adservetur, in quo eorum omnium qui
Testimonium obtinuerint nomina unoquoque
die inferantur; ita ut, si de ista re quæstio ali-

quando oriatur, ad Registrum hoc perpetuo possit appellari.

Quoniam vero usu venit, ut dies et horas negotiis Academicis a Statutis destinatas mutare interdum commodius reperiat, fas sit Venerabili Domui Congregationis, ex causa rationabili per Vice-Cancellarium approbata, diem aliquem aut horam hoc Statuto præscriptam pro **RESPONSIONIBUS** habendis mutare. Proviso tamen, quod Vice-Cancellarius ante tri-duum Academiam certiore faciat, si quando hujusmodi rem ad Venerabilem Domum Congregationis referendam censuerit.

§. 5. *De tempore intra quod creandi sunt Sophistæ Generales. Formula creandi Generales.*

STATUTUM est, quod Scholares in facultate Artium, qui Quæstionibus Magistrorum Scholarum in Parvifo responderunt, post duos demum annos in Universitate completos, et non antea, Sophistæ Generales creentur.

Formula vero creandi Sophistas Generales hujusmodi esto; quolibet die Jovis, modo nefesto, in pleno Termino, hora decima matutina, Scholares prædicti, qui eo die Sophistæ Generales creari velint, in Scholam Philosophiæ Naturalis conveniant, ubi unus e Magistris Scholarum, (diebus inter se comparatis,) Suggestum ascendens, Seniori e creandis ad Suggestum adstanti Caputium simplex, neque pellibus lanatis subsutum, neque fimbria pellita prætextum, collo circumdabit, hac formula verborum adjecta, *Creo te Sophistam Generalem.* Reliquos deinde, ordine Senioritatis succedentes, eodem modo creabit. Proviso semper, quod si contigerit omnes Magistros Scholarum ab Academia

abesse, licebit alicui ex Procuratorum Deputatis Magistri Scholarum in hoc negotio partes sustinere.

Cauto tamen semper, quod quilibet Scholaris ante hanc creationem Testimonium RESPONSIONIS suæ in Parvulo sub Chirographo Magistrorum Scholarum exhibeat.

Statutum est insuper, quod non licebit Congregationi ex post facto cum quoquam, quominus modo prædicto Generalis fiat, dispensare.

§. 6. *De LECTIIONIBUS Baccalaureorum Determinantium Quadragesimalibus frequentandis.*

TENETUR quilibet Scholaris facultatis Artium bis ad minimum Baccalaureorum Determinantium LECTIIONIBUS per integrum tempus interesse. Et quo unumquemque huic Statuto satisfecisse liquido appareat, dies, quibus hisce LECTIIONIBUS interfuerit, in Registro peculiari notentur, Testimonio etiam ei perhibito ab uno aliquo Magistrorum Scholarum sub hac forma :

A. B. LECTIIONIBUS Baccalaureorum Determinantium per integrum tempus interfuit

1^{mo}. [die mensis et anni]

2^o.

Ita testor A. B.

Quod quidem Testimonium a Magistro Gratiam ipsius proponente ante Gratiae petitionem, vel a Magistro præsentante (si Candidatus pro Gratia non supplicet) ante præsentationem, palam in Domo Congregationis recitetur.

Ordinatum est insuper, quod Statutum hoc, de Exercitiis ad Gradum Baccalaurei in Artibus requisitis, vim et vigorem suum non obtinebit ante primum diem Termini Trinitatis anno Millefimo Octingentesimo Nono.

Denique ad tollendam omnem dubitationem expresse pronunciamus, quod exercitia cujuscumque nondum Graduati, qui nonum Terminum, a tempore Matriculationis suæ computandum, ante inchoationem Termini Trinitatis anno supra præscripto compleverit, virtute prioris aliqujus Statuti præstita, effectum habeant exercitiorum præsentis Statuti auctoritate requisitorum.

SECTIO II.

De Tempore et Exercitiis requisitis ad Gradum Magistri in Artibus.

§. I. *Quot anni, in audiendis publicis Lectoribus ponendi, requirantur ad Gradum Magistri in Artibus.*

A TEMPORE admissionis ad Gradum Baccalaurei, tenentur singuli in audiendis publicis Lectoribus sibi destinatis duodecim Terminos ponere; nec ante completum illud tempus, Gratiam suam petere cuiquam fas esto.

Quod si quis Exercitia ad Gradum Magistralem requisita præstiterit, et reliquum temporis spatium in bonarum literarum studio posuerit in alia quacunque Academia, licebit ei tempus id omne imputari, ac si in hac ipsa Academia fuisset insumptum: Constet id modo, ac testatum sit sub Sigillo, Academiæ, in qua se

36 *De Temp. ad Grad. cap. requisito, Tit. VI.*
studuisse profitetur, aut alioqui Testimonio fide digno.

§. 2. *De Determinatione Quadragesimali.*

STATUTUM est, quod quilibet Scholaris ad Gradum Baccalaurei præsentatus, nisi Gratia simpliciter eidem fuerit concessa, solenniter in sequenti Quadragesima Determinare teneatur; sub pœna, quod Gratia, prius eidem concessa, pro non concessa habeatur, nisi impedimentum aliquod contigerit per Vice-Cancellarium et Procuratores approbandum; quo in casu, ejus Determinationem in aliam Quadragesimam, sub pœna consimili tunc præstandam, differre liceat.

§. 3. *De Collectoribus Quadragesimalibus designandis.*

CUM multa antehac tumultuatio, circa electionem Collectorum Quadragesimalium, solita sit in Univerſitate contingere; juxta Statuta Regia, a Serenissimo Rege Carolo I. ad Univerſitatem transmissa, Decretum est, quod Procuratores pro tempore existentes, ex Baccalaureis Determinaturis, in Festo Ovorum duos ad hoc officium designabunt, singuli unum quem visum fuerit, in Collegio quocunque vel Aula degentem.

Si vero Procurator quivis circa collationem Officii Collectoris pretii accepti sive repetundarum convictus fuerit, idem eo ipso ab Officio suo submovebitur, et Feuda quæcunque, sive pecuniarum summas a Baccalaureis ejusdem Anni per eum acceptas, in usum Cistæ Academicæ, præsentis statuti vigore, refundere tenebitur.

Statutum est etiam, quod Collectores a Pro-

curatoribus designati in die designationis ad Officium admittantur. Admissi vero, ad Collegia et Aulas respective suas, sine strepitu, vel circumgestatione, se conferant; nec ullos omnino, in Collegiis, vel Aulis respective suis, vel alibi, computationibus excipiant, sub pœna amotionis statim ab Officio per Dominum Vice-Cancellarium: ita tamen ut, si quid tale evenerit, in locum Collectoris vel Collectorum, amoti vel amotorum, alius vel alii per Procuratorem vel Procuratores, qui respective amotum vel amotos nominavit vel nominarunt, substituantur, vel substituantur.

§. 4. *De Officio Collectorum.*

STATUTUM est, quod Collectores ea omnia facere et exequi teneantur, quæ ad Officium Collectorum spectant; id est, Baccalaureos Determinantes in classes distribuere, et singulis suas Scholas et dies assignare; ut quolibet die Lunæ, Martis, Mercurii, Jovis, Veneris (nisi festus dies inciderit) ab initio Quadragesimæ usque ad finem Termini, suis propriis vicibus, et quoties oportet, legant.

Collectorum autem, qui prius ad gradum Baccalaurei præsentatus et admissus est, Senioris locum occupet, nisi ad alterum, ratione promotionis, secundum Statuta, et consuetudines Universitatis, jus senioritatis pertinebit.

§. 5. *De Precibus et Concione Latina in die Cinerum, sive Carnis-privii, habendis. Et de Precibus habendis unoquoque die Saturni, durantibus LECTIIONIBUS Quadragesimalibus, in Choro Templi B. Mariæ. Et de Junioris Procuratoris Oratione ad Determinatores habenda.*

STATUTUM est, quod in die Cinerum, sive Carnis-privii, Preces et Concio Latina in Templo B. Mariæ Virginis habeantur, quibus interesse tenentur Baccalaurei Determinaturi, caputia (obverso Rhenone, seu pelle agnina,) gestantes, et pro more in scamnis Magistrorum sedentes. Statutum est etiam, prout ab antiquo consuetudo obtinuit, quod unoquoque die Saturni, a vigilia primæ Dominicæ in Quadragesima inclusive, usque ad vigiliam Dominicæ Palmarum inclusive, horam circiter octavam matutinam, singuli Baccalaurei Determinantes conveniant in Choro B. Mariæ Virginis, ad celebrandas Preces secundum Liturgiam Ecclesiæ Anglicanæ. A quibus siqui abfuerint, mulcta pro arbitrio Vice-Cancellarii, vel Procuratorum, ad usum Universitatis applicanda puniantur.

Post finitas vero Preces in Vigilia Dominicæ Palmarum, Junior Procurator ad Determinatores Orationem habeat, in qua tamen non solum, quod antiqui moris erat, ex Baccalaureorum Determinantium Exercitiis, sed etiam ex Scholarium RESPONSIONIBUS in Parvifera materiam sibi sumat.

§. 6. *De Classibus Determinantium ordinandis :
et de tempore LECTIÖNIBUS Quadragesimali-
bus præstituto.*

STATUTUM est, quod diebus Jovis et Veneris diem Cinerum, sive Carnis-privii, immediate sequentibus, tempore pomeridiano, hora prima, licebit Collectoribus, ob causam rationabilem a Vice-Cancellario approbandam, aliquos ex Baccalaureis Determinaturis ad Legendum pro forma extra ordinem vel classem assignare.

Classium autem hæc ratio esto. Qui in Schedulis Examinatorum Publicorum in primam vel secundam Classem relati fuerint, iis assignetur Schola Naturalis Philosophiæ, in qua LECTIÖNES suas habeant tempore antemeridiano, hora decima.

Cæteri in Scholis Naturalis Philosophiæ et Historiæ tempore pomeridiano, hora prima, LECTIÖNES suas habeant. Tempore autem antemeridiano non plures quam tres, pomeridiano non plures quam octo, in eadem Schola legant, exceptis diebus Jovis et Veneris diem Cinerum immediate sequentibus. Proviso semper, quod licebit Collectoribus, in diebus Jovis et Veneris diem Cinerum immediate sequentibus, LECTIÖNIBUS pomeridianis tres Scholas assignare, et Determinantium in singulis Scholis, si opus fuerit, numerum ultra octonarium provehere.

Ordo legendi a primo die Lunæ ipsius Quadragesimæ inchoetur, et usque ad diem Veneris inclusive qui proxime præcedit Dominicam Palmarum continuetur.

Proviso semper, quod nemo qui Gradum

Baccalaurei in Artibus post diem Cinerum susceperit ad determinandum in eadem Quadragesima admittatur.

§. 7. *De forma Determinationis Quadragesimalis.*

STATUTUM est, quod Baccalaurei Determinantes, singuli in Scholis et diebus sibi præstitutis, binas **LECTIONES**, soluto Sermone et Lingua Latina scriptas, habere teneantur, in quarum utraque Quæstio aliqua, vel in Literis Humanioribus, vel in Morali Philosophia, vel in Physicis, tractetur. Quæstio autem a Baccalaureo Determinante, triduo saltem ante diem **LECTIONI** ejus præstitutum, ad unum aliquem ex Magistris Scholarum deferatur, sub Chirographo ejus approbanda; quo nomine a singulis, utroque **LECTIONIS** suæ die, decem Solidos recipiet; quas omnes pecunias, finito anno, Magister Scholarum Senior Vice-Cancellario in manus tradere tenebitur.

Licebit autem Baccalaureo Determinanti loco alterius e **LECTIONIBUS** prædictis Versus Latinos, modo ne pauciores sint quam quinquaginta, recitare, carminis argumento, ab uno aliquo ex Magistris Scholarum, ut prius, approbato.

LECTIONES Baccalaureorum Determinantium antemeridianæ singulæ per quartam horæ partem ad minimum, pomeridianæ per sextam horæ partem ad minimum, continentur. Tenentur autem Baccalaurei, qui eandem Scholam et diem sortiti sunt, Magistro Scholarum, ante **LECTIONES** inchoatas, singuli exemplar **LECTIONIS** suæ offerre: tenentur etiam in ea Schola permanere, donec Magister Scholarum, finitis omnibus **LECTIONIBUS**, veniam disce-

Tit. VI. et Exercitiis pro Forma præstandis. 41
dendi concessam esse pronunciaverit. Quod si
visum fuerit Magistro Scholarum, antequam
veniam istam pronunciaverit, Baccalaureo alicui
Determinanti exemplar LECTIIONIS suæ iterum
in manus palam tradere, LECTIO ista Baccalau-
reo non cedit pro forma.

Denique Ordinatum est, quod Statutum hoc,
de Exercitiis ad Gradum Magistri in Artibus
requisitis, vim et vigorem suum non obtinebit
ante Festum Ovorum anno Millesimo Octin-
gentesimo Nono.

SECTIO III.

De Tempore et Exercitiis requisitis ad Gradus
in Musica capeffendos.

§. 1. *Quot anni ponendi sint in studio vel praxi
Musices, pro Gradu Baccalaureatus in Mu-
sica.*

STATUTUM est, quod, qui Musicæ dat ope-
ram, antequam Gradum Baccalaurei in illa Fa-
cultate consequatur, septem annos in studio vel
praxi Musices ponat, et id ipsum sub chirogra-
phis hominum fide dignorum testatum afferat.

§. 2. *De Exercitiis pro Gradu Baccalaurei in
Musica præstandis.*

STATUTUM est, quod, qui ad Baccalaurea-
tum in Musica promoveri cupit, priusquam pro
gratia sua supplicet, unum canticum quinque
partium componat, quod in Schola Musicæ
(alio quovis die, quam illo qui ordinario ad
praxin Musicam designatus est) publice, tam

42 *De Temp. ad Grad. cap. requisito, Tit. VI.*

vocibus quam instrumentis Musicis, exhibeat ; sed prius valvis utriusque magnæ portæ Scholarum, ante tres dies, affixo programme, diem et horam futuri speciminis significet.

§. 3. *Quot anni ponendi sint in studio vel praxi Musicæ, pro Gradu Doctōris in Musica.*

STATUTUM est, quod Baccalaureus Musicæ, priusquam ad Doctōratum promoveatur, quinque annos, post susceptum Gradum in studio vel praxi Musicæ ponat ; et id ipsum sub chirographis hominum fide dignorum testatum afferat.

§. 4. *De Exercitiis per Inceptorem in Musica præstandis.*

STATUTUM est, quod Baccalaureus Musicæ, priusquam ad incipiendum in eadem Facultate admittatur, unum canticum sex vel octo partium componat, quod in Schola Musicæ, tam vocibus quam instrumentis etiam Musicis (alio quovis die, quam illo qui ordinario ad praxin Musicam designatus est) publice exhibeat ; sed prius, valvis utriusque magnæ portæ Scholarum, ante tres dies, affixo programme, diem ac horam futuri speciminis significet. Quibus Exercitiis per eundem præstitis, per publicum ejusdem Facultatis Prælectorem Heatherianum, aut alium quemvis per eundem assignatum, gratia ipsius in Venerabili Domo Congregationis proponatur ; qua concessa, per alterutrum Professor. Savil. (qui ad hoc alternis præstandum tenentur) vel per alium quemvis in Artibus Magistrum ab iis deputatum, ad Gradum præsentetur.

SECTIO IV.

De Tempore et Exercitiis requisitis ad Gradus
in Jure Civili capeffendos.

§. 1. *Quot anni, in audiendo Professore publico
Juris Civilis ponendi, requirantur ad Gradum
Baccalaurei in Jure Civili.*

STATUTUM est, quod, qui Jure Civili studet, antequam Baccalaureatum in illa Facultate consequatur, si fit Magister Artium, per tres annos integros (numerandos a die suæ admissionis ad regendum) audiat publicum Juris Civilis Professore. Si quis vero Juri Civili det operam, qui non fit Magister Artium, per quinquennium completum, publicum Juris Civilis Prælectorem diligenter et attente audiat.

Quodque per biennium in Academia, Dialecticæ, Morali Philosophiæ, et Politicæ, aliisque Humanioribus Literis incumbat, priusquam quinquennium in studio juris ponere incipiat, nisi per Statuta Collegii in quo moratur, citius ad juris studium se convertere teneatur.

§. 2. *Exercitia pro Gradu Baccalaureatus in Jure
Civili præstanda.*

STATUTUM est, quod is, qui ad Baccalaureatum in Jure Civili promoveri cupit, priusquam pro gratia sua supplicet, bis in Disputationibus Juridicis pro forma, opponentis principalis (id est, primo vel secundo loco disputantis) munere fungatur; et semel per duas horas in Schola Jurisprudentiæ pro forma, scilicet ab hora prima pomeridiana ad tertiam, respondeat.

44 *De Temp. ad Grad. cap. requisito, Tit. VI.*

Quod si desit, qui pro forma ad consequendum gradum opponat, liceat publico Prælectori vel ejus vices gerenti, opponentis officium sustinere.

Nec hujusmodi Disputatio cuiquam cedat pro forma, nisi quæstiones suæ, una cum nominibus respondentis, et opponentis, per septem dies ante Disputationem, affigantur valvis utriusque exterioris portæ Scholarum; ac insuper muris Collegii Omnium Animarum, et Oriel, qua Australis et Occidentalis parietes, plateam versus, in angulos coeunt.

§. 3. *Quot anni, in audiendo publico Professore Juris Civilis ponendi, requirantur ad Gradum Doctoris in Jure Civili.*

STATUTUM est, quod qui ad Doctoratum in Jure Civili promoveri cupit, si postquam in Artibus Magister fuerit, Gradum Baccalaurei in Jure Civili susceperit, quatuor annos integros (numerandos a die suæ admisionis ad Gradum prædictum) publicum Prælectorem Juris Civilis audiet, priusquam ad incipiendum in eadem Facultate admittatur.

Alioqui, si Baccalaureus in Jure fuerit, antequam incipiat in Artibus (sive Statutis privati Collegii sic exigentibus, sive sua ipsius optione factum fuerit) quinque annos integros in audiendo publico Professore Juris Civilis ponere teneatur, priusquam incipere permittatur.

“ Qui vero in Curiis Ecclesiasticis et Mari-
“ timis hujusce Regni se exercere statuerit; illi
“ conceditur, (modo in gratia proponenda de-
“ claratio ex hac parte fiat, juramento etiam
“ ante admisionem ad Gradum coram seniore
“ Procuratore sancita) si Baccalaureus in Jure

Tit. VI. et Exercitiis pro Forma præstandis. 45

“ Civili fuerit, ut post quatuor annos integros
“ in publico Professore Juris Civilis audiendo
“ positos ad incipiendum in eadem Facultate
“ admittatur.”

Formula juramenti hæc esto.

“ Tu jurabis, te hunc Gradum Doctoris am-
“ bire eo animo, ut in numerum et Collegium
“ Advocatorum Londinensium in Curiis Ec-
“ clesiasticis et Maritimis hujusce Regni se ex-
“ ercentium, bona fide admittaris; et admissus
“ in iisdem Curiis te realiter exerceas.” Resp.
Juro.

*§. 4. Exercitia pro Gradu Doctoris in Jure Civili
præstanda.*

STATUTUM est, quod Baccalaureus Juris Civilis, priusquam ad incipiendum in eadem Facultate admittatur, vel sex solennes Lectiones ab hora prima pomeridiana usque ad secundam, totidem diebus, publice leget, in quibus quamcunque velit totius corporis Juris Civilis partem explicet, vel aliquem e titulis de judiciis, de probationibus, sive de re judicata, in digestis vel codice, tribus ad minimum Lectionibus, cursorie exponet. Et priusquam vel solenniter, vel cursorie legere inceperit, programma, subjectum et tempus legendi indicans, ante triduum curabit affigi valvis utriusque exterioris portæ Scholarum, ac insuper muris Collegii Omn. Animarum, ac Oriel, qua Australis et Occidentalis parietes, plateam versus, in angulos coeunt.

SECTIO V.

De Tempore et Exercitiis requisitis ad Gradus
in Medicina capeffendos.

§. 1. *Quot anni, in audiendo publico Professore
Medicinæ ponendi, requirantur ad Gradum
Baccalaurei in Medicina.*

STATUTUM est, quod, qui Medicinæ dat
operam, antequam Baccalaureatum in illa Fa-
cultate consequatur, Gradum Magistri in Arti-
bus suscipiat; et postquam in illa Facultate in-
ceperit, publicum Medicinæ Prælectorem, per
annum integrum (numerando a die suæ admis-
sionis ad Regendum) diligenter et attente audi-
visse teneatur.

§. 2. *Exercitia pro Gradu Baccalaurei in Medi-
cina præstanda.*

STATUTUM est, quod is, qui ad Baccalau-
reatum in Medicina promoveri cupit, priusquam
Gratiam proponat, in duabus quæstionibus, ab
hora prima pomeridiana usque ad horam ter-
tiam, in Schola Medicinæ assignata, solenniter
pro forma semel respondeat, et semel opponat.
Quodque is, qui Senior est, si velit, responden-
tis locum habeat: nec plures quam duo, eodem
die, pro forma opponere permittantur.

Quod si desit, qui pro forma ad consequen-
dum gradum opponat, liceat publico Prælectori,
vel ejus vices gerenti, opponentis officium sus-
tinere.

Nec hujusmodi Disputatio cuiquam cedat pro
forma, nisi quæstiones suæ, una cum nomini-
bus respondentis et opponentis, per septem

Tit. VI. et Exercitiis pro Forma præstandis. 47

dies ante Disputationem, affigantur valvis utriusque exterioris portæ Scholarum, ac insuper muris Coll. Omn. Anim. et Oriel, qua Australis et Occidentalis parietes, plateam versus, in angulos coeunt.

§. 3. *Quot anni, in audiendo publico Medicinæ Professore ponendi, ad incipiendum in Medicina requirantur.*

STATUTUM est, quod, qui ad Doctorem in Medicina promoveri cupit, post Gradum Baccalaurei in Medicina susceptum, per tres annos integros publicum Prælectorem Medicinæ audiat, priusquam ad incipiendum in eadem Facultate admittatur.

§. 4. *Exercitia pro Gradu Doctoris in Medicina præstanda.*

STATUTUM est, quod Baccalaureus Medicinæ, priusquam ad incipiendum in eadem Facultate admittatur, vel sex solennes Lectiones, ab hora prima pomeridiana usque ad secundam, totidem diebus, publice legat, in quibus quamcunque velit Galeni partem explicet; vel aliquem ex his Galeni libris; nimirum, librum unum de temperamentis, de differentiis febrium, de usu partium, vel de affectis locis, tribus ad minimum Lectionibus, cursorie exponat.

Priusquam vero, vel solenniter, vel cursorie, legere exordietur, tempus in quo lecturus est, et subjectum de quo leget, ante triduum significabit, programmata affixo valvis utriusque exterioris portæ Scholarum, ac insuper muris Coll. Omn. Animarum, et Oriel, qua Australis et Oc-

48 *De Temp. ad Grad. cap. requisito, Tit. VI.*
cidentalibus parietibus, plateam versus, in angulos
coeunt.

SECTIO VI.

De Tempore et Exercitiis requisitis ad Gradus
in Theologia capeffendos.

§. 1. *Quot anni, in audiendo publico Theologiæ
Professore ponendi, requirantur ad Gradum
Baccalaurei in S. Theologia.*

STATUTUM est, quod, qui S. Theologiæ dat
operam, antequam Baccalaureatum in illa Fa-
cultate consequatur, Gradum Magistri in Ar-
tibus suscipiat, et postquam in illa Facultate in-
ceperit, publicum S. Theologiæ Prælectorem,
per septennium completum (numerando a die
suæ admissionis ad Regendum) audivisse te-
neatur.

§. 2. *Exercitia pro Gradu Baccalaurei in S.
Theologia præstanda.*

STATUTUM est, quod is, qui ad Gradum
Baccalaurei in S. Theologia promoveri cupit,
priusquam gratiam proponat, bis in Disputatio-
nibus Theologicis pro forma opponentis prin-
cipalis (id est, primo vel secundo loco dispu-
tantis,) munere perfunctus fuerit, et semel,
per duas horas, in Schola Theologica pro forma
responderit.

Quodque, ante hujusmodi Disputationes quæ-
stiones, una cum nominibus opponentium et re-
spondentis, per septem dies integros, signifi-
centur, programme affixo valvis utriusque ex-

Tit. VI. et Exercitiis pro Forma præstandis. 49

terioris portæ Scholarum, ac insuper muris Coll. Omn. Animarum, et Oriel, qua Australis et Occidentalis parietes, plateam versus, in angulos coeunt.

Insuper statutum est, quod unusquisque ad Gradum Baccalaurei in S. Theologia admittendus, priusquam Gradum susceperit, Concionem Latinam in Ecclesia B. Virg. Mariæ, per se, et non per alium, palam habere teneatur.

Hac tamen cautione servata; ne quis ante quinquennium completum a suscepto Magistrali Gradu (idem quoque Sacris Ordinibus initiatus,) Concionem huiusmodi habere permittatur. Cautio insuper, ne Concio Latina, habita vice alterius cujuscunque, cedat cuiquam pro forma.

§. 3. *Quot anni, in audiendo publico Theologiæ Professore ponendi, requirantur ad incipiendum in S. Theologia.*

STATUTUM est, quod, qui ad Doctorem in S. Theologia aspirat, post susceptum Baccalaurei in Theologia Gradum, per quatuor annos integros publicum Theologiæ Prælectorem audiat, priusquam ad incipiendum in eadem Facultate admittatur.

§. 4. *Exercitia pro Gradu Doctoris in Sacra Theologia præstanda.*

STATUTUM est, quod Baccalaureus S. Theologiæ, antequam ad incipiendum in eadem Facultate admittatur, publice in Schola Theologica, ab hora prima usque ad secundam, Latine solenniter sexies legat, et explicet quamcunque velit S. Scripturæ partem: vel aliquam ex istis, quæ sequuntur, Apostolicis Epistolis, scilicet ad Galatas, vel unam aliquam ad Ti-

motheum, vel Titum, vel unam S. Petri, tribus scilicet cursoriis Lectionibus ad minimum, explicet. Priusquam vero vel solenniter, vel cursorie legere exordiat, tempus quo lecturus est, et subjectum de quo leget, ante tres dies significabit, programmata affixo valvis utriusque exterioris portæ Scholarum, ac insuper muris Coll. Omnium Animarum, et Oriel, qua Australis et Occidentalis parietes, plateam versus, in angulos coeunt.

SECTIO VII.

Quomodo et unde computandum sit Tempus singulis Gradibus capeffendis præstitutum.

QUONIAM Tempus singulis Gradibus capeffendis præstitutum, alias Annorum, alias Terminorum numero, in his ipsis Statutis exprimitur (ne qua inde cavillandi ansa subministretur) præfenti Statuto cautum est, quod ubicunque tempus Gradui cuivis præstitutum per Annos computatur, eadem temporis Mensura in Terminos resoluta (singulis Annis quatuor Terminos deputando) præstituta esse intelligatur. Utpote, ubi tres Anni requiruntur, duodecim Termini; ubi quatuor, sedecim Termini intelligendi sunt; et sic in cæteris.

Insuper in iis Gradibus, qui a non Graduatis primo suscipiuntur, Tempus hujusmodi Gradui præstitutum a tempore Matriculationis computandum est: quod si quis Vacationis tempore matriculetur, a Termino Matriculationem suam sequente Terminos ad Gradum requisitos computabit.

In iis vero Gradibus, qui a Baccalaureis cu-

juſlibet Facultatis capeſſuntur, a tempore præſentationis ad Gradum Baccalaurei in eadem Facultate :

In iis tandem Gradibus, qui Gradum Magiſtralem præſupponunt, a tempore admiſſionis ad Regendum, computandum erit tempus.

Denique quoniam haud pauci ſingulis Terminis, unum aut alterum Diem in Univerſitate commorantes, Officio ſuo et Statutis ſatiſfeciffe, et vel ſic Terminos ad Gradum requiſitos compleviſſe, ſe putant ; Statutum eſt quod Nemo, qui nondum Gradum aliquem adeptus fuerit, ſive Collegii alicujus, ſive Aulæ, fuerit Scholaſaris, Terminos ad Gradum ſuum requiſitos compleviſſe reputandus ſit, niſi qui ſingulis Terminis Michaelis et Hilarii per ſex Septimanas, ſingulis autem Terminis Paſchatis et Trinitatis per tres Septimanas, in Univerſitate commoratus fuerit. Excepto ſemper Termino, in quo quis Gradum ſuſcepturus eſt ; cujus primus Dies juxta receptam antiquitus conſuetudinem habetur pro Termino completo. Excepto etiam Termino, in quo quis primum ad Academiam accedens matriculatur, cujus ultimus dies pro integro Termino reputatur.

Proviſo ſemper, quod Baccalaurei Facultatis Artium Terminos ad Gradum Magiſtralem requiſitos compleviſſe reputandi ſint, ſi Terminis ſingulis, Michaelis, Hilarii, Paſchatis, et Trinitatis, per tres Septimanas in Univerſitate commorati fuerint : eadem etiam Lex eſto Studioſis in Jure Civili poſtquam duodecim Terminis, præter Terminum Matriculationis ſuæ, per Septimanas ſupra requiſitas, in Univerſitate commorati fuerint, et (ſi examinari debuerint) Examen Publicum pro Gradu ſubierint.

TITULUS VII.

De Generali Inceptione in singulis Facultatibus, five de Vesperiiis et Comitiiis.

SECTIO I.

Statuta specialia, ad Vesperias et Comitia pertinentia.

§. 1. *De Tempore Comitiorum.*

CUM antiquitus in singulis Facultatibus admissi ad Incipiendum diversis Anni temporibus solenniter Incipere consueverint, id quia Academiae molestum et minus honorificum compertum fuit, Universitati Magistrorum Regentium et non Regentium tandem placuit, ut semel duntaxat in quolibet Anno in omnibus Facultatibus Generalis Inceptio haberetur, quæ Comitia five Actus diceretur. Et statutum est, ut hujusmodi Comitia annuatim celebrarentur primo die Martis Mensis Julii, et Vesperia die Saturni proxime præcedente.

§. 2. *De Prælectionibus in Vesperiiis; et quod inceptores circumeant singulas Scholas.*

STATUIT Universitas, quod prout hætenus usitatum fuerit, in Vesperiiis, die Saturni ante meridiem, singuli Prælectores in Artibus Lectiones solennes habeant. Quarum solennitati ut accedat nonnihil, decretum est, quod singuli Professores habitu solenni induti, Doctores, si qui fuerint cum capis et caputiis coccineis, et pileis Gradui competentibus, Magistri vero in

Artibus, cum togis Statuto conformibus, et capis ac caputiis, obverso five serico five minuto-vario, etiam pileis induti, hora octava, ad Sacellum Boreale Templi Beatæ Mariæ accedant: unde, simul ac omnes convenerint, præeuntibus Bedellis Facultatis Artium, omnes una ad Scholas procedant, ac, quisque suam, capeffant.

In reliquis vero Facultatibus, Lectores solenni habitu induti, in Scholis sibi assignatis, horis consuetis legant. Præterquam quod Professor Margaretæ, qui alias hora nona legere consuevit, hodie hora octava leget, in Scholaitidem Theologica: Professor vero Medicinæ, et Linguarum Hebraicæ et Græcæ, Historices itidem Professores, hodie omnes simul hora nona antemeridiana legent. Dum hæ Lectiones habentur inter horam octavam et nonam, inceptores universi in singulis Facultatibus, habitu competente induti, Doctores ocreati, inceptores vero reliqui crepidis et focculis induti, omnes aperto capite, Bedellis præeuntibus, Scholas singulas tempore Lectionum circumeant, et per Bedellum Facultatis Scholæ in qua legitur, Prælectorem, ut velit Vesperis et Comitiis interesse, rogent; qui, absque ulteriore verborum apparatu aut circuitu, respondebit, *Interero.*

Quodque insuper inceptores in Theologia, Jurisprudencia et Medicina, Professores suos orent, ut paternam benedictionem ipsis impartiri dignentur: qui eorum petitionibus annuentes, singuli suis inceptoribus benedicent, excepto solo Professore in S. Theologia, qui inceptoribus etiam aliarum facultatum, ex æquo, benedictionem impartietur.

§. 3. *De Disputationibus Vespertialibus.*

STATUTUM est, quod secundum antiquam consuetudinem, die Saturni post meridiem, ab hora prima ad quintam, in singulis Facultatibus ab inceptoribus Disputationes solennes habeantur; nimirum, ab inceptoribus in Artibus, in *Theatro Sbeldoniano*; ab inceptoribus in Medicina, Jurisprudencia, et Theologia, in Scholis iisdem Facultatibus assignatis.

§. 4. *De Disputationibus Vespertialibus in Philosophia.*

QUOAD incepturos in Artibus, statutum est, quod de tribus quæstionibus Philosophicis solennis Disputatio instituat, in qua respondentis locum occupet ex inceptoribus unus per Procuratorem seniore designatus. Opponant, primo Procurator senior in omnibus quæstionibus, qui etiam in prima argumentum confirmet; deinde Pro-procurator et Terræ-filius in secunda; et postremo Procurator junior in tertia quæstione disputet. Quodque his Disputationibus universi incepturi a principio ad finem interesse teneantur sub pœna 3s. 4d.

§. 5. *De conclusione Vespertiarum Philosophicarum: et de juramento inceptorum.*

CUM singuli actores in Vespertiis Philosophicis suo ordine disputaverint, Procuratores Disputationi finem imponent, ea, quæ gesta sunt, sufficere pronuntiando. Deinde senior Procurator, de tribus quæstionibus a singulis inceptoribus ipsi traditis, una cum versiculis quæstionum sensum explicantibus, aliquot, prout ratio temporis feret, palam recitabit; et de earum

aliquibus breviter argumentabitur, significando quo ordine, sive recto sive retrogrado, quisque censeatur.

Quibus peractis, unumquemque juramento astringet, de Statutis, Privilegiis, Libertatibus, et Consuetudinibus istius Universitatis observandis, sub hac forma :

Magister, tu dabis fidem ad observandum Statuta, Privilegia, Consuetudines et Libertates istius Universitatis.

Et de non resumendo Gradum Simeonis, sub hac forma :

Magister, tu jurabis quod nunquam consenties in reconciliationem Henrici Simeonis, nec statum Baccalaurei iterum tibi assumes.

Quisquis vero hoc juramentum non præstiterit, eum Procuratores *6s. 8d.* in usum Universitatis per ipsos exigendis mulctabunt.

§. 6. *De Disputationibus Vespertialibus Juristarum.*

DE incepturis in Jurisprudencia, statutum est, quod pro more (post progressus aliquot a Professore in prælectione, quam ante meridiem inchoaverat, factos ad monitionem illius Juris studiosi, qui in his Disputationibus Moderatoris locum obtinet) a Professore Regio tres quæstiones cuique incepturo, cum versiculis quæstionum sensum explicantibus, proponantur, de quibus incepturi singuli feriatim respondeant.

Opponant vero Doctores hujus Facultatis in Academia commorantes, per se, vel per alium Doctorem vel Baccalaureum ejusdem Facultatis vice sua substitutum, sub pœna *4cs.* Quod si

pauciores fuerint Doctores, quam ut commode sufficere possint sustinendis per integrum tempus præstitutum Disputationibus, licebit Professori in subsidium advocare de Baccalaureis ejusdem Facultatis in Academia commorantibus (servato ordine Senioritatis) tot, quot suo iudicio usus poscet; qui ante 15 dies debite præmoniti ad opponendum (per se, vel per alium consimilis conditionis) prout opponentium ad inceptores proportio ipsos cum his aut illis respondentibus commiserit, sub pœna 40s. teneantur. Quibus Disputationibus peractis, prædictus Moderator, singulis incepturis unam vel duas Antinomias conciliandas proponet; iisque conciliatis, hujusmodi Disputationibus brevi aliqua peroratione finem imponet.

§. 7. *De Disputationibus Vespertialibus Medicorum.*

QUOAD incepturos in Medicina, statutum est, ut, pro more, a Professore Regio tres quæstiones, cum versiculis quæstionum sensum explicantibus, cuique incepturo proponantur, de quibus incepturi singuli seriatim respondeant.

Opponant vero Doctores hujus Facultatis in Academia commorantes, &c. *ut supra de Juristis.*

§. 8. *De Disputationibus Vespertialibus Theologorum.*

INCEPTURIS in Theologia, Professor Regius (qui in his Disputationibus Moderatoris personam gerit) tres quæstiones una cum versiculis easdem explicantibus, singulis proponet, in quibus ipsi successive respondeant.

Opponant vero de Doctoribus ejusdem Facultatis in Academia commorantibus, quos Vice-

Cancellario ad hoc munus ante 12 septimanas designare visum fuerit, decem (nisi inceptores plures sint quam decem, quo in casu parem oportet esse opponentium numerum) per se, vel per alium Doctorem aut S. Theologiæ Baccalaureum vice sua substitutum, prout opponentium ad inceptores proportio ipsos cum his aut illis respondentibus commiserit, sub pœna 40s.

Inceptorum quilibet 14 ad minimum diebus ante Vesperias, cum Doctoribus secum disputaturis quæstiones suas communicabit, aut in absentia cujusvis ipsorum, cum Doctore aut Baccalaureo S. Theol. vice absentis substituto; qualem utique subrogare tenetur, quisquis Doctorum a Vesperis abesse necesse habuerit, sub pœna 40s. ei, qui defecerit, irroganda.

In his autem Disputationibus, quoniam Professor Regius Disputantium argumentis intentus fugam temporis haud tam facile notat, Vice-Cancellarius per se, vel per alium Doctorem, Coll. alicujus Præfectum, singulis opponentibus arguendi spatium admetietur, et Disputationis filum pro suo arbitratu præcidet.

§. 9. *De cœna Vespertiali.*

PERACTIS Disputationibus Vespertialibus, moris est, ut seniores inceptores in qualibet Facultate, Theologiæ, Jurisprudentiæ, et Medicinæ, aliis Doctoribus senioribus in suis Facultatibus cœnam apparent. Et, si desit inceptor in aliqua harum Facultatum, quod senior istius Facultatis, in qua aliqui incipient, Doctores ejus Facultatis in qua deest inceptor, in cœna una cum Doctoribus Facultatis suæ accipiat: si vero in nulla harum Facultatum aliquis inceptor existat, quod is qui inceptoris senioris in

Artibus locum obtinet, id est, qui senior inter inceptores in Artibus a Procuratore ordinatur, Doctoribus omnibus cœnam præbeat.

De ulteriori explicatione Statuti de cœna Vesperiali.

CUM, ex Statuto et more veteri, sumptus cœnæ Vesperialis a seniore solvendi sint, cumque illa expensarum inæqualitas, multis, ne inceperint, impedimento, et Academico præjudicio hætenus fuerit, statuit Universitas, ut in qualibet Facultate incepturi, ad cœnam Vesperiale pro Doctoribus apparandam singuli ex æquo numerent, expensasque ex symbolo, ac æqualiter solvant; hoc excepto, quod uniuscujusque Facultatis senior, hospitium cœnaculumve Doctoribus cœna excipiendis accommodum, solus prospiciat.

§. 10. *De concionibus in die Dominico inter Vesperias et Comitiam habendis.*

IN die Dominico inter Vesperias et Comitiam, moris est, ut duæ conciones, una ante meridiem, altera post meridiem, lingua vernacula, in Ecclesia B. Mariæ Virg. habeantur; et statutum, quod liberum sit Vice-Cancellario quemlibet ex Theologis in iisdem Comitiam incepturis, aut ex aliis, ad hæc concionandi munera designare.

§. 11. *De precibus solennibus, et oblationibus, in die Comitiorum.*

IN die Comitiorum, moris est, ut post pulsationem parvæ campanæ, circa horam nonam matutinam, singuli inceptores in qualibet Facultate, per Bedellos suæ Facultatis a Collegiis

et Aulis deducti, in Capella Orientali Ecclesiæ B. Mariæ Virg. una convenient; iisque sic congregatis, preces divinæ ab ejusdem Ecclesiæ Parochialis Vicario, aut illius Deputato, solenniter habeantur: quibus peractis, primum Vice-Cancellarius, postea singuli inceptores in Facultatibus, deinde Procuratores, Bedellis præeuntibus, ad mensam Eucharistiæ sacram, cum debita reverentia, oblationes faciant. Quod si quis a precibus solennibus et oblationibus absens fuerit, aut præsens, cum debita reverentia ad mensam Eucharistiæ sacram accedere recuserit; puniatur pro arbitrio Vice-Cancellarii.

§. 12. *Quem locum in Comitiiis singulæ Facultates sortiantur.*

PERACTIS precum et oblationum solennibus, moris est, ut exercitia Comititalia inchoentur: quodque senior Procurator suggestum in Theatro sibi super portam Occidentalem apparatus, junior ex adverso super Orientalem, una cum actoribus juxta antiquum morem conscendant. Professor Medicinæ cum inceptoribus in Medicina a parte Occidentali; Professor Jurisprudentiæ a parte Orientali, subsellia sortiantur: Professor vero Theologiæ cum inceptoribus suis, ad Boream infra Cancellarii cathedram sedilia constituta habeant: et si qui in Musica incipiant, in superiori pegmate, ad Austrum locum teneant.

§. 13. *De Disputationibus Philosophicis in Comitiiis.*

IN Comitiiis, inter inceptores in Artibus, moris est, ut jussu Procuratorum, a primo Opponente tribus quæstionibus propositis, Magister

60 *De Generali Incept. in sing. Fac. Tit. VII.*

replicans, qui fuit respondens superioris anni, (vel, eo deficiente, alius quivis per Procuratorem substituendus) respondeat, in iisdem vero, primo in loco disputet ex inceptoribus primus opponens, qui ubi argumentandi finem fecerit, a seniore Procuratore (qui quoad inceptores in Artibus, Comitiorum pater habetur) solenniter tradendo illi librum, imponendo pileum, et impertiendo osculum, Magister creabitur.

Deinde, post illum, opponere perget idem Procurator senior; cui succedet Terræ-filius, quem Pro-procurator excipiet; postremo, Procurator junior argumentabitur, et Disputationibus præfatis finem imponet. Inceptorum vero in Artibus quisquis ab his Disputationibus abfuerit, 3s. 4d. in usum Universitatis mulctetur.

§. 14. *De Aëtü Musico.*

POST exercitia Artistarum in Comitiiis finita, si quis sit qui in Musica gradum suscipiet, ejus erit, unam vel alteram cantilenam sex vel octo partium, una cum vocum et instrumentorum musicorum harmonia, exhibere; qua finita a Savilianis Professoribus creationis suæ solennia recipiet, qui hoc alternis præstare tenentur, sive uterque Doctor in aliqua Facultate fuerit, sive neuter: sed tunc impetrata prius venia a Domo Congregationis, ut liceat sibi ad tempus habitum Doctoralem assumere. Quod si alter solummodo Professorum Doctor fuerit, ei soli creandi munus incumbit.

§. 15. *De Disputationibus Comitialibus in Medicina.*

FINITO Aëtü Musico, vel, si nullus fuerit in

Musica inceptor, finitis exercitiis in Philosophia, moris est, ut monito Procuratorum Professor Regius in Medicina procedat. Qui, habita præfatiuncula, ad creationem inceptorum descendet, videlicet eorum cuilibet tradendo librum, imponendo pileum, inserendo digitum annulo, et postremo impertiendo osculum.

Qua creatione peracta, inceptorum senior tres quæstiones discutiendas proponet; de quibus respondens animi sui sententiam exponet. Deinde, idem inceptor senior in singulis argumentabitur, et argumentum in prima confirmabit. Post seniore, alii seriatim, secundus nimirum in secunda, tertius in tertia, et, si plures fuerint, quartus in prima, et sic deinceps quilibet in quæstione una disputabit. Quisque autem, ubi Procuratores satis ab eo disputatum pronunciarint, suscipiet juramentum ab iisdem Procuratoribus delatum, de Statutis, Privilegiis, Libertatibus et Consuetudinibus istius Universitatis observandis, et de non resumendo Gradu Simeonis. Respondentis vero locum sustinebit, aut inceptorum aliquis illius anni, aut, ad eorum instantiam, studiosus aliquis in Medicina, qui saltem tempus ad Gradum Baccalaureatus requisitum compleverit, ante 10 septimanas designandus, et per Domum Congregationis approbandus; alioqui, aliquis per Vice-Cancellarium nominandus, qui tempus ad Gradum Baccalaurei, vel (si Baccalaureus sit) Doctoris in eadem Facultate, requisitum compleverit; cui talis responsio, citra ullam dispensationem, cedat pro exercitiis requisitis ad illum Gradum quem desiderat; Baccalaureo *viz.* pro Disputationibus, Doctori pro Lecturis Gradui suo præviis.

§. 16. *De Disputationibus Comitibus in Jurisprudencia.*

EXERCITIIS ab inceptoribus in Medicina absolutis, moris est, ut Professor Regius in Jurisprudencia, admonentibus Procuratoribus, et similiter inceptores in Jurisprudencia, procedant, adinstar Professoris et inceptorum in Medicina. Respondere vero consuevit, qui in Vesperis Moderatoris locum tenuit; unus nimirum inceptorum illius anni; aut, ipsis procurantibus, studiosus aliquis in Jure Civili, qui saltem tempus ad Gradum Baccalaureatus requisitum compleverit, ante 10 septimanas designandus, et per Domum Congregationis approbandus; alioqui, aliquis per Vice-Cancellarium nominandus, qui tempus ad Gradum Baccalaurei, vel (si Baccalaureus sit) Doctoris in eadem Facultate, requisitum compleverit; cui talis responsio, citra ullam dispensationem, cedat pro exercitiis requisitis ad illum Gradum quem desiderat; Baccalaureo *viz.* pro Disputationibus, Doctori pro Lecturis Gradui suo præviis.

§. 17. *De Disputationibus Comitibus in Theologia.*

POST consummata in Jurisprudencia exercitia, moris est, ut in S. Theologia Professor Regius procedat. Qui, pro more, præfatione habita, ad inceptorum creationem similiter descendet, et cætera, prout Professores in Medicina et Jurisprudencia, peraget; ultra quæ, peculiare sibi habet (quod etiam Procuratoribus incumbit,) utrum inceptores in S. Theologia ocreis (prout oportet) sint induti, explorare.

Qua creatione peracta, inceptores eodem ordine et modo, quo inceptores in Medicina, succedent: respondentis itidem locum obtinebit, vel ex inceptoribus unus, vel alius in S. Theologia studiosus, qui saltem tempus ad Gradum Baccalaureatus requisitum compleverit, ante 10 septimanas designandus, &c. *ut supra, pag. 62.*

§. 18. *De conclusione Comitiorum.*

PERACTIS exercitiis, et Doctoribus in quilibet Facultate creatis, consuevit Vice-Cancellarius, monitu Procuratorum, Comitia concludere solenni oratione; in qua, res gestas superioris anni, beneficia præsertim Universitati collata, et alia quæ ad honorem Academiæ faciunt, prout ipsi videbitur, commemorare in more positum est.

§. 19. *De Congregatione, finitis Comitiiis, habenda.*

CONCLUSIS per Dominum Vice-Cancellarium Comitiiis, ad majoris campanæ pulsationem, Vice-Cancellarius, et superioris anni Regentes, illico in Domo Congregationis conveniunt; ubi, ad supplicationem Doctorum et Magistrorum noviter creatorum, de ocreis et crepidis ac focculis ipsorum exuendis, ad quæ tempore inceptionis adstricti erant, dispensari solet.

§. 20. *De Concione Latina, habenda die proximo post Comitiam.*

DIE Mercurii proximo post Comitiam, hora octava matutina, in Templo B. Mariæ Virginis, Concio ad Clerum Latina haberi consuevit; ad quam Concionem habendam, in arbitrio erit

Vice-Cancellarii, aliquem e Doctoribus, vel Baccalaureis in S. Theologia, aut quemcunque alium, ante tres Menses præmonitum, designare.

SECTIO II.

Statuta Generalia ad Vesperias et Comitiam spectantia.

§. I. *Designatio Actorum in Vesperis et Comitii penes Procuratores est.*

CUM, præ multitudine inceptorum in Artibus, singuli in Vesperis et Comitii Actorum partes sustinere nequeant, obtinuit consuetudo, ut penes Procuratores potestas foret designandi Actores in Vesperis et Comitii Philosophiæ; de quibus, pro Vesperis, Procurator senior respondentem, antehac juniorem inceptorem nuncupatum (cui in posterum ne quid senioritatis eo nomine decedat, præsentis Statuto cautum esto) et Pro-procuratorem, Procurator vero junior Terræ-filium, nominare solet. Pro Comitii vero, Procurator senior Terræ-filium nominare solet; Procurator junior primum opponentem, antehac seniorem inceptorem nuncupatum (cui in posterum ne quid senioritatis eo nomine accedat, præsentis Statuto cautum esto). Provisum etiam est, ut, qui respondens est in Vesperis, a quolibet inceptore ejusdem anni, per manus Procuratorum, duos solidos et sex denarios percipiat; unde in die Comitiorum sequentis anni Magistri replicantis munus obire tenebitur: ad quod subeundum cautionem sufficientem penes Procuratores deponet; in qua exigenda, si dicti Procuratores negligentes fue-

rint, ipsi ad providendum de Magistro replicante pro anno insequente tenebuntur.

§. 2. *Quæstiones in singulis Facultatibus, discutiendæ in Vesperiiis et Comitiis, judicio Congregationis approbandæ.*

CUM præ novandi libidine, et opinandi quæ quis velit licentia, (quam sibi privatim quisque arrogat,) nova indies opinionum portenta procedi, usu compertum fit; ne in publicum quoque serpat hæc labes, salubri consilio provisum est, ut theses in qualibet Facultate, cum in Vesperiiis, tum in Comitiis discutiendæ, in Domo Congregationis, per congruum temporis spatium ante Comitia proponantur; nec ullæ defendantur, nisi quæ maturo illius Domus judicio approbatæ fuerint; utpote quæ nec periculosam materiam sapiant, et benignam disputandi materiam suppeditent, ut non necesse sit ad altercationes et cavilla confugere. In Facultate vero Artium, quæstiones ex intimis Philosophiæ penetralibus, et non aliunde, defumantur; nec exotericas ullas proponi permittat Vice-Cancellarius.

In Jurisprudentia autem (quia Juris Civilis studiosos decet haud imperitos esse Juris Municipalis, et differentias exteri patriique Juris notas habere) inter quæstiones Comitiales eligatur una, quæ cum Jure Municipali aliquid affine habeat; in qua, quid Jus Civile, quid regni Angliæ Jus teneat, Professor Juris Civilis in præfatione sua, creationi inceptorum præmissa, doceat, definiat, determinetque. In singulis denique Facultatibus orationes prælusoriæ ad Disputationes sint perbreves; et nisi me-

moriter recitentur, continuo a Procuratoribus abrumpantur.

§. 3. *De compescendis contumeliis in exercitiis Vesperialibus et Comitibus.*

STATUTUM est, quod si quis in orationibus, argumentationibus, aut quacunque exercitiorum parte, in Vesperiiis et Comitibus, vel publicum Universitatis regimen, vel cujusquam privati famam, convitiis, dictis, vel illiberalibus jocos læserit, vel, quantum in se fuerit, lædendi voluntatem patefecerit, tanquam pacis et tranquillitatis publicæ perturbator coram Vice-Cancellario conveniatur, et exemplar orationis suæ exhibere, aut alioqui (si nullum se orationis suæ exemplar habere præ se ferat; vel, inter argumentandum, verba in quæstionem vocata exciderint) ad objecta virtute juramenti respondere teneatur.

Et si judicio Vice-Cancellarii convictus fuerit, pro qualitate delicti (quæ ex circumstantiis, et personis, tum proferentibus, tum in quas convitia prolata sunt, æstimanda erit) incarceratione, vel recantatione publica, vel bannitione, pro arbitrio Vice-Cancellarii, puniatur, præter satisfactionem parti læsæ exhibendam.

§. 4. *Habitus Vespertiales et Comitiales inceptorum in Artibus.*

CUM ex frequentia inceptorum, habitu solenni indutorum, cohonestetur Academia, finguli inceptores in Artibus, in Vesperiiis, Facultatis suæ togis laxè manicatis, capis et capitiis ex serico, ac crepidis et focculis induti, nudis capitibus interesse, sub pœna 3s. 4d. ibi-

quæ, quoad exercitia peracta fuerint, permanere teneantur. Etiam in die Comitiorum, eodem modo sub pœna eadem interfint; præterquam quod pro caputiis sericis, caputiis ex minuto-vario, (Anglice *Miniver*) induti incedent.

§. 5. *Habitus inceptorum in aliis Facultatibus.*

INCEPTORES in Musica, in Vesperiis et Comitiiis, togis manicatis, cum capis albis damascenis undulatis, pileisque rotundis holosericis utantur.

Inceptores in Medicina et Jurisprudencia capas coccineas cum caputiis itidem coccineis, serico cujusvis intermedii coloris subfutis, et pileos ex holoserico rotundos gestent.

Inceptores in Theologia capas itidem coccineas cum caputiis similibus, serico tamen nigri coloris subfutis, et pileos quadratos habeant.

Singuli inceptores, donec solenniter creati fuerint, capitibus apertis in publico sedeant, et incedant, sub pœna 13s. 4d.

§. 6. *De Senioritate inceptorum in quaque Facultate.*

IN Facultatibus Theologiæ, Medicinæ, et Jurisprudentiæ, quisque in sua Facultate, secundum ordinem quo præsentati, sive ad incipiendum admissi sunt, de consuetudine, in Vesperiis et Comitiiis, et semper deinceps, locum sive senioritatem obtinebunt; nisi sint aliqui in iisdem Facultatibus, qui pro Gradibus cum Universitate composuerint (quos Cumulantes vocant) qui cæteris ejusdem anni præferentur.

Inceptores vero in Artibus pro arbitrio Procuratorum senioritatem sortientur, præter Cumulantes; qui, reliquis præferendi, inter se se-

nioritatem juxta ordinem præsentationis fortientur.

Proviso tamen, quod dispositio illa Procuratorum Sociis Collegiorum præjudicio non sit, quo minus eandem senioritatem, quam in admissione ad incipiendum obtinuerunt, in Collegiis suis retinere possint.

Proviso insuper, quod ubi senioritas (juxta privata Collegii cujusvis Statuta) attenditur penes senioritatem in Universitate, et ex inverso senioritatis ordine multum quis patitur detrimenti; in hujusmodi Collegiis inceptores in catalogo inceptorum disponantur eodem ordine senioritatis, quam, in suis quisque Collegiis, obtinent.

§. 7. *De Sedilibus inceptorum et extraneorum non occupandis.*

CAUTUM est, quod in Vesperiiis et Comitiiis, nec non in concionibus inter Vesperias et Comitata, juniores senioribus locum cedant; præcipue, ne inceptoribus aut extraneis, quibus de consuetudine locus provideri solet, quisquam locum præripiat. In quo si qui deliquerint, Dominus Vice-Cancellarius, vel Procuratores, pro arbitrio eos castigandi potestatem habeant: necnon in subsidium alios Magistros in Artibus advocandi, qui, indebite locum occupantes submovendo, ipsis suppetias ferant. Si quis vero immorigerum se præbeat, vel Vice-Cancellario, vel Procuratoribus, vel Magistris ascitis, pœna esto arbitraria.

§. 8. *De Vesperis et Comitiis a B. Virginis Mariæ Templo transferendis ad Ædificium seu Theatrum publicum, impensis et munificentia Reverendissimi in Christo Patris, Gilberti Archiepiscopi Cantuariensis nuperrime extructum; aliisque capitibus negotium istud concernentibus.*

3. STATUTUM est, ut Vesperiae et Comitia in Templo B. Mariæ Virginis celebrari solita, ad Theatrum prædictum transferantur.

4. Ut in Theatro prædicto, ubi res Academiae id postulaverint, Convocationes et Congregationes celebrare liceat; ibidemque ut universi ad solennia quæque illuc confluentes habitibus Gradui et Ordini competentibus induantur.

5. Ut die Veneris Comitiorum solennia præcedente (quæ annuente Deo Theatri Encænia futura est) agones habeantur hora prima post meridiem Philologici, ubi humanioris literaturæ exercitia peragantur; in quibus, duo inceptores in Artibus a Vice-Cancellario cum consensu Procuratorum designati orationes habeant, et eo nomine cæteris ejusdem anni in senioritatis dispositione præferantur, quatenus per consuetudinem et Statuta hac de re prius lata id fieri possit. Insuper, ut ibidem problemata Mathematica, Critica, Chronologica, necnon experimenta omnigena proponi et discuti; quin et commissiones Philologicæ, sive carmine aut soluta oratione, ab omnibus cujusvis Ordinis aut Gradus peragi possint; petita prius Vice-Cancellarii et Procuratorum venia et licentia. Quibus si id meruisse visi sint, licebit Vice-Cancellario, assentientibus Procuratoribus, cuilibet sese exercenti, et specimina eruditionis suæ facienti, si modo Baccalaureus in Artibus fuerit, gratiam

facere, ut exercitia ab ipso præstita pro Forma ad Gradum Magistri in Artibus cedant loco declamationum, quas Statuta exigunt. Si vero non-Graduatus fuerit, et senior Sophista, liceat præfato Vice-Cancellario, cum consensu Procuratorum, ipsi jus et usum pilei quadrati cum apice concedere.

6. Ut orationes ad Baccalaureos Determinantes a Procuratore et Collectoribus in Quadragesima, Templo B. Mariæ haberi solitæ, ad Theatrum prædictum transferantur; scilicet, procedentibus post Litaniam finitam solenniter a Templo B. Mariæ ad Theatrum prædictum Vice-Cancellario et Procuratoribus, una cum Baccalaureis determinantibus.

7. Ut duo Curatores seu Ædiles fabricæ Theatralis prædictæ a Reverendissimo Fundatore, durante ejus vita, pro arbitrio ipsius, et deinceps a venerabili Domo Convocationis, et Doctoribus quos statos Delegatos computi esse contigerit, nominentur et constituentur. Quorum munus erit, ut Domus custodibus et janitoribus præsent, et eosdem constituent; ut cœtum universum, hospites præsertim et peregrinos, qui ad Theatrum confluxerint, in sedibus pro eorum dignitate et meritis, una cum Vice-Cancellario et Procuratoribus, excipiant et disponant; necnon pacem publicam ibidem tueantur; quin etiam, Pro-Cancellarii potestate instructi, infra Theatri præcinctus immorigeros et tumultuantes in ordinem cogant; et, si insuper necessarium visum fuerit in Artibus Magistros in curæ hujus partem adhibere, ut iidem a Curatoribus prædictis nominati, et a Vice-Cancellario et Procuratoribus approbati, durante solenniorum tempore, infra præcinctus prædictos

Procuratoria potestate muniantur. Demum ut Curatores prædicti pecunias ad usum Theatri accipiant et impendant, rationemque quotannis reddant coram statis Delegatis, tempore computi Vice-Cancellarii.

TITULUS VIII.

De Disputationibus Ordinariis.

§. I. *De Disputationibus ordinariis in S. Theologia.*

STATUTUM est, quod in Theologia, quolibet anno, decies in Schola Theologica Disputationes habeantur; die nimirum Jovis primo et ultimo cujusque pleni Terminis; ac etiam die Jovis ante primam Dominicam Adventus Domini; ac postremo die Jovis qui Quadragesimam proxime præcedit. Qui, si festus quandoque fuerit, tum die proximo sequente non festo disputetur.

Quodque ad hanc Disputationem obeundam teneantur omnes, tam Baccalaurei in S. Theologia (etiam si tempus ad Doctoris Gradum suscipiendum compleverint) quam in Artibus Magistri (nisi fuerint Procuratores Universitatis, vel publici in Artibus Professores) postquam a tempore solennis suæ creationis in Comitibus integrum quadriennium compleverunt, sive in Collegiis sive in Aulis victitent; nisi ad studia vel Juris vel Medicinæ, vel alicujus Facultatis per Statuta Collegii sui alligentur; aut alicui

earundem Facultatum, (anno ad minimum antequam ad opponendum vel respondendum in Theologia moniti fuerint) nomina sua ipsos dedisse notorie constet.

In quibus Disputationibus, e Baccalaureis et Magistris, senior respondentis locum obtineat. Quodque opponant post Professore Regium, (qui Disputationibus moderatur) duo alii Gradu proximi, descendendo; et sic deinceps, donec omnes suis vicibus perfuncti fuerint; deinde iterum, si opus fuerit, ad seniores revertendo.

Quæstiones autem discutiendæ, duæ sint, per Congregationem proxime sequentem monitionem datam approbandæ, de quibus Disputatio ab hora prima ad tertiam continuetur; eique interesse teneantur Baccalaurei S. Theologiæ, et Magistri omnes post secundum Regentiæ suæ annum, quos ad aliam aliquam Facultatem studia sua contulisse non constiterit.

§. 2. *De Disputationibus ordinariis in Medicina.*

STATUTUM est, quod in Medicina, in Schola illius Facultatis, bis in quolibet anno, nimirum Terminis Hilarii et Trinitatis, primo die Martis utriusque Termini, Disputatio habeatur.

Quam sustinebunt suis vicibus Baccalaurei omnes in Medicina, et alii studentes in Medicina, quotquot rite studio Medicinæ nomina dederunt, ac Universitatis Privilegiis gaudent, a senioribus ad juniores descendendo, et sic deinceps revertendo; exceptis Procuratoribus Universitatis, et publicis Professoribus in Artibus; e quibus is, qui senior est, respondebit, duo alii opponent, in duabus quæstionibus, per

Congregationem proxime sequentem monitionem datam, approbandis; per duas horas integras, *viz.* a prima ad tertiam.

Cui Disputationi interesse adstringantur omnes Baccalaurei Medicinæ, aliique Magistri qui Medicinæ student.

§. 3. *De Disputationibus ordinariis in Jurisprudentia.*

STATUTUM est, quod in Jurisprudentia, bis in quolibet anno, Disputatio in Schola Facultati designata habeatur; nimirum, in Terminis S. *Michaelis* et *Paschatis*, ultimo die Martis utriusque Termini: quam Disputationem sustinebunt suis vicibus omnes Baccalaurei Juris, et qui in studio Juris tempus compleverunt, quo ad Baccalaurei Gradum promoveri possint, quotquot privilegiis Universitatis gaudent, a senioribus ad juniores descendendo, et sic deinceps revertendo: exceptis Procuratoribus Universitatis, et publicis Professoribus in Artibus.

In quibus, senior respondebit, duo proximi opponent; idque in duabus quæstionibus, per Congregationem proxime sequentem monitionem datam, approbandis, per duas integras horas, *viz.* a prima ad tertiam post meridiem.

Quodque has Disputationes frequentare teneantur singuli Baccalaurei Juris omnesque Magistri et Scholares, quos studio Juris nomina sua dedisse constat.

§. 4. *De Disputationibus Quodlibeticis habendis vice ordinariarum, in Artibus.*

CUM Disputationes antiquitus per 40 dies post inceptionem in Artibus, quolibet die dis-

putabili, juxta vetera Statuta a singulis inceptoribus haberi solitæ (ex quo diversa incipiendi tempora, in generalem unam inceptionem, in Vesperis et Comitibus immutata sunt) in consuetudinem abierint; placuit Academiæ, ut earum loco, unoquoque die disputabili in pleno Termino, quo Magistrorum Regentium Congregationes non habentur, ad parvæ campanæ in Templo S. Mariæ pulsationem, ab hora decima antemeridiana ad undecimam, in Scholis Artium Disputationes Quodlibeticæ habeantur.

In quibus, e Magistris Regentibus, feriatim et per vices, incipiendo ab eorum juniore, quolibet die duo, in totidem Scholis, habitu Gradui competente induti, cum moderatorum tum opponentium munus sustinere tenentur.

Ad has autem Disputationes feriatim obeundas, tenentur singuli Regentes, durante sua Regentia necessaria, et ad placitum (si necessario Regentes non suffecerint pro numero Baccalau-reorum, qui pro forma responsuri sunt) sub pœna 6s. 8d. si modo per superiorem in Artibus Bedellum, ante septem dies legitime præmoniti et requisiti fuerint.

Quod si Bedellus Magistrum legitime non præmonuerit, aut, Magistro Disputationem omittente, ejus defectum eo ipso die Procuratoribus non significaverit, 10s. mulcta per Procuratores ab eodem exigatur.

§. 5. *De Disputantibus per Bedellos præmonendis.*

STATUIT Universitas et decrevit, quod Bedellus superior in qualibet Facultate, per sex hebdomadas ante diem Disputationis (præterquam in Quodlibeticis, in quibus Disputationibus ante septem dies præmonuisse sufficiet) tam

respondentem quam opposites officii ipsorum certiores faciat; eos, si fieri possit, personaliter monendo, vel (si eos convenire non possit) per affixionem monitionis, manu Bedelli monentis subscriptæ, ad ostium cameræ, vel hospitii ubi morari consueverunt; vel, si cameram nullam, cameræve partem retineant, nomina tamen ipsorum usque in libro promptuarii inscripta maneat, (eo nomine privilegii Academici beneficium in occasione vendicare ut liceat) affixa monitione ad ostium promptuarii: quo in casu, Bedellus promum convenire, et si absentem quempiam intra tempus Disputationi præstitutum probabiliter non affuturum, partesve suas non impleturum, a promo sciscitatus, resciverit, sub pœna 10s. teneatur id ipsum Vice-Cancellario protinus renuntiare; qui, ne Disputationes tempore constituto habendæ intercidant, proximum debite præmonendum curabit; quod ut commodius fiat, Bedellus, aliquot dierum spatio ante sex septimanas præmonendis Disputantibus assignatas, teneatur sub eadem pœna conditionem cujusque proxime præmonendi explorare, utrum, scil. præsens sit, vel ad tempus præstitutum affuturus videatur.

Quodque respondentes in S. Theologia, Medicina, et Jurisprudencia, quæstiones suas intra biduum postquam approbatæ fuerint, Professoribus suis exhibeant, et deinceps eas valvis utriusque magnæ seu exterioris portæ Scholarum, necnon muris Coll. Omn. Animarum, et Oriel, qua Australis et Occidentalis parietes, plateam versus, in angulos coeunt, ante septem dies affigi curent.

§. 6. *Disputantium habitus. Præfandi leges.*

STATUTUM est, quod in Disputationibus ordinariis tum respondentes tum opposites, togis Facultati suæ congruis, et habitu Gradui competente, id est, pileo, capis et caputiis induti, interfint.

Quodque cum respondentium, tum opponentium præfationes memoriter recitentur; in quibus succincte ad statum quæstionum pertinentia duntaxat exponant; nec respondentem plus quam semihoram, oppositem plus quam quartam horæ partem, qui Disputationibus præfunt, impendere patiantur; reliquum vero temporis in argumentando consument.

§. 7. *De Officio Vice-Cancellarii et Procuratorum, circa has Disputationes.*

STATUTUM est, quod in omnibus Disputationibus ordinariis S. Theologiæ, Medicinæ, ac Juris, Dominus Vice-Cancellarius, in Quodlibeticis vero Procuratores, vel eorum alter, per se vel Deputatos suos, diligentius interfint: quodque curent, ut hæ Disputationes debito modo et forma præstentur, et ab iis qui interesse debent, frequententur; et, si opus videbitur, singulis, quos adesse oportet, per Bedellos nominatim compellatis, qui absentes sint, disquirant.

§. 8. *De mulctandis delinquentibus circa has Disputationes.*

STATUTUM est, quod, si quando contingat debito tempore aliquam harum Disputationum ordinariarum, in superioribus Facultatibus penitus omitti (quod committi non licebit si vel

unus opponentium, cum respondente et moderatore, adfuerit) ille cujus culpa id continget, id est, qui neque per se, neque per substitutum aliquem præstiterit, si opponens fuerit, 20 solidis mulctabitur; si respondens vel moderator, 40. Quod si Bedellus justo tempore opponentes et respondentes non præmonuerit, vel respondentes (prout debent) quæstiones palam affigi non curaverint; eorum quilibet pœnam 10s. luet. Quod si omittatur Disputatio ordinaria, mulctetur ille cujus culpa hoc fit, et adigatur insuper ad partes suas præstandas alio tempore sub eadem vel graviore pœna, nisi legitimam causam attulerit, cur excusatum eum habere debeat Vice-Cancellarius.

Proviso etiam, quod liceat Vice-Cancellario, si ex iusta et necessaria cujusquam absentiae causa, has Disputationes omissum iri prospexerit, eo casu, et non aliter, alii alicui idoneo, absentis vices supplendi, veniam dare; vel, si videbitur, proximo debite præmonito, subeundi, sub pœna supradicta, necessitatem imponere; cui subeunti pro sua vice cedet.

Mulctæ denique propter hæc delicta irrogatæ, inter Academiam, Vice-Cancellarium, Procuratores, et Bedellos Facultatis, in quatuor partes æqualiter dividuntur.

TITULUS IX.

De Congregationibus Magistrorum Regentium.

SECTIO I.

De tempore et negotiis Congregationum, et de personis ad eas spectantibus.

§. I. *De Tempore Congregationum habendarum.*

UT Universitatis negotia, cum quæ ad gratias et Gradus spectant, tum alia, cum deliberatione et consilio mature expediantur; statutum est, quod, pro more antiquo, in principio cujusque Termini, Congregatio Magistrorum Regentium celebretur, quæ pro arbitrio Vice-Cancellarii a die in diem continuetur, et in ultimo cujusque Termini die dissolvatur. Quodque, quoties continget Congregationem celebrari, per pulsationem magnæ campanæ, statim post horam nonam ante meridiem, denunciatur. A cujus pulsationis cessatione, Dominus Vice-Cancellarius, Procuratores, et Magistri Regentes accedant, seque ad Congregationem celebrandam accingant. Et præeunte Vice-Cancellario, et Procuratoribus, habitibus Gradui competentibus; altero Bedellorum submisso proclamante, *Intretis in Congregationem, Magistri, intretis*, omnes Domum Congregationibus destinatam ingrediantur, ubi causa Congregationis tunc habendæ per Vice-Cancellarium

exposita, ad expedienda negotia debite procedant.

§. 2. *De negotiis in Domo Congregationis tractandis.*

ORDINATUM est, quod, prout ab antiquo fieri consuevit, in venerabili Congregatione Magistrorum Regentium, gratiæ five supplicationes eorum, quos ad Gradus Scholasticos promoveri par est, proponantur, et concedantur. Item ut dispensationes, in quibus Congregationi per Statuta dispensare licebit, petantur. Deinde, ut digni et idonei ad Gradus Scholasticos præsententur, et admittantur. Item, ut ab aliis Academiis commendati incorporentur; et pro more consueto, viri conditionis et eruditionis spectatæ, in singulis Facultatibus licententur; iidemque atque alii, si opus fuerit, literis testimonialibus commendentur, et multa alia de quibus venerabili huic Congregationi decernendi hæctenus potestas fuit; cum matura deliberatione et iudicio expediantur.

§. 3. *De personis ex quibus constat Congregatio; et penes quos sit potestas negandi quæ proponuntur.*

ORDINATUM est etiam, quod, prout de more antiquo observatum fuit, Congregatio Regentium consistat e Cancellario five Vice-Cancellario, et duobus Procuratoribus, vel eorum Deputatis, et Magistris necessario, atque etiam ad placitum Regentibus. Quodque nihil in hac venerabili Congregatione decernatur, cui Cancellarius, five Vice-Cancellarius, vel ambo Procuratores, five eorum Deputati, vel major pars Magistrorum necessario, et ad placitum Regen-

tium, qui interfuerint (quorum numerum novenario minorem esse non oportet) consensum non adhibuerint; sed pro non concessio habeatur, si vel Vice-Cancellarius, ejusve Deputatus, vel ambo Procuratores, eorumve Deputati, vel major pars Magistrorum necessario et ad placitum Regentium, dissenserint. Præterquam in electionibus, quas liberas esse volumus, secundum antiquam consuetudinem, per majorem partem omnium suffragantium.

§. 4. *De Magistris necessario Regentibus.*

DECRETUM est, quod, quolibet anno, de more recepto, statim post finita Comitia, Magistri in artibus, necnon Doctores in S. Theologia, Medicina et Jurisprudentia, in die solennis suæ creationis, petant sive supplicent, ut in Domum Congregationis admittantur, et ad suam in Facultatibus Regentiam, hoc est, ad omnes et singulos actus necessariæ suæ Regentiæ exercendos, ante tertiam Congregationem (nisi grave aliquod crimen, unde Universitati scandalum oriatur, alicui aut aliquibus eorum objiciatur) admittantur; quodque, si ulterius differantur, licitum sit Cancellario, aut ejus locum tenenti, eosdem in Domum Congregationis accersere; et ibidem eosdem propria auctoritate admittere.

Qui Magistri et Doctores, necessario Regentes per integrum biennium habeantur, nisi (post alios Magistros et Doctores in Comitibus proxime sequentibus creatos, et pari modo in Domum Congregationis ad regendum admissos) cum ipsis pro secundo Regentiæ suæ anno (prout de more fieri solet) gratiose dispensetur.

§. 5. *Formula admittendi Magistros ad regendum.*

A MAGISTRIS, et Doctoribus singulis (tamen si antea rexerunt in Artibus) ad Regentiam admittendis, Procurator senior, sub hac verborum forma juramentum exiget. *Magister, tu dabis fidem ad observandum omnia Statuta, Privilegia, Consuetudines, ac Libertates istius Universitatis.* Respond. *Do.*

Item, tu jurabis, quod non revelabis secreta istius Domus; neque Domus Convocationis. Resp. *Juro.*

Item, tu jurabis, quod non impedies dignos, nec indignos promovebis, et quod leges et cantabis in solennibus processionibus, secundum assignationem et dispositionem Procuratorum; vel, si recusaveris, solves 5s. in usum Universitatis per Procuratores exigendos. Resp. *Juro.*

Quo juramento a singulis præstito, Vice-Cancellarius eisdem sic admittat: *Magister, ego admitto te in hanc Domum Convocationis, necnon in alteram Domum Convocationis.*

Deinde, ratione hujus admissionis persolvat quilibet Magister in Artibus, Bedello Facultatis suæ 4d, et Doctor 1s, ad eleemosynam, et usum pauperum, secundum discretionem Vice-Cancellarii et Procuratorum distribuendos. Insuper, quilibet in Artibus Magister (quoniam ab admissione sua ad regendum, computandum est tempus, ad ulteriores Gradus in Facultatibus capeffendos requisitum) solvet Registrario, admissionem suam in registrum referenti, 1s.

§. 6. *Qui sint Magistri Regentes ad placitum.*

MAGISTRI Regentes ad placitum, prout

moris fuit antiqui, habeantur, qui ante aliquando rexerunt; Professores scilicet et Lectores publici, tam Regii, quam alii. Item Doctores omnes cujuscunque Facultatis, in Universitate residentes: necnon omnes Collegiorum et Aularum Præfecti, qui aliquando rexerunt in Artibus, iisque absentibus eorum Deputati; item Magistri Scholarum; et quicumque in privatis Collegiis Decanorum vel Censorum munus obeunt: omnes insuper Magistri (durante secundo Regentiæ suæ anno) quibuscum, post finitum primum necessariæ Regentiæ annum, pro secundo Regentiæ suæ anno dispensatum fuerit.

SECTIO II.

De Examinandis Graduum Candidatis.

§. I. *De Examinatoribus designandis, et juramento onerandis, per Seniores Procuratorem.*

QUO innotescat certius Congregationi Regentium eruditio et in bonis literis progressus eorum qui primum sibi Gradum, sive in Artibus, sive in Jure Civili, petunt; Statutum est, quod unusquisque nondum Graduatus, antequam ad supplicandum pro Gratia admittatur, examen subeat.

Cum vero, variis de causis, antiquus examinandi mos, per Magistros necessario Regentes, hisce temporibus minime accommodatus sit, decrevit haud ita pridem Academia, Examinatores Publicos designandos esse, et novam formam Examinationis instituendam; in qua cum nonnulla jam agnoscimus in melius mutari posse, (usus enim fere semper aliquid apportat novi, ita ut quæ optima putaveris ea in expe-

riundo repudies,) visum est Academiae rem ab integro refingere.

Abrogetur itaque Statutum A. D. 1800 conditum, et praesens Statutum in ejus locum subrogetur.

In posterum quatuor sunt Examinatores Publici, ex eorum numero qui aliquando in Artibus, vel in Jure Civili, inceperint, per Vice-Cancellarium et utrumque Procuratorem, ex ipsorum consensu, nominandi, et deinceps a Venerabili Domo Convocationis pariter ac Congregationis approbandi; ita ut prima nominatio penes Vice-Cancellarium sit, secunda penes Procuratorem Seniore, tertia penes Procuratorem Juniore; et hic ordo nominationum in perpetuum fervetur. Et ut omnia in hoc negotio cautius fiant et integrius, ista nominatio primum quidem in Congregatione Domui significetur; deinde in proxima Congregatione Examinatorum Nomina figillatim suffragiis Regentium permittantur; et tandem post tres dies in frequenti Convocatione, eodem modo, a Domo approbanda demum, seu improbanda, proponantur. Cauto semper, quod haec Examinatorum designatio ita fiat, ut duo Examinatores ex eodem Collegio, vel Aula, nunquam simul existant.

Ex hisce Examinatoribus officio suo cedant quotannis ii qui munere suo per duos annos functi fuerint; et subrogentur in eorum locum tot alii quot ad numerum quaternarium explendum sufficient, a Vice-Cancellario et Procuratoribus, modo et ordine supra definitis, nominandi, et sub forma etiam supra definita a Venerabili Domo Convocationis pariter et Congregationis approbandi.

Provisio semper, quod nemo, qui Examinatoris officio per biennium integrum functus fuerit, eodem officio, nisi post annum elapsum, iterum fungatur.

Horum sit Examinatorum omnes qui primum sibi Gradum, sive in Artibus, sive in Jure Civili, petunt, examinare. Unicuique autem Examinationi omnes Examinatores semper adesse volumus, operamque per totum tempus impigram impendere, nisi quis ob infirmiore[m] valetudinem, aut seriam aliquam causam a Vice-Cancellario et Procuratoribus approbandam, veniam absentiae sibi a Vice-Cancellario impetrauerit. Nemini vero istiusmodi venia ultra unam Examinationem prorogetur.

Examinatores intra Scholarum praecinctus, singulis diebus Examinationis, Procuratoribus absentibus, Procuratoria auctoritate muniantur, atque insuper durante officio suo (sicut Magistri Scholarum) sint Regentes ad placitum; et in Domo Congregationis, antequam munus suum ineant, per Seniore[m] Procuratorem juramento onerentur, in haec verba;

Domine Doct[or], vel Magister, tu jurabis, quod munus et officium Examinatoris Publici sedulo et fideliter pro virili exequeris, forma et modo per Statuta requisitis. Resp. Juro.

Item tu jurabis, quod, sepositis omni odio et amicitia, timore et spe, neque indigno cuiusvis testimonium perbibebis, neque digno denegabis, et quod in Scheda Candidatorum ordinanda classem unicuique secundum merita sua assignabis, et neque indignum aliquem admittes, neque dignum repudiabis. Resp. Juro.

Item tu jurabis, quod nullo modo revelabis suffragium quod vel ipse tuleris, vel alius quivis

Examinator tulerit, in judicio de Candidatorum meritis pronunciando. Resp. Juro.

§. 2. *De EXAMINATIONIBUS habendis, et de Candidatorum admissione.*

EXAMINATIONIBUS habendis assignentur in Termino Michaelis quatuor Septimanæ, a decimo die Mensis Novembris, quatuor itidem in Termino Paschatis, a die Jovis Dominicam secundam post Festum Paschatis proxime sequente, inclusive numerandæ. Quod si forte initium alicujus EXAMINATIONIS in diem festum inciderit, inchoatio ejusdem in diem immediate sequentem differatur.

Qui autem in alterutro horum Terminorum examen subituri sunt, nomina sua vel per se, vel per Tutores suos, coram Procuratore Seniore profiteantur, in Registro peculiari penes Procuratorem Seniore affervato, et in Terminos hosce rite distributo, inserenda; hac tamen lege, nequis serius quam triduo (ita ut tres dies integri supersint) ante EXAMINATIONEM inchoandam Procuratorem de hac re adeat.

Proviso semper, quod nemini examen suum cedat pro forma, qui se examinandum sistet ante inchoatum a tempore Matriculationis suæ quartum annum^a; exceptis iis quibus indulget Academia, ut integro triennio in studiis Academicis completo ad Gradum promoveantur^b. Hisce omnibus licebit post inchoatum tertium annum, a tempore Matriculationis suæ computandum, examen subire.

Nemo autem ad examen subeundum admittatur, nisi qui Quæstionibus Magistrorum Scho-

^a Vide Tit. VI. Sect. VII.

^b Vide Tit. VI. Sect. I. §. 1.

larum in Parvifo pro forma responderit; exceptis iis qui nonum Terminum, a tempore Matriculationis suæ computandum, ante inchoationem Termini Trinitatis anno Millefimo Octingentesimo Nono compleverint.

Nemo etiam ad examen subeundum admittatur, nisi qui intra duos annos examinis sui Terminum immediate præcedentes binis diebus ad minimum EXAMINATIONI Publicæ per integrum tempus interfuerit. Et quo unumquemque huic Statuto satisfecisse liquido appareat, EXAMINATIONIS, cui interfuerit, dies notentur, Testimonio ei perhibito ab uno Examinatorum Publicorum sub hac forma;

A. B. Examinationi Publicæ per integrum tempus interfuit.

1^{mo}. (die mensis et anni) *Ita testor. C. D.*

2^{do}. *E. F.*

Quod quidem Testimonium, atque insuper Testimonium RESPONSIONIS suæ in Parvifo sub Chirographo duorum e Magistris Scholarum, quilibet Candidatus per se vel per Tutorem suum coram Seniore Procuratore teneatur exhibere, eo ipso tempore quo et nomen suum inter Candidatos profiteretur; neque licebit Procuratori, Testimoniis istis non exhibitis, aliquem in Candidatorum numerum referre.

Procurator autem Senior, ubi tandem, modo supra præscripto, de iis omnibus, qui sese Candidatos in Terminis aliquo profiteri velint, certior factus fuerit, tenetur statim nomina eorum in Schedulam referre, serie Alphabetica; deinde Schedulam istam Chirographo suo munitam et typis mandatam sub hoc titulo [*Ordo Examinandorum Terminis A. B.*] ad Vice-Can-

cellarium, ad singulos Collegiorum et Aularum Præfectos, ad Procuratorem Juniorem, ad singulos Examinatores, et ad cujuslibet Collegii vel Aulæ Refectorium tam publicum quam privatum Magistrorum deferri, et ostiis etiam Bibliothecæ Bodleianæ, Scholæ Metaphysices, et Apodyterii Venerabilis Domus Convocationis affigi, curabit: quæ omnia ita agenda sunt, ut, si fieri potest, bini dies integri inter Schedulam hanc publici juris factam et EXAMINATIONEM inchoandam interjiciantur.

Et hæc Scheda Procuratoria, modo et forma præscriptis publicata, pro omni qualicunque licentia, monitione, et notificatione, tam ab ipsis Examinatoribus, quam a Candidatis, habenda et accipienda est.

§. 3. *De Forma et Modo Examinationis.*

LOCUS Examinationibus habendis assignetur Schola Metaphysices. In eam igitur Scholam Examinatores se conferant diebus in Terminis Michaelis et Paschatis supra præscriptis, et hora decima matutina; et deinde continueatur Examinatio (donec de omnibus Candidatis provisum fuerit) a die in diem, nisi ob causam aliquam rationabilem Examinatoribus aliter visum fuerit; quo in casu monentur Examinatores ut de die quem continuandæ Examinationi destinaverint Academiam certiores faciant Schedula monitoria ad Collegiorum et Aularum Præfectos deferenda, ad portam insuper Refectorii vel Promptuarii cujusque Collegii et Aulæ, et ad portam Scholæ Metaphysices per Æditium Universitatis ad minimum ante meridiem diei præcedentis affigenda. Formula vero Schemulæ hæc esto;

Examinatio publica die babenda est.

A. B.

C. D.

E. F.

G. H.

Hora autem decima matutina in Examine uniuscujusque diei incipienda semper fervetur. Excepto quod in die aliquo festo Examinatio non incipiatur nisi post concionem publice coram Universitate habitam.

Candidati vero juxta ordinem Schemulæ Procuratoris ab Examinatoribus nominatim ad examen suum subeundum citentur. Qui citatus non responderit, nisi ex causa rationabili per Vice-Cancellarium approbanda, omni loco in Examine istius Terminis privetur; neque ad aliam aliquam Examinationem tanquam Candidatus admittatur, nisi iterum coram Procuratore Seniore nomen suum professus fuerit; et citetur proximus Candidatus, sub eadem lege, et sic deinceps. Quod si Vice-Cancellarius causam aliquam absentis ratam habuerit, extremus tamen locus in Schemula isti Candidato assignetur. Proviso semper, quod non plures quam Sex Candidati eodem die ad examen subeundum admittentur.

Instituatur igitur examen in **RUDIMENTIS RELIGIONIS**, in **LITERIS HUMANIORIBUS**, et in **MATHEMATICARUM SCIENTIARUM** et **PHYSICES ELEMENTIS**: et in Examine cujusque Candidati is ordo fervetur.

Præ cæteris igitur omnibus primum sibi locum vindicant **RELIGIONIS RUDIMENTA**. Meminerint Examinatores, et hanc sibi sanctam habeant juramenti sui interpretationem, defec-

tum in hac re nullis aliis quibuscunque Candidatorum meritis compensari posse, ita ut qui in gravissima hac materie Examinatoribus non satisfecerit nullum omnino Testimonium obtineat.

Adhibentor semper S. S. Evangelia Græca, e quibus locus aliquis Candidato interpretandus proponatur, et Quæstiones ex ista interpretatione oriundæ excutiantur.

Adhibentor etiam Doctrinæ Articuli in Synodo Londini anno 1562 editi; in quibus, juxta Academiæ Statuta, a Tutoribus instituendi sunt omnes qui illorum tutelæ committuntur^a. De ipsis Dogmatibus breves sunt et dilucidæ Quæstiones; deinde ad locos S. S. Scripturæ provocetur, ex quibus Dogmati isti de quo agitur fides præcipue adstruenda sit.

Porro et Evidentiæ quas vocant, five argumenta quibus innititur Religionis tam Naturalis quam Revelatæ veritas, ab hac Examine nequaquam alienæ censendæ sunt.

Per LITERAS vero HUMANIORES intelligimus, non tantum Linguas Græcam et Romanam, sed et Rhetoricam quoque et Moralem Philosophiam, quatenus a Scriptoribus veteribus derivandæ sint. Dialecticam itidem hisce Literis adnumeramus.

Adhibentor igitur tres ad minimum Scriptores Græci et Romani, melioris ævi et notæ. Proviso semper, quod, si adhibitus fuerit Aristoteles tanquam Dialecticæ Magister, nequaquam eo nomine inter tres istos Scriptores numerandus est.

Examinatoribus insuper explorandum incum-

^a Vid. Tit. III. §. 2.

bit, qua quisque polleat facultate animi sui sensa lingua Latina explicandi. Id quod explorare poterunt, porrecto aliquo libro, lingua vernacula conscripto, e quo oblatum quemcunque locum lingua Latina reddere Candidatus quisque tenetur; aut alio quocunque demum modo, quo sibi commodius satisfacturos Examinatores probabile est.

Cæterum quod ad **LITERAS HUMANIORES** et **MATHEMATICARUM SCIENTIARUM** et **PHYSICES ELEMENTA** attinet, Examinatoribus liberum esto quemlibet Candidatum vel in hisce universis, vel in aliqua parte horum, (prout ipsis fatius visum fuerit,) examinare; modo ut Dialecticæ ratio habeatur, et ut tres isti Scriptores Græci et Romani semper adhibeantur. Nihil enim triste aut asperum molimur. Lenitati ubique consultum volumus, modo ne ea sit, quæ Juniorum socordiæ patrocinari videatur. Proviso semper, quod non licebit cuivis Examinatori Candidatum aliquem ex eadem Domo ex qua sit ipse examinare.

Candidati autem uniuscujusque examen, quantum fieri poterit, uno decursu absolvatur, ita ut ante illud absolutum alius Candidatus non citetur. Si vero, post examen Candidati viva voce peractum, supersit aliquod scriptis ab eodem Candidato præstandum, licebit Examinatoribus examen istud eatenus pro absoluto habere, ut Candidatum proximum continue citent.

Proviso semper, quod, in omni hoc Examinationis negotio, licebit aut Latino aut Anglicano idiomate uti, prout Examinatoribus magis expedire videbitur.

Unoquoque autem die, ubi visum fuerit Exa-

minatoribus nullum alium Candidatum isto die citare, palam declarabit Examinator Senior diem Examinationi continuandæ destinatum. Et post finitam Examinationem uniuscujusque diei alii omnes Schola excedant præter ipsos Examinatores, qui de Candidatis inter se judicium ferent, ac, quemcunque dignum invenerint, ei Testimonium perhibebunt singuli sub hac forma ;

A. B. [die mensis et anni] examinatus, prout Statuta requirunt, satisfecit nobis Examinatoribus.

Ita testamur $\left\{ \begin{array}{l} C. D. \\ E. F. \\ G. H. \\ I. K. \end{array} \right.$

Quod si forte contingat aliquem hujusmodi Testimonio indignum reperiri, licebit tamen illi in sequente alicujus Termini Examinatione Candidatum se iterum profiteri.

Peracta demum uniuscujusque Termini Examinatione, Examinatores eo ipso die, si fieri potest, sin minus postridie, in Scholam Metaphysicas se conferent, atque ibi deliberatione mature et secreto habita, et sepositis omni odio et amicitia, timore et spe, de Candidatorum omnium, qui Testimonium istud obtinuerunt, meritis, inter se judicium ferent, et eosdem in Classes distribuent.

Classium vero Series duplex esto ; quarum altera ad LITERAS HUMANIORES, altera ad MATHEMATICAS et PHYSICAS DISCIPLINAS pertinere censenda est.

Et qui cæteris Candidatis in alterutra Serie ita antecellere visi fuerint, ut insigniore aliqua laude digni censeantur, in PRIMAM ISTIUS SERIEI CLASSEM referendi sunt ; in SECUNDAM qui, etsi non egregios, laudabiles tamen

progressus fecisse visi fuerint. Hanc autem Classem, in utraque Serie, in duas partes, pro arbitrio Examinatorum, lineola interjecta distingui volumus. Cæteri, qui Examinatoribus satisfecerunt, in TERTIAM referantur; quibus satis esto Testimonium perhibuisse. Duas autem priores Classes in Schedulam quandam referri volumus, cujus forma hæc esto.

CANDIDATORUM TERMINI A. D.

IN LITERIS HUMANIORIBUS.

IN DISCIPLINIS MATHEMATICIS ET PHYSICIS.

CLAS- SIS I.	{	A. B. e Coll. C. D. e Coll. &c. &c.	{	A. B. e Coll. C. D. e Coll. &c. &c.
CLAS- SIS II.	{	A. B. e Coll. C. D. e Coll. E. F. e Coll. G. H. e Coll. &c. &c.	{	A. B. e Coll. C. D. e Coll. E. F. e Coll. G. H. e Coll. &c. &c.
	{	A. B. e Coll. C. D. e Coll. E. F. e Coll. G. H. e Coll. &c. &c.	{	A. B. e Coll. C. D. e Coll. E. F. e Coll. G. H. e Coll. &c. &c.

Nomina autem, tum in Prima Classe, tum in utraque parte Secundæ Classis respective, secundum ordinem Alphabeticum disponantur. Cauto semper, quod si Candidatus aliquis Examinatoribus IN LITERIS HUMANIORIBUS non satisfecerit, nullum omnino Testimonium aut locum in Scheda ista obtineat.

Sin autem in Scheda hac ordinanda Examinatores pari utrinque suffragiorum numero in diversas sententias abierint, ea demum sententia rata esto, pro qua steterit Examinator Senior, modo ne sit ex eadem domo unde Candidatus ipse de quo agitur: in quo casu auctoritas simpliciter Senioris ad proxime Seniore

transferenda est. Quæ quidem Senioritas hoc modo æstimanda est; scilicet, Doctorum, juxta Ordinationes Tit. XI. §. 2. Baccalaureorum vero in quavis facultate, pariter ac Magistrorum, juxta prioritatem præsentationis suæ ad Gradum Magistri in Artibus.

Denique hanc Schedulam, propriis omnium Examinatorum nominibus signatam, et typis mandatam, ad Dominum Cancellarium et Vice-Cancellarium, ad singulos Collegiorum et Aularum Præfectos, ad utrumque Procuratorem, necnon ad cujuslibet Collegii et Aulæ Refectorium, Examinator Senior curabit deferri.

§. 4. *De Officio ac Cura Vice-Cancellarii et Procuratorum circa Examinaciones; et de Examinatoribus remunerandis.*

QUO Statutum hoc de examinandis Candidatis in futurum sancte et inviolabiliter observetur, Ordinum est, quod unicuique Examinacioni Vice-Cancellarius saltem bis, Procuratores vero, singuli quater ad minimum, interfint, exploraturi utrum omnia rite et secundum Statuta peragantur.

Si quis vero Examinator vel fatis concefferit, vel se officio suo abdicaverit, vel (quod absit) in gravissimo hoc munere obeundo ita se gesserit ut, ex Vice-Cancellarii, vel amborum Procuratorum, sententia, ab officio suo amoveatur, tanquam qui neque Matris Academiae dignitati, neque juramenti sui obligationi, satisfecerit; alius in ejus locum, qui vices ejus suppleat in partem biennii nondum elapsam, forma et modo supra præfinitis, continuo subrogetur.

Et quo Examinatoribus accedant non modo Gratia, quas illis usque aget habebitque Academia maximas, sed et remunerationes quæ-

dam pecuniariæ, Statutum est, quod Candidatus unusquisque, cum inter examinandos refertur a Procuratore, persolvat xxi Solidos; et quod hæ pecuniæ (exceptis tribus Solidis, in Famuli Procuratoris usum, et uno Solido in usum *Æditui* Universitatis, viritim pro numero examinandorum reservandis,) a Procuratore ad Vice-Cancellarium deferantur; qui aliis insuper, quantum opus fuerit, e Cista Academica Pecuniis depromptis, (iis scilicet, quæ per Decretum Convocationis anno 1802 sancitum ab Academicis exiguntur,) id semper curabit, ut unicuique Examinatori annua octoginta librarum Pensio persolvatur.

Cæterum Examinatorum designatio jam facta rata permaneat, ita ut Examinatores isti, auctoritate Statuti A. D. 1800 designati, licet plures sint quam quatuor, tamen ab initio Terminis Michaelis proxime sequentis pro Examinatoribus auctoritate præsentis Statuti designatis accipiendi sint; atque eo nomine juramento supra præscripto per Seniores Procuretores onerentur.

Quod si forte unus aut alter officio suo quoquo modo cesserit, nemo tamen in ejus locum subrogetur, si modo quatuor adhuc ex Examinatorum numero supersint; sin minus, subrogetur novus Examinator juxta ordinem nominationum supra præscriptum. Deinde in Terminis Hilarii A. D. 1808 tot novi Examinatores nominentur quot (ratione habita eorum qui in officio suo per alterum annum permansuri sunt) ad numerum quaternarium suppleendum sufficiant; et sic deinceps. Perpetuis enim futuris temporibus hæc Examinatorum Publicorum nominatio Terminis Hilarii in Congregatione post Diem Cinerum proxime ha-

benda, annuatim Domui significetur : et deinceps peragantur etiam reliqua quæ ad illorum designationem spectant, prout superius ordinatum est. Et Examinatores Termino Hilarii annuatim de novo designati Termino Michaelis proxime sequente munus suum inibunt.

Volumus insuper, quod Registrum peculiare penes Examinatores in Schola Metaphysices adferretur, in quo eorum omnium qui Testimonium obtinuerint nomina unoquoque Examinationis die inferantur ; ita ut, si in Congregatione Regentium de ista re quæstio aliquando oriatur, ad Registrum hoc perpetuo possit appellari.

Quoniam vero usu venit, ut dies et horas negotiis Academicis a Statutis destinatas mutare interdum commodius reperiatur, fas fit Venerabili Domui Congregationis, ex causa rationabili per Vice-Cancellarium approbata, diem aliquem aut horam hoc Statuto præscriptam pro Examinationibus habendis mutare. Proviso tamen, quod Vice-Cancellarius ante triduum Academiam certiorem faciat, si quando hujusmodi rem ad Venerabilem Domum Congregationis referendam censuerit.

Ordinatum est insuper, quod Statutum hoc vim et vigorem suum non obtinebit ante diem decimum Mensis Octobris proxime sequentis.

Denique, ad tollendam omnem dubitationem, expresse pronunciamus, quod examen nondum Graduati, virtute prioris alicujus Statuti habitum, effectum habeat Examinis pro primo Gradu præsentis Statuti auctoritate imperati.

SECTIO III.

De Gratiis petendis.

§. 1. *Conditiones præviæ ad petitionem gratiæ ex parte supplicis.*

STATUTUM est primo, ne cujusquam gratia in venerabili Domo Congregationis proponatur, nisi qui, eo ipso tempore, in matricula Universitatis nomen inscriptum habeat; et, a tempore matriculationis suæ, annos, ad primum quem ambit Gradum, requisitos compleverit; quique alicujus Collegii vel Aulæ alumnus censeatur.

Deinde requiritur, ut quilibet candidatus, five pro Gradu aliquo supplicans, non solum sit probis moribus, et omnia ad Gradum requisita recte compleverit; verum etiam (si Gradum in Artibus capeffat, vel in Jurisprudencia, secundum Statuta quorundam Collegiorum, antequam in Artibus inceperit) ut secundum Statuta debitum examen subierit, et ab examinatore testimonium reportaverit, a Magistro gratiam ipsius proponente, ante gratiæ petitionem, vel a Magistro præsentante, (si candidatus pro gratia non supplicet) ante præsentationem, palam in Domo Congregationis recitandum.

Ac insuper, ut in Scholæ Theologicæ Proscholio, statim a cessatione pulsationis campanæ, singulis diebus quibus gratia proponetur, habitu Gradui competente, et nudato capite, durante toto tempore Congregationum se præsentem sistat.

Quodque inter supplicandum, suis duntaxat

viribus et meritis nitatur; nec prece, nec pretio, nec muneribus aut promissis, pacto aut conditione, gratiam aut favorem cujusquam captet; nec Magnatum literis, ut quicumque sibi pro forma requisitum condonetur aut indulgeatur, fatagat, cujusmodi ambitus si convictus fuerit, eo ipso inhabilis ad omnem ulteriorem Gradum Scholasticum habeatur.

§. 2. *Conditiones proponendi gratias.*

STATUTUM est, quod nemo Magistrorum gratiam vel dispensationem quamcunque cujusquam pro Gradu supplicantis proponat, nisi fuerit ejusdem Collegii vel Aulæ, cujus is est qui supplicat; præterquam Procuratorum alter, vel alius, cui Vice-Cancellarius licentiam proponendi concefferit.

Cum vero Collegium unumquodque et Aulam moribus suorum invigilare oporteat, ac præ aliis cavere, ne qui indigni sunt Gradus ambire præsumant; Statutum est, quod nemo, quacunque de causa, Gratiam cujusquam in Domo Congregationis proponat, nisi prius Candidatum suum Gratiam pro Gradu quem ambit a Collegio suo, vel Aula sua, obtinuisse testatus fuerit sub hac forma;

Ego A. B. Decanus, vel Censor, Collegii, vel Aulæ, C. D. [vel Decani, aut Censoris, vicemgerens] testor E. F. Gratiam a Collegio suo, vel Aula sua, pro Gradu G. H. concessam fuisse, fide mea data huic Universitati.

Statutum est insuper, quod nemo Gratiam cujusquam qui Examen subire debuerit unquam proponat, nisi prius Testimonium Examinatorum de Candidato suo palam in Domo Con-

gregationis recitaverit. Quod si non commorans fuerit, qui Gradum in aliqua e superioribus Facultatibus ambit, nemo gratiam huiusmodi, sub pœna perjurii, proponere præsumat, nisi prius literas testimoniales ab Episcopo Diocœseos, ubi degit candidatus, signatas, de conformitate ipsius tum quoad doctrinam, tum quoad disciplinam in Ecclesia Anglicana receptam, palam in Domo Congregationis recitaverit. Ac postmodo e scheda quadam, formam sive tenorem gratiæ continente, supplicantis nomen, necnon Collegii sive Aulæ, unde fuerit, exprimet. Et si non graduatus fuerit, cuius gratia proponitur, quod per integrum tempus ad talem Gradum per Statuta requisitum, in eo Collegio vel Aula, (vel alio quopiam) non in domo privata cuiusquam victitaverit, et hospitatus fuerit.

Item, quod plures gratiæ simul, seu confuse, eodem tempore non proponantur: sed uniuscujusque personæ supplicantis nomen et prænomen distincte ac divisim recitentur.

Item, quod eadem gratia sæpius in eadem Congregatione non proponatur.

Item quod gratia sit vera, hoc est, vera intentione, et non animo deludendi, prolata vel petita. Et quod, proximis quibusque et immediate sequentibus Congregationibus, supplicationem sub eadem forma continuet, donec gratia concessa vel denegata penitus fuerit. Et postremo, quod in singulis Congregationibus quota vice, prima, secunda, tertia, quartave supplicetur, publice recenseat.

§. 3. *Formula generalis petendi gratias.*

CONSUETUDO etiam est, quod Magister, pro alicujus gratia vel dispensatione supplicans, in medium prodeat: et facta debita coram Cancellario et Procuratoribus reverentia, petitionem suam e schedula recitet; inque eodem loco stans permaneat, quoad, quid de petitione sua factum fuerit, intelligat: recitata autem sive proposita supplicatione, Procuratores, a sellis exsurgentes, primo Cancellarii votum conjunctim perscrutentur, quo secreto in eorum aures, vel per aliquod signum externum, deposito, mox a se invicem divisi, ad alios Doctores (si qui adfuerint) utrinque Cancellario assidentes, se conferant, eorum itidem suffragia excepturi. Et deinceps aliorum Magistrorum, ad utramque domus partem confidentium, vota singulatim et accurate exquirent. Quibus peractis, Procuratores ad loca sua revertantur, ubi stantes, de scrutinio hujusmodi inter se diligenter conferant; et pro numero sive ratione suffragiorum, in verbo *placet*, vel *non placet*, per eosdem exceptorum, ex supplicantis schedula eandem gratiam sive dispensationem, Procuratorum alter verbatim (si concessa fuerit) recitet, vel (non concessam) ante quartam vicem, silentio tantum indicet; quarta autem vice, si non concessa fuerit, palam pronuncietur negata. Magister autem supplicans ad locum suum, unde prius prodierat, se recipiat.

§. 4. *Formulæ speciales Gratiarum ad singulos Gradus pertinentium.*

Pro Baccalaureo in Artibus.

SUPPLICAT Venerabili Congregationi Doctorum et Magistrorum Regentium A. B. Scholaris Facultatis Artium e Collegio C. in quo, non in domo aliqua privata, per integrum tempus ad Gradum Baccalaurei in Artibus per Statuta requisitum, ipsum cubile et victum continue sumpsisse scio (*vel, si tempus non in uno aliquo Collegio vel Aula compleverit, in quo partim, partim in Collegio vel Aula A.*) quatenus 16 Terminos in studio Dialecticæ et aliarum Artium juxta Statuta posuerit; publicos Artium Prælectores diligenter audiverit; Sophista Generalis creatus fuerit; Examen Publicum pro Gradu subierit; et reliqua compleverit omnia, quæ per Statuta Universitatis requiruntur; ut hæc sibi sufficiant, quo admittatur ad lectionem cujuslibet libri Logices Aristotelis, et insuper earum Artium, quas et quatenus, per Statuta tenetur audivisse.

Si plures fuerint; tunc, supplicat sub eadem forma primo vel secundo, &c. B. C. &c.

Si sit filius Baronis, in superiori Parlamenti Domo suffragii jus habentis; (sive etiam Baron. fil. e gente Scotica vel Hibernica) aut Baronetti, vel Equitis Aurati filius natus maximus, &c. supplicat &c. A. B. filius &c. Scholaris Facultatis Artium &c. e Coll. C. &c. quatenus duodecim Terminos in studio, &c. ut supra.

Si quis super aliquo dispensabili per domum Congregationis dispensationem obtinuerit, supplicat &c. ut supra. Et reliqua compleverit omnia,

quæ per Statuta Universitatis requiruntur, nisi quatenus cum eo dispensatum fuerit, &c.

Pro Gradu Inceptoris in Artibus.

Supplicat, &c. A. B. Baccalaureus Facultatis Artium ex Aula A. quatenus 12 Terminos in studio Philosphiæ et aliarum Artium juxta Statuta posuerit; publicos Lectores diligenter audiverit; in Quadragesima determinaverit; reliquaque compleverit omnia, quæ per Statuta requiruntur; ut hæc sibi sufficiant, quo admittatur ad incipiendum in eadem Facultate.

Pro Gradu Baccalaurei in Musica.

Supplicat, &c. A. B. Scholaris in Musica, e Collegio L. quatenus 7 annos in studio vel praxi Musices posuerit, et unum Canticum 5 partium in Schola Musices ediderit; et reliqua præstiterit, quæ per Statuta requiruntur, (nisi quatenus cum eo dispensatum fuerit) ut hæc sibi sufficiant, quo admittatur ad lectionem cujuslibet libri Boethii.

Pro Gradu Inceptoris in Musica.

Supplicat, &c. A. B. Baccalaureus Musicæ, quatenus a tempore suscepti Gradus Baccalaureatus sui, 5 annos in studio vel praxi Musices posuerit; unum Canticum 6 vel 8 partium in Schola Musices ediderit; et cætera præstiterit omnia, quæ per Statuta requiruntur, (nisi quatenus cum eo dispensatum fuerit) ut hæc sibi sufficiant, quo admittatur ad incipiendum in eadem Facultate.

Pro Gradu Baccalaurei in Medicina.

Supplicat, &c. A. B. Magister Facultatis Artium, e Coll. M. &c. quatenus annum integrum a suscepto Magisterii Gradu in studio Medicinæ posuerit; publicum Prælectorem diligenter audiverit; in Schola Medicinæ pro forma responderit, et opposuerit; et reliqua omnia præstiterit, quæ per Statuta requiruntur, (nisi quatenus secum dispensatum fuerit) ut hæc sibi sufficiant, quo admittatur ad lectionem cujuslibet libri Aphorismorum Hippocratis.

Pro Gradu Inceptoris in Medicina.

Supplicat, &c. A. B. Medicinæ Baccalaureus, e Collegio N. quatenus post susceptum Gradum Baccalaurei in Medicina, tres annos in studio Medicinæ posuerit; publicum Prælectorem diligenter audiverit; Prælectiones in Schola Medicinæ pro forma habuerit; et reliqua omnia præstiterit, quæ per Statuta requiruntur, (nisi quatenus &c.) ut hæc sibi sufficiant ad incipiendum in eadem Facultate.

Pro Gradu Baccalaurei Juris Civilis.

Supplicat, &c. A. B. Magister Facultatis Artium, e Collegio O. quatenus tres annos a tempore admissionis suæ ad regendum, in studio Juris Civilis posuerit; publicum Professore diligenter audiverit; in Schola Jurisprudentiæ pro forma semel responderit, et bis opposuerit; et reliqua præstiterit omnia, quæ per Statuta requiruntur; ut hæc sibi sufficiant, quo admittatur ad lectionem cujuslibet libri Institutionum Imperialium.

Si non inceperit in Artibus, nec per Statuta Collegii sui Juris studio deputatus fuerit.

Supplicat, &c. A. B. Scholaris in Facultate Juris ex Aula A. in qua, non in domo aliqua privata, per integrum tempus ad Gradum Baccalaurei in Jure Civili, per Statuta requisitum, ipsum cubile et victum continue sumpsisse scio; [*vel, si tempus non in uno aliquo Collegio vel Aula compleverit, in qua partim, partim in Collegio vel Aula A.*] quatenus, post biennium positum in studio Dialecticæ, Moralis Philosophiæ, et Politicæ, aliarumque humaniorum Literarum, et in audiendis lectionibus sibi per Statuta Universitatis destinatis, quinque annos in studio Juris Civilis posuerit; &c. *ut supra.*

Si non inceperit in Artibus, et per Statuta Collegii sui, statim a primo ad Academiam adventu, Juris studio deputatus fuerit.

Supplicat, &c. A. B. Scholaris in Facultate Juris e Collegio M. quatenus lectiones sibi per Statuta Universitatis destinatas diligenter audiverit; quinque annos in studio Juris Civilis posuerit; publicum Professore &c. *ut supra.*

Pro Gradu Inceptoris in Jure Civili.

Supplicat, &c. B. C. Baccalaureus in Jure Civili e Collegio M. quatenus, a suscepto Baccalaureatus Gradu, quatuor annos in studio Juris Civilis posuerit; publicum Prælectorem diligenter audiverit; lectiones pro forma in Schola Jurisprudentiæ habuerit; reliquaque præstiterit omnia, quæ per Statuta requiruntur; ut hæc sibi sufficiant, quo admittatur ad incipiendum in eadem Facultate.

Si non inceperit in Artibus, priusquam Baccalaureus in Jure foret.

Supplicat, &c. B. C. Baccalaureus in Jure Civili e Collegio N. quatenus &c. quinque annos in studio Juris Civilis, &c.

Pro Gradu Baccalaurei in S. Theologia.

Supplicat, &c. A. B. Magister Facultatis Artium e Collegio T. quatenus septem annos a tempore admissionis suæ ad regendum in studio S. Theologiæ posuerit; publicum Professore diligenter audiverit; in Schola Theologica pro forma semel responderit, et bis opposuerit; concionem Latinam pro forma habuerit; et reliqua præstiterit omnia, quæ per Statuta requiruntur; ut hæc sibi sufficiant, quo admittatur ad lectionem alicujus Epistolarum Divi Pauli.

Pro Gradu inceptoris in S. Theologia.

Supplicat, &c. A. B. Sacræ Theologiæ Baccalaureus e Collegio E. quatenus, a suscepto Baccalaureatus Gradu in S. Theologia, quatuor annos integros in eadem Facultate posuerit; publicum Prælectorem diligenter audiverit; in Schola Theologica pro forma sex solennes lectiones, vel tres ad minimum cursorias, habuerit; et reliqua præstiterit omnia, quæ per Statuta requiruntur; ut hæc sibi sufficiant, quo admittatur ad incipiendum in eadem Facultate.

Si in aliqua Facultate quis Gradum Baccalaurei et Doctōris cumulare cupit.

Supplicat, &c. A. B. quatenus—annos in studio—posuerit; pro Gradibus cumulandis, se-

cum per venerabilem Domum Convocationis dispensatum fuerit; gratiam ad lectiones pro forma habendas in hac venerabili Domo adeptus sit; pro forma in Schola—legerit; cæteraque omnia compleverit, quæ per Statuta requiruntur; ut hæc sibi sufficiant, quo—&c.

§. 5. *De gratiis simpliciter concedendis vel negandis.*

QUONIAM factiosi homines nonnunquam, sprete jurisjurandi religione, conjurant inter se adversus supplicantes, quos vitæ ac eruditionis merita commendant; nec iis gratias concedere volunt, nisi indignis etiam eadem gratia fiat; statutum est, quod quilibet Regens, gratiam concessurus vel negaturus, absque comparatione vel relatione gratiæ ad gratiam, et absque aliqua conditione interposita, simpliciter et absolute, eandem vel concedat, vel deneget: quod si quis secus fecerit, illius votum vel suffragium pro nullo habeatur.

Si quis autem pro gratia concedenda munus aliquod exegisse, vel recepisse, (mediate vel immediate) convictus fuerit, a Domo Congregationis perpetuo sit exclusus: et duplum illius, quod sic receperit vel exegerit, ad usum Universitatis solvere teneatur.

§. 6. *De suffragiis, in concedendis vel negandis gratiis, non revelandis.*

STATUTUM est, quod Magister quilibet in gratia concedenda vel deneganda, suffragium suum Procuratoris auri infusurrabit, ita ut alius nemo exaudiat; quodque nec verbo, nutu, vel signo, quo illius propositum aliis innotescat, indicium faciat; nec cuiquam antea vel postea

denunciet, sub pœna, si secus fecerit, exclusio-
nis perpetuæ a Domo Congregationis.

Quodque Procuratores, neminem, qui gra-
tiam concefferit vel denegaverit, quoquo modo
revelare, virtute juramenti teneantur.

§. 7. *De causa gratiæ ter negatæ ostendenda, sta-
tim post tertiam Congregationem finitam.*

CUM vetera statuta singulis Magistris Re-
gentibus eam concedant libertatem, ut quivis,
si modo velit, pro arbitrio suo, ter cujusquam
gratiam, suspendendo, denegare possit; ordina-
tum est, quod, quotiescunque gratia aliqua tertio
petita, vel ab uno, vel a pluribus denegabitur,
denegationis causa Vice-Cancellario et Procu-
ratoribus eodem die ostendetur; et probationes
coram eisdem summarie proferentur; quæ
causa, et probatio ejusdem, celato nomine ob-
jicientis, in proxima Congregatione publicabi-
tur; et, si Vice-Cancellario, Procuratoribus, et
majori parti Regentium justa videbitur, tum
gratia denegata censebitur; et qui supplicavit,
per annum integrum ad denuo supplicandum
inhabilis reddetur.

Quod si causa allegata minus justa aut pro-
babilis videatur, gratia quarto proposita pro
concessa habeatur, nisi Vice-Cancellario, aut
Procuratoribus, aut majori parti Regentium vi-
debitur, aliam ob causam, deneganda.

§. 8. *Formula pronunciandi gratias concessas.*

STATUTUM est, quod, prout antiquitus
fieri consuevit, cum alicujus gratia concessa
fuerit, scheda, ex qua petebatur, in manus
alterius Procuratoris (cui gratiam concessam
pronunciare incumbet) ab eo qui petiit tradita,

Procurator loco suo stans, juxta schedulæ tenorem, de verbo ad verbum, et juxta uniuscujusque personæ (si plures fuerint) supplicationem, gratiam recitet, in hanc formam: *Gratia petita est ista, supplicat, &c.* deinde gratiam concessam sub hac forma pronunciet: *Hæc gratia concessa est simpliciter, et sic pronunciamus concessam.*

Quod si fit pro Baccalaureo in Artibus, *Pronunciamus concessam, modo determinaverit proxima Quadragesima:* nisi ex speciali aliqua ratione, gratiam concessam simpliciter, Procuratori pronunciare videbitur.

Si fit gratia Inceptoris in qualibet Facultate, *Pronunciamus concessam, modo steterit in proximis Comitibus.*

Si fuerit gratia Inceptoris in Musica, *Pronunciamus concessam, modo steterit in proximis Comitibus, et unum canticum 6 vel 8 partium, in iisdem Comitibus exhibuerit.*

“ Si fit gratia licentiandi ad praxin Chirurgiæ, *Pronunciamus concessam, modo quatuor saltem pauperes gratis et intuitu charitatis curet, cum ad hoc ab iis fuerit requisitus* ^a.”

SECTIO IV.

De Dispensationibus.

§. I. *De dispensationibus in venerabili Domo Congregationis proponendis. Formula supplicandi.*

CUM justa quandoque impedimenta interveniant, quo minus ea omnia, quæ ad Gradus et

^a Vide Tit. IX. Sect. IX. §. 7.

alia exercitia Universitatis requiruntur, modo et forma per Statuta requisitis, rite peragantur; consuevit Congregatio Regentium in hujusmodi causis cum personis aliquibus in materia dispensabili aliquoties gratiose dispensare.

Formula supplicandi hæc est; Magister, qui e schedula dispensationem petit, (impetrata prius a Vice-Cancellario et Procuratoribus licentia) nomen supplicantis, ejusque conditionem, et Coll. vel Aulam ubi commoratur, et id, in quo secum dispensari cupit, una cum speciali causa, exprimet sub hac vel consimili forma: *Supplicat, &c. Scholaris Facultatis Artium, e Coll. N. ut gratiose secum dispensetur, &c. causa est, quod, &c.* cui petitioni si Dominus Vice-Cancellarius, ambo Procuratores, et major pars Regentium tunc præsentium, consensum suum adhibuerint, pro concessa habeatur. Et tum, eodem modo quo gratias concessas pronunciare solet, dispensationem concessam pronunciabit Procurator.

§. 2. *De Materia Dispensabili, in qua Congregationi dispensare permissum est.*

MATERIA in qua Venerabilis Domus Congregationis dispensare potest, et solet, hujusmodi est.

1. Pro absentia Terminorum duorum, si Gradum Baccalaurei in Artibus ambiat quis; trium, si Gradum Magistralem.
2. Pro ingressu in Bibliothecam publicam.
3. Ut Termini in alia Academia in studio positi pro positis in hac Academia habeantur.
4. Pro minus diligenti publicorum Lectorum auditione.

5. Pro omiffione Circuitus.
6. Quod Circuitus pridie ante Terminum inchoatum peractus fufficiat.
7. Pro Gratia per Magiftrum alterius Domus proponenda, fi nullus fit Magifter in ipfa Domo unde Supplicans eft.
8. Ut Gratia rata fit, licet intra tres Congregationes registrata non fuerit.
9. Ut Gratia superiori Anno conceffa rata habeatur.
10. Ut Baccalaureus qui in Fefto Ovorum ad determinandum præfentari debuerat, tamen poft Feflum iftud elapfum præfentetur ad determinandum eadem Quadragefima.
11. Ut qui Gradum Baccalaurei elapfo Fefto Ovorum fufceperit, præfentetur ad determinandum eadem Quadragefima, in caufa ægritudinis, vel extremæ alicujus neceffitatis; provifo femper quod caufa allegata, per Præfectum Domus, vel, eo abfente, per ejus Deputatum, in Scheda aliqua Chirographo fuo munita Vice-Cancellario fignificetur, poftea in Domo Congregationis recitanda, et fuffragiis venerabilis Domus mittenda.
12. ^a Ut Baccalaureus, qui præterita Quadragefima determinare debuerat, determinet fequenti aliqua Quadragefima.
13. Ut Magifter Cumulatus, pro Habitu cocineo, nigro et folito, poft peracta præfentationis folennia, uti poffit.
14. Ut Doctores Ocreas, et Magiftri Crepidas et Socculos, quibus ex antiquo ritu uti tenentur, exuant.

^a Tit. VI. Sect. II. §. 3.

15. Ut Cantabrigienses, vel alterius Academiæ Studiosi, eodem sint Gradu et statu apud nos, quo apud suos sunt.
16. Ut Terminus prorogetur.
17. Pro necessaria Regentia.
18. Quatenus Præsentandus (ad practicandum in Medicina vel Chirurgia) secundum Statuta Testimonium non affert, nec fidem facit, quod interfuerit uni saltem integræ Dissectioni Anatomicæ, unique integræ Lectioni de Sceleto, ut gratiose secum dispensetur pro hujusmodi istius Omiffione ^a.

Denique si quæ alia causa sit his confimilis ; vel in qua, speciali aliquo Statuto, Venerabili Domui Congregationis Dispensandi potestas indulgeatur.

SECTIO V.

De Præsentationibus Graduandorum.

§. I. De circuitione a præsentandis obeunda.

STATUTUM est, quod, pro more antiquo, postquam gratia concessa fuerit, quilibet præsentandus, (impetrata prius per eundem venia a Domino Vice-Cancellario, ut habeatur Congregatio) præsentatorem suum habitu Gradui competente indutum sequens ; ipse etiam habitu congruo, et nudato capite incedens præeuntibus Bedellis vel eorum aliquo, primo Vice-Cancellarium, deinde Procuratorem seniore, postea Procuratorem juniore, ante occasum solis, in

^a Stat. Tit. IV. Sect. I. §. 15.

hospitiis suis adeat. Quem, si inveniri possit, præsentator sic alloquatur :

Supplicamus dominationi vestræ, quatenus præesse dignetur crastinæ Congregationi; ut Scholaris vel Baccalaureus meus ad Gradum suum præsentetur.

Deinde, si quis ipsorum ad incipiendum in Artibus præsentandus fuerit, deponet penes Vice-Cancellarium pecuniariam cautionem 40s. vel (si tenuioris conditionis fuerit) fidejussoriam, (duobus interpositis sponzoribus, qui alicujus Collegii Socii sint,) quod proximis Comitiis incipiet ; et, statim post Comitia, ad Regentiam admittendum se curabit : in quorum alterutro, si defecerit, cautio proutinus cedat fisco Universitatis ; sin vero inceperit, et ad Regendum admissus fuerit, cautionem usque penes se retineat Vice-Cancellarius, quoad annus necessariæ Regentiæ completus fuerit ; si quam ratione inceptiois aut Regentiæ mulctam incurrerit, inde subtrahere ut liceat ; deinde, in fine anni residuum restituatur. Quicumque autem ex iis ad Gradum Baccalaurei in Artibus præsentandi sunt, obligentur itidem cautione sive pecuniaria sive fidejussoria (ut prædicitur) ejusdem valoris 40s. penes Vice-Cancellarium deposita, ad sistendum se in Festo Ovorum ineunte proxima Quadragesima.

Procuratores vero, sic : *Supplicamus reverentis vestris, ut crastinæ Congregationi interesse dignemini, &c.* Quibus annuentibus, recedet.

Si vero præsentandus cumulatus fuerit, præeuntibus Stationario, i. e. Virgifero Universitatis, Bedellis omnibus, et Proto-Bibliothecario (vice Capellani Universitatis) adibit primo

Procuratorem juniorem ; deinde, cum illo, Procuratorem seniore ; et post, cum utroque Procuratore, Vice-Cancellarium ; singulisque ut Congregationi interfint rogatis, a Vice-Cancellario et Procuratoribus Domum deducetur.

Quod si Magistrorum quivis (habito examine) præsentandum quemvis, quoad eruditionem, Gradui suo imparem deprehenderit, eoque nomine eum ad Vice-Cancellarium vel Procuratores detulerit, oportebit Vice-Cancellarium vel Procuratores præsentationem ipsius tantisper morari, donec (habito publico examine in Domo Congregationis) ulterius dispiciatur, utrum dignus sit Gradu quem ambit, necne. Alioqui non licebit Vice-Cancellario aut Procuratoribus, ex privata cujusvis suggestionem aut interpellationem, cujusquam præsentationem aut admissionem impedire : nisi quid de novo admiserit post gratiam impetratam ; aliquidve fecisse manifesto probetur, quod repulsam mereatur, quodque prius latebat.

§. 2. *De solenni processu præsentandorum ad Domum Congregationis.*

IN die præsentationis, statim a pulsatione magnæ campanæ, præsentandus vel præsentandi, (si plures candidati fuerint,) nudis capitibus, juniore reliquis præcedente, omnes præeunte Viatore sive Bedello, sequente præsentatore et Collegii sive Aulæ Præfecto una cum Sociis vel Commensalibus universis, habitibus Gradibus suis competentibus indutis, a Domo sua ad apodyterium Domui Congregationis vicinum solenniter deducuntur.

Et, si Cumulator fuerit, Vice-Cancellarius et Procuratores cum Proto-Bibliothecario, om-

nibusque Bedellis et Stationario Universitatis, concomitabuntur.

Consuetudo autem est, quod Doctorem vel Baccalaureum, in Medicina præsentandum, omnes Medicinæ Doctores, Baccalaurei, et quotquot huic professioni nomina dederunt, in Universitate præsentés, a domo sua ubicunque infra Universitatis præcinctum fuerit, una cum Bedello Facultatis suæ, ad Apodyterium Domui Congregationis vicinum solenniter deducant, et eo nomine chirothecas singuli a præsentando recipiant.

§. 3. *De subscriptione ante præsentationem exigenda.*

CUM præsentandus vel præsentandi ad Apodyterium Domui Congregationis vicinum de-
venerint, eorum quilibet articulis Fidei et Religionis in Synodo Londini anno Dom. 1562. editis et confirmatis (lectis prius, vel alio recitante auditis, in præsentia præsentatoris sui) necnon tribus articulis in 36^o Canone comprehensis (lectis prius ibidem, et publice, coram præsentatore, in præsentia Procuratorum) subscribet; qui quidem tres articuli descripti sunt Canone 36^o libri Constitutionum et Canonum Ecclesiasticorum, in Synodo Londini cœpta anno Dom. 1603.

§. 4. *Ceremoniæ, sive ritus præsentationum.*

PERACTA subscriptione, et Vice-Cancellario, Procuratoribus, et Magistris Regentibus in Domo Congregationis confidentibus, præsentatores cujusque Facultatis (*secundum dignitatem Facultatis*, ubi fit præsentatio ad eundem Gradum in diversis Facultatibus; si unus e præ-

sentandis fuerit Theologus ; alioqui, secundum senioritatem præsentatoris : ubi vero præsentatio fit ad diversos Gradus ; *secundum dignitatem Gradus* : et in eadem Facultate et Gradu, *secundum senioritatem præsentatorum*) ad præsentandum procedant. Et quisque (Bedello præeunte, et candidatis sive præsentandis, prout seniores fuerint, proxime sequentibus) Domum Congregationis conscendet ; et cum debita reverentia ad superiorem partem Domus procedens, præsentandos a dextero latere sistet ; deinde præsentandi cujusque, prout ordine sistitur, manum dexteramprehendens, coram Vice-Cancellario producet ; et ea, quæ par est, reverentia, sub peculiari formula, Vice-Cancellario et Procuratoribus præsentabit.

§. 5. *Peculiares Formulæ præsentandi ad singulos Gradus.*

Ad Baccalaureatum in Artibus.

INSIGNISSIME Vice-Cancellarie, vosque egregii Procuratores, præsentō vobis hunc meum Scholarem in Facultate Artium, ut admittatur ad lectionem cujuslibet libri Logices Aristotelis, et earum insuper Artium, quas et quatenus per Statuta tenetur audivisse ; testorque illum in præsentia mea legisse (*vel lectos audivisse*) articulos Fidei et Religionis, quibus modo subscripsit coram Procuratoribus ; ac speciatim tres articulos in Canone 36^o comprehensos ; fide mea data huic Universitati.

Ad determinandum.

Insignissime &c. præsentō vobis hunc meum Baccalaureum Facultatis Artium, ut admitta-

tur ad determinandum hac proxima Quadragesima.

Ad incipiendum in Artibus.

Insignissime &c. præsentō vobis hunc Baccalaureum in Facultate Artium, ut admittatur ad incipiendum in eadem Facultate; testorque illum, &c.

Ad Baccalaureatum in Musica.

Insignissime &c. præsentō vobis hunc Scholarem in Facultate Musicæ, ut admittatur ad lectionem cujuslibet libri Boethii; ad quam admissionem eum aptum, habilem, et idoneum esse, sub chirographis hominum in Arte Musica peritissimorum abunde testatum accepistis.

Ad incipiendum in Musica.

Insignissime &c. præsentō vobis hunc Baccalaureum in Facultate Musicæ, ut admittatur ad incipiendum in eadem Facultate: ad quam admissionem, &c.

Ad Baccalaureatum in Medicina.

Insignissime &c. præsentō vobis hunc Studiosum in Medicina, ut admittatur ad lectionem cujuslibet libri Aphorismorum Hippocratis; testorque illum, &c.

Ad incipiendum in Medicina.

Insignissime &c. præsentō vobis hunc Baccalaureum in Medicina, ut admittatur ad incipiendum in eadem Facultatē; testorque illum, &c.

Ad Baccalaureatum Juris Civilis.

Insignissime &c. præsentō vobis hunc Studiosum in Jure Civili, ut admittatur ad lectionem cujuslibet libri Institutionum Imperialium; testorque illum, &c.

Ad incipiendum in Jure Civili.

Insignissime &c. præsentō vobis hunc Baccalaureum in Jure Civili, ut admittatur ad incipiendum in eadem Facultate; testorque illum, &c.

Ad Baccalaureatum in S. Theologia.

Insignissime &c. præsentō vobis hunc Studiosum in S. Theologia, ut admittatur ad lectionem cujuslibet Epistolarum Beati Pauli; testorque illum, &c.

Ad incipiendum in S. Theologia.

Insignissime &c. præsentō vobis hunc Baccalaureum in S. Theologia, ut admittatur ad incipiendum in eadem Facultate; testorque illum, &c.

Statuit autem et declarat Academia, quod in omni præsentatione censendus est semper Præsentator (præter id quod cuilibet præsentando a Domo sua testimonium perhibetur) suum quoque, ex ipsa præsentatione, testimonium adjicere: scilicet, *non videri sibi præsentatum istum eo Gradu quem ambit indignum esse.*

Deinde, peracta hujusmodi præsentationis formula, quilibet præsentatus, prout præsentatur, ad alteram partem Domus Congregationis transibit: singulisque sic præsentatis, Procurator Se-

nior eorum subscriptionem articulis Fidei et Religionis sic testabitur ; Nos Procuratores testamur, A. B. C. D. T. omnibus articulis Fidei et Religionis in hoc libro contentis (necnon tribus articulis in 36° Canone comprehensis, prius in præsentia nostra lectis) subscripsisse.

SECTIO VI.

De Juramentis Præsentandorum.

§. I. *Statuta, in quæ singulos Præsentatos Jurejurando adiget Junior Procurator. Et admonitio de habitu Gradui competente.*

POST absolutam præsentationem, Procurator Junior a seniore inter præsentatos ad genua sua accidente, reliquis circumstantibus audientibusque, juramentum exiget in hæc verba :

“ (Dom. Doctor, Magister vel Domine) *tu dabis fidem ad observandum Statuta, Privilegia, Consuetudines, et Libertates istius Universitatis. Respond. Do.*

“ *Jurabis etiam, quod pacem istius Universitatis per te non perturbabis, nec per alium vel alios qualitercunque perturbari procurabis ; nec perturbatorem vel perturbatores aliquem vel aliquos, in perturbatione pacis ope vel consilio juvabis ; nec impedies per te, vel per alium, vel alios, quo minus de pacis perturbatore vel perturbatoribus fiat justitia ; et, si aliquem vel aliquos noveris de perturbatione pacis probabiliter suspectum vel suspectos, ipsum vel ipsos Cancellario denunciabis. Respond. Juro.*”

Item specialiter tu *jurabis* quod inter nullas communitates, vel personas istius Universitatis,

impedies pacem, concordiam, et amorem. Et si aliqua diffensio inter aliquas communitates vel personas exorta fuerit, illam nullo modo fovebis, vel accendes; nec conventiculis interesse debes, nec eis tacite vel expresse consentire, sed ea potius, modis quibus poteris, impedire.

Jurabis etiam, quod in ista Facultate, alibi in Anglia quam hic et Cantabrigiæ, Lectiones tuas solenniter, tanquam in Universitate, non resumes: nec in aliqua Facultate, sicut in Universitate, solenniter incipies; nec consenties, ut aliquis alibi in Anglia incipiens, hic pro Magistro in illa Facultate habeatur.

Item tu *jurabis*, quod non leges nec audies *Stanfordiæ*, tanquam in Universitate, studio, vel Collegio generali.

*Forma juramenti admittendorum ad publicam
Bibliothecam.*

Tu etiam *promittes*, sancteque coram Deo Optimo Maximo recipies, quod, quoties in publicam Academiæ Bibliothecam venire te contigerit, animum ad studia per modestiam et silentium accommodabis; libros, cæterumque cultum sic tractabis, ut superesse quam diutissime possint. Item, quod neque tu in persona tua aliquem vel aliquos libros surripies, permutabis, rades, deformabis, lacerabis, scindes, annotabis, interscribes, sponte corrumpes, obliterabis, contaminabis, aut alio quocunque modo detruncabis, abuteris, deteres, aut imminues; nec alii cuiquam auctor eris horum quidvis perpetrandi; sed, quantum in te est, delinquentem vel delinquentes impedies, ipforumque maleficia Vice-Cancellario, ejusve

Deputato, intra triduum postquam tibi innotuerint, denunciabis: *Ita te Deus adjuvet tactis sacrosanctis Christi Evangeliiis.*

Lectis singulis jurisjurandi articulis, Procurator seniore inter præsentatos juramento hoc modo onerabit :

“ Hæc omnia prædicta te fideliter observaturum *promittes*, sicut Deus te adjuvet, per Jesum Christum hoc sacrosancto Evangelio annunciatum.”

Deinde librum deosculandum exhibebit ; quæsitoque senioris nomine, si plures præsententur, quinque vel sex eorum manus simul libro imponentibus, iisdem dicet :

“ *Idem juramentum*, quod præstitit A. B. in persona sua, vos præstabit in personis vestris, et quilibet vestrum in persona sua, sicut Deus vos adjuvet, &c.”

Admonitio pro habitu Gradui competente.

Præstito demum a singulis juramento, Procurator singulis etiam sic denunciabit: *Item (tu teneris) vel (vos tenemini) quod sis habiturus vel sitis habituri*, intra quindenam, habitum de proprio, Gradui competentem ; et ipsum vel similem servabis, quamdiu in Universitate contigerit te morari ; ad effectum, ut non solum in eo actus Scholasticos possis exercere ; verum etiam Universitatem Matrem nostram, in processionibus, et aliis Universitatis negotiis (cum vocatus et præmonitus fueris) cum eodem valeas honorare ; idque sub pœnis in Statutis Universitatis limitatis.”

§. 2. *Statuta, in quæ singulos Præsentatos Jurejurando adiget Senior Procurator.*

EXACTIS præstitisque coram Juniore Procuratore juramentis, præsentati ad Seniores Procuratorem se conferent; et seniore inter præsentatos eidem appropinquante, reliquis adstantibus, et attente auscultantibus, idem Procurator Senior Statuta, ad Gradus illos, ad quos præsentantur, pertinentia, distincte recitabit.

Pro Baccalaureo in Artibus.

Quia casum appetere videtur, qui ad summi loci fastigia, postpositis Gradibus, per abrupta quærit ascensum; Ordinatum est, quod Scholares in Facultate Artium liberalium, antequam ad Gradum Baccalaureatus in iisdem aspiraverint, quatuor annos integros in studio earundem Artium in Universitate posuisse, (non in domo privata cujusquam, sed in Collegio vel Aula, absque dolo malo, hospitantes seu victitantes,) publicosque Lectores, prout Statuta requirunt, diligenter audivisse, teneantur: scilicet per ^aprimum annum Lectores Grammaticæ, et Rhetoricæ; per ^bsecundum Dialecticæ, et Moralis Philosophiæ; per ^ctertium et quartum Dialecticæ, Moralis Philosophiæ, Geometriæ, et Linguae Græcæ; exceptis Filiis Baronum in superiori Parlamenti Domo jus suffragii habentium, et Baronetorum ac Equitum Auratorum Filiis natu maximis, necnon Baronum Filiis ex Gente Scotica aut Hi-

^a Tit. IV. Sect. I. §. 2. 3.

^b Tit. IV. Sect. I. §. 4. 5.

^c Tit. IV. Sect. I. §. 4. 5. 6. 12.

bernica^d, quibus indulget Academia, ut integro triennio in Studiis Academicis completo, præstitis exercitiis requisitis, ad Gradum promoveantur.

Statutum est etiam, quod Scholares in Facultate Artium **QUÆSTIONIBUS** Magistrorum Scholarum in Parvifo pro forma respondeant.

Denique Statutum est, quod unusquisque nondum Graduatus, antequam ad supplicandum pro Gratia admittatur, in Schola **Metaphysices PUBLICUM EXAMEN** subeat.

Pro Inceptore in Facultate Artium.

Cum in nulla Facultate seu Scientia ququam Magistrali censeatur honore digne potiri, nisi, per tempus competens, aliquandiu studiosus et diligens Discipulus præexistit in eadem; operæ pretium est, ut quisque, apicem in eisdem solenniter scansurus, ante suam ad hoc Licentiationem, sub apta temporis mora cunctas septem Artes liberales, tresque Philosophias, efficaciter addiscendo, publica et doctrinalia sigillatim Gymnasia pertranscat Philosophorum. Itaque^e Statutum est, ut, a tempore admissionis ad Gradum Baccalaurei, singuli in audiendis publicis Lecturis tres Annos integros, priusquam ad Incipiendum in Artibus admittantur, infumpisse teneantur: videlicet^f annum primum in audiendo Geometriam, Metaphysicam, Historiam, Linguam Græcam et Hebraicam: secundum item et

^d Tit. VI. Sect. I. §. 1.

^e Tit. VI. Sect. II. §. 1.

^f Tit. IV. Sect. I. §. 6. 10. 11. 12. 13.

tertium in audiendo ^e Astronomiam, Naturalem Philosophiam, item Metaphysicam, Historiam, Linguas Græcam et Hebraicam.

Item ^f statutum est, quod Baccalaureus Artium, post Gradum susceptum, (antequam pro Magisterio, sive sua in Artibus Licentiatione, supplicet) in Quadragesima solenniter Determinet.

Pro Baccalaureo in Musica.

^g Statutum est, quod, qui Musicæ dat operam, antequam Gradum Baccalaurei in illa Facultate consequatur, septem annos in studio vel praxi Musices ponat, et id ipsum sub Chirographis hominum fide dignorum testatum afferat.

Item ^h statutum est, quod, qui ad Baccalaureatum in Musica promoveri cupit, priusquam pro gratia sua supplicet, unum Canticum 5 partium componat, quod in Schola Musicæ (alio quovis die, quam illo qui jam ad praxin Musicam designatus est) publice, tam vocibus quam instrumentis Musicis, exhibeat; sed prius (valvis utriusque magnæ portæ Scholarum ante tres dies affixo programmate) diem ac horam futuri speciminis significet.

Pro Inceptore in Musica.

ⁱ Ordinatum est etiam, quod Baccalaureus

^e Tit. IV. Sect. I. §. 7. 9. 10. 11. 12. 13.

^f Tit. VI. Sect. II. §. 2.

^g Tit. VI. Sect. III. §. 1.

^h Ibid. §. 2.

ⁱ Ibid. §. 3.

Musicæ, priusquam ad Doctoratum promoveatur, quinque annos post susceptum Gradum in studio Musicæ ponat, et id ipsum sub Chirographis hominum fide dignorum testatum afferat.

^k Ordinatam est etiam, quod Baccalaureus Musicæ, priusquam ad incipiendum in eadem Facultate admittatur, unum Canticum 6, vel 8 partium componat; quod in Schola Musicæ, tam vocibus quam instrumentis etiam Musicis (alio quovis die quam illo qui jam ad praxin Musicam designatus est) publice exhibeat: sed prius (valvis utriusque magnæ portæ Scholarum, ante tres dies affixo programme) diem ac horam futuri speciminis significet.

^l Ordinatam est denique, quod Baccalaureus Musicæ, postquam ad incipiendum in eadem Facultate admissus fuerit, unam vel alteram Cantilenam, 6, vel 8 partium, in ipsis Comitiis, una cum vocum et instrumentorum Musicorum harmonia, exhibeat.

Pro Baccalaureo in Jure Civili.

^m Statutum est, quod, qui Juri Civili studet, antequam Baccalaureatum in illa Facultate consequatur, si sit Magister Artium per tres annos integros, si non sit Magister Artium per quinquennium completum, publicum Juris Civilis Prælectorem diligenter et attente audiat. Quodque per biennium in Academia, Dialecticæ, Morali Philosophiæ, et Politicæ,

^k Tit. VI. Sect. III. §. 4.

^l Tit. VII. Sect. I. §. 14.

^m Tit. VI. Sect. IV. §. 1.

aliisque humanioribus Literis incubuerit, priusquam quinquennium in studio Juris ponere inchoaverit, nisi per Statuta Collegii, in quo commoratur, citius ad Juris studium se convertere teneatur.

ⁿ Ordinatum etiam est, quod is, qui ad Baccalaureatum in Jure Civili promoveri cupit, priusquam pro gratia supplicet, bis in Disputationibus Juridicis pro forma, opponentis principalis (id est primo vel secundo loco disputantis) munere fungatur; et semel per duas horas, a prima pomeridiana ad tertiam, in Schola Jurisprudentiæ pro forma respondeat; affixo ante septem dies, valvis utriusque magnæ Scholarum portæ, ac insuper muris Collegii Omnium Animarum, necnon Coll. Oriel (qua Australis et Occidentalis parietes, plateam versus, in angulos coeunt) programmata; in quo quæstiones disceptandæ, cum nominibus respondentis et opponentium, publicentur.

Denique, decretum est ex communi consensu Magistrorum Regentium, ut unusquisque ad Gradum Baccalaurei in Jurisprudentia promovendus, sine ulla recusatione facta, Domino Vice-Cancellario pro tempore existenti, similiter et Procuratoribus, suis chirothecis, secundum personarum dignitatem (quemadmodum Baccalaurei in Medicina) gratificentur.

Pro Inceptore in Jure Civili.

^o Statutum est, quod, qui ad Doctoratum in Jure Civili promoveri cupit, (si postquam in Artibus inceperit, Gradum Baccalaurei in Jure

ⁿ Tit. VI. Sect. IV. §. 2.

^o Ibid. §. 3.

Civili susceperit) quatuor annos integros publicum Prælectorem Juris Civilis audiet, priusquam ad incipiendum in eadem Facultate admittatur. Alioqui, si Baccalaureus in Jure fuerit, antequam incipiat in Artibus, (sive Statutis Collegii sic exigentibus, sive sua ipsius optione factum fuerit) quinque annos integros, in audiendo publico Professore Juris Civilis ponere teneatur, priusquam incipere permittatur.

Qui vero in Curiis Ecclesiasticis et Maritimis hujusce Regni se exercere statuerit; illi conceditur, (modo in Gratia proponenda Declaratio ex hac parte fiat, Juramento etiam ante admissionem ad Gradum coram Seniore Procuratore sancita) si Baccalaureus in Jure Civili fuerit, ut post quatuor annos integros in Publico Professore Juris Civilis audiendo positos ad incipiendum in eadem Facultate admittatur.

Formula Juramenti hæc esto.

Tu jurabis, te hunc Gradum Doctoris ambire eo animo, ut in numerum et Collegium Advocatorum Londinensium in Curiis Ecclesiasticis et Maritimis hujusce Regni se exercentium, bona fide admittaris; et admissus in iisdem Curiis te realiter exerceas. Resp. Juro.

Item ^P statutum est, quod Baccalaurei Juris Civilis, priusquam ad incipiendum in eadem Facultate admittantur, vel sex solennes lectiones ab hora prima pomeridiana usque ad secundam, totidem diebus, publice legant, (in quibus quamcunque velint totius corporis Juris Civilis partem explicent) vel aliquem e titulis

de judiciis et probationibus, five de re iudicata, in digestis vel codice (tribus ad minimum lectionibus) cursorie exponant. Et priusquam vel solenniter vel cursorie legere inceperint, programma (subjectum et tempus legendi indicans) ante triduum, curabunt affigi valvis utriusque exterioris portæ Scholarum, necnon muris Collegii Omnium Animarum, et Oriel, qua Australis et Occidentalis parietes, plateam versus, in angulos coeunt.

Pro Baccalaureo in Medicina.

¶ Statutum est, quod, qui Medicinæ dat operam, (antequam Baccalaureatum in illa Facultate consequatur) Gradum Magistri in Artibus suscipiat; et postquam in illa Facultate inceperit, publicum Medicinæ Prælectorem per annum integrum (numerando a die suæ admissionis ad regendum) diligenter et attente audivisse teneatur.

Item ¶ statutum est, quod is, qui ad Baccalaureatum in Medicina promoveri cupit, (priusquam gratiam proponat) semel in duabus quæstionibus, ab hora prima pomeridiana usque ad horam tertiam, in Schola Medicinæ designata, solenniter pro forma respondeat; semel item opponat: affixo ante septem dies, valvis utriusque exterioris portæ Scholarum, necnon muris Collegii Omnium Animarum, et Oriel, (qua Australis et Occidentalis parietes, plateam versus, in angulos coeunt) programmata, in quo quæstiones disceptandæ, cum

¶ Tit. VI. Sect. V. §. 1.

¶ Ibid. §. 2.

nomnibus respondentis et opponentium, publicentur.

Pro Inceptore in Medicina.

^s Statutum est, quod, qui ad Doctoratum in Medicina promoveri cupit, post Gradum Baccalaurei in Medicina susceptum per tres annos integros publicum Prælectorem Medicinæ audiatur, priusquam ad incipiendum in eadem Facultate admittatur.

Item ^t statutum est, quod Baccalaureus Medicinæ (priusquam ad incipiendum in eadem Facultate admittatur) vel sex solennes lectiones, ab hora prima pomeridiana usque ad secundam, totidem diebus, publice legat, (in quibus quamcunque velit Galeni partem explicet) vel aliquem ex his Galeni libris; nimirum, librum unum de temperamentis, de differentiis febrium, de usu partium, vel de affectis locis (tribus ad minimum lectionibus) cursorie exponat; et priusquam vel sollemniter vel cursorie legere exordiat, programma (subjectum et tempus legendi indicans) ante triduum, curabit affigi valvis utriusque exterioris portæ Scholarum, necnon muris Coll. Omnium Animarum et Oriel, qua Australis et Occidentalis parietes, plateam versus, in angulos coeunt.

Pro Baccalaureo in S. Theologia.

^u Statutum est, quod, qui S. Theologiæ dat operam, antequam Baccalaureatum in illa Facultate consequatur, Gradum Magistri in Arti-

^s Tit. VI. Sect. V. §. 3.

^t Ibid. §. 4.

^u Tit. VI. Sect. VI. §. 1.

bus capeſſat; et poſtquam in illa Facultate inceperit, publicum S. Theologiæ Profeſſorem, per ſeptennium completum, audiviſſe teneatur.

Item ^x ſtatutum eſt, quod is, qui ad Gradum Baccalaurei in S. Theologia promoveri cupit, priuſquam gratiam proponat, bis in Diſputationibus Theologicis, pro forma, opponentiſ principalis (id eſt, primo vel ſecundo loco diſputantiſ) munere perfunctus fuerit; et ſemel per duas horas in Schola Theologica pro forma reſponderit; quodque ante huiuſmodi Diſputationes, programma (quæſtiones diſceptandas, una cum nominibus reſpondentiſ et opponentiſ, indicans) ante ſeptem dies, affigi curabit valvis utriuſque exterioriſ portæ Scholarum, necnon muris Coll. Omnium Animarum et Oriol, qua Auſtraliſ et Occidentaliſ parietes, plateam verſus, in angulos coeunt.

Denique ^y ſtatutum eſt, quod unusquiſque, antequam Gradum Baccalaureatus in S. Theologia capeſſat, concionem Latinam in Templo B. Virginis Mariæ, per ſe, et non per alium, habere teneatur; hac tamen cautione ſervata, ne quiſ ante completum quinquennium a ſuſcepto Magiſtrali Gradu (iſque non niſi Sacriſ Ordinibus initiatus) concionem huiuſmodi pro forma habere permittatur. Cautio inſuper, ne concio Latina, habita vice alteriſ cuiuſcunque, cedat cuiquam pro forma.

Pro Inceptore in S. Theologia.

^z Statutum eſt, quod, qui ad Doctorem

^x Tit. VI. Sect. VI. §. 2.

^y Ibid.

^z Ibid. §. 3.

in S. Theologia aspirat; ex quo Baccalaureus fuerit, per quatuor annos integros, publicum Sacræ Theologiæ Prælectorem audiat, priusquam ad incipiendum in eadem Facultate admittatur.

Item ^a statutum est, quod Baccalaureus S. Theologiæ, antequam ad incipiendum in eadem Facultate admittatur, publice in Schola Theologica, ab hora prima usque ad secundam, Latine sex solennes lectiones solenniter legat, in quibus explicet quamcunque velit S. Scripturæ partem; vel aliquam ex istis, quæ sequuntur, Apostolicis epistolis, scilicet, ad Galatas, vel unam aliquam ad Timotheum vel ad Titum, vel unam S. Petri (tribus ad minimum lectionibus) cursorie exponat. Et priusquam vel solenniter, vel cursorie legere exordiat, programma (subjectum et tempus legendi indicans) ante triduum, curabit affigi valvis utriusque exterioris portæ Scholarum, necnon muris Collegii Omnium Animarum et Oriel, qua Australis et Occidentalis parietes, plateam versus, in angulos coeunt.

Pro cumulante Gradus in S. Theologia.

EADEM Statuta (quæ Baccalaureo et Inceptor in Theologia) legenda etiam sunt cumulanti Gradus, excepto primo articulo inter Statuta legenda Inceptor in Theologia.

Ac insuper statutum est, si qui, olim hujus Universitatis alumni, Gradus in Theologia cumulare desiderent, quod per 15, aut 16 ann. spatium (ab admiffione sua ad Regentiam computandum) Theologiæ operam navasse eos oportet.

^a Tit. VI. Sect. VI. §. 4.

teat ; et habitationem ipsorum ultra spatium 30 miliarium ab Univerſitate diſtare.

§. 3. *Communis Formula ſingulos Præſentatos Juramento obſtringendi. Et de Juramento Primatus Regii, et Fidelitatis, a ſingulis exigendo.*

PERLECTIS Statutis ad Gradum requiſitis, Procurator Senior inter præſentatos ſeniori Evangelium exhibebit, cui (manu a præſentato impoſita) ita dicet : “ Omnia hæc modo præ-
 “ lecta, atque inſuper ſectionem ſeptimam Ti-
 “ tuli Sexti, intra triduum proxime elapſum a te
 “ diligenter lecta (vel alio legente audita) te ob-
 “ ſervaffe quoad præterita, niſi aliter tecum diſ-
 “ penſatum fuerit: [Vel, ſi in Comitiiſ Doctori-
 bus reſponſurus, aut die Mercurii poſt Comitia
 Latine concionaturus ſit, “ Niſi quatenus in
 “ Comitiiſ Doctoribus reſponſurus, aut die Mer-
 “ curii poſt Comitia Latine concionaturus ſis ;]
 “ tu jurabis per Jeſum Chriſtum hoc ſacroſancto
 “ Evangelio annunciatum.”

Et reliquis manus itidem libro imponentibus,
 “ Idem juramentum quod præſtitit A. B. in
 “ perſona ſua, &c.”

Deinde ex præſentatis ſenior juramentum primatus Regii clara voce (ut ab omnibus aliis audiatur) publice leget ; et Evangelium a Procuratore exporrectum oſculabitur ; et poſt eum alii quotquot eodem die præſentantur : et poſtremo, eodem juramentum Fidelitatis ſive Allegiantię præeunte diſtincte alii omnes verbatim recitabunt ; et in confirmationem juramenti omnes ordine librum deoſculabuntur.

SECTIO VII.

De creatione et licentiatione præsentati per
Vice-Cancellarium peragenda.

PRÆSTITIS ab omnibus præsentatis coram Seniore Procuratore juramentis, eorum quilibet (pro ordine senioritatis) ad pedes Vice-Cancellarii inter Procuratores in genua decumbet: cui Dominus Vice-Cancellarius in aurem per scrutinium dicet:

“ Tu dices fide tua data huic Universitati,
“ utrum habeas beneficium vel beneficia Eccle-
“ siastica ad valorem quadraginta librarum, aut
“ alios redditus Ecclesiasticos, vel Civiles, sive
“ in terris, sive in pecuniis, ad valorem tre-
“ centarum librarum, per annum; exceptis pro-
“ ventibus Academicis:” (quæ quidem summa, quoad beneficia Ecclesiastica, non attenditur penes verum et proprium rei æstimatæ valorem, sed penes primitias et censum Regium, inde in fisco Regis Henrici Octavi taxatas:) cui præsentatus respondebit, *Habeo*, vel *Non habeo*. Quod si respondeat se non habere, interrogabitur iterum,
“ an habeat redditus Ecclesiasticos ad valorem
“ quinque solidorum, aut Civiles ad valorem
“ quinque librarum, per annum?” cui respondebit, ut prius; et si fateatur se habere, solvet pro vino tantum.

Tum, si præsententur ad Gradum Baccalauri in Artibus, omnibus ad præsentatorem redeuntibus, et juxta ipsum consistentibus, eorum cujusque (pro ordine senioritatis) manum dexteram apprehendet, et eum coram Vice-Cancellario et Procuratoribus sistet, et (Bedello

ejus prænomen recitante) Vice-Cancellarius dicet, “ Domine A. B. ego admitto te ad lectionem cujuslibet libri Logices Aristotelis; et insuper earum Artium, quas et quatenus per Statuta audivisse teneris; insuper auctoritate mea et totius Universitatis do tibi potestatem intrandi Scholas, legendi, disputandi, et reliqua omnia faciendi, quæ ad Gradum Baccalaurei in Artibus spectant.”

Si fuerit Baccalaureus Juris Civilis; “ Domine vel Magister N. ego admitto te ad lectionem Institutionum Imperialium.”

Si Medicinæ Baccalaureus fuerit; “ Magister N. ego admitto te ad lectionem Aphorismorum Hippocratis.”

Si denique S. Theologiæ Baccalaureus fuerit; “ Magister N. ego admitto te ad lectionem Epistolarum B. Pauli.”

Si vero præsentantur ad incipiendum in aliqua Facultate, iisdem in genua ad pedes Domini Vice-Cancellarii provolutis, et manus libro admoventibus, Vice-Cancellarius dicet: “ Domine Doctor, Magister, vel Domine, tu dabis, vel vos dabit, fidem ad observandum Statuta, Privilegia, Consuetudines, et Libertates hujus Universitatis.” *Resp.* Do.

Item tu jurabis, quod incipies realiter intra annum, nisi aliter tecum dispensatum fuerit. *Resp.* Incipiam.

Item tu jurabis, quod non incipies alibi quam hic. *Resp.* Non incipiam.

Quod si quis post præstitum illud juramentum (absque impetrata dispensatione) nihilominus haud inceperit; privetur, ipso facto, non solum Gradu ad quem novissime præsentatus

fuerat, sed et aliis omnibus quos prius susceperat.

Deinde, Vice-Cancellarius, librum capitibus ipsorum imponens, dicet : “ Ad honorem Domini nostri Jesu Christi, et ad profectum Sacro-sanctæ Matris Ecclesiæ et studii, auctoritate mea et totius Universitatis do tibi licentiam incipiendi in Facultate Artium (vel Facultate Juris, Medicinæ, Theologiæ) legendi, disputandi, et cætera omnia faciendi, quæ ad statum Doctõris seu Magistri in eadem Facultate pertinent, cum ea compleveris quæ ad talem pertinent solennitatem ; in nomine Domini, Patris, Filii, et Spiritus Sancti :” *hæc postrema dum pronunciat, debita cum reverentia, caput aperiendo.*

Denique præsentati exsurgentes deosculabuntur primo Vice-Cancellarium, deinde præsentatorem, tunc Procuratorem Seniore, et postremo Procuratorem Juniore. Quibus sic peractis, et facta per candidatos reverentia Domino Vice-Cancellario, Procuratoribus et Magistris Regentibus (Bedello et præsentatore præeuntibus) eodem ordine Domo egredientur, quo ingressi sunt ; et extra cancellos Domus habitum, competentem Gradui ad quem admissi sunt, induentes, illico (Bedello et præsentatore præeuntibus) in Domum redibunt : et præstita Domino Vice-Cancellario, Procuratoribus, et Magistris Regentibus reverentia debita, seniore reliquis præcedente (aliter atque accesserunt) discedent.

Quod si præsentati ad Baccalaureatum in Artibus admittantur (præeunte Bedello et præsentatore, reliquisque concomitantibus) ad Scholas Artium procedent : ubi præsentator cathedram

conscendens, aperto capite, singulis tres quæstiones proponet, et de singulis quæstionibus versus recitabit: quibus a Baccalaureis perlectis, in singulis argumentum proponet; cui Baccalaurei singuli respondebunt sub hac forma: *Respondebit pro me Aristoteles proxima Quadragesima.* Et his peractis, una cum præsentatore per Bedellum domum deducuntur.

SECTIO VIII.

De Incorporatione.

§. 1. *De incorporandis studiosis, ab aliis Academiis, huc adventantibus.*

CUM Universitas Oxoniensis, a Cantabrigiensi, et ab Academiis exteris (per totum pene terrarum orbem) adventantes, (modo alienigenæ sint, nec intra regnum Angliæ sedem figere meditentur) eodem affectu recipere amplectique consuescat, quo suos in Academia Cantabrigiensi, exterisque Gymnasiis, recipi perspexerit; id quo facilius fieri possit, Domui Congregationis eos, qui incorporari gestiunt, incorporandi potestatem permittit. Per alienigenas vero, hic non intelligimus natos intra regnum Scotiæ aut Hiberniæ; quibus incorporari permittitur, si tempore in Academia sua requisito, et præstitis prius exercitiis, Gradus susceperint.

Solet vero is, qui incorporari cupit, per aliquem e Magistris (recitato prius publice in Domino Congregationis testimonio sub sigillo Universitatis in qua Gradum suscepit, non aliter) gratiam suam sub hujusmodi formula proponere.

“ Supplicat A. N. Baccalaureus vel Magister
“ Facultatis Artium in Academia (A. B. C.)
“ creatus, ut bona vestra cum venia admittatur
“ ad eundem Gradum, Statum, et Dignitatem
“ apud Oxonienses, quibus ornatus est apud
“ suos (A. B. C.)”

Qua quidem gratia sic petita, et eodem modo, quo alias fieri consuevit, pronunciata; præsentatio incorporandi ad hunc modum sequitur.

“ Insignissime &c. præsentō vobis hunc Magistrum Facultatis Artium in Academia (A. B. C.) creatum, ut sit eodem Gradu, Statu, et Dignitate apud nos Oxonienses, quibus ornatus est apud suos (A. B. C.)” Et post præsentationem, juramentum istiusmodi ab altero Procuratorum ei deferetur.

“ Magister, tu dabis fidem, ad observandum Statuta, Privilegia, Consuetudines, et Libertates istius Universitatis, quatenus Statutis, et Privilegiis, Consuetudinibus, et Libertatibus Universitatis (A. B. C.) non repugnant.”

Denique, a Vice-Cancellario sic admittetur; “ Magister, ego admitto te ad eundem Statum, Gradum et Dignitatem hic apud nos Oxonienses, quibus ornatus es apud tuos (A. B. C.)”

Cautum tamen est, quod nullus in S. Theologia, Medicina, vel Jure Civili Doctor incorporetur, nisi de expresso consensu Vice-Cancellarii, Professoris, et trium insuper Doctorum in eadem Facultate, et Procuratorum; vel majoris partis eorundem.

§. 2. *Conditiones incorporandi alumnos Academiae Oxoniensis, vel Cantabrigiensis, apud exterarum Academiarum Gradus capeffentes.*

CUM nonnulli aliquando, post aliquod tempus in Academiis domesticis bonarum Literarum studio infumptum, ad exterarum Academiarum se conferant, ubi (nec temporis nec exercitiorum ratione habita) ad Gradus supremos promoventur; deinde huc reversi, se ad eundem Gradum admitti postulant; unde indirecte omnis ordo et disciplina Universitatis violatur:

Placuit Universitati decernere et statuere, ne quis in posterum (qui aliquando hujus Academiae, aut Cantabrigiensis, alumnus fuit, et in Academia quacunque externa Gradum aliquem suscepit) ad eundem Gradum in hac nostra Universitate admittatur, nisi completo tempore, quod (juxta Statuta hujus Universitatis, vel suae Cantabrigiensis) ad hujusmodi Gradum capeffendum requiritur: et, tum demum, de expresse consensu Vice-Cancellarii, Professoris, et trium insuper Doctorum in eadem Facultate, et Procuratorum; vel majoris partis eorundem.

§. 3. *Quo loco et statu incorporati esse debent.*

STATUTUM est, quod quilibet, incorporationis beneficium nactus, eodem habeatur loco et statu, quibus in aliqua alia Universitate gaudebat: ita tamen, quod (utcumque prius ad Gradum aliquem alibi sit admissus) nihilominus junior habeatur iis omnibus, qui ad eundem Gradum Oxoniae sunt admissi eodem anno, id est, intra idem temporis spa-

tium, inter duo deinceps Comitata, interjectum.

SECTIO IX.

De Licentiis concedendis.

§. 1. *De qualitate eorum, qui ad concionandum per universam Angliam licentiandi sunt.*

CUM de consuetudine antiqua, penes Universitatem Oxoniensem potestas fuerit concedendi licentias concionandi per universam Angliam, eamque potestatem per Congregationem Magistrorum Regentium exercere consueverit : ad præcavendum abusus, qui circa hujusmodi licentiationem contingere possunt ; statutum est et decretum, quod nemini in posterum pro hujusmodi gratia supplicare permittatur, qui non sit Magister Artium, Baccalaureus Juris, vel S. Theologiæ Baccalaureus ; quorum quilibet septem annos in studio S. Theologiæ in Universitate posuerit, et semel saltem in Disputatione Theologica (in Theologica Schola, vel in Comitibus) publice responderit ; et quatuor conciones laudabiles coram Universitate habuerit, sive in Ecclesia B. Mariæ Virginis, sive in alia aliqua Ecclesia Collegiata, sive in Templo S. Petri ad Orientem.

§. 2. *Formula petendi licentiam ad concionandum per universam Angliam.*

STATUTUM est, quod gratiæ pro licentiatione ad concionandum, prout aliæ gratiæ in venerabili Domo Congregationis, proponuntur sub hujusmodi formula :

Supplicat A. B. Magister Facultatis Artium e Colleg. M. quatenus septem annos in studio Sacrae Theologiae in Universitate posuerit, in Schola Theologica (vel in Comitibus) responderit; quatuor conciones coram Universitate habuerit; ut haec ei sufficiant, quo admittatur ad annunciandum Dei verbum per universam Angliam.

Quae gratia, cum concessa fuerit, eodem modo quo aliae, a Procuratore pronunciabitur, et postea, Literae testimoniales de eadem fient; quibus, auctoritate et decreto ejusdem Congregationis, sigillum publicum Universitatis appendetur.

§. 3. *Formula Literarum testimonialium.*

CANCELLARIUS, Magistri et Scholares Universitatis Oxon. dilecto nobis in Christo A. B. S. Theologiae Baccalaureo, et Coll. N. intra Universitatem praedictam Socio, salutem in Domino sempiternam. Cum omnia nostra studia, consilia, et actiones ad Dei gloriam et fratrum salutem referri debeant; nos Cancellarius, Magistri, et Scholares Universitatis praedictae (pro ea opinione quam de scientia tua, vitaeque et morum integritate, habemus) liberam tibi, tenore praesentium, concedimus facultatem et potestatem praedicandi verbum Dei, juxta talentum a Deo tibi concreditum, in quibuscunque Ecclesiis Angliae, et conventibus publicis Ecclesiasticis ad hoc accommodatis, in perpetuum duraturam; modo nihil interim feceris aut praedicaveris, contra ritus et canones in Ecclesia publice receptos et approbatos; quo in casu, si quid tale admiseris, hanc nostram licentiam statim irritam et cas-

sam esse volumus. Teque serio admonemus, et in Domino obsecramus, ut juxta gratiam a Deo tibi datam, auditores tuos præcipue excites, ut Dei tum præcepta, tum etiam exemplum, in verbo ipsius proposita, vere in omni vita, integritate et pietate exprimere conentur; adeoque glorificent cœlestem Patrem, honorent Regiam Majestatem, et charitatem inter se colant Christianam. Nos igitur Cancellarius, Magistri, et Scholares antedicti testamur, præfatum A. B. juramentum de primatu Regiæ Majestatis suscepisse, et subscripsisse tam omnibus articulis Fidei et Religionis in Ecclesia Anglicana receptis et approbatis, quam tribus illis articulis comprehensis in canone 36^o libri Constitutionum et Canonum Ecclesiasticorum, editorum in Synodo Londini cœpta 1603, et regni Domini nostri Jacobi &c. primo; in quorum omnium majorem fidem et plenius testimonium, sigillum Universitatis Oxon. commune, quo hac in parte utimur, præsentibus apponi fecimus. Datum in Domo nostræ Congregationis, &c.

§. 4. *De qualitate eorum, qui ad praxin in Medicina licentiandi sunt.*

STATUTUM est, quod Doctor quilibet in Medicina, post inaugurationem seu admissionem suam, praticare licite poterit in omni medicandi genere, alius vero nemo in Medicina publice praticare Oxoniæ permittatur, nisi sit Magister Artium, et Gradum Baccalauri in Medicina suscepit, et a Cancellario five ejus Commissario, et Congregatione Magistrorum Regentium ad praticandum more consueto admissus fuerit. Chirurgiam vero

nullus exerceat, intra præcinctum Universitatis, nisi licentia a Cancellario five Vice-Cancellario impetrata.

Quod si quis secus præsumserit, non solum ab ulteriore promotione repellatur, et privilegiis Universitatis privetur; sed etiam (si monitus non desistat) sicut perturbator pacis puniatur.

§. 5. *Formula petendi licentiam ad practicandum in Medicina.*

PRO qualitate personæ supplicantis, in gratia exprimantur, quæ ad hujusmodi licentiam necessario requiruntur, sub hac formula: Supplicat, &c. A. B. e Coll. N. quatenus in hac Universitate Gradum Baccalaurei in Medicina susceperit, et chirographo vel Professoris et unius alterius Doctoris in Medicina, vel trium quorumcunque Doctorum in Medicina, in Universitate residentium, approbatus fuerit; et reliqua præstiterit omnia, quæ per Statuta requiruntur, ut hæc sibi sufficiant ad practicandum in eadem Facultate per universam Angliam.

Qua gratia concessa et pronunciata, prout aliæ solent, Literæ etiam testimoniales de eadem fient, et (eodem modo quo testimoniales licentiæ ad prædicandum in Domo Congregationis ratæ habebantur) sigillo publico Universitatis munientur.

§. 6. *Formula Literarum testimonialium.*

CANCELLARIUS, Magistri, et Scholares Universitatis Oxon. dilecto nobis in Christo A. B. Artium Magistro e Coll. N. intra Universitatem prædictam, salutem in Domino sem-

piternam. Cum omnia nostra studia, consilia, et actiones ad Dei gloriam et fratrum salutem referri debeant; cumque Medicina ad hæc, inter reliquas Facultates, plurimum conferat; hinc est, quod nos Cancellarius, Magistri, et Scholares antedicti (pro ea opinione, quam de scientia tua, vitæque ac morum integritate habemus) liberam tibi, tenore præsentium, concedimus potestatem et facultatem practicandi in Medicina, et ea omnia faciendi, quæ ad eam spectant Facultatem, ubivis per universum Angliæ regnum, in perpetuum duraturam. Nos etiam Cancellarius, Magistri, et Scholares antedicti, testamur præfatum A. B. juramentum de primatu Regiæ Majestatis suscepisse, &c. *prout supra, in forma licentiæ ad publice concionandum.*

§. 7. *De qualitate et conditione licentiandi ad praxin Chirurgiæ.*

Formula supplicandi.

STATUTUM est, quod ita demum Chirurgiæ studiosus ad praxin per universam Angliam admittatur, si per septem annos integros in ea arte se perite, probe, et honeste exercuerit; duas Anatomias dissecuerit; et tres ad minimum curationes præstiterit; et chirographo vel Professoris Regii in Medicina, et unius alterius Doctoris in eadem Facultate, vel trium quorumcunque Doctorum in Medicina, in Universitate residentium, approbatus fuerit; quodque hæc in forma gratiæ recenseantur hoc modo:

Supplicat A. B. in Chirurgia studiosus, quatenus septem annos in studio et praxi Chirur-

giæ posuerit, duas Anatomias administraverit, et tres curationes fecerit; et chirographo vel Professoris Regii in Medicina, et unius alterius Doctoris in eadem facultate, vel trium Doctorum in Medicina, in eadem Universitate residentium, approbatus fuerit, et reliqua præstiterit omnia, quæ per Statuta requiruntur; ut hæc sibi sufficiant, quo admittatur ad practicandum in Chirurgia per universum Angliæ regnum.

Cujusmodi gratiæ concessio sic pronunciari solet: “ Hæc gratia concessa est, modo quatuor saltem pauperes gratis et intuitu charitatis curet, cum ad hoc ab iis fuerit requisitus.”

§. 8. *Formula Literarum testimonialium.*

CANCELLARIUS, Magistri, et Scholares Universitatis Oxon. dilecto nobis in Christo A. B. in Chirurgia *studioso* (vel *bene exercitato*) salutem in Domino sempiternam. Cum omnia nostra studia, consilia, et actiones ad Dei gloriam et fratrum salutem referri debeant; cumque Chirurgia ad hæc, inter cæteras artes, plurimum conferat; hinc est, quod nos Cancellarius, Magistri et Scholares antedicti (pro ea opinione, quam de scientia tua, vitæque ac morum integritate habemus) liberam tibi, tenore præsentium, concedimus potestatem et facultatem practicandi in Chirurgia, ubivis per universum Angliæ regnum, perpetuo duraturam; sub conditionibus subscriptis.

Primo, *scil.* quod quatuor saltem pauperes gratis et intuitu charitatis (quamprimum sese occasio tulerit) cures; cum ad hoc ab ipsis fueris requisitus.

Secundo, quod fines artis tuæ non excedas, aut Medicinam practices.

Tertio, quod nimium pro salario non exigas; aut curationem aliquam retardes, uberioris lucri intuitu: quod si in harum quapiam deliqueris, licentiam hanc nostram, tibi super præmissis factam, ipso facto vacare intelliges.

Nos etiam Cancellarius, &c. *ut supra de licentiandis ad praxin in Medicina.*

TITULUS X.

De Magna Congregatione.

SECTIO I.

§. I. *De Personis, ex quibus constat Magna Congregatio, sive Convocatio Magistrorum Regentium et non Regentium.*

CUM nullo Statuto hætenus satis accurate definitum sit ex quibus personis constat magna Congregatio, sive Convocatio Magistrorum Regentium et non Regentium, unde haud leves oriri poterunt lites, et quæstiones non facile dirimendæ; visum est Academiæ novo Statuto remedium huic malo adhibere.

Statutum est igitur, quod ad Magnam Congregationem sive Convocationem accedant, et jus ibidem deliberandi et suffragandi habeant, Doctores tantum et Magistri inferius descripti:

Primo, Cancellarius, sive Vice-Cancellarius, et ambo Procuratores, sive eorum deputati.

Secundo, Omnes Doctores in Sacra Theologia, Medicina, vel Jure Civili, necessario Regentes; et Magistri durante primo anno necessariæ suæ Regentiæ.

Tertio, Omnes Collegiorum et Aularum Præfecti, et eorum deputati; omnes itidem quotquot de fundatione alicujus Collegii sint, qui aliquando in Jure Civili vel Artibus rexerunt.

Quarto, Omnes Doctores in Sacra Theologia, Medicina, vel Jure Civili, intra Universitatis præcinctum familiam alentes; omnes itidem Professores et Prælectores publici, qui aliquando in Jure Civili vel Artibus rexerunt, si modo Exercitia a Statutis præscripta suis vicibus per se vel per alium præstiterint, et Feoda Universitati et ejus officiariis debita persolverint. Qui vero hæc Exercitia præstare, aut Feoda persolvere, aut recusaverint, aut moniti neglexerint, iis, cujuscunque sint ordinis, nullum jus suffragandi concedimus.

Quinto, Omnes Convictores, qui aliquando in Jure Civili vel Artibus rexerunt, qui a tempore capeffendi Gradum sive Magistri in Artibus, sive Doctoris, in aliqua prædictarum Facultatum, in libro Promptuarii alicujus sive Collegii, sive Aulæ, nomina inscripta habuerunt, qui suas concionandi et disputandi vices sustinuerunt, et qui Feoda Universitati, et ejus Officiariis, debita persolverunt.

Quod si quis ab uno Collegio, vel Aula, ad aliud, juxta formam in Statuto Tit. III. §. 3. descriptam, migraverit, modo intra tres menses in aliud Collegium, sive Aulam, se receperit, neque interim aliquod exercitium aut onus Academicum detrectaverit, is reputabitur, non

obstante hoc intervallo, per omne suum tempus nomen in aliquo Collegio, five Aula, retinuisse.

Si quis vero Doctor, vel Magister Artium, ab Universitate discesserit, et postea rursus studendi causa huc commigraverit, vel si quis ab alia Academia adventans hic incorporatus fuerit; talis, postquam per centum et octoginta dies continuos, five discontinuos, intra unius anni spatium in Universitate personaliter residerit, se coram Vice-Cancellario, in Convocatione, five Congregatione, sistat, qui testimonio residentiae suae a Praefecto Collegii sui five Aulæ, five ejus vicem gerente, adducto, eum ad jus suffragandi in Domo Convocationis teneatur admittere. Postquam admissionem eum jus suffragandi habere statuimus, modo nomen inscriptum in libro Promptuarii alicujus Collegii five Aulæ habuerit, et omnia Exercitia et Onera ab ista admissione subierit.

Provisio tamen, quod hoc Statutum non extendatur ad eos Doctores et Magistros, qui nomina habuerunt in libro Promptuarii alicujus Collegii five Aulæ ante festum D. Johannis Baptistæ proxime elapsum; quibus jus suffragandi concedimus, modo Feoda Universitati debita persolverint, et suas in posterum concionandi et disputandi vices præstiterint.

Insuper statutum est quod omnes sub conditionibus supra limitatis suffragandi jure gaudeant, qui ad Gradus, quibus insigniti sunt, per Diploma, vel per Decretum Convocationis, non autem qui tantum honoris causa, admissi fuerunt.

Ut melius vero constet quibus jus suffragandi competit, statutum est quod unus Bedel-

lorum, ad hoc negotium a Vice-Cancellario deputandus, a Promo uniuscujusque Collegii et Aulæ Schedulam manu Præfecti Domus, sive ejus vicem gerentis, consignatam, continentem nomina omnium Doctorum et Magistrorum istius Domus jus suffragii secundum conditiones prædictas vendicantium, quotannis post Comitata finita exigat et recipiat; quorum nomina una cum nominibus necessario Regentium, Doctorum commorantium, et Professorum et Prælectorum extra Collegia, vel Aulas, degentium, in librum referat, cujus libri exemplar apud Vice-Cancellarium reponatur. Omnes autem quorum nomina sic, ut præfertur, in illum referuntur librum, ad omnia Exercitia præstanda, et Onera subeunda, Gradui suo competentia, se firmiter teneri noverint.

§. 2. *De modo ad magnam Convocationem conveniendi.*

POST monitionem a Bedello factam, singuli Doctores, Magistri Regentes et non Regentes in Universitate tunc præsentés, a propriis Collegiis et Aulis, (habitu Gradui competente induti) hora constituta ad Domum Convocationis accedant; et, præeunte Vice-Cancellario, et uno e Bedellis proclamante, (*Magistri intretis in Convocationem, per fidem intretis,*) locum Convocationi destinatum ingrediantur; eodemque habitu, necnon pileis suis (sicut et in Congregationibus) induti, in locis illic sibi assignatis confideant.

Causa Convocationis per Vice-Cancellarium exposita, de negotiis propositis mature delibèrent, et (pro natura negotii) vel scriptis per

scrutinium; vel viva voce; vel in aurem Procuratoris; vel denique per secessionem ad alteram partem Domus, suffragia ferant.

Nihil autem pro decreto aut concessio habeatur, quod Cancellarius five ejus Vice-Cancellarius; vel ambo Procuratores, five eorum deputati; vel major pars Regentium et non Regentium negaverint. Præterquam in electionibus, quas liberas esse volumus, secundum antiquam consuetudinem, per majorem partem omnium suffragiorum.

SECTIO II.

De negotiis in Domo Convocationis tractandis.

§. I. *Enumeratio negotiorum, quæ ad Domum Convocationis spectant.*

QUANDOQUIDEM negotia majoris momenti cum majore deliberatione sunt tractanda; et quæ ad universam spectant Academiam, ab universis approbari congruum est; statutum est, ut in Convocatione Doctorum, Magistrorum Regentium et non Regentium (prout de antiquo fieri consuevit) de majoribus negotiis ac totum Universitatis corpus tangentibus, deliberetur et determinetur.

Veluti de legibus et Statutis rogandis, vel etiam abrogandis, interpretandis, moderandis; de Officiariorum electionibus; de Delegatis ad certa negotia nominandis; de Dispensationibus licitis concedendis; de Præsentationibus ad Beneficia; de Computis five Ratiociniis examinandis et approbandis; de Fundis five Prædiis Universitatis dimittendis five elocandis; de

Literis ad Regiam Majestatem, Prælatos, Proceres, ac Judices sive alios quoscunque conscribendis; de amovendis Academiæ dehonestamentis, et Gradu privandis. Denique, de quibuscunque ad statum, dignitatem, et incolumitatem Universitatis spectantibus.

§. 2. *De Statutis et Decretis in Domo Convocationis condendis et interpretandis.*

SI quando ex usu Academiæ futurum videbitur, aliquid de novo statuere vel decernere; vel, si quando circa Decreta et Statuta jam condita vel in posterum condenda, dubitatio aliqua emergat, unde ulterior eorundem explanatio requiratur, (modo ne, sub explanandi obtentu, sensus statuto cuivis affigatur, omnem ipsius vim eludens aut enervans; neve hæc explanandi potestas ad Statuta Regia auctoritate sancita vel confirmata extendatur, sine speciali ipsius Regis licentia,) statutum est, quod priusquam lex roganda, vel Statutum explanandum suffragiis Magistrorum Regentium et non Regentium permittatur, primo, ad hebdomadalem confessum Præfectorum Collegiorum et Aularum per Vice-Cancellarium referatur negotium.

Atque ubi, re mature perpensa, inter eos convenerit de verbis conceptis, sub quibus lex sciscenda aut Statutum explanandum illis videbitur, sub iisdem terminis res ad Magistros Regentes in Domu Congregationis, per Procuratores referetur; triduo ante Convocationem habendam.

In Convocatione autem sequente, iisdem verbis, quibus in Congregatione proposita fuerat, per Registrarium, mandato Vice-Cancel-

larii, palam recitetur. Ac demum, ubi Vice-Cancellarius, Procuratores, et major pars Regentium et non Regentium in terminos consenserint, sub quibus lex scienda, aut Statutum explanandum videbitur, sub iisdem terminis per Registrarium palam ibidem recitentur; et de iisdem Regentium et non Regentium suffragia rogentur. Sub iisdem etiam terminis, in quos consensum fuerit, in Acta redigantur; nec ante diem trigesimum, immediate sequentem publicationem sive recitationem eorundem in Domo Convocationis, vim aut auctoritatem Decretorum sive Statutorum fortiantur.

Si quid vero interim (dum suspensa manet Statutorum auctoritas) contra quam iis cautum est, pœna dignum committi contigerit; vel (in universum) si quod delictum inciderit, contra quod speciali nullo Statuto cautum fuerit; Vice-Cancellarius (affidentibus sibi Procuratoribus et Præfectis Ædium in Conventu ordinario) pro arbitrio pœnam irrogabit: donec speciali aliquo Statuto, contra hujusmodi delictum, provisum fuerit.

§. 4. *De Materia dispensabili, in qua Convocationi dispensandi potestas permissa est.*

CUM Statutorum rigorem, modo privatis hominum commoditatibus, modo necessitatibus ipsorum attemperari quandoque expediat; consuevit V. Domus Convocationis (penes quam est potestas Statuta et Decreta condendi) ex rationabili causa cum nonnullis dispensare.

Et primo, si a Statutis alicujus Collegii Statuta Universitatis in aliquo dissentiant, vel repugnent; statuit Universitas et declarat, quod cum Præfectis, Sociis et Scholaribus quibus-

cunque hujusmodi Collegii, super observatione Statutorum Universitatis, a Collegii Statutis dissentientium, eisque repugnantium, absque ulteriore aliqua supplicatione sive petitione, ipso jure dispensatum habeatur.

Deinde, si quis Lectiones vel Disputationes (ordinarias, et non pro forma) per alium præstare necessum habuerit.

Vel si qui, olim hujus Universitatis alumni, perspectæ probitatis et eruditionis viri; quique per 15 aut 16 annorum spatium (computandum ab admissione sua ad Regendum) Theologiæ operam navarunt (iidemque ultra spatium 30 milliariarum ab Universitate remoti) præstitis prius omnibus exercitiis, Gradus accumulare, sive simul capeffere desiderent.

Vel, si qui propter interveniens impedimentum, vel causam fonticam (quo minus in proximis Comitibus realiter incipere possint, vel potuerint) in Convocatione vel Congregatione creari et inaugurari desiderent.

Vel, si qui Prælati, Magnates, vel Nobiles, honoris causa, Gradus Academicos intra Academiam suscipere cupiant.

Vel, si Universitati eosdem extra Academiam (missis qui Cancellarium, Procuratores, et Magistros Regentes repræsentent) iidem Gradibus ornare visum fuerit.

Et universim, si qui alii fuerint casus, in quibus per Statuta Universitatis dispensare non negatum est, quique disciplinæ Academicæ non repugnant; in iis, ex necessaria et perurgenti aliqua causa (prius per Dominum Cancellarium, arbitrio Vice-Cancellarii, Procuratorum, et Præfectorum permessa, et per ipsos vel eorundem majorem partem approbata in conventu

ipforum hebdomadali) dispensationes in Domo Convocationis proponi licebit, et pro concessis haberi; si Vice-Cancellarius, Procuratores, et major pars Regentium et non Regentium assensum præbuerint.

§. 5. *De materia indispensabili, in qua Convocationi dispensare non permittitur.*

QUIA ex nimia dispensandi licentia grave incommodum Universitati antehac obortum est, (nec aliter fieri potuit:) statuit et decrevit Universitas, ne, in posterum, dispensationes ulatenus proponantur in casibus sequentibus. Et primo, statuit et declarat, ne super aliquo Statuto vel Decreto (auctoritate Regia jubente vel monente) condito vel condendo, in toto vel in parte dispensatio proponatur, nisi pari auctoritate Regia, ejusdem mutatio, vel aliqualis relaxatio, expresse mandata vel permissa fuerit.

Secundo, statuit et declarat, ne circa supremas Benefactorum defunctorum voluntates, aut ordinationes eorum quascunque Universitati commendatas, nec circa conventiones vel compositiones inter ipsos Benefactores (dum superstites essent) et Universitatem initas (absque speciali et expresse ipsorum consensu) nec circa ordinationes aliquas ex Benefactorum voto vel rogatu, cum Universitatis consensu, editas vel edendas; aut Literas alicujus ipsorum (super Lecturis aut Lectoribus suis) Patentes, quicquam postea immutetur, vel de eodem immutando petitio aliqua in V. Domo Convocationis fieri permittatur.

Tertio, ne pro defectu temporis, aut exercitorum (ad aliquem Gradum Baccalaurei, Ma-

gistrum, vel Doctoris in aliqua Facultate requisitorum), nec pro exercitiis (ad Gradum requisitis) post susceptum Gradum præstandis; præcipue, nec pro concione Latina, post Gradum Baccalaureatus (ut olim) habenda, ullo modo dispensatio proponatur.

Quarto, ne dispensatio proponatur, ut quisquam Collegii Præfectus, Socius vel Capellanus, vel in Aula aliqua commorans, vel intra quinquaginta miliaria ab Universitate habitans, (exceptis iis, qui in studio Theologiæ 15 vel 16 annos posuerunt, quibuscum si ultra 30 miliaria ab Universitate habitent, pro Gradibus cumulandis dispensare licebit) ad cumulandos Gradus, vel ad Gradum Baccalaurei, et Magistri seu Doctoris, simul suscipiendum admittatur.

Denique statutum est, ne in aliquo casu præmissio (vel alio, de quo speciali Statuto, ne super eo dispensatio proponatur, cautum est) quisquam, sub pœna bannitionis, dispensationem proponat; nisi Cancellarius Præfectorum arbitrio rem permiserit, ut de consilio maturo in conventu ipsorum ordinario prius habito, ex necessaria et perurgenti aliqua causa (per Vice-Cancellarium, Collegiorum et Aularum Præfectos, et Procuratores, vel majorem partem eorundem, approbanda) hujusmodi dispensationem in Domo Convocationis proponi permittant.

§. 6. *De electionibus in Domo Convocationis habendis.*

CUM in locum alicujus publici Prælectoris, aut Officiarii, aut communis ministri seu fervientis (defuncti, cedentis, vel amoti) alterius

electio; vel ad beneficium aliquod vacans (ad quod nominationis, sive præsentationis jus Universitati competit) alicujus idonei electio habenda fuerit; statutum est, quod ante Convocationem habendam, negotium hujusmodi electionis vel nominationis, per Bedellos singulis Collegiorum et Aularum Præfectis, et per præfectos Doctoribus et Magistris cujusque Domus, die præcedente, denunciatur.

Quodque, præter electionem Burgenfium Parliamenti (quam, viva voce, aut pedibus eundo in sententiam, fieri oportere, occasione litis motæ super ea re, Commissarii Parliamenti decrevere) omnis electio ad officia et publicas lectiones, et nominatio ad beneficia, fiat per scrutinium in scriptis, in quo (Vice-Cancellario præfidente) Procuratores scrutatores erunt. Insuper, si in locum alicujus lectoris, officarii, aut fervientis munus suum resignantis, habenda sit electio; fiat resignatio simpliciter et absolute, absque ulla resumendi conditione; et priusquam ad electionem procedatur, candidatus quivis (exigente alterutro Procuratorum) hoc juramentum præstabit se, nec directe nec indirecte, per se, nec per alium, cum quoquam contraxisse, nec quicquam cuiquam vel dedisse vel promississe, quo ad munus illud, quod jam capeffit, aditum fruere magis expeditum.

Juramentum Procuratorum.

1. *Qui a Vice-Cancellario juramento adstringentur, quod fideliter se in illo scrutinio gerent.*
2. *Quodque neminem, ad eligendum vel no-*

minandum aliquem, contra motum proprium inducent.

3. Et quod eum pro electo vel nominato pronuntiabunt, in quem major pars suffragantium consenserit.

4. Nec ante pronuntiationem, quicquam de votis alicui (quoquo modo, verbo vel signo) revelabunt.

Deinde, ipse Vice-Cancellarius, et singuli suffragaturi (Procuratoribus vel eorum Deputatis exigentibus) et Procuratores, eorumque Deputati, (exigente Vice-Cancellario, ejusve Deputato) corporale præstabunt juramentum, sub hac forma :

“ Tu jurabis, quod unum aliquem, et unum
 “ tantum, semel (et non amplius) in hoc scru-
 “ tinio scribes et nominabis.

“ Item tu jurabis, quod neminem ad *hoc offi-*
 “ *cium* (sive *publicam lectionem* sive *beneficium*)
 “ nominabis, nisi quem ad idem officium, sive
 “ beneficium, habilem et idoneum certo scive-
 “ ris, vel firmiter credideris; nec ulla condi-
 “ tione nec pacto, propter aliquam promissio-
 “ nem vel remunerationem (factam vel facien-
 “ dam) aliquem ad hoc officium sive bene-
 “ ficium in hac electione nominabis.”

Quodque nemo in electione aliqua (sub pœna admissionis suffragii, et perpetuæ exclusionis a Domo Congregationis et Convocationis) suffragium ferre præsumat, priusquam hoc juramentum, in eadem electione, præstiterit.

In scrutinio vero, ubi Vice-Cancellarius et Procuratores suffragati fuerint, quisque Doctorum, Magistrorum Regentium et non Regentium, secundum ordinem senioritatis, (quantum fieri potest) accedat: et (Procuratoribus

a latere Vice-Cancellarii utrinque sedentibus, et eorum altero schedulam, sic accedenti exhibente) votum suum simpliciter et absolute inscribat.

Nec scrutatores prædicti, aut eorum alter, ante peractam electionem (nisi ex causa necessitatis) decedant. Quo in casu, schedula apud Vice-Cancellarium deposita, Vice-Cancellarius (aut alius ab ipso deputatus) ejusdem, dum abest, vices sustinebit.

Cum autem longius in electione processum fuerit, defecerintque qui suffragentur; priusquam scrutatores suffragiorum numerum ineant, superior Facultatis Artium Bedellus, per Domum Convocationis, ad suffragandum, alta voce præconizabit: *Magistri, ad suffragandum, prima vice*; deinde, ex intervallo unius horæ quadrantis, *Magistri, ad suffragandum, secunda vice*; et tertio, post alium horæ quadrantem, *Magistri, ad suffragandum, tertia vice*.

Tandem (postquam aliquamdiu accessuros expectaverint, nec quisquam accedat) prædicti scrutatores, eum, in quem, computatis suffragiis, majorem numero partem consensisse compererint (schedulis interim, quibus singulorum vota inscripta fuerint, penitus abolitis, et igni traditis) pro electo palam pronunciant.

Si duo vel plures æqualem suffragiorum numerum sortiti sint, si Graduati fuerint, eorum senior, si Graduati non fuerint, tunc is, in quem Cancellarius (vel Vice-Cancellarius pro tempore existens) consenserit, pro electo habeatur; et ad officium suum (peractis præstitisque singulis, quæ ad hujusmodi admissio-

nem requiruntur) e vestigio, si præsens fuerit, admittatur.

Postremo cautum est, quod in omni electione (antequam ad suffragandum accedatur) præsens Statutum, una cum juramento prædicto, et Statuto regni de electionibus *Elizabethæ* 31. legatur; et juramentum ab omnibus ac singulis suffragaturis exigatur. Et præterea, in ipso Domus Convocationis introitu, aut alio quovis loco conspicuo (unde omnibus de plano legi possit) idem juramentum, in pensili tabula, singulis suffragantibus legendum palam proponatur.

§. 7. *De Delegatorum nominatione et munere.*

CUM varia Universitatis negotia, a paucis citius et commodius, quam a pluribus, expediantur; eoque nomine, selectis quibusdam hominibus per Domum Convocationis delegentur, qui de iisdem deliberandi vel statuendi, cum nuda relatione ad Domum, vel cum relatione et approbatione simul, (prout prædictæ Domui videbitur) potestatem habent; quos Delegatos nominandi jus penes Procuratores esse consuevit:

Ordinatum est, quod e singulis Facultatibus, et ex Doctoribus, Magistris Regentibus, et non Regentibus aliqui seligantur, qui impositum sibi onus subire, et in Congregatione quavis, diem Delegatorum conventui destinatum antecedente, juramentum corporale præstare teneantur.

I. “ Quod legitime de die, hora, et loco
 “ præmoniti, de tempore in tempus, in lo-
 “ cum per Vice-Cancellarium destinatum con-
 “ venient.

2. "Officium et munus Delegatorum, super negotiis sibi commissis, sedulo et diligenter exsequentur.

3. "Non omnino aberunt, nisi ex causa per Vice-Cancellarium et Procuratores, antea vel postea, approbanda."

Quicquid vero Delegati omnes, vel major ipforum pars, determinaverint, in negotiis delegatis, cum nuda relatione ad Domum, sine ulteriore disceptatione ratum est; in delegatis vero cum relatione ad Domum, et approbatione ejusdem, totius Domus suffragiis denuo permittitur.

Cum præter Delegatos ad expedienda negotia intra Universitatem, opus sit nonnunquam delegari quosdam ad prosequenda negotia extra Universitatis præcinctum; statutum est, quod (quoties hoc usu venerit) ad mandatum Vice-Cancellarii et Procuratorum, singuli ad hujusmodi negotia, pro virili, prosequenda (modo hoc fiat expensis Universitatis) paratos se præstent.

Quoniam vero ad computandas rationes Vice-Cancellarii, Procuratorum, et aliorum, novos quotannis Delegatos pro arbitrio Procuratorum designari, haud e re Academiae esse, usu compertum est; decretum est, quod, in posterum, statim Delegati per Vice-Cancellarium, et Procuratores, cum consensu Domus Convocationis, nominandi sint, qui singulas rationes Universitati reddendas accipient, præterquam de quibus speciali decreto aliter cautum fuerit.

Quorum si major pars in Universitate præsens non fuerit (quoties rationes quæcunque Universitati reddendæ fuerint) Procuratores,

vel eorum alter, cum consensu Vice-Cancellarii, totidem in locum absentium ad præsens subrogabunt, quot ad majorem partem explendam suffecerint.

Quod si quos e statis hisce Delegatis fatis concedere, vel alias Universitate excedere contingat; alii continuo in ipsorum locum, eadem auctoritate, subrogentur.

Hi autem Delegati, quamprimum nominati fuerint, in ipsa Convocatione (si præsentibus fuerint) alioqui coram Vice-Cancellario, exigente Seniore Procuratore, singuli juramentum præstabunt in hæc verba:

“ Tu jurabis, quod audies strictum et fidelem computum, de omnibus et singulis computandis per (&c.—) nec allocabis nisi quæ allocanda sunt; sepositis dolo, fraude, amore, et invidia. Ita Deus te adjuvet, et hæc Sacrosancta Christi Evangelia.”

§. 8. *De Degradatione.*

CUM nonnulla sint delicta, quæ, contra Statuta hujus Universitatis admissa, Graduum^a privatione plectuntur; alia vero, quæ (licet alibi commissa) tamen propter infame supplicii (quo vindicantur) genus, detrahi prius insignia Academica, et delinquentes exauctorari postulant; ne stigmata, delinquentium personis merito inurenda, simul Graduum Academicorum dignitati labeculam aspergant; unde aliqua ad ipsam Universitatem redundet infamia;

Statutum igitur est, quod, quoties hujusmodi se tulerit occasio, si delinquens intra Universitatem præsens fuerit, Vice-Cancellarius (in-

^a Tit. IX. Sect. VII. Tit. XXI. §. 14. et 19.

dicta prius Convocatione) ipsum habitu Gradui competente indutum, in Domo Convocationis sistendum curet; ubi ipsum Vice-Cancellarius gravi ac severa oratione increpabit, simulque atrocitatem criminis sui ei ob oculos ponet; deinde ipsius mandato, e Bedellis inferioribus unus, singula Gradus sui insignia, primo pileum, mox caputium, deinde capam, postremo togam detrahet; ac eum in modum, cunctis insignibus Academicis exutum et nudatum, e Domo Convocationis proturbabit.

Quod si intra Universitatem præsens non fuerit, Vice-Cancellarius (indicta itidem Convocatione) ibidem delinquentis crimen, et pœnam degradationis per Statuta (aut alias ex decreto superioris Curiae, vel ex congruo) irrogandam declarabit. Deinde, Doctorum, Magistrorum Regentium et non Regentium assensu rogato, instrumentum publicum a Registrario palam recitari faciet, in quo nomen, Gradus et crimen delinquentis exponantur; et ipse, de consensu Doctorum et Magistrorum Regentium et non Regentium, Gradu omni Academico exutus et exauctoratus pronuncietur et declaretur. Mox idem instrumentum, sigillo officii sui munitum, valvis magnæ Scholarum portæ appendendum curabit.

TITULUS XI.

De Congregationibus et Convocationibus
Statuta generalia.

§. I. *Congregationibus alii necessario, alii libere interfunt; Convocationibus singuli, rite moniti, tenentur per fidem interesse.*

STATUTUM est, quod singuli Doctores, et Magistri necessario Regentes (quotquot infra ambitum Academiae commorantur) statim a cessatione pulsationis solennis campanae, ad Congregationem accedent; cui a principio ad finem interfint, nec, nisi venia a Cancellario aut Vice-Cancellario impetrata, discedant: Regentes vero ad placitum, quoties specialiter requisiti fuerint, aut alias, pro arbitrio suo, interfint.

Si quis ex necessario Regentibus vel venire neglexerit, vel secus quam oportet discefferit, pro prima vice uno solido, pro secunda duobus, pro tertia tribus solidis per Cancellarium, vel Vice-Cancellarium mulctetur. Et si, debita praecedente monitione, ulterius in negligentia perseveraverit, a Domo Congregationis penitus excludatur.

Ad magnam vero Convocationem singuli Doctores et Magistri, Regentes et non Regentes, debite praemoniti, venire; ibique, dum negotia ad Universitatem spectantia tractantur permanere (nisi justam absentiae causam, a Vice-Cancellario requisiti, ipsi approbaverint) noverint se fide data Universitati obligari.

§. 2. *De ordine sedendi in Convocatione et Congregatione.*

STATUIT Universitas et decrevit, quod in omnibus Congregationibus et Convocationibus, Cancellarius, vel Vice-Cancellarius, in Cathedra, locum teneat principalem in medio. Deinceps ex utraque parte Cancellarii vel Vice-Cancellarii, sedeant primo Doctores in S. Theologia: deinde, ex utraque parte Theologorum, ad dextram, Doctores in Medicina, ad sinistram Doctores Juris Civilis: salva tamen consuetudine, quæ hodie inter Juristas et Medicos obtinet, quod qui senior est (id est prius præsentatus ad eundem Gradum) in sua Facultate, præ juniore in altera loci seu dignitatis prærogativam vendicet, ac obtineat. Cui etiam consuetudini ne quicquam eo nomine derogatum volumus, si forte in hisce Statutis vel Rubricis, inter nominandas ex ordine ambas Facultates, unam alteri sæpius præponi vel prænominari contigerit. Juxta vero Cancellarium vel Vice-Cancellarium, utrinque, paulo inferior, locum consuetum habeant Procuratores; et ad latera utriusque Domus Magistri Facultatis Artium, absque anterioris loci vendicatione: præterquam quod Collegiorum et Aularum Præfectis, si qui sunt Magistri Artium duntaxat, et non Doctores, præ aliis Magistris locus superior concedatur.

§. 3. *In Domo Congregationis et Convocationis Latino idiomate utendum. Loquendi modus, et vices servandæ. A contumeliis abstinendum.*

STATUTUM est, quod quilibet verba facturus in Domo Congregationis et Convocationis,

Latino utatur eloquio, nisi (negotio sic requirente) Cancellarius lingua vernacula utendi libertatem permiserit. Quodque omnes, dum alii loquuntur, silentium præstent; nec quisquam de loco ad locum migret; aut loquendi vices seniori loquuturo præripiat; aut sæpius de eadem materia interstrepat; sed simul atque sententiam suam protulerit, aliorum iudicio ponderandam relinquat. Quodque a dicitate, præsertim opprobriis, omnique indecenti verbo aut facto, penitus abstineant; sub pœna, quod, si quis in præmissis deliquerit, a Domo Congregationis vel Convocationis iudicio Cancellarii vel Vice-Cancellarii et Procuratorum, pro illo die, vel (si majori parti Domus videbitur) pro longiore tempore, excludatur: et insuper, obnoxius esto pœnis sancitis in Statuto de ^a Contumeliis compescendis.

TITULUS XII.

De Assimilationibus Parvis, seu Simile- primo.

Negotia huic conventui permissa, item interdita.

QUO negotia quædam minore Universitatis cum molestia expédiantur, in more positum est, et permillum Vice-Cancellario, conventum Magistrorum, qui *Simile-primo* appellatur, congregare; in quo, ipsi cum duobus Procuratoribus, et Magistris Regentibus, et non Regentibus, quotquot voluerint interesse (modo ne

^a Tit. XV. §. 10.

pauciores sint quam novem) ad parvæ campanæ sonitum, qualibet hora tam in vacatione, quam in Termino, in Domo Congregationis convenire licet.

Ubi iisdem fas erit, literas ex decreto Convocationis, ad Regiam Majestatem, Prælatos, Magnates, aut alios quoscunque, de negotiis Universitatis publicis conscribendas, recitare, approbare, et figillare.

Item literis testimonialibus de licentiis per Congregationem concessis, et quibuscunque aliis instrumentis, vel scriptis, ad Universitatis negotia spectantibus, ex decreto Convocationis vel Congregationis, sigillum commune Universitatis apponere.

Et alia minora negotia, in quibus ulterior assensus Congregationis vel Convocationis non requiritur, expedire.

Proviso semper, quod (excepto *Simile-primo* habendo in die Vesperiarum) in hoc confessu nec præsentationes habeantur, nec gratiæ, dispensationes, aut licentiæ proponantur; nec quicquam aliud, quod ad Congregationem vel Convocationem pertinet, attentetur.

TITULUS XIII.

De Hebdomadali et Ordinario Conventu Præfectorum Collegiorum et Aularum.

QUO melius ea, quæ ad regimen et tranquillitatem Universitatis pertinent, expediantur, et procurentur; secundum ordinationem Serenissimi Regis CAROLI ejus nominis primi, gratiose nuper ad Universitatem super ea re

transmissam, sancitum est, quod die Lunæ cujuslibet septimanæ, per totum annum tam in vacatione quam Terminorum temporibus, (præterquam in principalibus et solennibus festis, aut ubi Vice-Cancellario videbitur, ex publica aliqua occasione, hujusmodi congressum intermittere) hora prima pomeridiana (et etiam alias quandocunque Vice Cancellario, ex urgente aliqua occasione, convocare videbitur) Dominus Vice-Cancellarius ejusve Depu- tatus, una cum Procuratoribus, et singulis Collegiorum et Aularum Præfectis, tum in Univerſitate præſentibus, in loco certo et ſtato conveniant, ibique de privilegiis et libertati- bus Univerſitatis (prout occasio emerſerit) tu- endis deliberent; et de Statutis et Conſuetu- dinibus Univerſitatis obſervandis, inter ſe trac- tent, inquirent, et conſilium ineant. Et, ſi quid ſuper bono regimine, proſectu Scholaſti- co, honeſtate, vel utilitate communi, et ex uſu Academiæ, ipſi vel major pars eorum, delibe- rato opus eſſe duxerint, de eodem deliberandi poteſtatem habeant; quo melius et conſultius poſt hujusmodi ipſorum deliberationem, in V. Domo Congregationis, proponatur; et deinde, maturo cum conſilio, in V. Domo Convocatio- nis, de eodem ſtatuatur, et decernatur. Si quis vero Præfectorum prædictorum in Univerſitate præſentium (ceſſante impedimento legitimo per Vice-Cancellarium approbando) ab hujus- modi congreſſibus frequenter ſe abſentaverit, nomen ejus, tanquam perſonæ bono Univerſi- tatis regimini minus faventis, ad Cancellarium per Vice-Cancellarium deferatur.

TITULUS XIV.

De Vestitu et Habitu Scholastico.

§. I. *De vestitu Præfectorum, Sociorum, et Scholarium Collegiorum; et de modo in vestibus servando a cæteris.*

STATUTUM est, quod omnes Præfecti, Collegiorum Socii et Scholares, necnon omnes sacris ordinibus initiati, prout Clericos decet, vestiantur; et ea observent, quæ canonicis functionibus præcipiuntur.

Quodque alii omnes (exceptis filiis Baronum in superiore Parlamenti Domo suffragii jus habentium, necnon Baronum ex gente Scotica et Hibernica) vestibus coloris nigri aut subfusci se assuefaciant; nec, quæ fastum aut luxum præ se ferunt, imitentur; sed ab iis procul absint.

Insuper, ab absurdo illo et fastuoso publice in ocreis ambulandi more, abstinere compellantur.

Etiam in capillitio modus esto; nec cincinnos, aut comam nimis promissam alant.

Si quis vero in præmissis deliquerit; si Graduatus fuerit, pœna 6s. et 8d. plectatur toties quoties: si non Graduatus (si per ætatem conveniat) pœna corporali; sin minus, arbitrio Vice-Cancellarii vel Procuratorum (ita ut summam præfatam non excedant) coerceatur. Quas mulctas, partim ad Universitatis, partim ad proprios usus, exigendi Procuratores potestatem habeant.

§. 2. *De reprimendis et puniendis novos et insolitos habitus invehentibus.*

STATUTUM est, quod si contingat aliquos in vestitu novos et insolitos habitus introducere, Vice-Cancellarius, et Præfecti Collegiorum et Aularum, habita inter se deliberatione, de eodem sententias suas in medium proferant.

Deinde, Vice-Cancellarius scissoribus sive sartoribus vestiariis, hujusmodi vestes conficiendi potestate interdicat; et Præfecti suis singulis Scholaribus hujusmodi vestimentorum usu interdiciant.

Si majus remedio vitium invaluerit, nec pœnis, quamvis severis (quas secundum qualitatem delicti pro arbitrio infliget Vice-Cancellarius) morbi pertinacia expugnari possit; post tres monitiones, vel pœnas ordinarias ter inflictas, ad bannitionem procedere licebit.

§. 3. *De habitu Academico singulis Gradibus et Facultatibus competente.*

STATUTUM est, quod omnes Doctores cujuscunque Facultatis, Baccalaurei etiam in Sacra Theologia, Medicina, et Jure Civili, Magistri et Baccalaurei in Artibus, Baccalaurei etiam in Musica, togas Gradui et Facultati competentes, hodie usitatas, juxta exemplar in ære incidendum, et in abaco Domus Convocationis reponendum, gerant.

Ambo Procuratores, eorumque Deputati, et Collectores Quadragesimales, habitu hodie usitato, juxta exemplar, induti incedant.

Baronum filii in superiore Parlamenti Domo suffragii jus habentium, necnon Baronum ex

gente Scotica et Hibernica, toga talari deaurata, five toga nigra laxè manicata serica cum epomide, et pileo quadrato cum apice deaurato, induti incedant. Baronetti autem toga talari nigra, deaurata, five toga laxè manicata serica cum epomide, et pileo quadrato cum apice deaurato.

Superioris ordinis Commensales togam talarem sericam, five ex quovis panno nigro confectam, cum ornamentis secundum exemplar, et pileum quadratum holosericum, Anglice *velvet*, cum apice; Commensales vero five Communarii togam talarem, ex quovis panno nigro, non serico, confectam, cum ornamentis secundum exemplar, et pileum quadratum panno obductum cum apice, gerant.

Quod non Graduati, quotquot alicujus Collegii Socii, Probationarii, Scholares, Capellani, Clerici, et Choristæ, si modo in matriculam Universitatis sint relati, denique quotquot de fundatione Collegii cujusvis fuerint, Studentes insuper Ædis Christi, quoties in publicum in Universitate prodeunt, togis laxè manicatis, ita ut manicæ longitudo dimidiam partem longitudinis togæ non excedat, et pileis quadratis cum apice, induti incedant.

Batellarii vero, et Servientes, togam talarem hodie usitatam juxta exemplar gerant, et pileum quadratum sine apice.

Studentes in Jure Civili, nondum graduati, qui sedecim Terminos a tempore matriculationis compleverint, (vel etiam antea, modo de fundatione alicujus Collegii fuerint, cujus Statuta id fieri requisiverint) togam talarem femimanicatam, juxta exemplar, gerant, et pileum quadratum cum apice.

Quod Artium Baccalaurei in omni actu Scholastico caputium fimbria pellita prætextum gerant; in tempore vero Quadragesimali Determinantes tum in Scholis, tum in Choro Beatæ Mariæ Virginis, quoties ad celebrandas preces convenerint, pellem etiam lanatam, secundum exemplar, adhibeant.

Graduati omnes, togas Gradui et Facultati competentes, et pileos quadratos cum apice, aut rotundos (Juristæ scilicet et Medici) gestabunt; præcipue in concionibus, ordinariis prælectionibus, et disputationibus publicis.

In concionibus vero solennibus, et singulis diebus Dominicis intra Terminum ante meridiem in Templo B. V. Mariæ, etiam in Æde Christi; et in Quadragesima, et in Dominica Paschatis post meridiem ad S. Petri in Oriente, caputiis, five e ferico, five e minuto-vario, obversis, concionibus intersint.

Concionatores itidem habitu Gradui suo competente induti (pro ratione temporis, prout ceciderit intra vel extra Terminum) ad Ecclesiam accedant, et eodem induti conciones suas habeant, sub pœna 6s. 8d.

Lectores etiam et Professores publici, in lectionibus suis ordinariis, togis Gradui vel Facultati suæ competentibus, et pileo induti, ad Scholas accedant, et eodem habitu induti legant, ac iterum a Scholis recedant. In solennibus autem lectionibus in Vesperiis, pileis, et caputiis, Gradui et Facultati suæ competentibus, induti ad Scholas accedant, legant, ac iterum recedant.

Quoties vero ad Congregationes, Convocationes, preces publicas et conciones ad Clerum accedant, omnes præter togas, caputia Gradui

congrua; Doctores etiam capas, vel claufas vel apertas adhibeant.

Doctores fingulis diebus Dominicis intra Terminum, ante meridiem, in Ecclesia B. Virginis Mariæ; et in Quadragesima, et in Dominica Paschatis post meridiem in Ecclesia S. Petri in Oriente, capa, et caputio coccineo induti concionibus interfint.

Insuper statutum est, quod omnes Academici cujuscunque ordinis aut gradus fuerint, collari, vulgo vocato *Band*, juxta exemplar, tum in privato tum in publico se induant.

Si quis vero in præmissis delinquere deprehensus fuerit, si non Graduatus fuerit, pro arbitrio Vice-Cancellarii vel Procuratorum, penso aliquo literario puniatur. Si Graduatus, pro prima vice qua deliquerit, 2*od.* pro secunda, 3*s.* 4*d.* pro tertia, 5*s.* pro quarta, 6*s.* 8*d.* et sic toties quoties. Si quis vero ad Congregationem vel Convocationem accesserit, habitu competente destitutus, præter mulctam prædictam, nullam omnino suffragandi potestatem ea vice habeat. Quas mulctas ad usum Universitatis exigendi Vice-Cancellarius vel Procuratores potestatem habeant.

Ne vero quis præ novandi libidine ab exemplaribus in hoc statuto descriptis desciscere, novosque habitus introducere moliatur, statutum est, quod Vice-Cancellarius et Procuratores singulorum habituum exemplar aliquod ære incidendum, et in abacum huic usui destinatum, reponendum curabunt.

TITULUS XV.

De Moribus Conformandis.

§. 1. *De reverentia juniorum erga seniores.*

[STATUTUM est, quod juniores senioribus, id est, nondum Graduati Baccalaureis, Baccalaurei Artium Magistris, Magistri itidem Doctoribus, debitam et congruam reverentiam, tum in privato, tum in publico exhibeant: scilicet, ubi convenerint, locum potio-rem cedendo; ubi obvii venerint, de via decedendo; et ad justum intervallum caput aperiendo: atque etiam reverenter salutando et compellendo.] Insuper, quilibet Baccalaureus in Jure (qui non etiam inceperit in Artibus) cuilibet Magistro in Artibus ejusdem anni cedere debet intra Universitatem, locumque dare.

Quodque omnes cujuscunque conditionis (exceptis Procerum et Baronum, in superiori Parlamenti Domo suffragii jus habentium, filiis) qui nondum Gradum Magistri in Artibus, Baccalaurei in S. Theologia, Jurisprudencia, vel Medicina adepti sunt, quando (sive in Templis inter concionandum; sive in Scholis publicis inter prælegendum, audiendum, ac disputandum; et in omnibus denique actibus Scholasticis, præsertim coram publicis Universitatis Officiariis, Doctoribus, Magistris, vel Baccalaureis in Facultatibus prædictis) præsentibus cum præsentibus affuerint, nudatis capitibus adstent, humiliterque et modeste se gerant. Vice-Cancellario autem et Procuratoribus omni cura

et ope annitendum est, ut hoc Statutum debite observetur, puniendo ad arbitrium juniores, si non præstiterint, Magistros, si non exegerint debitum obsequium.

Provisio tamen, quod licebit Facultatis Artium Baccalaureis, habitu Gradui competente indutis, in Scholis Artium vel Philosophiæ, pileos etiam in præsentia Magistrorum et aliorum induere.

[Si vero aliqui secus se gesserint, (si juniores fuerint, et qui nondum Gradum aliquem adepti sunt) a Vice-Cancellario et Procuratoribus pro arbitrio castigentur; vel pœna corporali (si per ætatem congruat) vel suspendantur a Gradu per unum Terminum, toties quoties; et libro nigro, sive registro Procuratorum, inferantur nomina ipsorum.] Si Graduati fuerint, 3s. et 4d. singuli mulctentur. Et si contumaces persiste- rint, incarcerentur; ac insuper, si quando ulterio- rem Gradum ambient, suspendantur a Gradu per unum Terminum, toties quoties; et in libro nigro Procuratorum nomina ipsorum inferantur.

§. 2. *De coercendis otiosis et male feriatis Schol- laribus in civitate oberrantibus.*

STATUTUM est, quod Scholares (præser- tim juniores et non Graduati) per civitatem, ejusve suburbia, otiosi non obambulent; neque in plateis, aut publico foro, seu in quadrivio (apud *Penniless Bench*, ut vulgo vocant) aut apud oppidanorum seu artificum officinas, stantes aut commorantes (quales vetera Aca- demiciæ nostræ Statuta Scurrivagos et Trutan- nos vocant) conspiciantur.

Si quis absque rationabili causa a Procuratoribus vel Vice-Cancellario approbanda, hac in parte delinquens deprehensus fuerit; si non Graduatus fuerit, pro arbitrio Vice-Cancellarii vel Procuratorum corripatur, vel castigetur. Si Graduatus fuerit, 2*s.* Universitati mulctetur. Et si in contumacia persistiterit, incarceretur.

§. 3. *Quod Scholares conventibus juridicis, qui Sessiones et Assisæ vocantur, non intersint.*

STATUTUM est, quod nullus Scholaris, cujuscunque conditionis, ad publicos et generales conventus juridicos, vel civitatis, vel comitatus Oxon. (qui Sessiones aut Assisæ vocantur) nisi ex causa rationabili, per Vice-Cancellarium approbanda, accedat, vel iisdem interesse præsumat, sub pœna 10*s.* unicuique ibidem deprehenso infligenda; et incarcerationis, etiam omnibus et singulis per Vice-Cancellarium vel Procuratores inde recedere jussis, nec obtemperantibus: cui adeundi carceris mandato, (quia grassanti incommodo alias commode occurri non potest) omnes et singuli virtute juramenti Universitati præstiti, obedire teneantur.

Juniores autem, ut tirones, et alii non Graduati (qui illuc spectatum maxime confluere solent) ibidem deprehensi, pro arbitrio Vice-Cancellarii aut Procuratorum, pœnas dare teneantur.

§. 4. *De domibus oppidanorum non frequentandis.*

STATUTUM est, quod Scholares et Graduati cujuscunque generis, a domibus et officinis oppidanorum de die, et præsertim de nocte, abstineant. Præcipue vero, ab ædibus

infames seu suspectas mulieres vel meretrices audentibus, aut recipientibus; quarum confortio Scholaribus quibuscunque, sive in privatis cameris, sive in aedibus oppidanorum, prorsus interdictum est. Et si quis de die in iisdem, vel earum aliqua deprehensus fuerit (nisi rationabilem accessus sui moræve causam reddiderit) si non Graduatus sit, pro arbitrio Vice-Cancellarii, vel Procuratorum, qui deprehenderint, castigetur. Si vero Graduatus fuerit, 3s. 4d. pro qualibet vice Universitati mulctetur. Quod si quis ibidem de nocte interesse deprehensus fuerit, pœnis noctivagorum omnino subjiciatur. Quem in finem (in subsidium Vice-Cancellarii et Procuratorum) potestas fit Præfectis Aedium domos oppidanorum intrandi; ut explorent an aliqui e suis illic versentur de die vel de nocte. Si quis vero Magistratui vel Præfecto Domus, de nocte post clausas fores ostium pulsanti, fores sine mora vel tergiversatione non recluserit, pro prima vice mulctetur 20s; secunda vero, commercio cum privilegiatis (si oppidanus fuerit) alias privilegio ipsi interdicatur.

§. 5. *De œnopolyis, sive tabernis vinariis, popinis, et diversoriis non frequentandis.*

STATUTUM est, quod Scholares cujuscunque conditionis, a diversoriis, cauponis, œnopolyis, ac domibus quibuscunque intra civitatem, vel præcinctum Universitatis, in quibus vinum, aut quivis alius potus, aut herba Nicotiana sive Tobacco, ordinarie venditur, abstineant: nisi ex causa necessaria et urgente, per Vice-Cancellarium aut Procuratores approbata. Quodque si quis secus fecerit, octo-

decim annis minor, nec Graduatus, publice castigetur: major autem annis octodecim, vel Graduatus, pro prima et secunda vice sex solidis et octo denariis Universitati mulctetur; pro tertia autem vice, per spatium unius mensis incarceretur; vel, si Gradum aliquem ambiat, a tempore alias completo, unum alium integrum annum exspectet, antequam ad supplicandum pro Gradu illo admittatur. Si quis vero sic deprehensus, Tutor fuerit, Vice-Cancellarius ipsi Tutoris munere prorsus interdicat. Pro quarta vero vice ab Universitate expellatur.

Insuper, oppidani (sive privilegiati fuerint, sive non) qui contra formam hujus Statuti, Scholares in illum finem, in domos vel loca hujusmodi receperint, pro prima vice decem solidos, pro secunda viginti solidos, Universitati numerent: si tertio deliquerint, per duos menses, si quarto, per totum annum commercium iis cum Scholaribus et personis privilegiatis interdicatur; vel privilegium, si fuerint privilegiati.

Modis iisdem mulctator punitorque, si quis oppidanus Scholari cuivis epulas pretio præbuerit, vel cibos ad mensam apparatus in Scholaris cujusvis usum in quodlibet Collegium sive Aulam quamlibet, vel in domum aliam quamcunque, intulerit vel immiserit; nisi veniam Collegii vel Aulæ Præfecti, cui sibi ex legibus Academicis parendum est, idem Scholaris prius impetraverit.

§. 6. *De vehiculis.*

CUM plurima incommoda ex usu immodico vehiculorum, præsertim eorum quæ vul-

go dicta sunt *Pbaetons*, orta sint; cumque nullo Statuto hæctenus de hoc malo cautum sit, placuit Universitati novum Statutum condere, quo remedium eidem in posterum adhibeatur.

Statutum igitur est, quod Scholares cujuscunque conditionis ab usu omnium vehiculorum, quibus invehi solent ipsi aurigantes, sive ea *Pbaetons*, sive alio quocunque nomine dicta sint, prorsus abstineant. Quod si quis secus fecerit, pro prima vice viginti solidis, pro secunda quadraginta solidis, Universitati mulctetur; pro tertia vero vice, libro nigro, sive registro Procuratorum, inseratur nomen ejus; et ab omni gradu per annum integrum repellatur. Si quis autem quarta vice hac in parte deliquerit, ab Universitate expellatur.

Insuper oppidani, qui, contra formam hujus Statuti, istiusmodi vehicula Scholaribus elocasse deprehensi fuerint, pro prima vice quadraginta solidos, pro secunda centum solidos, Universitati numerent. Si tertio autem deliquerint, per duos menses, si quarto, per totum annum, commercium cum Scholaribus iis interdicitur.

§. 7. *De nocturna vagatione reprimenda.*

STATUTUM est, quod omnes Scholares cujuscunque conditionis, quos occasione quacunque extra Collegia sua vel Aulas vesperi agere contigerit, ante horam nonam (quæ pulsatione magnæ campanæ Collegii Ædis Christi denunciari solet) ad Collegia et Aulas proprias se recipiant; et quod statim a pulsatione ejusdem magnæ campanæ, singulorum Collegiorum et

Aularum portæ occludantur et obserentur. Quibus occlusis, explorabunt nonnunquam Ædium Præfecti, perlustratis singulorum cubiculis (ex præscripto *S. Regis Jacobi*) utrum e suis aliqui extra Collegium vel Aulam suam pernocent seu vagentur. Quod, si quis postea extra Collegium proprium vel Aulam, in domo quacunque vel platea, vel alibi intra præcinctum Universitatis repertus fuerit (nisi causam rationabilem ostenderit, per Vice-Cancellarium et Procuratores approbandam) si non Graduatús fuerit, pro arbitrio Vice-Cancellarii vel Procuratorum puniatur, vel castigetur pœna corporali, si per ætatem congruat; alioqui quadraginta solidis mulctetur: si vero Graduatús, quinquaginta solidis mulctetur: quas mulctas a quibuscunque deprehensis exigere, et ipsarum semissem in fiscum Universitatis redigere, tenentur Procuratores fide sua data Universitati. Et, nisi fuerit Magister Artium vel Baccalaureus Juris, a Procuratore, qualiscunque vero conditionis, a Vice-Cancellario (si propter contumaciam, suspicionem fugæ, vel alia de causa mereri videbitur) incarceretur, et ut perturbator pacis habeatur. Si vero alius quis deprehendatur, sive persona privilegiata, sive non, consimiliter puniatur.

§. 8. *De ludis prohibitis.*

STATUTUM est, quod Scholares, cujuscunque conditionis, abstineant ab omni lusus genere, in quo de pecunia concertatur; veluti a lusu talorum, alearum, et chartarum pictarum, necnon a lusu globorum, in privatis oppidanorum areis hortisque; nec hujusmodi publicis lusibus, per *Statuta Regni* prohibitis, interfint;

quodque nemo intra Universitatem hujusmodi ludis se exercentes excipiat: sub pœna castigationis corporalis non Graduatis (quibus per ætatem congruit;) aliis vero, et Graduatis, 6s. et 8d. (præter restitutionem ejus quod lusu illicito lucrati sunt,) singulis, qui in his deliquerint, irroganda; et 20s. iis, qui hujusmodi lusus exercentes exceperint; et sub pœna incarcerationis, donec de hujusmodi ludentibus ulterius non excipiendis cautionem interposuerint. Et in his omnibus, toties quoties.

Item, quod abstineant ab omni genere lusus vel exercitii, ex quo aliis periculum, injuria, vel incommodum creatur; veluti a venatione ferarum (ut damarum, leporum, et cuniculorum) cum canibus cujuscunque generis, viveris, retibus, aut plagis; necnon ab omni apparatu et gestatione bombardarum, et arcubalistarum; sive etiam accipitrum usu ad aucupium: sub pœna castigationis corporalis non Graduatis (quibus per ætatem congruit;) aliis vero, et Graduatis, sex solidorum et octo denariorum, sic delinquentibus, toties quoties imponenda, præter suspendium canum, et forisfacturam sive amissionem retium, bombardarum, arcubalistarum, et hujusmodi instrumentorum, quæ in usum Universitatis venundentur.

Item quod, intra Universitatem Oxon. aut ejus præcinctum, absque speciali venia Vice-Cancellarii, nec funambuli nec histriones (qui quæstus causa in scenam prodeunt) nec gladiatorum certamina sive spectacula permittantur; nec Academici aut Scholares eisdem intersint. Histriones vero, funambuli, et gladiatores contravenientes incarcerentur. Et Scholares (si

qui ad hujusmodi spectacula confluentes deprehensi fuerint) non Graduati, arbitrio Vice-Cancellarii, vel Procuratorum puniantur vel castigentur: Graduati autem, sex solidos et octo denarios Universitatis fisco singuli pendant, toties quoties.

Item, quod Scholares cujuscunque conditionis, (præsertim vero Graduati) ludum pilæ pedalis, intra Universitatem ejusve præcinctum, (maxime vero in publicis urbis vicis et plateis) five soli inter se, five cum oppidanis intermixti, omnino non exercent; nec rudibus inter se, aut cum oppidanis, batuant (vulgo *Cudgell-play*;) unde periculossimæ contentiones sæpe numero exardescunt; aut hujusmodi ludorum spectatores se præbeant. Quod si aut ipsi luisse, aut vanis hujusmodi ludis (ut spectatores) ultro interfuisse convicti fuerint; juniores quidem non Graduati, et infra annos octodecim, palam castigentur corporaliter; Graduati autem, vel octodecim annis majores, ut perturbatores pacis, puniantur ad arbitrium Vice-Cancellarii vel Procuratorum. Clerici denique et sacris ordinibus initiati (si qui tales in prædictis deliquerint) ab Universitate expellantur.

§. 9. *De famosis libellis cobibendis.*

SI quis aliquid scripto composuerit, unde alicujus existimatio et fama lædi possit; vel aliquid ejusmodi ab alio compositum exscripserit; aut a se lectum, vel ab alio recitante auditum, ad Vice-Cancellarium protinus haud detulerit; vel quoquo modo in vulgus sparserit aut disseminaverit, tanquam pacis perturbator banniat.

§. 10. *De contumeliis compescendis.*

STATUTUM est, quod si quis verbis contumeliosis quenquam impetiverit, vel, si quis in concione, oratione, fabula, vel alio quocunque modo, quicumque publice protulerit vel ediderit, in quo Doctoris cujusquam, Magistri, vel honestæ conditionis Studiosi existimatio et fama lædi possit; vel persona derisui seu ludibrio exponi; tanquam pacis Universitatis perturbator coram Vice-Cancellario conveniatur; et exemplar concionis, orationis, sive fabulæ exhibere, vel (si nullum habere se exemplar præ se ferat) virtute juramenti ad objecta respondere teneatur. Et, si judicio Vice-Cancellarii convictus super horum aliquo fuerit, pro qualitate delicti (quæ ex circumstantiis et personis, tum proferentibus, tum in quas convicia prolata sunt, censenda est) incarceratione, vel recantatione publica, vel bannitione (pro arbitrio Vice-Cancellarii) præter satisfactionem parti læsæ exhibendam, puniatur.

§. 11. *De vi et injuria prohibenda.*

STATUTUM est, quod si quis Studiosus, aut alius cujuscunque conditionis, alteri de damno corporali inferendo minatus fuerit; vel alium ad pugnam provocaverit; aut capite vel humeris impulerit quempiam, seu arietaverit, aut vestimenta alterius laceraverit, disciderit, aut quoquo modo corruperit; mulctetur Universitati quatuor solidis: si quis cubito, palma, pugno, vel pede percusserit, quinque solidis.

Si quis baculo, lapide, clavi, vel consimili, aliquem percusserit, vel fenestras alicujus frege-

rit, 6s. 8d. incarceretur insuper, et repellatur a Gradu per duos Terminos ad minimum. Si quis alium ad pugnam (in qua vitæ discrimen adeatur) laceffiverit, vel laceffitus acceptaverit, vel cultellum, pugionem, gladium, aut aliquod aliud genus teli, aut distrinxerit, aut intentaverit cum minis (aut ita, ut conjicere liceat animo lædendi factum) 20s. suspensione a Gradu (si quem ambiat) per integrum annum ad minimum; et incarceratione, quamdiu Vice-Cancellario videbitur.

Si quis cultello, pugione, aut aliquo alio telo seu instrumento aliquem percusserit, unde leve vulnus, et modica effusio sanguinis sequatur, pœnas proxime præcedentes incurrat, et insuper veniam genibus flexis petat in Domo Convocationis.

Si quis vero cultello, pugione, gladio, vel aliquo alio telo, seu instrumento, aliquem ita fauciaverit, ut inde proveniat debilitatio (diu aut. perpetuo duratura) ex copiosa sanguinis effusione; aut mutilatio totius membri vel articuli alicujus, unde ipse articulus vel usus ejus deperditur; aut periculum vitæ; (etiam si mors non sequatur;) banniatur: et similiter, si quis armatos congreget, aut pro impedimento justitiæ, aut ad damnum aliquod, sive corporale sive non, alicui inferat: eadem esto pœna, si quis (sciens volensque) in Templo aut cœmeterio, quemquam pugno, vola, aut calce percusserit, vel capite, humero, cubitove quemquam impulerit, seu arietaverit.

Insuper, in his omnibus pœnæ gradibus, pars peccans satisfacere parti læsæ teneatur (pro ratione damni illati) arbitrio Vice-Cancellarii: et præterea, si per ætatem et Gradum liceat, pu-

niatur corporaliter, publice in Domo Congregationis.

§. 12. *De armis non gestandis.*

STATUTUM est, quod nullus Studiosus, aut alius, intra Universitatis ambitum, sive offensiva sive defensiva arma (veluti gladios, pugiones, pugiunculos (vulgo *stillettoes*) ficas, arcus et sagittas, bombardas) vel tela aut instrumenta bellica, de die vel de nocte gestet, nisi cum ad loca remota proficisci, vel a remotis reverti eum contigerit; exceptis, qui honestæ recreationis causa, arcus cum sagittis portaverint. Et si quis secus fecerit (etsi nulli insultum fecerit) tanquam pacis perturbatæ suspectus incarceretur, donec itidem de pace conservanda fide-jusserit; et præter amissionem armorum (quæ a Vice-Cancellario vel Procuratoribus, ut forisfacta, capiantur) duobus solidis Universitati mulctetur.

Quod si alteri insultum vel injuriam fecerit, puniatur ut supra §. præcedente.

§. 13. *De conventiculis illicitis reprimendis.*

STATUTUM est, quod nullus cujuscunque Gradus, sive status, conventicula illicita intra Universitatis præcinctum instituat, aut iis quovismodo interfit, aut in domo vel hospitio suo haberi permittat. Qualia censenda sunt, in quibus, contra pacem publicam, doctrinam vel disciplinam Ecclesiæ, vel regimen et tranquillitatem Universitatis quicquam deliberatum vel gestum fuerit: vel, in quibus homines (secus quam Statutis Regni, canonibus Ecclesiæ, vel ordinationibus Universitatis permittitur) vel palam, vel occulte conveniunt.

Infuper, ne quis confœderationes five confpirationes ineat, unde Cancellarius, Procuratores, feu alii Miniſtri Univerſitatis in executione officiorum fuorum ſecundum Statuta et ordinationes ejuſdem, impediri vel perturbari poſſint. Neve quis hujusmodi conventicula ineuntes (ſibi notos aut probabiliter ſuſpectos) celet; quin ipſos Vice-Cancellario protinus denunci- et revelet; ſub pœna expulſionis, et forisfacturæ five amiſſionis omnium bonorum juxta chartam Regis *Richardi ſecundi*.

§. 14. *De auctoribus et fautoribus diſſenſionis puniendis.*

STATUTUM eſt, quod nullus Studioſus, cujuſcunque conditionis, pacem vel concordiam impediatur; aut (ſi qua inter aliquos diſſenſio exorta fuerit, occasione nationis, aut patriæ, aut facultatis, vel quacunque alia de cauſa) eam foveat vel accendat; aut alteri partium opem aut conſilium præbeat. Cujus criminis qui ſuſpectus fuerit, ut perturbator pacis conveniatur, et, ſi convictus fuerit, eiſdem pœnis, quibus pacis perturbatores, ſubjiciatur.

§. 15. *De oppugnatoribus et violatoribus publicæ auctoritatis, et manutenentibus coercendis.*

STATUTUM eſt, quod nullus Studioſus, aut alius, cuivis cauſæ ad alium pertinenti ſe immiſceat coram Vice-Cancellario vel Procuratoribus, niſi fuerit alterius partis in judicium vocatæ Tutor, Procurator, advocatus, assignatus, teſtis neceſſarius, creditor, fide-juſſor, ſponſor, executor, jûdex, impar, aut arbitrator

in quacunq̄ue causa electus, vel alias, ex honesta aliqua causa, conjuncta persona.

Nec in causa propria vel aliena, contra Vice-Cancellarium, vel Procuratores, eorumve Deputatos, verba injuriosa vel opprobriosa proferat, aut quicquam, quod eisdem in executione officiorum suorum quoquo modo (in judicio aut extra) impediatur, aut inquietet, agat, aut conetur.

Quorum criminum qui rei fuerint (sive per convictionem, sive evidentiam facti) ut pacis perturbatores tractentur: et qui se alienis causis et negotiis immiscet, 13s. et 4d. qui autem verba contumeliosa (in judicio vel extra) protulisse vel publicos officarios præfatos in executione officiorum suorum impedivisse convictus fuerit, 40 solidos Universitati solvere teneatur; incarceretur insuper, et veniam flexis genibus in Domo Convocationis petat: ac demum a Gradu (si quem ambiat) per integrum annum repellatur. Quod si privilegiatus fuerit aut oppidanus, pro arbitrio Vice-Cancellarii et quantitate delicti (ad tempus) privilegio, aut commercio cum privilegiatis, ei interdicitur.

Si quis vero eo audaciæ proruperit ut in Cancellarium, seu Vice-Cancellarium, Procuratores, vel eorum Deputatos, sive locum tenentes manus violentas injecerit, vel injicere tentaverit, vel minatus fuerit, eo ipso Universitatis finibus perpetuo expellatur, si Studiosus fuerit; alias privilegio vel commercio cum privilegiatis respectively ipsi interdicitur.

§. 16. *De reprimendis sumptibus non Academicis.*

QUO melius studiis vacare possint, uti par est, juniores Academici; et luxus atque fastus

ab his sedibus repellantur; et porro sumptus non Academici imminuantur, atque etiam, si fieri possit, reprimantur; statutum est,

Primum; quod nulli Academico, priusquam Gradum Baccalaurei in Artibus adeptus sit, vel, si Studiosus in Jure Civili, quatuor annos a matriculatione sua compleverit, liceat equum aut servum alere aut retinere, seu proprium, five alienum, aut conductitium, nisi ex petitione sub chirographo parentis vel guardiani, (si quis sit, si non, ex sui ipsius petitione,) Tutori suo Præfectoque Collegii vel Aulæ, in qua degit, significanda, et, propter rationabilem causam, ab iisdem approbanda. Neque vero liceat Baccalaureo in Artibus, vel Studio in Jure Civili qui prædictum tempus compleverit, nisi propter rationabilem causam a Præfecto Collegii vel Aulæ, in qua degit, approbandam.

Quorum approbatio a prædicto Collegii vel Aulæ Præfecto ad Vice-Cancellarium illico deferatur, et, ab eo, in registro inferatur.

Si quis vero in præmissis deliquisse, coram Vice-Cancellario vel Procuratoribus, deprehensus fuerit; pro prima vice amoveatur ab Academia per tres menses, pro secunda per sex menses, pro tertia per integrum annum.

Oppidanus insuper, si contra vim et formam hujus Statuti, cujusvis Scholaris, cui venia modo prædicto non antea concessa fuerit, equum aluisse vel consilio, dolo, aliove quocunque modo quo minus præsens Statutum ratum fiat, operam dedisse deprehensus fuerit: pro prima vice commercium cum Scholaribus per unum mensem, pro secunda per sex menses, pro tertia in perpetuum, ei interdicator; necnon privilegium, si fuerit privilegiatus.

Et, quo melius hæc vim atque effectum habeant, tenentur singuli Collegiorum et Aularum Præfecti, ut a suis observentur Scholaribus, diligenter curare; et si qui contra hæc deliquerint, eorum nomina ad Vice-Cancellarium deferre, ut rite puniantur.

Secundo; quod nulli Academico, priusquam Gradum Magistri in Artibus aut Baccalaurei in Jure Civili susceperit, liceat canem vel canes cujuscunque generis alere vel habere, sub quovis prætextu.

Porro, cum pestis hujusce seculi, amor nimium immodicus et exitiabilis ludorum in quibus pro pecunia concertatur, ipsam quoque nonnulla ex parte Academiam invaserit, unde, effusis juvenum animis in cursus equorum et gallorum pugnacium duella, maculam excipiat nomen atque existimatio Universitatis: Statutum est,

Quod in posterum nullus Academiae alumnus aut principalem aut consortem in cursu equorum se adhibeat, vel ipse equitando, vel pecuniam collatitiam ad eam rem subscribendo, aut alio quocunque modo: neque gallorum pugnacium duellis (barbaris certe et homine liberali atque ingenuo plane indignis) adsit, aut ullo modo se immisceat; sub pœna amotionis ab Academia pro prima vice per tres menses; pro secunda, per sex menses; pro tertia vero, in perpetuum.

TITULUS XVI.

De Concionibus.

§. 1. *De Concionibus ante meridiem, diebus Dominicis intra Terminum, habendis.*

STATUTUM est, quod quolibet die Dominico intra Terminum ante meridiem (nisi quatenus in his Statutis aliter provisum fuerit) Concio Anglice habeatur per Collegiorum Præfectos, per Decanum et Præbendarios Ædis Christi, per duos Theologiæ Professores, et per Hebraicæ Linguæ Professore, ordine sequenti; cauto semper, quod Collegiorum Præfectis fas sit hæc concionandi vices inter se pro arbitrio commutare.

Ecclesiæ Christi.
Coll. Magdal.
Coll. Novi.

Ecclesiæ Christi.
Coll. Omnium Anim.
Coll. Merton.

Ecclesiæ Christi.
Coll. Corp. Christi.
Coll. Reginae.

Ecclesiæ Christi.
Coll. S. Jo. Bapt.
Coll. Trinit.

Ecclesiæ Christi.
Coll. Ænei-Naf.
Coll. Oriel. *4 Janu*

Ecclesiæ Christi. *11 Dec*
Coll. Wadham. *12 Janu*
Coll. Lincoln. *15 Oct*

Ecclesiæ Christi. *22 Oct*
Coll. Univers. *29 Oct*
Coll. Exon. *12 Nov*

Ecclesiæ Christi. *19 Nov*
Coll. Balliol. *26 Nov*
Coll. Jesu. *3 Dec*

Ecclesiæ Christi. *10 Dec*
Coll. Pemb. *17 Dec*
Reg. Prof. Theol. *14 Jan*

Ecclesiæ Christi. *21 Jan*
Coll. Vigorn. *28 Jan*
Margaretæ Prof. *4 Feb*

Ecclesiæ Christi.
Coll. Hertford.
Profess. Ling. Hebr.

Insuper placuit Universitati, quod hæ Conciones in Ecclesia B. Mariæ Virginis habeantur: præterquam quod, quoties Decano vel Præbendario Ædis Christi concionandum est, iis, aut etiam aliis ipsorum vices suppleantibus, necnon solennes conciones habentibus in Natali Domini, in die Passionis Dominicæ, et in festo Ascensionis Domini, in Ecclesia Cathedrali Ædis Christi concionari sit permissum. Si quis secus fecerit, pœnam conciones omitterentium incurrat.

§. 2. *De Concionibus habendis ante meridiem diebus Dominicis extra Terminum, necnon Dominicis Quadragesimalibus et diebus Festis ante meridiem, ac Dominicis post meridiem per totum Annum.*

STATUTUM est, quod extra Terminum, in quolibet die Dominico ante meridiem, (præterquam in Dominica Paschatis quando in singulis Collegiis conciones ante sacram Synaxin sunt habendæ,) necnon in Dominicis Quadragesimalibus ante meridiem; et in quolibet die Dominico post meridiem per totum annum, (excepto tempore magnæ Vacationis;) et in quolibet die festo per totum annum, (exceptis iis qui in tempore magnæ Vacationis occurrunt;) in Ecclesia Beatæ Mariæ Virginis, nisi quatenus in his Statutis aliter provisum fuerit, Concio vernaculo sermone habeatur. Has vero conciones seriatim peragere tenebuntur Sacræ Theologiæ Doctores, et Sacræ Theologiæ Baccalaurei, Juris Civilis Doctores et Baccalaurei, ac Artium Magistri, (sive in Theologia, sive in Jure Civili studentes,) quotquot Presbyteri vel Diaconi fuerint; Magistri non ante duos annos ab Inceptione sua, Baccalaurei autem Juris non

nisi post tres annos completos a suscepto Gradu : ita ut, cum ad simpliciter Juniorem Theologum deventum fuerit, ad Sacræ Theologiæ Doctores concionandi vices denuo revertantur. Provisio quod tum Vice-Cancellarius et Procuratores pro tempore existentes, tum ii omnes qui Conciones ante meridiem diebus Dominicis intra Terminum habere tenentur, ab his vicibus seriatim obeundis semper excusentur.

§. 3. *De Concionibus Quadragesimalibus ad Divi Petri in Oriente.*

STATUTUM est, quod, prout antiquitus fieri consuevit, in quolibet die Dominico durante Quadragesima, necnon in Dominica Paschatis, post meridiem, ad Divi Petri in Oriente solennis Concio lingua vernacula habeatur ; ad quas quidem Conciones habendas, viros idoneos nominandi ac designandi potestas penes Dominum Vice-Cancellarium sit : ita tamen ut eorum ratio imprimis habeatur, qui, per Statuta Collegiorum suorum, aliquam ex istis Concionibus in propriis personis habere adstringuntur.

Et quod nomina hujusmodi Concionatorum, quos privata Collegiorum suorum Statuta ad has Conciones adstringunt, Academiae Registro inferantur, prout antiquitus obtinuit.

§. 4. *De Concionibus quibusdam extraordinariis ad Ecclesiam B. Mariæ.*

STATUTUM est, quod (præter illas Conciones quæ in diebus Dominicis et Festis a Collegiorum Præfectis, Doctoribus et Baccalau-
reis S. Theologiæ, et Magistris Artium, et Baccalau-
reis Juris, ut præfertur, seriatim præ-

standæ sunt,) aliæ quoque extra ordinem; certis et statis temporibus, in Ecclesia Beatæ Virginis Mariæ habeantur: nimirum in Festo Inaugurationis Regiæ; et quinto Novembris pro communi liberatione totius Reipublicæ a Proditione Sulphurea; trigesimo Januarii, die martyrii Caroli primi Regis; et vigesimo nono Maii, die gratiarum actionis pro Rege ac Regia familia restauratis. Quas Conciones, præmissis publicis Supplicationibus, aliquis ad id muneris a Vice-Cancellario assignatus habebit.

Porro Concionibus hisce extraordinariis annumerandæ sunt Prælectiones octo Theologicæ, quas, supremo Testamento suo, vir Rev. Johannes Bampton, A. M. in Ecclesia B. Mariæ, intra initium ultimi mensis Termini Hilarii atque finem tertiæ septimanæ Termini Trinitatis, quolibet anno, haberi mandavit. Statuit autem et declarat Academia, quod hæ Prælectiones, sive Conciones, diebus Dominicis intra Terminum ante meridiem, intra tempus præstitutum, semper habeantur.

Necnon in Dominica Quinquagesimæ, et ultima mensis Junii Dominica, ante meridiem; ac in Dominica Pentecostes, tam ante, quam post meridiem; Conciones lingua vernacula habendæ sunt per aliquos ad id muneris a Vice-Cancellario specialiter deputatos. Item in die Dominico Comitiorum, cum ante, tum post meridiem, et in die Mercurii proxime post Comitiam; et in utroque Conventu Comitatus, qui Affisæ vocantur; ad quas aliqui per Vice-Cancellarium specialiter sunt designandi. Proviso semper, quoad eum quem ad Concionem Latinam die Mercurii post Comitiam habendam a Vice-Cancellario designari contigerit (si Theologiæ Baccalaureus non fuerit, et tempus

ad illum gradum per Statuta requisitum compleverit) quod ante habitam Concionem ad Gradum Baccalaurei in Sacra Theologia, citra ullam dispensationem eo nomine petendam, admitti ipsum licebit. Et in initio cujusque Termini, ac in Die Cineris in Capite Jejunii, coram Baccalaureis Determinaturis, Caputia (obverso Rhenone, seu pelle agnina,) gestantibus, et pro more in Scamnis Magistrorum sedentibus, Concio Latina habeatur, quam seriatim obire tenentur S. Theologiæ Professores, et alii in Theologia Graduati, sacris Ordinibus initiati; aut vice illorum alii per Vice-Cancellarium approbandi.

§. 5. *De Concionibus Anniversariis habendis extra Templum Beatæ Mariæ.*

CUM Collegiorum quorundam Statuta, et cum Benefactoribus Conventiones, requirant, ut in quibusdam Collegiis Conciones publice coram Universitate habeantur; Statutum est, quod, prout fieri consuevit, in Collegiis hic nominatis, statis quibusdam diebus, Conciones publicæ habeantur.

Nimirum in Ecclesia Cathedrali Ædis Christi, in Natali Domini, in die Passionis Dominicæ, et in Festo Ascensionis Dominicæ.

In Collegio Beatæ Mariæ Magdalenæ, in Festo S. Marci Evangelistæ, et in Festo S. Joannis Baptistæ.

In Collegio Novo, in Festo Annunciationis Beatæ Mariæ Virginis, et in Dominica Trinitatis.

In Collegio Mertonensi, in Festo Sanctorum Philippi et Jacobi, et in Dominica prima mensis Augusti.

In Ecclesia S. Petri in Oriente, in Festo

Sanctorum Simonis et Judæ, per aliquem e Collegio Universitatis.

§. 6. *De Concionatoribus approbandis.*

STATUTUM est, quod in Ecclesia Beatæ Virginis Mariæ, aut alibi coram Universitate, nemo unquam concionari præsumat, nisi qui judicio Vice-Cancellarii approbatus fuerit; qui- que sacris insuper Ordinibus initiatus, saltem Gradum Magistri in Artibus ante duos annos, aut Baccalaurei in Jure Civili ante tres annos susceperit.

Si quis secus fecerit, mulctetur toties quoties quinque libris.

§. 7. *De præmonendis Concionaturis, et poena eorum qui deficiunt.*

STATUTUM est, quod concionaturi Anglice ante duos saltem menses, Latine vero ante tres menses, præmoneantur, per Bedellum superiorem Sacræ Theologiæ, si in Universitate præsentibus fuerint: sin minus, schedula tempus quo quis concionaturus sit indicans penes Præfectum Ædis, ejusve Deputatum, aut Thesaurarium, sive Bursarium, qui pro tempore fuerit, relinquatur. Ad has autem conciones seriatim habendas præmoneantur non solum ii qui actu in Universitate commorantur, verum etiam quotquot nomina sua in Promptuarii libro Collegii cujusvis, vel Aulæ, inscripta habent. Unusquisque vero sic præmonitus tenetur, intra spatium unius mensis ab accepta monitione, schedula tradita Bedello superiori Sacræ Theologiæ per se, vel per Præfectum Ædis suæ, ejusve Deputatum, aut Thesaurarium, sive Bursarium, palam renunciare, utrum, tempore destinato, propria persona officio suo sit functurus. Quod

si ipse non fit concionaturus, et tempus, quo concionari debet, acciderit extra Terminum, vel alio quovis die intra Terminum præter diem Dominicum, tenetur insuper eadem scheda idoneum aliquem substitutum nominare, (a Vice-Cancellario approbandum,) qui vicibus ejus fungi et possit et velit. Sin vero die Dominico intra Terminum habenda fit concio, (exceptis tantum iis Concionibus, quas, juxta Statuta, extra Templum Beatæ Mariæ haberi fit permiffum,) nemini, quacunque de causa, præter aliquem e selectis Concionatoribus post-hac designandis, locum ejus supplere fas, esto.

Si quis autem sic præmonitus vel schedulam prædictam, intra tempus præstitutum, Bedello tradendam non curaverit; vel Concionem aut per se, aut per alium, uti præfertur, non habuerit; quinque libris Universitati mulctetur. Quam pœnam similiter incurrat Bedellus prædictus, si quem, culpa illius, (prout oportuit non præmonentis,) deficere contingat.

§. 8. *De selectis quibusdam Concionatoribus designandis.*

STATUTUM est, quod designentur decem Concionatores, selecti e numero Doctorum et Baccalaureorum in Sacra Theologia et in Jure Civili, ac Magistrorum in Artibus, qui, sacris Presbyteratus Ordinibus initiati, duos saltem annos ab Inceptione sua compleverint; vel, si Baccalaurei fuerint in Jure Civili, qui tribus saltem annis Gradu prædicto fuerint insigniti. Horum vero Concionatorum (non sine ipsorum consensu) designatio fiat per Vice-Cancellarium et Procuratores, Sacræ Theologiæ Professore Regium, et Prælectorem Dominæ Margaretæ

Comitissæ Richmondiaë, tribus saltem eorundem consentientibus, quorum unus semper sit Vice-Cancellarius. Proviso quod, statim post hujusmodi designationem, Concionatoris cujusque nomen sigillatim, frequenti Convocatione, suffragiis venerabilis istius Domus probandum, five improbandum, permittatur.

Horum erit Concionatorum, seriatim, juxta Senioritatis ordinem quantum fieri potest, (nisi aliter inter se convenerint,) Conciones diebus Dominicis intra Terminum, tam ante quam post meridiem in Ecclesia B. Mariæ habendas, eorum omnium loco peragere, qui, rite præmoniti, se partes suas impleturos esse Sacræ Theologiæ Bedello superiori ante mensem non renuciaverint; qui quidem Bedellus prædictos Concionatores de qualibet hujusmodi concionandi vice, nulla mora interposita, certiores facere tenetur. Cauto semper, quod Collegiorum Præfectis, si qui inter Concionatores hosce selectos numerentur, quotiescunque illis concionari contigerit, fas sit, si velint, concionandi ante meridiem sibi jus vindicare.

Ex his decem Concionatoribus officio suo cedant quinque quotannis; prima vice forte, vel comparatione inter seiplos facta; deinde qui eodem munere per duos annos functi fuerint; et subrogentur in eorum locum quinque alii, modo supra definito designandi, et a venerabili Domo Convocationis approbandi. Si quis vero ex hisce Concionatoribus fati concesserit, vel se officio suo abdicaverit, alius in ejus locum, qui vices ejus suppleat in partem biennii nondum elapsam, forma supra definita, continuo subrogetur.

Proviso semper, quod nemo, qui selecti Concionatoris officio per biennium integrum functus fuerit, in idem officium, nisi post annum alterum elapsum, iterum designetur.

§. 9. *De Concionatoribus remunerandis.*

CUM nihil fere vel ad veram Religionem, vel ad ipsius Academiæ dignitatem promovendam magis pertinere videatur, quam ut sacrae Conciones rite peragantur; cumque æquum omnino ac justum sit, ut iis, qui gravissimo hoc munere funguntur, condigna quodammodo remuneratio accedat; Statutum est, quod S. Theologiæ Doctores et Baccalaurei, Juris Civilis Doctores et Baccalaurei, ac Artium Magistri, quotquot Presbyteri vel Diaconi fuerint, (Magistri non ante duos annos ab Inceptione sua, Baccalaurei autem Juris non nisi post tres annos completos a suscepto Gradu,) singuli qualibet anni quarta parte Summam trium Solidorum solvere teneantur; exceptis Vice-Cancellario et Procuratoribus pro tempore existentibus, quos Academia semper ab omni concionandi vice immunes esse voluit; et exceptis etiam iis omnibus, qui Conciones ante meridiem diebus Dominicis intra Terminum habere tenentur. Horum autem unusquisque, pro qualibet sua concionandi vice, solvat in fiscum Academiæ quinque libras ac quinque solidos.

Has autem Summas, ratione habita non solum eorum qui actu in Universitate commorantur, verum etiam eorum quotquot nomina sua in Promptuarii libro Collegii cujusvis vel Aulæ inscripta habent, a præfecto Ædis cujus-

que, vel a Theſaurario, ſive Burſario, exigere tenetur Sacræ Theologiæ Bedellus ſuperior, ac eaſdem Vice-Cancellario protinus deferre.

Ex hiſce quidem pecuniis Vice-Cancellarius primum dicto Bedello, in proprios uſus, pro ſtudio et labore adaucto, triginta libras annuatim numerabit; deinde vero, aliis etiam pecuniis, ſiquando opus fuerit, e fiſco Academiæ deſumptis, (iis ſcilicet quæ per Decretum Convocationis anno 1802. fancitum ab Academicis exiguntur,) id præcipue curabit, ut cuilibet Concionatori, pro re nata, hæ quæ ſequuntur ſummæ, ſtatim poſt habitam Concionem, ſemper ſolvantur; ſcilicet,

Cuilibet Concionem extraordinariam, vernaculo ſermone, ad Eccleſiam Beatæ Mariæ habenti, (excepto Prælectore Bamptoniano,) necnon Concionem in Dominica Paſchatis poſt meridiem ad Eccleſiam D. Petri in Oriente, ſex libræ ac ſex ſolidi;

Cuilibet, die Dominico intra Terminum, coram Univerſitate Concionem habenti, (exceptis Concionibus iſtis anniverſariis quæ juxta Statuti hujusce Sect. 5. extra templum B. Mariæ habendæ ſunt,) quinque libræ ac quinque ſolidi;

Cuilibet, die Dominico poſt meridiem, durante Quadrageſima, ad Eccleſiam D. Petri in Oriente Concionem habenti; vel die Feſto intra Terminum ad Eccleſiam B. Mariæ; quinque libræ ac quinque ſolidi;

Denique, cuilibet coram Univerſitate, juxta hæc Statuta, Concionem habenti die Dominico, vel die Feſto, extra Terminum, (exceptis Concionibus iſtis anniverſariis quæ juxta Statuti hujusce Sect. 5. extra templum B. Mariæ

habendæ sunt,) quatuor libræ ac quatuor solidi.

Statutum est etiam, quod de pecuniis omnibus ab Academia, juxta hanc Ordinationem, receptis, et expensis, Vice-Cancellarius quotannis rationem reddet; quodque insuper, in Termino Michaelis, schedulam parabit, quam ad singulos Collegiorum et Aularum Præfectos, necnon ad cujuslibet Collegii ac Aulæ Bibliothecam, curabit deferri; ut cunctis liquido appareat qui sit rei hujusce status, quid intra annum receptum et expensum fuerit, quantumque harum pecuniarum, subductis rationibus, in fisco Academiæ supersit.

§. 10. *De Commemoratione publicorum Universitatis Benefactorum, præ Concionibus solennibus intra Universitatem habendis.*

STATUTUM est, quod in Precatione ante Conciones Latinas cujusque Terminii initiales; item in Concionibus ante et post meridiem in Comitibus; etiam in Festivitate Inaugurationis Regiæ, et coram Judicibus sive Justitiariis Assisarum; per quemcunque Universitatis nostræ Oxoniensis concionaturum, expressa et grata fiat Commemoratio publicorum Universitatis Oxoniensis Benefactorum; scilicet, Illustrissimi Principis *Humfredi* Glocestriæ Ducis, *Jobannis Kempe* Cantuariensis Archiepiscopi, *Thomæ Kempe* Londinensis Episcopi, *Margaretæ* Comitissæ Richmondiæ, *Henrici VII.* et *Elizabethæ* Uxoris ejus, *Richardi Lichfield* Archidiaconi Middlesexiæ, *Thomæ Woolsey* Cardinalis et Archiepiscopi Eboracensis, *Henrici VIII.* *Mariæ* Regiæ, *Elizabethæ* Regiæ, *Jacobi* Regis, *Thomæ Bodley* Militis, *Henrici*

Saville Militis, Gulielmi Sidley Militis, Nicolai Kempe Militis, Thomæ White S. Theologiæ Doctoris, Gulielmi Cambden Armigeri, Richardi Tomlins Armigeri, Gulielmi Heather Muficæ Doctoris, Caroli I. Regis et Martyris, Edvardi Comitis de Clarendon, Gulielmi Laud et Gilberti Sheldon Archiepiscoporum Cantuariensium, Henrici Comitis de Danby, Henrici Birkhead Armigeri, Georgii I. Regis, Jobannis Radcliffe Medicinæ Doctoris, Nathanielis Baronis Crewe, Episcopi Dunelmensis, Richardi Rawlinson Juris Civilis Doctoris, Caroli Viner Armigeri, Georgii Henrici Comitis de Litchfield, Caroli Godwyn Sacræ Theologiæ Baccalaurei, Jobannis Bampton Artium Magistri, Francisci Baronis Godolphin, Jobannis Sibthorpe Medicinæ Doctoris, et Jobannis Wills S. Theologiæ Doctoris: vel cujuscunque alterius, quem posthæc in Album Benefactorum referre Universitati placebit: sub pœna decem solidorum, toties quoties. Alias vero ipsos commemorare nemo teneatur.

§. II. *De Offensionis et Dissensionis materia in Concionibus evitanda.*

STATUTUM est, quod si quis pro Concione aliqua, intra Universitatem ejusve Præcinctum habita, quicquam Doctrinæ vel Disciplinæ Ecclesiæ Anglicanæ publice receptæ dissonum aut contrarium, aut publica auctoritate, ad tempus vel aliter, prohibitum, protulerit, sive protulisse ab ipso Vice-Cancellario suspectus, vel ab alio aliquo, rationabilem suspicionis causam afferente, delatus fuerit; Quod postulanti Vice-Cancellario, sive ejus Deputato,

Concionis suæ verum exemplar, eisdem terminis conscriptum, virtute juramenti tradet; vel, si prætendat se exemplar non habere, de iis, de quibus suspectus vel delatus fuit, directe virtute juramenti respondebit.

Deinde vero Vice-Cancellarius, sive ejus Deputatus, verbis sensuque eorum, quæ in quæstionem vocantur, in medium prolatis, et rite perpenfis, adhibito consilio sex aliorum S. Theologiæ Doctorum, (quorum unus sit S. Theologiæ Professor Regius, si Concioni interfuerit) si quem criminis objecti reum invenerit, eum pro arbitrio vel a munere prædicandi intra præcinctum Universitatis suspendet; vel ad ea, quæ protulit, recantandum adiget. Sin verba ad seditionem aliquam in Universitate, vel Societate, sive Communitate aliqua excitandam, Vice-Cancellario tendere videantur, ipse solus Vice-Cancellarius, adscito sibi uno aliquo Sacræ Theologiæ Doctore, qui interfuit, Incarceratione, Multa pecuniaria, vel Recognitione publica (prout ipsi videbitur) puniat: et prædictorum criminum suspectus perturbatæ pacis reus habeatur.

§. 12. *De Officiis Divinis, seu Precibus solennibus juxta Liturgiam Ecclesiæ Anglicanæ, et Concionibus publicis, frequentandis.*

STATUTUM est, quod ad Officia Divina, sive Preces solennes juxta Liturgiam Ecclesiæ Anglicanæ, et Conciones publice coram Universitate habendas, omnes Doctores, Magistri, Graduati et Scholares, diligenter accedant, et eisdem debita cum reverentia et attentione, quoad peractæ fuerint, a principio usque ad fi-

nem interfint; nec quisquam, dum ejusmodi Divina Officia et Conciones coram Universitate habentur, ad aliam Ecclesiam, vel Ecclesias, divagetur; sub pœna quod si quis secus fecerit tribus Solidis ac quatuor Denariis mulctetur.

Nemo autem unquam, cujuscunque demum Gradus et conditionis fuerit, vel cuilibet istorum cœtui, qui ab Ecclesiæ Anglicanæ Doctrina vel Disciplina dissentiant, sese quovismodo immisceat; vel Concionibus, aut Divinis Officiis quibuscunque, intersit, nisi quæ palam habeantur in Locis ab auctoritate Episcopali (prout in Ecclesia Anglicana recepta est) ad hos usus destinatis.

At si quis contra hoc Statutum deliquisse deprehensus fuerit, mulctetur, prima vice, sex Solidis et octo Denariis; secunda vice, tredecim Solidis ac quatuor Denariis, atque insuper a Vice-Cancellario, assidentibus ipsi Procuratoribus et Ædium Præfectis in Conventu suo ordinario, serio admoneatur; tertia autem vice, ab Academia in perpetuum amoveatur.

Denique Statutum est, quod in Termino Michaelis, mense scilicet Novembris, quolibet anno, modo supra præfinito, selectorum Concionatorum designatio semper fiat. Hoc autem anno prima horum Concionatorum designatio fiat intra tres Menses a confirmatis his Statutis per venerabilem Domum Convocationis.

Omnes insuper, qui Termino Michaelis proxime sequenti concionari debent, ante duos menses præmoneantur; ac schedulam, forma supra præfinita, intra mensem ab accepta monitione, Sacræ Theologiæ Bedello superiori tradere teneantur.

Cætera quod attinet, Statuta hæc vim et effectum non habebunt ante diem decimum Octobris proxime secuturum.

De Statuto hoc rogando consenserunt Collegiorum et Aularum Præfecti, et, re mature perpensa, convenerunt in terminos die vicesimo octavo Mensis Novembris; publicatum est in Domo Congregationis die tertio Mensis Decembris, juxta Statuti in ea parte exigentiam, triduo ante Convocationem habendam; tandem in Convocatione publicatum et confirmatum sexto die Decembris, Anno Domini 1803.

TITULUS XVII.

De Officiariis Universitatis.

SECTIO V.

§. I. *De Nominatione et Officio Magistrorum Scholarum.*

MAGISTRI Scholarum tres funto, quorum unus a Domino Vice-Cancellario, unus ab utroque Procuratore, in venerabili Domo Convocationis, primo die Termini Trinitatis, ex Magistris in Artibus qui ad regendum admissi fuerint quotannis nominetur; exceptis semper iis, qui Procuratorum Deputati in Termino Paschatis proxime præcedenti nominati fuerint. Proviso semper, quod nemo, qui Ma-

gistri Scholarum officio per biennium functus fuerit, in idem officium, nisi post annum elapsum, iterum nominetur. Cautio etiam, quod nemo Magistri Scholarum et Examinatoris Publici officio simul fungetur.

Hi Magistri Scholarum statim a nominatione sua officium suum ineant, prius tamen in Domo Convocationis per Seniores Procuratorem juramento onerentur sub hac forma ;

Magister, tu jurabis quod ea omnia et singula quæ ad officium Magistri Scholarum spectant bene et fideliter, omnimoda partialitate seposita, durante tuo Officio exequeris.

Horum igitur munus esto in Scholarium **RESPONSIONIBUS** in Parvifo Quæstiones proponere, secundum Statuti de hisce **RESPONSIONIBUS** sanciti vim et vigorem ; item Quadragesimalibus Baccalaureorum Determinantium **LECTIONIBUS** præesse, juxta Statuti de hac re sanciti exigentiam : ita ut Baccalaureorum Determinantium **LECTIONIBUS** in singulis Scholis unus saltem ex Magistris Scholarum, **RESPONSIONIBUS** autem Scholarium in Parvifo bini ad minimum per integrum tempus intersint, et, quantum in ipsis est, ne quid vel in **LECTIONIBUS**, vel in **RESPONSIONIBUS**, contra bonos mores aut pacem Universitatis peccetur, provideant.

Magistri autem Scholarum, in absentia Procuratorum, singulis diebus Exercitiis hisce destinatis, intra Scholarum præcinctus Procuratoriam habeant potestatem.

§. 2. *De Magistris Scholarum et Procuratorum Deputatis remunerandis.*

QUO Scholarum Magistris et Procuratorum

Deputatis debitæ accedant remunerationes, Statutum est quod, post annum finitum, Dominus Vice-Cancellarius, acceptis a ^a Procuratore Juniore et ^b Seniore Scholarum Magistro pecuniis quas ei in manus tradere tenentur, et aliis insuper, quantum opus fuerit, e Cista Academica depromptis, (iis scilicet quæ per Decretum Convocationis anno 1802 sancitum ab Academicis exiguntur,) id semper curabit, ut unicuique e tribus Scholarum Magistris annua Octoginta Librarum pensio, et unicuique e Procuratorum quatuor Deputatis annua Quinquaginta Librarum pensio, persolvatur. Proviso semper, quod in pensionibus hisce solvendis pecuniarum earum ratio habeatur, quæ jam Magistris Scholarum, et Procuratorum Deputatis, vel ex legatione Benefactorum, vel ex Decreto Convocationis, vel alio quocunque nomine debentur; ita ut, connumeratis omnibus, pensiones istæ modum supra præscriptum non excedant.

Denique Statutum est, quod primo die Termini Trinitatis, anno Millesimo Octingentesimo nono, prima hæc trium Magistrorum Scholarum per Vice-Cancellarium et Procuratores fiat Nominatio. Cæterum duorum Magistrorum Scholarum designatio jam facta rata permaneat, ita ut pro Magistris Scholarum auctoritate præsentis Statuti designatis accipiantur.

De Statutis his rogandis consenserunt Collegiorum et Aularum Præfecti, et, re mature perpensa, convenerunt in terminos die decimo quarto Mensis Junii; publicata sunt in Domo Congregationis die decimo octavo Mensis Junii, juxta Sta-

^a Vide Tit. VI. Sect. I. §. 4.

^b Vide Tit. VI. Sect. II. §. 7.

tuti in ea parte exigentiam, triduo ante Convocationem habendam; tandem in Convocatione publicata et confirmata vicesimo secundo die Junii, Anno Domini 1808.

SECTIO VI.

De Magistris vicorum designandis, et eorum officio.

PRÆTER internos Regentiæ suæ actus, quos Magistri necessario Regentes intra Domum Congregationis (ut præfertur) exercent, iidem etiam, tanquam annui Universitatis officarii, alios externos Regentiæ suæ actus, foris et extra Domum Congregationis, exercere tenentur. Consuetudo enim est, quod, incipiente Termino Michaelis, Procuratores universum municipii Oxon. et suburbiorum ejusdem circuitum, in quosdam vicos seu plateas distributum, inter aliquot Regentes partiantur, qui Magistri vicorum nuncupantur. Quorum est, pacem Domini Regis et Universitatis in eisdem vicis (si qua tulerit occasio) custodire; munditiæ vicorum, et ne quid incommodi aut detrimenti, ex communibus nocumentis, fordibus, et fimis illic congestis oriatur, prospicere: eosque, quorum interest, hujus rei admonere; et negligentes sive non curantes, modis quibus poterint, ad remedium adhibendum cogere.

Juniores Scholares, in iisdem vicis otiose, et absque habitu sibi competente, obambulantes, aut commorantes, aut immodeste se gerentes, aut debitam reverentiam senioribus non exhibentes, corripere et increpare, eosque, ut ad Aulas et Collegia sua se recipiant, cogere.

Recufantes autem et inobedientes, tum Vice-Cancellario et Procuratoribus denunciare, tum a Gradibus Scholasticis impedire et prohibere, fecundum Statuta prius pofita, et non aliter.

TITULUS XIX.

De Feodis ad Univerfitatem, Officiarios, et fervientes pertinentibus.

QUONIAM varia ac multiplicia feoda, pro diverfa personarum et Graduum conditione, multis nominibus exigenda veniunt; quæ omnibus nota et perſpecta eſſe illorum intereſt, tum quibus, tum a quibus debentur (horum ſiquidem ignoratio, et hos fraudi magis opportunos, et illos iniquis ſuſpicionibus magis obnoxios reddit) ſtatutum eſt, quod *feoda* ad Univerſitatem, officiarios, et ſervientes quoſcunque ſpectantia, ſevere ac diligenter examinata, et in *tabulas penſiles* redacta, in Apodyterio Domui Congregationis vicino, palam omnibus ſpectanda et legenda proponantur; nec ultra feoda illic præſtituta, quiſquam a quovis, feodi nomine, quiequam exigere præſumat, ſub pœna pro arbitrio Cancellarii irroganda. Sed nec feoda ſibi debita quiſquam per ſe, et immediate a quovis recipiat, ſed Bedellorum opera et miniſterio in colligendis feodis ſibi debitis utatur.

Illud ante omnia cavendum diſtricte præcipimus, ne feoda expreſſa in *tabulis Archetypis* (ſigillo Honoratiſſimi Cancellarii Gulielmi Archiepiſcopi Cantuar. ſignatis, et una cum au-

thentico Statutorum exemplari in chartarum ac munimentorum abaco repositis) quovis prætextu aut colore posthac augeantur seu amplificentur; neve quis de amplificandis feodis hisce aut eorum quocunque, supplicationem ullam in *Domo Convocationis* proponere præsumat, sub pœna *bannitionis* ipso facto incurrendæ, nisi prius *Cancellarius* Præfectorum arbitrio rem permiserit, iique in conventu ipsorum ordinario, supplicationis æquitate rite pensata, dignam censuerint quæ ad venerabilem *Domum Convocationis* referatur.

TITULUS XX.

De Bonis et Locis publicis Universitatis.

§. 6. *De platearum regimine.*

QUONIAM indecorum juxta et insalubre est, plateas aut angiportus intra præcinctum Universitatis, (illas præcipue, quæ ad loca publica ducunt, et vulgo pedibus hominum teruntur) neglectas jacere, fimo ac sordibus opletas; alibi, omnino non stratas; alibi, extrito et comminuto pavimento salebrofas; statutum est, quod deinceps, singuli præ foribus suis pavimentum lapidibus sterni, et complanari curabunt. Si quis autem a Vice-Cancellario monitus, intra tempus præstitutum, sternendum non curaverit, pœna esto pro arbitrio Vice-Cancellarii: quod si in contumacia sua persistiterit, si privilegiatus, privilegio, si oppidanus, commercio cum privilegiatis, ipsi interdicitur.

Ite n quod nemo fordes, retrimenta, vel ru-

dera, imbris tempore in plateam projiciat, pluviæ beneficio pro fimigerulo ufurus ; sub pœna 20s. legitime super hoc convicto, toties quoties, per Vice-Cancellarium infligenda.

Item quod nemo præ foribus suis fimetum aut sterquilinum congerat ; sed intra domesticos parietes contineat quicquid sordium aut fimi egerendum habet, quoad fimigerulus (vulgo *scavenger* dictus) cum plastro fimum omnem avecturus accefferit, sub mulcta 3s. 4d. toties quoties, irroganda.

Quem in finem statutum est, quod Universitas ad hoc fimigeruli munus, semper honestæ conditionis aliquem sub sigillo suo deputatum habeat, qui juxta condiciones, et pacta conventa inter ipsum et Universitatem, hoc munus sedulo exequetur, et pactam mercedem, pro rata cujusque domus, recipiet.

Quod si quis pro rata ad hunc usum contribuere recusaverit, præter mulctam arbitrio Vice-Cancellarii irrogandam ; si privilegiatus fuerit, privilegio ; si oppidanus, commercio cum privilegiatis, ipsi interdicator.

Insuper ne tempore hiberno, cum illunes fuerint noctes, cæci in tenebris palpare necesse habeant, quos urbem vesperi obambulare cogunt aliquando negotia : statutum est, quod deinceps, singulis annis, a festo Omnium Sanctorum usque ad festum Purificationis B. Virginis, ab hora sexta vespertina usque ad nonam, lucernæ præ foribus singulorum Collegiorum ac Aularum, necnon privatarum ædium, suspendentur, sub pœna 1s. omittentibus, toties quoties, per Vice-Cancellarium infligenda.

TITULUS XXI.

De Judiciis.

§. I. *De jurisdictione Universitatis tuenda.*

CUM non solum juxta privilegia a Serenissimis Regibus inclyti hujus Regni, et Prælati (Studioforum tranquillitati gratiose consulentibus) concessa et indulta; verum etiam secundum diuturnam consuetudinem, quæ memoriam hominum excedit, potestas cognoscendi ac terminandi omnes causas, Scholares aliasque personas privilegiatas quoquo modo concernentes (exceptis causis liberi tenementi, mahemii, felonix et proditionis,) ad Cancellarii Universitatis jurisdictionem spectet et pertineat: statutum est, quod nullus Scholaris vel persona privilegiata, de quacunque causa in Universitate terminabili, quempiam in Curia aliqua extra Universitatem (nisi ordine appellationis servato) conveniat. Nec cujusquam alterius Curix jurisdictioni ultro se submittat; sed alibi impeditus, Cancellarium vel Vice-Cancellarium quamprimum poterit, de lite sibi intentata certio-rem faciat; et modis quibus poterit, privilegiorum Universitatis hac in parte conservacionem sollicitè curet; sub pœna, quod, si quis Scholaris vel persona privilegiata secus fecerit, ut perturbator pacis incarceretur et mulctetur; et, si in contumacia persistiterit, privilegiis Universitatis exuatur. Persona vero non privilegiata, vel oppidanus, qui Scholari vel personæ privilegiatæ extra Universitatem in hujusmodi causis litem intentaverit, commercio cum

Scholaribus et personis privilegiatis interdicto, donec satisfecerit, coerceatur: extraneus vero, tanquam jurisdictionis Universitatis contemptor, si apprehendi poterit, incarceretur. Cancellarius etiam, et Vice-Cancellarius, omnesque alii, pro sua cujusque auctoritate ac potestate, quo minus in hac parte Universitatis privilegia violentur, se, virtute juramenti Universitati præstiti, teneri et obligari noverint.

§. 2. *De Curia Commissarii sive Vice-Cancellarii Universitatis.*

PRO expediendis majoris momenti causis in Universitate controversis, statutum est, quod semel in qualibet septimana Terminorum temporibus, et vacationum etiam (quamdiu Vice-Cancellario expedire videbitur) die scilicet Veneris post meridiem, in Boreali Sacello Ecclesiæ B. Virg. Mariæ, aut alio loco per Universitatem assignando, Curia habeatur. Cui præsit Commissarius sive Vice-Cancellarius Universitatis, ejusve Deputatus; assidentibus sibi duobus (cum ipsis videbitur) qui pro tempore fuerint, Universitatis Procuratoribus.

Coram quibus, Procuratores ad lites, quiete et modeste, ea omnia edant, proferant et exhibeant, quæ ad causas directe facere videbuntur: edita vero, prolata et exhibita, Curiaë registraribus ex mandato judicis, vel ad requisitionem partis, fideliter describat, in acta redigat, et custodiat.

Singulis item Curiaë intersit Bedellus inferior Facultatis Juris, aut alius ab eo substitutus, qui mandatarii et præconis officio fungatur, et alia, quæ Vice-Cancellarius vel ejus Deputatus imperabit, exequatur.

In qua Curia, Vice-Cancellarius ejusve Deputatus secundum jura, privilegia et consuetudines ipsius Universitatis procedat, decernatque quæ ad causas ordinandas et terminandas conducent. Quin et (si quid tumultuose, proterve, vel indebite a Procuratoribus causarum, vel aliis Curiaë officiariis, actum vel gestum fuerit) multa pecuniaria corrigendi, incarcerandi, suspendendi ab officio, aut etiam officio Procurationis privandi, et amovendi potestatem habeat.

§. 3. *De Assessore, sive Deputato Vice-Cancellarii.*

QUO melius in Curia Universitatis ordo procedendi observetur, et cum minori molestia Vice-Cancellarii (qui pluribus occupationibus distinctetur) negotia forensia expediantur; statutum est, quod Vice-Cancellarius aliquem e Doctoribus vel Baccalaureis Juris (quem magis idoneum, judicio suo, existimaverit) assumere possit, qui in audiendis causis ipsi affideat; et, cum Vice-Cancellarium abesse contigerit, ejus in judicio vices sustineat.

Qui, tempore admissionis suæ ad hujusmodi officium, corporale juramentum præstet, “quod
“ Statuta, privilegia, libertates ac consuetu-
“ dines Universitatis observabit, et, quantum in
“ se fuerit, ab aliis observari procurabit.” In-
super, “quod sine acceptione personarum, se-
“ cundum jura, Statuta, privilegia, libertates et
“ consuetudines ipsius Universitatis, causas sine
“ ulla mora aut dilatione audiet, decidet, ac
“ terminabit.”

§. 4. *De Registrario Curiae Vice-Cancellarii.*

STATUTUM est, quod is, qui officium Registrarii in Curia Universitatis sustinebit, sit Notarius publicus, Artium Magister, vel Baccalaureus Juris, et in ejusdem praxi exercitatus; iudicio et auctoritate Cancellarii, sub literis ipsius patentibus, ad id muneris deputandus; qui etiam in sua admissione iuramentum præstet,

1. “ De Statutis, consuetudinibus, libertatibus, et privilegiis Universitatis observandis.”

2. “ Necnon de bene et fideliter iis omnibus exequendis, quæ ad officium Registrarii pertinebunt.”

3. “ Et de secretis Universitatis celandis.”

Ipsius vero munus est, Vice-Cancellario sive ejus Deputato, in causis, tam publice quam privatim audiendis, adesse: coram eo acta registro inscribere, et actorum libros, seu registra, publica Universitatis negotia concernentia, quotquot in ipsius manibus fuerint, sub fideli custodia conservare; data scilicet cautione 100*l.* pro quolibet registro, per obligationem reponendam in abaco; ubi registra vetera in tuto reponenda esse, nec inde promenda sine obligatione 100*l.* pro unoquoque volumine, præsentis Statuti cautum esto.

Denique, registro peculiari (penes Vice-Cancellarium perpetuo adservando) nomina ipsorum, qui coram Domino Vice-Cancellario majorum criminum rei peracti sunt, secundum seriem alphabeti inferere, una cum crimine, condemnatione, cautione, et quota vice sic deliquerint. Quod quidem registerum, ubi ad

umbilicum perductum fuerit, in abaco reponendum erit, et aliud ipsi succenturiandum.

§. 5. *De Procuratoribus ad lites.*

AD officium Procuratorum in Curia Universitatis admittendi sunt, non nisi Artium Magistri, aut Juris Baccalaurei, in praxi juris exercitati, et arbitrio ac auctoritate Vice-Cancellarii comprobati. Qui etiam, in sua ad prædictum officium admissione, juramentum præstent, (1) De Statutis omnibus, privilegiis, libertatibus, et consuetudinibus istius Universitatis observandis; (2) necnon super officio Procuratorum Curie Cancellarii diligenter et fideliter exequendo: (3) et quod causas quas susceperunt, secundum ordinationes et consuetudines Universitatis tractabunt et expedient; (4) nec cuiquam consilium, favorem, aut auxilium dabunt, ex quo jurisdictio Universitatis aliquid detrimenti capiat.

§. 6. *De contumacia coercenda.*

STATUTUM est, quod si quis alicui in Curia Cancellarii litem intentare velit, primum, partem cui litem intentat, per Bedellum Curie inservientem, ad comparendum in judicio certo die monendum curet; et, si quæsitus a Bedello conveniri non poterit, (facta fide quod sic quæsitus conveniri non potuerit) citatio *viis et modis* decernatur, cubiculi foribus in Collegio vel Aula ubi moratur, vel domus, in qua habitat, ostio affigenda: et si personaliter monitus, vel post affixionem citationis *viis et modis* (facta itidem fide) definito tempore non compareat, contumax, et in pœnam contumaciæ (h. e. incarcerationem vel excommunicationem)

incidisse pronuncietur : et, si in contumacia per tres menses persistit, Scholaris aut persona privilegiata banniat; oppidanus vero commercio interdictus declaretur, quamdiu in contumacia persistit; ita ut, cum juri paruerit, absque alio præjudicio restituatur. Quod intelligi volumus duntaxat de bannitione et interdicto commercii, ob contumaciam adversus Curiam, non ob aliam causam quamcunque. Quod si extraneus fuerit, in Universitate moram non facturum, vel quispiam alius de fuga suspectus, licebit, ex decreto judicis, quocunque tempore, per arrestationem corporis, vel distractionem bonorum, (si quæ intra Universitatis præcinctum habuerit) in jus pertrahere.

§. 7. *Cum reus comparuerit in Judicio, quid agendum.*

DIE juridico, reo comparente, actor, sive is qui eum in jus vocavit, (nisi id antea apud Registrarium fecerit) statim in Curia stipuletur, et de lite prosequenda, expensisque solvendis, casu quo in causa succubuerit, Fide-jussorem interponat: reus item de re judicata, et expensis solvendis stipuletur, et fide jubeat: uterque etiam Procuratorem sibi constituat: in quibus si actor defecerit, reus cum expensis dimittatur: si reus, donec præstiterit, incarcerationetur. Fide-jussoribus vero interpositis, et Procuratoribus constitutis, partes juramentum utrinque suscipiant, quod, super libellis, exceptionibus, aliisque materiis hinc inde proponendis, cum examinati fuerint, omnem quam sciverint vel crediderint veritatem, quatenus ad id de jure adstringuntur, proferent.

§. 8. *De modo procedendi in causis levioribus, et in causis quæ pecunia æstimandæ non sunt.*

IN causis levioribus, (quales habendæ sunt quæ summam 20s. non excedunt, aut in quibus de injuriis agitur, quæ satisfactione pecuniaria æstimandæ non sunt; utpote, cum nec corpus nec existimatio læditur, et vel recognitio injuriæ, vel reclamatio verborum sufficiat) licebit Vice-Cancellario, vel ejus Deputato, sine aliqua solennitate aut longiore dilatione procedere; et intra tres dies juridicos, vel tres alios communes, prout sibi visum fuerit, negotium terminare. In quorum primo, pars actrix per se vel per Procuratorem suum, actionem vel querelam, viva voce, vel in scriptis, breviter proponet; et pars rea per se, vel cum Procuratoris consilio, respondebit; et, si quam defensionis materiam habeat, statim proferet. In secundo, actor testes producet: in tertio, reus defensionis probationes faciet, et judex, negotio finem imponens, sententiam feret, quæ per Registrarium in scripta redigetur.

§. 9. *De modo procedendi in causis gravioribus.*

STATUTUM est, quod in causis pecuniariis, quæ 20s. summam excedunt, et in quibus agitur de injuriis (ex quibus damnum aliquod infertur, aut inferri poterit, satisfactione pecuniaria refarciendum) modo solenniori, summario tamen, procedatur. Ita ut, primo die juridico quo reus comparet, actor libellum edere; in proximo, reus libello respondere, et materiam exceptivam sive defensivam proponere teneatur. In tertio, actor materiæ excep-

tivæ five defensivæ responſionem interponat: deinde tres dies juridici ſequentes ſtatuantur, in quibus inſtrumenta exhibeantur, teſtes producantur, et examinentur, et cujuſque generis probationes, quæ antea factæ non ſunt, in medium adducantur. Quibus elapſis, publicentur teſtes, et cauſa concludatur; qua concluſa, non ultra biduum terminus pro informatione judicis aſſignetur.

§. 10. *De modo procedendi in cauſis criminalibus.*

IN cauſis criminalibus, et iis quæ ad reformationem morum ſpectant, non ſolum publice in Curia, ſed etiam in privato hospicio, aut alibi extra Curiam, Cancellarius five Vice-Cancellarius, vel ad ſectam partis, vel ex officio procedere poterit: ita quod, ſi quis de delicto aliquo graviori conveniatur, (cui per Statuta mulcta Univerſitati applicanda irrogatur, vel incarcerationis, ſuſpenſionis, vel alterius majoris coercionis pœna inſigitur), Registrarius ejuſve deputatus adhibeatur; qui crimen obſectum, probationes, et ſententiam in acta redigat.

§. 11. *De incarceratione, cuſtodie cauſa.*

SI quis de perturbata pace, vel gravi aliquo crimine, Vice-Cancellario delatus, vel ſuſpectus, vel ab ipſo deprehenſus fuerit, ſtatutum eſt, quod carceri cuſtodie cauſa committatur. Et, ſi Studioſus cujuſcunque Gradus, vel perſona privilegiata, aut etiam oppidanus, (dummodo in cauſa cognitionem Cancellarii ſpectante altera pars exiſtiterit,) juſſus a Vice-Cancellario, vel ejuſdem Mandato, a Bedello requiſitus fuerit in carcerem ſe conferre, ſtatim obtemperare

teneatur; vel si recusaverit, ab Universitate penitus expellatur. Quod si privilegiatus fuerit vel oppidanus, privilegio, aut commercio cum privilegiatis, respective, ipsi interdicator. Proviso tamen, quod, (si fide-jussores idoneos, de comparando in judicio, et usque ad sententiam permanendo, interposuerit) a carcere liberetur. Quod si fide-jussores dare non poterit, Vice-Cancellarius, vel is qui detulit, intra duos dies, crimen in judicium deducat; et quamprimum fieri potest, examinato negotio, de eodem secundum juris exigentiam statuatur.

§. 12. *De iis qui majorum criminum suspicione tenentur.*

SI quis vel publica fama, vel privata cujusquam fide digni informatione, de perturbata pace, vel gravi aliquo crimine, apud Cancellarium vel Vice-Cancellarium, aut etiam Procuratores delatus fuerit, nec ad convincendum et condemnandum probationes sufficientes; ejusmodi tamen sint, ut ex iis vehemens suspicio oriatur; potest Vice-Cancellarius reo^a purgationem indicere; et, si in ea defecerit, perinde ac de convicto statuere: (cavebit tamen ne quempiam ad purgationis periculum admittat, quem in perjurium ruiturum crediderit, aut quem fontem esse judicaverit.) Quod si per modum purgationis procedere non libeat, cautionem tamen fide-jussoriam sufficientem, de pace conservanda, et quoad crimina objecta honeste in posterum se gerendo, interponere, priusquam dimittat, coget et compellet.

^a Hoc Statutum Decreto Parlamento jam rescinditur.

§. 13. *De reis, majorum criminum convictis.*

SI quis perturbatæ pacis vel gravis alicujus criminis reus (etiam si intra privatum Collegium quodcunque vel Aulam perpetrati; si privata Statuta hujusmodi crimini pœnam nullam ponant; aut parti læsæ intra privatos parietes satisfieri non possit) per probationes legitimas et sufficientes convictus fuerit, aut deprehensus in ipso facto, (actu desuper a Registrario confecto) in pœnis, juxta juris et Statutorum exigentiam, condemnetur; et quoad satisfecerit, vel de satisfaciendo, et pace conservanda, et honeste se gerendo cautionem sufficientem (scilicet fide-jussoriam) interposuerit, incarceretur; ejusque nomen, crimen, condemnatio, et cautio, et quota vice sic deliquerit, in registro Vice-Cancellarii ad hoc specialiter designato, registretur. Et, si quis quarto, in perturbatione pacis, vel in eodem gravioris alicujus criminis genere, deliquisse convictus fuerit, in perpetuum ab Universitate expellatur.

§. 14. *De iis qui de se justitiam fieri non permittunt.*

SI quis de crimine aliquo accusatus vel suspectus, fugam fecerit; vel si quis in plateis vel domibus, viso Vice-Cancellario vel Procuratoribus, ut culpæ conscius (scilicet galero vel ocreis indutus) in fugam se conjecerit; vel post citationis schedulam ostio cameræ vel domus, in qua morari consuevit, affixam, die ac tempore præstituto coram Vice-Cancellario ejusve Deputato non comparuerit; vel comparens cum numero supra tres vel quatuor se

steterit; vel de se justitiam fieri non permiserit (utpote jussus a Vice-Cancellario carcerem adire recusaverit, vel incarceratus, priusquam legitime solutus vel liberatus sit, exierit) bannitus statim denunciatur, ejusque nomen in registro Vice-Cancellarii registretur. Et si Clericus fuerit, qui ad locum aliquem extra Universitatem se receperit, (nisi intra mensem, a tempore quo requisitus fuerit, se submiserit) illius nomen, simul cum delicto, de quo notatus vel convictus fuerit, *Diæcesano* loci in quo moratur, sub sigillo communi Universitatis transmittatur, ut contra ipsum per *Diæcesanum* procedatur.

Quod si quis, mandato Vice-Cancellarii, per Bedellorum aliquem arrestandus, Bedello, *warrantum* Vice-Cancellarii monstranti, vel manus injicienti, protinus sese haud dediderit, in carcerem, vel custodiam alicubi compingendum; quin potius fuga se subducere, aut vi e manibus Bedelli eluctari paraverit: ipso facto, si persona privilegiata fuerit, privilegiis Universitatis exuatur; si Scholaris fuerit, banniatur, et si Graduatus fuerit, Gradu privetur.

§. 15. *De iis, qui Universitatis juribus ac privilegiis adversantur, discommunicandis, vel disprivilegiandis.*

QUONIAM oppidani, Academicis plerumque infesti et adversi, privilegia Universitatis oppugnandi nullam non occasionem captant; quin et privilegiati nonnunquam, publicam utilitatem privato commodo posthabentes, privilegiis Universitatis adversantur; statutum est, quod, ad compescendam hujusmodi insolentiam sive vecordiam, si qui super hoc con-

victi fuerint, privilegiatis, privilegiis Universitatis; oppidanis vero, commercio cum privilegiatis, interdicatur.

§. 16. *De perturbatoribus pacis, sive iis quorum appellationes recipiendæ non sunt.*

CUM, de jure communi, appellationis beneficium quibusdam denegandum sit; nonnunquam præ odio delictorum quæ commissa sunt; nonnunquam ad compescendam eorum insolentiam, qui in mediis tumultibus (quando silent leges; ac imperio utendum est, ubi lege agi non potest) juris obtentu se contra legum ac magistratum auctoritatem muniunt: statutum est, quod perturbatæ pacis, sive quorundam criminum inferius enumeratorum reis (hoc est, vel probabiliter suspectis, vel convictis) omni prorsus appellandi potestate interdictum sit: cujusmodi sunt,

Primo, ^a qui ad aliorum existimationem minuendam, libellos famosos condiderunt, seu in vulgus sparserunt; aut etiam recitando, vel transcribendo, publicarunt; quive ab aliis recitados vel lectos audiverint, nec protinus ad Vice-Cancellarium recitantis aut legentis nomen detulerint; vel, ^b qui, sive in exercitiis publicis, sive in Scena publice, ad alicujus contumeliam et infamiam quicquam protulerunt; vel, ^c qui de damno alicui inferendo minati sunt.

Secundo, qui aliis vim intulerunt, aut inferentibus openi præbuerunt; scilicet impellendo,

^a Tit. XV. §. 9.

^b Tit. VII. Sect. II. §. 3. Tit. XV. §. 10.

^c Tit. XV. §. 11.

percutiendo, verberando, vulnerando, aut simile aliquid committendo.

Tertio, qui arma, secus quam Statutis Universitatis permiffum est, portaverunt; et qui de nocte vagati sunt, et qui ebrietatis, perjurii, fornicationis, vel adulterii, et his similia crimina perpetrarunt, vel horum participes fuerunt.

Quarto, qui coram Domino Cancellario, ejusve Commissario, aut ipsius Deputato, legitime moniti sive citati, comparere recusarunt; vel comparentes, cum multitudine accesserunt; vel in eundem verba opprobriosa conjecerunt; vel carcerem adire jussi, non obtemperarunt, aut inde injussi se proripuerunt; vel, qui de se, aut aliis, justitiam fieri non permiserunt; vel, post tres conformes sententias, non acquieverunt.

Quinto, qui privatim conventicula sive conspirationes et confœderationes, vel publice turbas hominum congregaverunt, vel eisdem ultro interfuerunt: quive, pro concionibus, quicquam ad seditionem aut factionem in Universitate, vel Collegio aliquo Aulave, alendam, aut excitandam, vel, quod doctrinæ, aut disciplinæ Ecclesiæ Anglicanæ deroget aut dissentiat, diffeminaverunt; aut ^a qui exemplar concionis, aut orationis alicujus publice habitæ, a Cancellario vel ejus Commissario requisiti, exhibere recusaverunt; aut, concionis exemplar non habere se prætendentes, de iis, de quibus suspecti seu delati fuerint, virtute juramenti directe respondere abnuerint.

Decretum est denique, quod, qui rei pera-

^a Tit. XV. §. 10. et Tit. VII. Sect. II. §. 3.

guntur horum criminum, vel alicujus illorum, cui, Statuto aliquo jam edito, vel in posterum edendo, appellationis remedium interdicitur, quodve in aliquo Statuto inter crimina perturbatæ pacis numeratur; quive ab hominibus fide dignis delati, vel judicio Domini Cancellarii, ejusdemve Commissarii, five Vice-Cancellarii, aut Deputati sui, de iis probabiliter suspecti fuerint; nec a decreto aliquo interlocutorio, prætextu gravaminis, nec a sententia definitiva, prætextu injustitiæ, appellare possint: sed, quacunque appellatione non obstante, ejusdem decreto five sententiæ obtemperare teneantur; modo graviolem pœnam, quam quæ per Statuta irrogatur, (ubi aliqua irrogatur) alicui non imponat.

§. 17. *De causis in quibus dubitatur, utrum appellatio admittenda sit, necne.*

SI contingat aliquem de delicto conveniri vel condemnari, de quo dubium fit, utrum perturbatio pacis sit; vel, utrum sub aliqua delictorum specie, in præcedenti Statuto contentorum comprehendatur; five, utrum hujusmodi criminis reus, ad appellationem admittendus sit, necne; ordinatum est, quod (hujusmodi occasione, appellatione interposita) intra triduum Vice-Cancellarius duos Doctores, qui Procuratoris munus aliquando sustinuerunt, (si qui tales in Universitate existant,) alioqui, duos quoscunque alios Doctores; et Procuratores anni instantis duos alios ejusdem conditionis, nominent, vel saltem duos Magistros, qui Procuratorum munere functi sunt; qui, una cum Juris Professore Regio, vel, (in ejus absentia) seniore Graduato in eadem Facultate, qui tunc in

Univerſitate præſens fuerit, intra quatrimum a tempore nominationis (cauſæ natura ſummarie inſpecta) utrum appellatio illa admittenda fit, determinare teneantur. Quodque, prout major pars eorum determinaverit, Procuratores, vel in admittenda, vel in rejicienda appellatione prædicta, procedant.

§. 18. *De appellationibus admittendis in cauſis civilibus perturbationi pacis annexis.*

ORDINATUM eſt, ſi contingat aliquem appellationem debite interponere in cauſa civili, (veluti in cauſa damni ſive injuriarum,) quæ connexa fit cauſæ perturbationis pacis, vel alteri cuicunque cauſæ criminali, in qua (ut præfertur) appellare non licet, quod appellatio hujusmodi, quoad cauſam ſic connexam et conjunctam, locum habeat; præterquam cum cauſa ſatiſfactionis partis læſæ, ob injuriam aliquam illatam, cum cauſa perturbationis pacis, vel alia cauſa in qua appellare non permittitur, complicata fit. Et proinde, quemadmodum in cauſis prioribus, a ſententia Cancellarii ſive ejus Commiſſarii aut locum tenentis, ſic et ab ipſa hujusmodi ſententia, pro taxatione ſatiſfactionis ſeu rationabilis emendæ parti læſæ applicandæ, omnino appellare non liceat.

§. 19. *Quo ordine appellandum fit.*

ORDINATUM eſt, quod in iis cauſis in quibus appellare permittitur, appellatio gradatim, et abſque ſaltu (ut loquuntur) fiat: i. e. primum a Cancellario ejusve Commiſſario ſive locum tenente ad Congregationem Magiſtrorum Regentium; tum, a Congregatione Regentium ad Convocationem Doctorem, Magiſtrorum Re-

gentium et non Regentium ; et deinde, si tres conformes sententiæ non præcefferint, a Convocatione Doctorum, Magistrorum Regentium et non Regentium, ad Regiam Majestatem in Cancellaria, sub pœna excommunicationis, bannitionis, et degradationis, ei, qui secus fecerit, infligenda.

§. 20. *De iudicibus delegatis in causis appellationum.*

STATUTUM est, quod Procuratores, in prima Congregatione post susceptum officium, pro Congregatione Magistrorum Regentium, septem iudices delegatos nominent ; quorum, duo Sacræ Theologiæ, unus Juris, unus Medicinæ Doctor, et tres in Artibus Magistri (necessario, vel ad placitum Regentes) sint. Qui ut statim Delegati, cum approbatione illius Domus, causas omnes appellationum, a Cancellario, ejusve Vice-Cancellario sive locum tenente, ad Domum Congregationis devolutas, audiendi ac terminandi, per totum annum insequentem, potestatem habeant. Ita tamen, ut prorogetur et continuetur jurisdictio Delegatorum, quoad causas coram ipsis inceptas, donec sententiam tulerint, vel aliter finem imposuerint, et sententiam debitæ executioni mandaverint. Quodque deinde, in proxima Convocatione, pro Domino Regentium et non Regentium, novem alios iudices delegatos itidem nominent : quorum, duo Sacræ Theologiæ, duo Juris, duo Medicinæ Doctores, tres Magistri ad placitum Regentes, sint : qui similiter, ut statim Delegati, anno insequente, causas appellationum, a Domino Congregationis ad Domum Convocationis delatas, audiant et determinent ; prout supra

concessum est Delegatis Congregationis, quoad causas intra annum inceptas, anno insequente determinandas. Et, si quempiam eorum, qui sic nominati fuerint, deficere, vel diutinæ absentię causam habere, vel ex iusta etiam causa recusari contigerit, Procuratores, vel eorum alter, cum Domino Vice-Cancellario, alium ejusdem facultatis et Gradus (si talis in Universitate præfens fuerit, alias, quemlibet alium, prout ipsis videbitur) in ejusdem locum substituunt. Ita tamen, ut liceat tribus quibuscunque ex iisdem utriusvis Domus Delegatis, aliis rogatis et absentibus, quoad citationes et actus alios, usque ad sententiam procedere. Et quicquid, in quacunque causa, major pars omnium Delegatorum utriusvis Domus respectively statuerit vel decreverit, ratum sit, et effectum debitum sortiatur. Proviso, quod, priusquam quispiam vel pro Congregatione, vel pro Convocatione, iudicis delegati officium in se suscipiat, palam in Curia (altero Procuratorum, ejusve Substituto, exigente), juramentum præstet, quod, sine acceptione personarum, secundum jura, Statuta, privilegia, libertates, et consuetudines istius Universitatis, causas coram ipsis ventilandas audiet ac decidet.

§. 21. *De cautionibus ab appellantis deponendis penes Procuratores Universitatis, priusquam inhibitionem obtineant.*

STATUTUM est, quod duo Procuratores, cum iis confiterit appellationem, vel a sententia aut Curia Cancellarii ad venerabilem Domum Magistrorum Regentium, vel ab illa Domo ad venerabilem Domum Convocationis

Doctorum, Magistrorum Regentium et non Regentium, legitime interpositam esse, id est, secundum Statuta, et intra quindecim dies a tempore gravaminis vel sententiæ (si intra triduum a tempore appellationis interpositæ pars appellans petierit, et non aliter :) judicem a quo, vel iudices a quibus, inhibeant, sive ab illis appellatum esse significant; et ne ulterius in hujusmodi causa procedant, moneant sive interdiciant. Modo tamen, priusquam inhiberint, appellans coram iis, aut eorum altero, juraverit, quod non causa frivolæ dilationis procurandæ, sed ex justa causa, quam se probaturum credit, appellaverit. Et cautionem sufficientem (i. e. vicesimam partem condemnationis principalis in priori instantia, in appellatione a sententia definitiva; in appellatione vero a sententia interlocutoria, summam 5s.) deposuerit. Quod si res aliqua in iudicium deducta fuerit, cujus æstimatio non fit, aut certo fieri non poterit, istiusmodi rei æstimatio, ejusque cautio, ad arbitrium Procuratorum, vel alterutrius eorum (puta recipientis) referatur; quæ quidem cautio, ab altero Procuratorum prius petita, penes eundem, intra triduum proxime a tempore quo extitit appellatum, deponatur; alias appellatio pro deserta habeatur. Juramentum autem et cautionem prædictam Procuratores, virtute juramenti Universitati præstiti, petere ac recipere, receptamque cautionem, casu quo appellans obtineat, eidem restituere, et, casu quo succumbat, in computo generalis officii sui Procuratorii, coram dicti computi auditoribus, una cum cæteris ad usum et utilitatem Universitatis

receptis, hujusmodi cautionis rationem reddere teneantur.

§. 22. *De modo procedendi in causis appellationum.*

STATUTUM est, quod iudices delegati, tam vacationum quam Terminorum temporibus, (exceptis diebus festis,) in causis appellationum procedere possint: quodque, postquam a Procuratoribus, vel eorum altero, appellationem ad eosdem interpositam significatum fuerit, delegatorum munus in se suscipiant, et quolibet die Mercurii, inter horas primam et secundam, (aut sæpius si visum fuerit,) in loco designando conveniant; et sine intermissione, usque ad sententiam ferendam, et executioni demandandam, constanter procedant. Quodque appellationis instrumento, loco libelli, ab appellante, ejusve Procuratore, iis porrecto et oblato, diem competentem statuunt, intra quem appellans ipsam actorum et processus in Curia, a qua appellatur, copiam transmittendam, vel saltem originalia per Registrarium adducenda, et partem adversam citandam, procurare possit. Quo die (si, cessante impedimento legitimo, pars appellans deficiat) causam iudici, a quo, remittant, (si pars appellata) contumaciæ censuris, donec comparuerit, coerceatur. Utraque vero comparente, si ex eisdem actis procedere voluerint, uno vel altero die, ea quæ consistunt in facto cognoscent; et, si res ita postulet, unum vel alterum diem pro informationibus in jure concedent. Et quamprimum, habita inter se matura deliberatione, inter omnes, vel majorem eorum partem, convenerit, sententiam ferant. Si vero pars alterutra, vel utraque, de novo aliquid allegare, vel pro-

bare petierit, ita demum admittent, si pars petens prius fidem fecerit, se verum credere quod allegat, et probare intendit. Deinde, terminos expediendo negotio, quam fieri potest, brevissimos statuent: quibus elapsis, quamprimum fieri poterit, eodem modo de facto et de jure cognoscent, et sententiam ferent.

APPENDIX STATUTORUM.

STATUTA

BIBLIOTHECÆ BODLEIANÆ,

PROMULGATA ET CONFIRMATA IN DOMO CON-
VOCATIONIS, ANNO DOM. 1610.

§. 6. *De modo studendi. Necnon de libris in
quarto et octavo.*

QUEMADMODUM omnibus Bibliothecam frequentaturis liberum licitumque esse volumus, (si ad eum modum habiles fuerint, quem modo explicabimus) cuncta volumina pluteis per catenulas illigata perlustrare, dum ea confibulare, adstrigmenta in nodum colligere, implexas eorum catenulas extricare, suis quæque locis digesta (sic ut offenderant) reponere, meminerint (si fecus fecerint, ære negligentiam suam, pro arbitrio Vice-Cancellarii, luituri :)

Ita, minoris formæ volumina in quarto et octavo, quæque in clathris, et sub custodia Bibliothecarii solius continentur, ne contrectatione nimia, et pervolutatione corrumpantur, (quando ob antiquitatem, raritatem, pretium, speciem, aut aliam denique præstantiorem ob notam, magni æstimanda fuerint,) hac lege visendi cupidis exhibeantur. In manus

cuique et numerato tradantur; coram evolvantur; ante discessum reddantur: qui hanc legem violaverit, in duplum cujusque libri valorem (quem sic retinuerit aut celaverit) condemnatur; et, si destinata animi improbitate id factum comprobetur, e Bibliotheca in perpetuum ejiciatur. Porro, quoad manuscripta volumina (quæ promiscue singulis in Bibliothecam admittis sine discrimine utenda exponi, non potest periculo carere) statutum est, quod (præter volumina dudum archivis inclusa, et MSS. codices H. H. C. C. *Guil. Comitum Pembrochiæ, et Guilielmi Archiepiscopi Cantuariensis* peculiaribus clathris conclusos) reliqua etiam volumina MSS. sparsim nunc collocata, in unum colligantur, et sub clathris seu cancellis conclusa teneantur; nec cuiquam, qui non sit actu membrum Universitatis, utenda permittantur, nisi qui in Artibus Magistrum aut saltem in Jure Civili Baccalaureum adduxerit, sibi adfuturum vel assessurum quamdiu codice quovis MS. utetur, quique de libro indemni et illæso redhibendo spondeat.

§. 12. *De iis, quos studendi causa ad Bibliothecam admittere licet.*

Sancitum esse volumus, quod priusquam Graduato cuicumque, alterive cuiquam præstantioris notæ vel meritî, aditus in Bibliothecam patefiat, coram Vice-Cancellario ejusve Deputato, adstante Bibliothecario, fidem bonam Bibliothecæ præstet, nempe sub juramenti obligatione in hæc verba concipienda:

“ Tu promittes, sancteque coram Deo Optimo Maximo recipies, quod quoties in publicam Academiæ Bibliothecam venire te con-

“ tingerit, animum ad studia per modestiam et
“ silentium accommodabis; libros cæterumque
“ cultum sic tractabis, ut superesse quam diu-
“ tissime possint.

“ Item quod neque tu in persona tua ali-
“ quem vel aliquot libros furripies, permuta-
“ bis, rades, deformabis, lacerabis, scindes, an-
“ notabis, interscribes, sponte corrumpes, ob-
“ literabis, contaminabis, aut alio quocun-
“ que modo detruncabis, abuteris, deteres, im-
“ minuesve; nec alii cuiquam auctor eris ho-
“ rum quidvis perpetrandi; sed, quantum in
“ te est, delinquentem vel delinquentes impe-
“ dies; ipsorumque maleficia Vice-Cancellario,
“ ejusve Deputato, intra triduum postquam
“ tibi innotuerint, denunciabis: Ita te Deus
“ adjuvet, tactis sacrosanctis Christi Evange-
“ liis.”

Anno Dom. 1613.

§. 3. Statuimus, quod Artium Baccalaurei, qui a die præsentationis biennium integrum non compleverint, non permittantur frui beneficio publicæ Bibliothecæ, nisi ab Aulis et Collegiis suis singuli venerint ad Bibliothecam, vestiti habitu seu capa, caputio, sive cucullo, et pileo; quæ non prius exuent, quam a Bibliotheca reversi fuerint: si quis secus facere præsumperit, sciat se privatum fore omni beneficio ejusdem Bibliothecæ, per spatium trium mensium proxime sequentium. Curabit autem diligenter Bibliothecarius, et (in absentia ejus) inferior Bibliothecarius, sub virtute juramenti, ut hoc Statutum (quantum in illis est) debitæ executioni demandetur. Proviso, quod hoc Statutum non præjudicabit ullo modo filiis

Magnatum, et Procerum, aut Dominorum in Parlamento suffragii jus habentium, aut inferiori Bibliothecario, qui, libris distribuendis occupatus, commode ita vestitus incedere non potest.

§. 4. Statuimus, ut Baccalaurei Artium, et omnes alii non Graduati, in posterum a lectione librorum studiis suis minime competentium abstineant; quod si quis deliquerit contra formam hujus Statuti, et admonitus per Bibliothecarium vel ejus deputatum non resipuerit, tradetur statim nomen ejus, per custodem Bibliothecæ five ejus deputatum, Vice-Cancellario et Procuratoribus, ut debita pœna ab eisdem puniatur.

§. 5. Statuimus, ut non Graduati, Facultatis Artium Baccalaurei, et minoris denique ordinis Graduati omnes, senioribus debitum obsequium et reverentiam præstent; quamprimum eos viderint ad scamnum, five pluteum, in quo fuerint, accedentes, loco cedendo; vel aliter, librum, quo prius usi fuerant, tradendo, si res ita tulerit: quod si querela aliqua, eaque justa, contra aliquem pervenerit ad aures Pro-Cancellarii, five Procuratorum, beneficium unius Terminii in gratia sua deinceps proponenda pars delinquens amittet, aut aliter per Vice-Cancellarium punietur; et Registrarius Academicus delictum hoc in registro suo fidelissime annotabit.

§. 6. Quia multi, Statutum de non introducendis extraneis, aut injuratis, in Bibliothecam publicam studendi causa, penitus ignorantes, aut non satis attendentes, pœnam incurrunt gravissimam; si quis in posterum deliquerit in hoc genere, sciat se incarcerandum, præter pœ-

nam pecuniariam arbitrio ac iudicio Vice-Cancellarii delinquenti infligendam.

§. 7. Statutum est, quod nullus, sub pœna trium solidorum et quatuor denariorum, legendo in aliquem librum incumbat; charta five libello aliquo chartaceo aut membranaceo proposito, super librum aliquem scribat: nam hoc modo, vel atramenti suffusione, vel foliorum replicatione, vel fordibus contractis contaminabitur, in non modicum detrimentum librorum tam insignium. Postremo curabit diligenter unusquisque Studiosus, ut libri e manibus suis depositi, ac repositi in locum suum, utramque fasciam, five fibulam, aut omnes (si plures fuerint) firmiter nectat, atque colligat in nodum: delinquentes contra hoc Statutum solvent (toties quoties) duodecim denarios, nomine pœnæ.

§. 8. Statuimus insuper, si quis a Bibliothecario, vel ejus deputato, aut aliquo officario Bibliothecæ, (interrogatus de nomine suo, et Collegio five Aula) non responderit statim juxta rei veritatem; quod ipso facto a Bibliotheca publica amovebitur, quousque per Congregationem Regentium, gratia secundo proposita et concessa, idoneus censebitur.

§. 9. Statuimus, idque sub pœna perjurii, si cui jurato probe constiterit, aliquem injuratum, aut non admissum juxta Statutorum exigentiam, in Bibliotheca commorari studendi ergo; quod statim revelet nomen ejus Bibliothecario aut ipsius deputato, ut ab iisdem mature prospiciatur, ne quid Bibliotheca detrimenti capiat.

Anno Dom. 1615.

§. 5. Pro explanatione cujusdam Statuti con-

troverfi (quo cavetur, quod Baccalaurei Artium, et omnes alii non Graduati, abſtineant in poſterum a lectione librorum, ſtudiis ſuis minime competentium;) decretum eſt, quod Baccalaurei et non Graduati non vagabuntur de loco ad locum; ſed in ea parte Bibliothecæ ſedulo ſtudiis ſuis incumbent, in qua libri Facultatis Artium (iique ſoli) continentur. Proviſo ſemper, ne exteris et peregrinis, vel Juris aut Medicinæ Studioſis fraudi ſit, quin libris Facultatis ſuæ reſpectively frui liceat.

Anno Dom. 1621.

—Tertio, quod omnes et ſinguli Studioſi, admittendi ad ſtudendum in Bibliotheca, teneantur emere catalogum librorum ejuſdem Bibliothecæ, quandocunque eum denuo typis vulgari uſus ac utilitas Studentium poſtulabit.

Catalogo vero pretium, in ſingulos libros, ſtatuent Vice-Cancellarius et Curatores.

Anno Dom. 1769.

Statutum novum de tempore aperiendi et claudendi Bibliothecam Bodleianam.

QUANDOQUIDEM tempus aperiendi et claudendi Bibliothecam in Statutis Bodleianis minus aptum et congruum fuerit, placuit Academiae, cum conſenſu Curatorum Bibliothecæ Bodleianæ, tempus aperiendi et claudendi dictam Bibliothecam in poſterum hoc modo præſumere. Scilicet—

APERIATUR Bibliotheca a feſto Annuntiationis ad feſtum Divi Michaelis ab hora octava matutina ad horam ſecundam poſtmeridianam, et a tertia ad quintam.

A festo Divi Michaelis ad festum Annunciationis ab hora nona matutina ad tertiam postmeridianam.

Exceptis autem singulis Saturni diebus, in quibus a festo Annunciationis ad festum Divi Michaelis ab hora octava matutina ad secundam postmeridianam : et a festo Divi Michaelis ad festum Annunciationis ab hora nona ad secundam postmeridianam.

Diebus quatuor diem Passionis Domini præcedentibus, in quibus ab hora decima matutina ad secundam postmeridianam.

CLAUDATUR vero Bibliotheca festis et omnibus vigiliis a festo Annunciationis ad festum Divi Michaelis hora quarta postmeridiana :

Diebus omnibus Dominicis, et diebus quibuscunque vel jejunii vel festivitatis publica auctoritate injunctis vel injungendis :

Vigiliis ante Nativitatem Domini, et deinceps usque ad festum Circumcisionis inclusive :

Festo Epiphaniæ :

Die Passionis Domini : Vigiliis Paschatis et Feriis Pascha immediate sequentibus :

Die Ascensionis, et Feriis Pentecosten immediate sequentibus :

Diebus Encæniorum, Vesperiarum et Comitiorum publicorum : diebus Commemorationum publicarum, horis sive antemeridianis vel postmeridianis huic celebritati destinatis :

Octo diebus visitationem Bibliothecæ Bodleianæ immediate præcedentibus.

Festis vero quibuscunque (de quibus supra non aliter ordinatum fuerit) statim post conciones publice coram Universitate habitas, Bibliothecam accedentibus pateat aditus.

Denique statutum est, ut Proto-Bibliotheca-

rio propter occupationem moramque in Bibliotheca extraordinariam quadraginta librarum summa adjecta annum stipendium augeatur, sibi suisque vicariis, prout ipsi visum fuerit, cum relatione ad Curatores, et eorum approbatione, si forte querelæ occasio hac ex parte subministratur, distribuenda.

An. Dom. 1780.

Statutum novum de necessitatibus Bibliothecæ Bodleianæ subveniendis.

AD Academiæ decus nihil magis conducere, aut ad utilitatem ejus propius pertinere videtur, quam ut antiqua illa Bibliothecæ Bodleianæ fama, jam olim omnigenæ suppellectilis literariæ copia, varietate, et delectu insignita, novis perpetuo incrementis sustentetur et augeatur. Cum vero tanta rei nummarie, huic usui destinatæ, inopia jam laboret Academia, ut librorum, quos recentiorum ingenium, eruditio, aut industria plurimos per totum fere literatum orbem profudit, et quotidie profundit, vix unus et alter Augusto huic Musarum domicilio, publicis sumptibus, adscribi possit et adnumerari: unde verendum est, ne Bibliothecæ celebritas et studentium simul opportunitates minuantur; quo duplici huic malo occurratur, et rei literariæ necessitatibus in hac parte melius in posterum subveniatur, statutum est,

Primum; quod omnes Doctores cujuslibet Facultatis; omnes sacre Theologiæ, Medicinæ, vel Jurisprudentiæ Baccalaurei; omnes Artium Magistri, item et Baccalaurei; reliqui denique omnes, qui in Academia quadriennium ex-

egerint, aut qui ad Bibliothecæ usum speciali gratia prius admissi fuerint; summam quatuor solidorum, ad usum Bibliothecæ Bodleianæ, annuatim persolvant, in fiscum Academicum, sine fraude aut diminutione, inferendam.

Secundo; quod singuli Scholares, cum in matriculam Universitatis relati fuerint, pro sui quisque patris statu et dignitate (servientibus exceptis) aliam nummorum summam, ei quam in præfens solvere tenentur parem, persolvant, in fisco Academico, ad usum eundem Bibliothecæ Bodleianæ, reponendam.

Placuit item Academiæ, cum consensu Curatorum Bibliothecæ Bodleianæ, decernere, quod semel in unoquoque Termino, aut sæpius, si res tulerit, die et hora a Vice-Cancellario pridie constituenda, Curatores in Bibliotheca, aut (si justa de causa ita expedire videbitur) in alio loco idoneo, convenient, de libris emendis et disponendis consulturi; et quod catalogum librorum, quos intra annum proxime elapsum publicis sumptibus Bibliothecæ addiderint, quotannis, sub fine Termini S. Michaelis, ad singulos Collegiorum et Aularum Præfectos, necnon ad cuiuslibet Collegii sive Aulæ Bibliothecam, current deferri; in quo catalogo, titulus quo quisque liber insignitus fuerit, pretio etiam affixo, describetur; necnon et pecuniarum ab Academia, juxta hanc ordinationem, acceptarum et expensarum ratio simul reddetur.

Ε Π Ι Ν Ο Μ Ι Σ,

Seu explanatio juramenti, quod de observandis Statutis Universitatis a singulis præstari solet : quatenus, scilicet, seu quousque obligare jurantes censendum fit.

QUONIAM aliis restrictior et morosior, aliis contra laxior et discinctior, est conscientia; illi levissimos quosque lapsus suos calumniari nati sunt, et sese non sæpius immorigeros, quam perjuros esse arbitrantur; hi quoscunque legum nexus, jurisjurandi religionem, conscientiae laqueos, strophis suis eludere satagunt, et ipsi sibi palpum obtrudunt: non abs re fore visum est explicare, quatenus seu quousque jurisjurandi, de Statutis Universitatis observandis præstiti, religione teneri seu obligari singulos censendum sit; in eoque tale temperamentum sequi, ne, vel durius interpretando, illis crucem figere; vel benignius, his fibulam laxare videamur.

Qua in re, hoc imprimis attendendum est; verbis Statutorum, in quæ jurejurando quis adigitur, sensum genuinum, ut et obligationi sive vinculo juramenti modum ac mensuram, præstitui seu præscribi a mente et intentione, non præstantis, sed exigentis juramentum; scilicet ipsius Legislatoris. Neque enim si quis, inter jurandum, verbis in quæ jurejurando adigitur, sensum affingat alienum ab eo quem Legislatori propositum fuisse ipsi juranti persuasum aliasve verisimile est, (hoc est, bujusmodi sensum qui desidiæ vel socordiæ faveat, quive disciplinæ Academicæ aut morum honestati repugnet) eo ipso εὐορκεῖν illum, aut Statutis vel ju-

risjurandi religioni *satisfecisse putandum est, nedum jurisjurandi religione exolutum ut pulet se quis, si ad jurandum animum afferat, non obligandi seipsum, sed in nudo verborum cortice sistendi: neque enim poeticum illud δυσορκίας remedium, seu verius colludium—Lingua juravi, mentem injuratam gero—homini Christiano satisfacere aut potest aut debet, eo ipso a perjurii crimine excusatum reputare se ut debeat. Quoniam igitur mensura obligationis, sive vinculi juramenti, ab intentione Legislatoris præcipue pendet, operæ pretium utique fuerit, singulos mentem ac intentionem Legislatoris perspectam et exploratam habere; qualis scilicet qualiumque Statutorum transgressio, juratos ad omnia Statuta promiscue observanda perjurio involvat.*

Intenditur igitur perjurio se obligare,

Primo, delinquentes contra Statuta sub pœna perjurii sancita, aut contra Statuta ad quæ speciatim observanda fide sua data Universitati obstringuntur; ut in juramenti assertoriis, affirmantes se aliquid per Statuta requisitum fecisse, quod non fecerint, vel scire credereve, quod non sciverint crediderintve.

Secundo, delinquentes contra Statuta quæcunque, nec submittentes se pœnis per Statuta infligendis, aut (ubi nullæ appositæ sunt) arbitrio Cancellarii vel Vice-Cancellarii irrogandis, ex potestate ipsis permessa. Siquidem omnis vera lex, etiam citra ullius jurisjurandi religionem, (ac multo magis juramento firmata) resolvitur necessario in aliquam conscientiæ obligationem, ad actum præceptum aut prohibitum, vel simpliciter, vel sub disjunctione; ita scilicet, ut in conscientia obli-

gentur singuli aut hoc facere vel omittere, aut illud pati.

Tertio, qui, non obstante incapacitate quacunque ex transgressione alicujus Statuti contracta, se nihilominus actibus ratione illius incapacitatis interdictis ingerunt. Duplex autem est hæc incapacitas: una quæ dispensationis beneficio removeri potest; alia, cui tali remedio subveniri non potest, in materia scilicet indispensabili.

Quod vero hujusmodi incapacitatem ex aliquibus delictis contrahi intendant Statuta, ex eo patet, quod Statuta passim supponant dispensationes quoad præterita; dispensatio autem in actus præteritos minime cadit seu operatur, (quasi scilicet ipsos retrahere, aut factum infectum reddere, valeret,) sed in pœnam delinquentibus irrogatam, ipsam remittendo vel relaxando. Clausula enim illa in formula juramenti, quo singulos præsentatos obstringit Senior Procurator (nisi aliter tecum dispensatum fuerit) præter multas ordinarias secundum Statuta irrogatas, supponit, ratione delictorum contra illa Statuta, adhuc remanere aliquam obligationem ad pœnam, dispensationis beneficio dissolvendam; quæ quidem pœna non alia esse potest, quam incapacitas Gradus capeffendi, ex hujusmodi delictis contracta.

Qui igitur, non obstante hujusmodi incapacitate, citra dispensationis beneficium, Gradus capeffunt, perjuriam incurrunt, ac multo magis illi, qui incapacitatem contraxerunt, cui dispensationis remedio subveniri non potest.

Quoad alia vero delicta; si Statutorum pœnarumve contemptus, et crassa obstinataque negligentia abfuerit, delinquentes, si pœnis per Statuta sancitis, aliasve arbitrariis se submiserint jurisjurandi religionem temerasse minime censendi sunt.

Magistratibus denique, prout major eis debetur reverentia, quam ut pœnis passim intentatis coerceri ipsos et in ordinem cogi par sit, ita major conscientiae obligatio incumbit; utpote qui non solum ea quæ sui muneris sunt fideliter administrare; verum etiam, ut alii omnes suis officiis fungantur, sedulo curare tenentur. Neque tamen eos, ubicunque officiis suis defuerint, perjurio protinus se obligare intenditur. Verum quoniam ipsorum fidei Statutorum custodia et tutela concredita est, si (quod absit) per negligentiam aut socordiam suam Statuta quæcunque inusu ac defuetudine exolescere, et tacite quasi abrogari, patiantur, ipsos etiam fidei violatæ ac perjurii teneri decernimus.

19	} Eccl. Christi.	} 1647.	1670.	1693.	1716.	1739.	1762.	1785.	1808.	1831.
	} Coll. S. Ma. Mag.	}								
20	} Coll. Novum.	} 1648.	1671.	1694.	1717.	1740.	1763.	1786.	1809.	1832.
	} Coll. Omn. Anim.	}								
21	} Coll. Exoniense.	} 1649.	1672.	1695.	1718.	1741.	1764.	1787.	1810.	1833.
	} Coll. Reginense.	}								
22	} Coll. S. Trinitat.	} 1650.	1673.	1696.	1719.	1742.	1765.	1788.	1811.	1834.
	} Coll. Wadhami.	}								
23	} Coll. Jesu.	} 1651.	1674.	1697.	1720.	1743.	1766.	1789.	1812.	1835.
	} Coll. Pemb.	}								

Quolibet anno quarto teneatur Junior Procurator designare seniore in Comitibus Magistrum ex Aula aliqua.

Quolibet anno quinto Senior Procurator similiter teneatur Magistrum ex Aula aliqua Scholis præficere.

Inchoanda est hæc computatio anni quarti et quinti ab anno Domini millesimo sexcentesimo vicesimo nono inclusive.

STATUTA CAROLINA *de Cyclo Procuratorio, edita auctoritate Serenissimi Regis CAROLI Primi, confirmata in Domo Convocationis, A. D. MDCXXVIII.*

SCHEDULA, sive repertorium seriei et circuitus prædicti electionis Procuratorum in singulis Collegiis Academiæ Oxoniensis, manu propria Cancellarii, Vice-Cancellarii, et Collegii cujusque et Aulæ Præfecti consignata, in archivis Universitatis (una cum aliis munitis) reponatur; habeantque singula Collegia exemplar authenticum, unde vices suas certo possint dignoscere.

2. Neminem ad muneris Procuratorii dignitatem admitti fas esto, priusquam quatuor annos a suscepto Magisterii Gradu (hoc est, a die creationis suæ in Comitibus publicis) compleverit; vel postquam annum decimum excesserit, ab eodem die terminando decennium.

3. Nullus Gradu aliquo in Theologia, vel Jure, vel Medicina, insignitus, Procuratoris munus obibit; nec (nisi officio deposito) ad Gradum aliquem Procurator quivis eodem anno promoveatur.

4. Die Mercurii, post primam Dominicam in Quadragesima, in singulis Collegiis, secundum ordinem præscriptum, quotannis Procuratorum fiat electio.

5. Die Mercurii, hebdomadem Paschatis proxime sequente, tempore pomeridiano, in Domo Convocationis, eorundem peragatur admissio; quibus loco et tempore, Procuratores anni superioris insignia officii sui deponant, cum

oratiuncula (ut solet); et deinde statim novi in Domo Convocationis (secundum formam jam olim usitatam) per Vice-Cancellarium admittantur.

6. Procuratoribus vero, sic (ut præfertur) per Vice-Cancellarium adsumendis, Præfecti Collegiorum eligentium, una cum cæteris eorundem alumnis (singuli ornamentis gradui suo competentibus ornati) comitatum, ad Dommum Convocationis eundo, exhibeant personalem; qui quidem Præfecti et Deputati, Procuratores respective suos (secundum ritum antiquum) admittendos Vice-Cancellario præsentabunt: in senioris Procuratoris locum assumetur, qui in serie Magistrorum eisdem Comitibus creatorum, secundum dispositionem Procuratorum (ut moris est) ordine prior collocatur.

7. In electione Procuratorum in Collegiis facienda, Doctoribus tantum et Magistris in Artibus actualiter creatis, ejusdem Collegii, suffragandi jus competat. Quod si privata cujusvis Collegii Statuta, aliam electionis domesticæ formam præfiniverint, cujus observationi juramenti vinculo arctius adstringuntur, in hoc casu (nec alias unquam) ad evitandum perjurii periculum, præscriptam electionis formam immutandi potestatem facimus.

Nullus Convictor, sive Commensalis, in hac electione suffragandi privilegio gaudebit, qui non a primo ad Academiam adventu in Collegium, Procuratorem ea vice nominaturum, admissus (non noviter ascitus) fuerit; in eoque educatus, electionis hujus tempore ibidem residet et commoratur: residentes vero interpretamur, omnes Collegiorum Socios, Scho-

lares, Clericos, Capellanos, seu quocunque alio vocabulo in charta foundationis ejusdem nominati et dotati inveniuntur. Convictores non item; nisi per sex menses, in anno electionem hujusmodi immediate præcedente, in eodem personaliter refederint.

8. Procuratorem in unoquoque Collegio (prout vices postulant) rite et legitime electum decernimus, quem major pars omnium suffragantium nominabit. Quod si duo, pari uterque numero suffragiorum, nominentur; ille pro electo habeatur, quem Præfectus vel (eo absente, seu sede vacante) ejus vicem gerens nominabit. Sin plures nominentur, nec unus aliquis majorem partem omnium suffragiorum retulerit, nec eodem die eam ob causam electio absoluta fuerit, et ante horam nonam vespertinam Vice-Cancellario renunciata; Collegium istud jus præsentandi ista vice amittet, et ad Vice-Cancellarium spectabit nominatio; qui intra biduum aptam personam, et secundum conditiones superius assignatas habilem, ex Aularum aliqua assumendam, in Procuratorem cooptabit.

9. Si nullus, in Collegio Procuratorem designaturo, habilis reperiat, qui possit et velit istud munus subire, tunc Collegii istius Præfectus, vel (eo absente, aut vacante sede) ejus vicem gerens, die electionis constituto, alium (quem voluerit) habilem, in Aularum aliqua degentem, nominabit; qui deinde in Procuratorem assumetur.

10. Si Procuratorum aliquem mori contigerit, vel quavis de causa ante anni sui expirationem officio suo cedere, locum ejus supplebit alius ejusdem Collegii, habilis et idoneus,

per Præfectum, seu (eo absente, aut vacante fede) ejus vicem gerentem, intra septimanam post mortem vel cessionem, nominandus: quod si talis non exstiterit, tunc Vice-Cancellarius aliquem habilem, in Aularum quacunque commorantem, in Procuratorem substituet, ut supra.

11. Nemini Procuratoris absentis vices, ad quamcunque muneris istius expeditionem, supplere licebit, qui tres annos a suscepto Magistrii Gradu non compleverit.

12. Ut etiam Aularum (quæ in Procuratorum nominatione nullas vices obtinent) ratio aliqua habeatur; volumus, ut (quarto quolibet anno) qui Procuratoris Junioris locum fortitur, primum opponentem in Comitibus, inceptorem in Artibus, ejusdem anni, Aulæ alicujus alumnum designet. Procurator vero Senior, quolibet quinquennio, Magistrum etiam in Aularum aliqua degentem, Scholis præficiat.

13. Si ambiguitas aliqua, vel dubium aliquod (præter prænominata) occurrat circa electionem, modo præfinito, in Collegiis faciendam, (ne, gliscente inter partes discordia, scandalum exinde oriatur) per Vice-Cancellarium, Doctorem in Theologia seniore (modo sit Præfectus Collegii alicujus) tempore electionis domi præsentem, et Præfectum Collegii in electione tunc temporis interesse habentem, vel horum duos (quorum Collegii Præfectum unum esse volumus) controversia ejusmodi terminetur. Quod si Præfectus Collegii antedictus, tunc temporis Vice-Cancellarii locum obtinuerit, tum in Theologia Doctores duos maxime seniores (sed Collegiorum, ut præfertur, Præfectos)

fibi affumat, quibuscum causæ istius cognitionem habeat.

Atque hæc Statuta, singulasque eorundem particulas (nulli dispensationi, quavis de causa, sub prætextu quovismodo obnoxia) perpetuo inviolata manere volumus.

ARTICULI,

De quibus convenit inter Archiepiscopos, et Episcopos utriusque Provinciæ, et Clerum Universum in Synodo *Londini*, Anno 1562. secundum computationem Ecclesiæ *Anglicanæ*, ad tollendam opinionum dissentionem, et consensum in vera Religione firmandum, editi auctoritate Serenissimæ Reginæ.

I. *De fide in Sacro-sanctam Trinitatem.*

UNUS est vivus, et verus Deus, æternus, incorporeus, impartibilis, impassibilis, immensæ potentia, sapientia, ac bonitatis, Creator et Conservator omnium, tum visibilium, tum invisibilium. Et in unitate hujus divinæ naturæ tres sunt personæ, ejusdem essentia, potentia, ac æternitatis, Pater, Filius, et Spiritus sanctus.

II. *De Verbo, sive Filio Dei, qui verus homo factus est.*

FILIUS, qui est Verbum Patris, ab æterno a Patre genitus, verus et æternus Deus, ac Patri consubstantialis, in utero beatæ Virginis, ex illius substantia naturam humanam assumpsit: ita ut duæ naturæ, divina et humana, integre atque perfecte in unitate personæ fuerint inseparabiliter conjunctæ, ex quibus est unus Christus, verus Deus, et verus homo, qui vere passus est, crucifixus, mortuus, et sepultus, ut Patrem nobis reconciliaret, essetque hostia, non

tantum pro culpa originis, verum etiam pro omnibus actualibus hominum peccatis.

III. *De descensu Christi ad inferos.*

QUEMADMODUM Christus pro nobis mortuus est, et sepultus; ita est etiam credendus ad inferos descendisse.

IV. *De resurrectione Christi.*

CHRISTUS vere a mortuis surrexit, suumque corpus cum carne, ossibus, omnibusque ad integritatem humanæ naturæ pertinentibus, recepit; cum quibus in cœlum ascendit, ibique residet, quoad extremo die ad judicandos homines reversurus sit.

V. *De Spiritu sancto.*

SPIRITUS sanctus, a Patre et Filio procedens, ejusdem est cum Patre et Filio essentiæ, majestatis, et gloriæ, verus ac æternus Deus.

VI. *De divinis Scripturis, quod sufficiant ad salutem.*

SCRIPTURA sacra continet omnia, quæ ad salutem sunt necessaria, ita ut quicquid in ea nec legitur, neque inde probari potest, non sit a quoquam exigendum, ut tanquam articulus fidei credatur, aut ad salutis necessitatem requiri putetur.

Sacræ Scripturæ nomine, eos canonicos libros veteris et novi Testamenti intelligimus, de quorum auctoritate, in Ecclesia nunquam dubitatum est.

*De nominibus et numero librorum sacræ canonicæ
Scripturæ veteris Testamenti.*

Genesis.	Secundus liber Paralipomen.
Exodus.	Primus liber Esdræ.
Leviticus.	Secundus liber Esdræ.
Numeri.	Liber Hester.
Deuteron.	Liber Job.
Josua.	Psalni.
Judicum.	Proverbia.
Ruth.	Ecclesiastes, vel Con-
Prior liber Samuelis.	cionator.
Secundus liber Samuelis.	Cantica Solomonis.
Prior liber Regum.	4 Prophetæ Majores.
Secundus lib. Regum.	12 Prophetæ Minores.
Prior liber Paralipom.	

Alios autem libros (ut ait Hieronymus) legit quidem Ecclesia, ad exempla vitæ, et formandos mores; illos tamen ad dogmata confirmanda non adhibet; ut sunt

Tertius liber Esdræ.	Canticum trium Puerorum.
Quartus liber Esdræ.	Historia Susannæ.
Liber Tobia.	De Bel et Dracone.
Liber Judith.	Oratio Manassis.
Reliquum libri Hester.	Prior liber Maccab.
Liber Sapientia.	Secundus liber Maccabæorum.
Liber Jesu filii Sirach.	
Baruch Propheta.	

Novi Testamenti omnes libros (ut vulgo recepti sunt) recipimus, et habemus pro canonicis.

VII. *De veteri Testamento.*

TESTAMENTUM vetus novo contrarium non est, quandoquidem tam in veteri, quam in

novo, per Christum, qui unicus est Mediator Dei et hominum, Deus et homo, æterna vita humano generi est proposita. Quare male sentiunt, qui veteres tantum in promissiones temporarias sperasse confingunt. Quamquam lex a Deo data per Mosen (quoad cæremonias et ritus) Christianos non astringat, neque civilia ejus præcepta in aliqua republica necessario recipi debeant, nihilominus tamen ab obedientia mandatorum (quæ moralia vocantur) nullus (quantumvis Christianus) est solutus.

VIII. *De tribus Symbolis.*

SYMBOLA tria, Nicænum, Athanasii, et quod vulgo Apostolorum appellatur, omnino recipienda sunt, et credenda; nam firmissimis Scripturarum testimoniis probari possunt.

IX. *De peccato originali.*

PECCATUM originis non est (ut fabulantur Pelagiani) in imitatione Adami fitum, sed est vitium, et depravatio naturæ, cujuslibet hominis ex Adamo naturaliter propagati: qua fit, ut ab originali justitia quam longissime distet; ad malum sua natura propendeat; et caro semper adversus spiritum concupiscat; unde in unoquoque nascentium, iram Dei atque damnationem meretur. Manet etiam in renatis hæc naturæ depravatio: qua fit, ut affectus carnis, Græce *φρόνημα σαρκός* (quod alii sapientiam, alii sensum, alii affectum, alii studium carnis interpretantur,) legi Dei non subjiciatur. Et quamquam renatis et credentibus nulla propter Christum est condemnatio, peccati tamen in sese rationem habere concupiscentiam, fatetur Apostolus.

X. De libero arbitrio.

EA est hominis post lapsum Adæ conditio, ut sese naturalibus suis viribus, et bonis operibus, ad fidem et invocationem Dei convertere, ac præparare non possit. Quare absque gratia Dei (quæ per Christum est) nos præveniente, ut velimus, et cooperante, dum volumus, ad pietatis opera facienda, quæ Deo grata sunt, et accepta, nihil valemus.

XI. De hominis justificatione.

TANTUM propter meritum Domini ac Servatoris nostri Jesu Christi, per fidem, non propter opera, et merita nostra, justi coram Deo reputamur. Quare sola fide nos justificari doctrina est saluberrima ac consolationis plenissima, ut in homilia de justificatione hominis fusius explicatur.

XII. De bonis operibus.

BONA opera, quæ sunt fructus fidei, et justificatos sequuntur, quanquam peccata nostra expiare, et divini judicii severitatem ferre non possunt; Deo tamen grata sunt, et accepta in Christo, atque ex vera et viva fide necessario profluunt, ut plane ex illis æque fides viva cognosci possit, atque arbor ex fructu judicari.

XIII. De operibus ante justificationem.

OPERA quæ fiunt ante gratiam Christi, et spiritus ejus afflatum, cum ex fide Jesu Christi non prodeant, minime Deo grata sunt, neque gratiam (ut multi vocant) de congruo merentur. Immo, cum non sunt facta ut Deus illa

fieri voluit et præcepit, peccati rationem habere non dubitamus.

XIV. *De operibus supererogationis.*

OPERA quæ supererogationis appellant, non possunt sine arrogantia et impietate prædicari. Nam illis declarant homines, non tantum se Deo reddere, quæ tenentur, sed plus in ejus gratiam facere quam deberent; cum aperte Christus dicat: Cum feceritis omnia quæcunque præcepta sunt vobis, dicite, Servi inutiles sumus.

XV. *De Christo, qui solus est sine peccato.*

CHRISTUS in nostræ naturæ veritate, per omnia similis factus est nobis, excepto peccato, a quo prorsus erat immunis, tum in carne, tum in spiritu. Venit ut agnus absque macula, qui mundi peccata per immolationem sui semel factam tolleret; et peccatum (ut inquit Johannes) in eo non erat: sed nos reliqui, etiam baptizati, et in Christo regenerati, in multis tamen offendimus omnes. Et si dixerimus, quod peccatum non habemus, nos ipsos seducimus, et veritas in nobis non est.

XVI. *De peccato post Baptismum.*

NON omne peccatum mortale post Baptismum voluntarie perpetratum est peccatum in Spiritum Sanctum, et irremissibile: proinde lapsis a Baptismo in peccata, locus pœnitentiæ non est negandus. Post acceptum Spiritum Sanctum possumus a gratia data recedere, atque peccare, denuoque per gratiam Dei resurgere, ac resipiscere: ideoque illi damnandi sunt, qui

se, quamdiu hic vivant, amplius non posse peccare affirmant, aut vere resipiscentibus veniæ locum denegant.

XVII. *De prædestinatione, et electione.*

PRÆDESTINATIO ad vitam est æternum Dei propositum, quo ante jacta mundi fundamenta, suo consilio, nobis quidem occulto, constanter decrevit, eos, quos in Christo elegit ex hominum genere, a maledicto et exitio liberare, atque (ut vasa in honorem efficta) per Christum, ad æternam salutem adducere. Unde qui tam præclaro Dei beneficio sunt donati, illi Spiritu ejus, opportuno tempore operante, secundum propositum ejus vocantur; vocationi per gratiam parent; justificantur gratis; adoptantur in filios Dei; unigeniti ejus filii Jesu Christi imagini efficiuntur conformes; in bonis operibus sancte ambulant; et demum ex Dei misericordia pertingunt ad sempiternam felicitatem.

Quemadmodum prædestinationis et electionis nostræ in Christo pia consideratio, dulcis, suavis, et ineffabilis consolationis plena est vere piis, et his qui sentiunt in se vim Spiritus Christi, facta carnis, et membra, quæ adhuc sunt super terram, mortificantem, animumque ad cœlestia et superna rapientem; tum quia fidem nostram de æterna salute consequenda per Christum plurimum stabilit atque confirmat, tum quia amorem nostrum in Deum vehementer accendit: ita hominibus curiosis, carnalibus, et Spiritu Christi destitutis, ob oculos perpetuo versari prædestinationis Dei sententiam perniciosissimum est præcipitium, unde illos dia-

bolus protrudit, vel in desperationem, vel in æque perniciosam impurissimæ vitæ securitatem. Deinde, promissiones divinas sic amplecti oportet, ut nobis in Sacris Literis generaliter propositæ sunt; et Dei voluntas in nostris actionibus ea sequenda est, quam in verbo Dei habemus diserte revelatam.

XVIII. *De speranda æterna salute tantum in nomine Christi.*

SUNT et illi anathematizandi, qui dicere audent unumquemque in lege aut secta quam profitetur esse servandum, modo juxta illam et lumen naturæ accurate vixerit; cum Sacræ Literæ tantum Jesu Christi nomen prædicent, in quo salvos fieri homines oporteat.

XIX. *De Ecclesia.*

ECCLESIA Christi visibilis est cœtus fidelium, in quo verbum Dei purum prædicatur, et Sacramenta, quoad ea quæ necessario exigantur, juxta Christi institutum recte administrantur. Sicut erravit Ecclesia Hierosolymitana, Alexandrina, et Antiochena; ita et erravit Ecclesia Romana, non solum quoad agenda, et cæremoniarum ritus, verum in his etiam quæ credenda sunt.

XX. *De Ecclesiæ auctoritate.*

HABET Ecclesia ritus sive cæremonias statuendi jus, et in fidei controversiis auctoritatem; quamvis Ecclesiæ non licet quicquam instituire, quod verbo Dei scripto adversetur, nec unum Scripturæ locum sic exponere potest, ut alteri contradicat. Quare licet Ecclesia sit divinorum

librorum testis et conservatrix, attamen ut adversus eos nihil decernere, ita præter illos nihil credendum de necessitate salutis debet obtrudere.

XXI. *De auctoritate conciliorum generalium.*

GENERALIA concilia sine jussu et voluntate principum congregari non possunt; et ubi convenerint, quia ex hominibus constant, qui non omnes spiritu et verbo Dei reguntur, et errare possunt, et interdum errarunt, etiam in his quæ ad Deum pertinent: ideoque quæ ab illis constituuntur, ut ad salutem necessaria, neque robur habent, neque auctoritatem, nisi ostendi possint e Sacris Literis esse desumpta.

XXII. *De purgatorio.*

DOCTRINA Romanensium de purgatorio, de indulgentiis, de veneratione, et adoratione, tum imaginum, tum reliquiarum, necnon de invocatione Sanctorum, res est inutilis, inaniter conficta, et nullis Scripturarum testimoniis innitur: immo verbo Dei contradicit.

XXIII. *De ministrando in Ecclesia.*

NON licet cuiquam sumere sibi munus publice prædicandi, aut administrandi Sacramenta in Ecclesia, nisi prius fuerit ad hæc obeunda legitime vocatus et missus. Atque illos legitime vocatos et missos existimare debemus, qui per homines, quibus potestas vocandi ministros, atque mittendi in vineam Domini, publice concessa est in Ecclesia, cooptati fuerint, et adsciti in hoc opus.

XXIV. *De loquendo, in Ecclesia, lingua quam populus intelligit.*

LINGUA populo non intellecta, publicas in Ecclesia preces peragere aut Sacramenta administrare, verbo Dei, et primitivæ Ecclesiæ consuetudini plane repugnat.

XXV. *De Sacramentis.*

SACRAMENTA a Christo instituta, non tantum sunt notæ professionis Christianorum, sed certa quædam potius testimonia, et efficacia signa gratiæ atque bonæ in nos voluntatis Dei, per quæ invisibiliter ipse in nos operatur, nostramque fidem in se non solum excitat, verum etiam confirmat.

Duo a Christo Domino nostro in Evangelio instituta sunt Sacramenta ; scilicet, Baptismus, et Cœna Domini.

Quinque illa vulgo nominata Sacramenta ; scilicet, Confirmatio, Pœnitentia, Ordo, Matrimonium, et Extrema Unctio, pro Sacramentis Evangelicis habenda non sunt ; ut quæ, partim a prava Apostolorum imitatione profluxerunt, partim vitæ status sunt in Scripturis quidem probati, sed Sacramentorum eandem cum Baptismo et Cœna Domini rationem non habentes, ut quæ signum aliquod visibile, seu cæremoniam, a Deo institutam non habeant.

Sacramenta non in hoc instituta sunt a Christo, ut spectarentur, aut circumferrentur, sed ut rite illis uteremur, et in his duntaxat qui digne percipiunt salutarem habent effectum : qui vero indigne percipiunt, damnationem (ut inquit Paulus) sibi ipsis acquirunt.

XXVI. *De vi institutionum divinarum, quod eam non tollat malitia ministrorum.*

QUAMVIS in Ecclesia visibili, bonis mali semper sunt admixti, atque interdum ministerio Verbi et Sacramentorum administrationi præfint; tamen cum non suo, sed Christi nomine agant, ejusque mandato, et auctoritate ministrant, illorum ministerio uti licet, cum in verbo Dei audiendo, tum in Sacramentis percipiendis. Neque per illorum malitiam effectus institutorum Christi tollitur, aut gratia donorum Dei minuitur, quoad eos qui fide et rite sibi oblata percipiunt; quæ propter institutionem Christi et promissionem efficacia sunt, licet per malos administrantur.

Ad Ecclesiæ tamen disciplinam pertinet, ut in malos ministros inquiratur, accusenturque ab his, qui eorum flagitia noverint, atque tandem justo convicti judicio deponantur.

XXVII. *De Baptismo.*

BAPTISMUS non est tantum professionis signum, ac discriminis nota, qua Christiani a non Christianis discernantur, sed etiam est signum regenerationis, per quod, tanquam per instrumentum, recte Baptismum suscipientes, Ecclesiæ inferuntur; promissiones de remissione peccatorum, atque adoptione nostra in filios Dei per Spiritum sanctum visibiliter obfirmantur; fides confirmatur; et vi divinæ invocationis gratia augetur.

Baptismus parvulorum omnino in Ecclesia retinendus est, ut qui cum Christi institutione optime congruat.

XXVIII. De Cœna Domini.

COENA Domini non est tantum signum mutuæ benevolentiae Christianorum inter sese, verum potius est Sacramentum nostræ per mortem Christi redemptionis.

Atque adeo, rite, dignè, et cum fide sumentibus, panis quem frangimus est communicatio corporis Christi: similiter poculum benedictionis est communicatio sanguinis Christi.

Panis et vini transubstantiatio in Eucharistia ex sacris literis probari non potest: sed apertis Scripturæ verbis adversatur; Sacramenti naturam evertit; et multarum superstitionum dedit occasionem.

Corpus Christi datur, accipitur, et manducatur in Cœna, tantum cœlesti et spiritali ratione: medium autem, quo corpus Christi accipitur et manducatur in Cœna, fides est.

Sacramentum Eucharistiæ ex institutione Christi non servabatur, circumferebatur, elevabatur, nec adorabatur.

XXIX. De manducatione corporis Christi, et impios illud non manducare.

IMPII, et fide viva destituti, licet carnaliter, et visibiliter (ut Augustinus loquitur) corporis et sanguinis Christi Sacramentum dentibus premant, nullo tamen modo Christi participes efficiuntur: sed potius tantæ rei Sacramentum, seu Symbolum, ad iudicium sibi manducant et bibunt.

XXX. De utraque specie.

CALIX Domini laicis non est denegandus, utraque enim pars Dominici Sacramenti, ex

Christi institutione et præcepto, omnibus Christianis ex æquo administrari debet.

XXXI. *De unica Christi oblatione in cruce perfecta.*

OBLATIO Christi semel facta, perfecta est redemptio, propitiatio, et satisfactio pro omnibus peccatis totius mundi, tam originalibus, quam actualibus: neque præter illam unicam est ulla alia pro peccatis expiatio: unde missarum sacrificia, quibus, vulgo dicebatur, sacerdotem offerre Christum in remissionem pœnæ, aut culpæ, pro vivis et defunctis, blasphema figmenta sunt, et perniciosæ imposturæ.

XXXII. *De conjugio Sacerdotum.*

EPISCOPIS, Presbyteris, et Diaconis nullo mandato divino præceptum est, ut aut cœlibatum voveant, aut a matrimonio abstineant. Licet igitur etiam illis ut cæteris omnibus Christianis, ubi hoc ad pietatem magis facere judicaverint, pro suo arbitrato matrimonium contrahere.

XXXIII. *De excommunicatis vitandis.*

QUI per publicam Ecclesiæ denunciationem rite ab unitate Ecclesiæ præcisus est et excommunicatus, is ab universa fidelium multitudine (donec per pœnitentiam publice reconciliatus fuerit arbitrio judicis competentis) habendus est tanquam ethnicus et publicanus.

XXXIV. *De traditionibus Ecclesiasticis.*

TRADITIONES atque cæremonias easdem, non omnino necessarium est, esse ubique, aut prorsus consimiles. Nam ut variæ semper fu-

erunt, et mutari possunt, pro regionum, temporum, et morum diversitate, modo nihil contra verbum Dei instituat.

Traditiones, et cæremonias Ecclesiasticas, quæ cum verbo Dei non pugnant, et sunt auctoritate publica institutæ atque probatæ, quisquis privato consilio volens, et data opera, publice violaverit, is, ut qui peccat in publicum ordinem Ecclesiæ, quique lædit auctoritatem Magistratus, et qui infirmorum fratrum conscientias vulnerat, publice, ut cæteri timeant, arguendus est.

Quælibet Ecclesia particularis, five nationalis, auctoritatem habet instituendi, mutandi, aut abrogandi cæremonias, aut ritus Ecclesiasticos, humana tantum auctoritate institutos, modo omnia ad ædificationem fiant.

XXXV. *De Homiliis.*

TOMUS secundus homiliarum, quarum singulos titulos huic articulo subjunximus, continet piam et salutarem doctrinam, et his temporibus necessariam, non minus quam prior tomus homiliarum, quæ editæ sunt tempore Edvardi Sexti. Itaque eas in Ecclesiis per ministros diligenter et clare, ut a populo intelligi possint, recitandas esse judicavimus.

De nominibus homiliarum.

Of the right use of the Church.

Against peril of idolatry.

Of repairing and keeping clean of Churches.

Of good works.

First, of fasting.

Against gluttony and drunkenness.

Against excess in apparel.

Of prayer.

Of the place and time of prayer.

That common prayers and sacraments ought to be ministered in a known tongue.

Of the reverent estimation of God's word.

Of alms doing.

Of the nativity of Christ.

Of the passion of Christ.

Of the resurrection of Christ.

Of the worthy receiving of the sacrament of the body and blood of Christ.

Of the gifts of the Holy Ghost.

Of the Rogation-days.

Of the state of matrimony.

Of repentance.

Against idleness.

Against rebellion.

XXXVI. *De Episcoporum et Ministrorum consecratione.*

LIBELLUS de consecratione Archiepiscoporum, et Episcoporum, et de ordinatione Presbyterorum et Diaconorum, editus nuper temporibus Edvardi VI. et auctoritate Parliamenti illis ipsis temporibus confirmatus, omnia ad ejusmodi consecrationem et ordinationem necessaria continet, et nihil habet, quod ex se fit, aut superstitiosum, aut impium: itaque quicumque juxta ritus illius libri consecrati aut ordinati sunt, ab anno secundo prædicti Regis Edvardi, usque ad hoc tempus, aut in posterum juxta eisdem ritus consecrabitur, aut ordinabitur, rite atque ordine, atque legitime statuimus esse, et fore consecratos et ordinatos.

XXXVII. *De civilibus Magistratibus.*

REGIA Majestas in hoc Angliæ regno, ac cæteris ejus dominiis, summam habet potestatem, ad quam omnium statuum hujus regni, five illi Ecclesiastici sint, five Civiles, in omnibus causis, suprema gubernatio pertinet, et nulli externæ jurisdictioni est subjecta, nec esse debet.

Cum Regiæ Majestati summam gubernationem tribuimus, quibus titulis intelligimus animos quorundam calumniatorum offendi, non damus Regibus nostris, aut Verbi Dei, aut Sacramentorum administrationem, quod etiam injunctiones ab Elizabetha Regina nostra, nuper editæ, apertissime testantur; sed eam tantum prærogativam, quam in Sacris Scripturis a Deo ipso, omnibus piis principibus, videmus semper fuisse attributam; hoc est, ut omnes status atque ordines fidei suæ a Deo commissos, five illi Ecclesiastici sint, five Civiles, in officio contineant, et contumaces ac delinquentes gladio civili coerceant.

Romanus Pontifex nullam habet jurisdictionem in hoc regno Angliæ.

Leges regni possunt Christianos propter capitalia, et gravia crimina, morte punire.

Christianis licet, ex mandato Magistratus, arma portare, et justa bella administrare.

XXXVIII. *De illicita bonorum communicatione.*

FACULTATES et bona Christianorum non sunt communia, quoad jus et possessionem, (ut quidam Anabaptistæ jactant,) debet tamen quisque de his quæ possidet, pro facultatum ra-

tione, pauperibus eleemosynas benigne distribuere.

XXXIX. *De jurejurando.*

QUEMADMODUM juramentum vanum et temerarium a Domino nostro Jesu Christo, et Apostolo ejus Jacobo, Christianis hominibus interdictum esse fatemur: ita Christianorum Religionem minime prohibere censemus, quin jubente Magistratu in causa fidei et charitatis jurare liceat, modo id fiat juxta Prophetæ doctrinam, in justitia, in judicio, et veritate.

Confirmatio Articulorum.

HIC liber antedictorum Articulorum jam denuo approbatus est; et per assensum et consensum Serenissimæ Reginae Elizabethæ Dominæ nostræ, Dei gratia Angliæ, Franciæ, et Hiberniæ Reginae, Defensoris Fidei &c. retinendus, et per totum regnum Angliæ exequendus. Qui Articuli, et lecti sunt, et denuo confirmati, subscriptione D. Archiepiscopi et Episcoporum superioris Domus, et totius Cleri inferioris Domus, in Convocatione, *A. D.* 1571.

Three Articles in the 36th Canon.

THAT the King's Majesty, under God, is the only supreme Governor of this realm, and of all other his Highness's dominions and countries, as well in all Spiritual or Ecclesiastical things or causes, as Temporal; and that no foreign prince, person, prelate, state, or potentate hath, or ought to have, any jurisdiction, power, superiority, pre-eminence, or authority, Ecclesiastical or Spiritual, within his Majesty's said realms, dominions, and countries.

II. That the Book of Common Prayer, and of ordering of Bishops, Priests, and Deacons, containeth in it nothing contrary to the Word of God, and that it may lawfully so be used; and that I myself will use the form in the said Book prescribed, in public Prayer, and administration of the Sacraments, and none other.

III. That I allow the Book of Articles of Religion agreed upon by the Archbishops and Bishops of both provinces, and the whole Clergy in the Convocation holden at London in the year of our Lord God one thousand five hundred sixty and two; and that I acknowledge all and every the Articles therein contained, being in number nine and thirty, besides the Ratification, to be agreeable to the Word of God.

The Oath of Allegiance.

I *A. B.* do sincerely promise and swear, That I will be faithful, and bear true allegiance to his Majesty King *George*.

So help me God, &c.

The Oath of Supremacy.

I *A. B.* do swear, That I do from my heart abhor, detest, and abjure, as impious and heretical, that damnable doctrine and position, *That Princes excommunicated or deprived by the Pope, or any authority of the See of Rome, may be deposed or murdered by their subjects, or any other whatsoever.*

And I do declare, that no foreign prince, person, prelate, state, or potentate hath, or ought to have, any jurisdiction, power, superiority, pre-eminence, or authority, Ecclesiastical or Spiritual, within this realm.

So help me God, &c.

The Oath at the Matriculation of a Scholar.

TU fidem dabis ad observandum omnia Statuta, Privilegia, et Consuetudines hujus Universitatis *Oxon.* Ita Deus te adjuvet, tactis Sacro-Sanctis Christi Evangeliiis.

The Oath at the Matriculation of a Privileged Person.

YOU shall swear to observe all Statutes, Privileges, and Customs of this University. So help you God.


You shall farther swear, that you will never sue in any Cause of yours before the Mayor and Bayliffs of this town : nor answer before them as your judge, so long as you continue to enjoy the privileges of this Univerfity.

Vide Tit. 9. §. 3.

PRÆSENTANDI

Intra triduum antequam præsententur legere, vel alio legente audire, tenentur;

Art.	{ Bac. }	6	1.	26	120	35.
	{ Inc. }	6	1.	3	111	41.
Mufic.	{ Bac. }	6	3.	1, 3	121 pag.	41, 47.
	{ Inc. }	6	3.	3, 4	122 pag.	42.
Jur. Civ.	{ Bac. }	6	4.	1, 3	123 pag.	43, 44.
	{ Inc. }	6	4.	3, 4	124	44, 45.
Medic.	{ Bac. }	6	5.	1, 3	126 pag.	46, 47.
	{ Inc. }	6	5.	3, 4	127 pag.	47, 48.
Theol.	{ Bac. }	6	6.	1, 3	127 pag.	48, 49.
	{ Inc. }	6	6.	3, 4	128	49, 50.
Univerfi.	— Tit. 6. Sect. 7.	—	—	—	—	Pag. 50, 51.



Vide Tit. 9. §. 3.

PRÆSENTANDI

Intra triduum antequam præsententur legere, vel alio legente audire, tenentur;

Art.	{ Bac. }	{ 6. }	{ Pag. }	{ 26 }	{ 120 ^{ed} }	{ 35. }
	{ Inc. }	{ 6. }	{ }	{ 3. }	{ 111 }	{ 41. }
Mufic.	{ Bac. }	{ 6. }	{ \$ }	{ 1, 3, 4. }	{ 122 pag. }	{ 41, 42. }
	{ Inc. }	{ 6. }	{ \$ }	{ 1, 3, 4. }	{ 123 pag. }	{ 42. }
Jur. Civ.	{ Bac. }	{ 6. }	{ \$ }	{ 1, 3, 4. }	{ 124 pag. }	{ 43, 44. }
	{ Inc. }	{ 6. }	{ \$ }	{ 1, 3, 4. }	{ 125 pag. }	{ 44, 45. }
Medic.	{ Bac. }	{ 6. }	{ \$ }	{ 1, 3, 4. }	{ 126 pag. }	{ 46, 47. }
	{ Inc. }	{ 6. }	{ \$ }	{ 1, 3, 4. }	{ 127 pag. }	{ 47, 48. }
Theol.	{ Bac. }	{ 6. }	{ \$ }	{ 1, 3, 4. }	{ 128 pag. }	{ 48, 49. }
	{ Inc. }	{ 6. }	{ \$ }	{ 3, 4. }	{ 129 pag. }	{ 49, 50. }

Univerfi. — Tit. 6. Sect. 7. — Pag. 50, 51.

